

Wedau Mark



The Gospel of Mark in the Wedau Language of Papua New Guinea

Wedau Mark
The Gospel of Mark in the Wedau Language of Papua New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 11 Nov 2022 from source files dated 9 Oct 2020

aa19f3e3-98fb-51fa-9c53-3906edc75f11

Contents

FRT	1
INT	2
Genesis - Karena	3
Exodus - Oputawanana	24
Leviticus - Levi ai kaua	39
Numbers - Au Mutulua	41
Deuteronomy - Tarawatu Viruaina	47
Joshua	51
Judges - Taurauetara	53
1 Samuel	54
Samuel Viruaina	62
1 Kings - Gulagulau Naona	65
2 Kings - Gulagulau Viruaina	75
Chronicles Viruaina	81
Ezra	82
Nehemiah	83
Job	84
Psalm - Wela ma Pari	88
Proverbs - Nuaulaula Riwai	97
Ecclesiastes - Tauviararamana	101
Isaiah	106
Jeremiah	117
Lamentation	121
Ezekiel	123
Daniel	125
Hosea	126
Amos	127
Jonah	128
Micah	131
Zechariah	132
Mark	133
Apasol	158

**Buka Vivivireina
Parivainuāgana Wadubona Ĝuta Vinevine
ma
Mark ma Acts**

**Translation of The Gospel of Mark and Acts in the Wedau
language,
Milne Bay Provins, Papua New Guinea.**

**Buka Vivivireina
Parivainuāgana Wadubona Ĝuta Vinevine ma Mark ma Acts**

**Translation of The Gospel of Mark and Acts in the Wedau language,
Milne Bay Provins, Papua New Guinea**

© VITAL/SIL PNG 2010

Milne Bay Province
Papua New Guinea.
Printed in Ukarumpa.
2016, 700 Printed
wed
ISBN 9980 0 3979 5

© Wycliffe Bible Translators 2016

Illustrations:

By Horace Knowles and are used by permission of
© The British and Foreign Bible Society, 1954, 1967, 1972
Additions and amendments by Louise Bass
© The British and Foreign Bible Society, 1994
© VITAL/SIL PNG 2010

*Translation of The Gospel of Mark in the Wedau language,
Milne Bay Provinz,
Papua New Guinea.*

Printed in Ukarumpa.

Preface - Pariverena

Nature & Purpose of book
Translation principles
Text followed
Orthography
Name location & number of speakers

Genesis Karena Pariverena

Wei bukana e ririweta ma e viviegeta da menanarena mara ma dobu i tupuanei. Wei bukana maiteni e viviegeta da aiāi rava i kaei ma menanarena mai Israel i tupuanei. Kaua gaegai ruāga e viviegeta wei bukana au orana.

1. Kapita 1-11 e viviegeta da menanarena mara, dobu ma rava i kaei. E viviegeta da Adam ma Eve, Cain ma Abel, Noah ma ututuva ma numa ġegetelarana au Babel.
2. Kapita 12-50 e ririweta menanarena mai Israel i tupuanei. E viviegeta da Abraham natuna Isaac ma gogōna Jacob ma Jacob natunatuna 12 Israel noinoi.

Wei bukana taugirumana ega wavana ita viegeta. Wate tauviaramana ġelau e notanotai da Moses i girumi mai Israel aubaii da taui ita aramanei da God i vinei da Tauna ana rava, ma aiwai i kaei mai Israel aubaii. Au gunai wei bukana Moses i girumi madegħal 1,500 - 1,230 BC. - muriai Iesu i tupua.

Giruma reregħana

Virarautua wadubona

- God, mara ma dobu i kaei (1:1 - 2:3)
- God, oroto ma wavine i kaei (2:4, 7-9, 15-25)
- Apoapoe mena i vikareni (3:1-24, 4:1-12; 25-26)
- Noah ana virarautua (6:5-22; 7:1-5, 17, 23; 8:15-22; 9:1-15)
- Babel ana numa ġeġe dewadewana (11:1-9)

Mai Israel gogōgai

- Abraham, Isaac ma Jacob
 - God Abram i kwatuei (12:1-7)
 - Abram ma Lot i vilamonei (13:5-6, 8-1)
 - Abram, Lot i vai-melei (14:11-16)
 - Melkisedek, Abram i viaiaini (18-20)
 - God parivainuagħana bagibbagħina Abram maiteni i kaei (15:1-6, 12-16)
 - Sarai ma Hagar (16:1-3, 15)
 - God ana mataira terenana (17:1-21)
 - Nelara tonuġa i nei Abraham awarina (18:1-15)
 - Sodom ana virarautua (23; 19:1-7, 24-26)
 - Isaac i tupua (21:1-5)
 - Hagar ma natuna Ishmael i paritawanei (21:8-14)
 - God Abraham ana tumaġa i raudadani (22:1-19)
 - Esau ma Jacob i tupua (25:19-26)
 - Esau, natuevou ana buderi i verenei Jacob awarina (25:27-34)
 - God i parivainuagħana da Isaac ina viaiaini (26:1-6)
 - Isaac, Jacob i paritawanei Laban awarina (28:1-4)
 - Jacob ana rauboni au Bethel (28:10-22)
 - God, Jacob i viaiaini (35:9-15, 16-20, 22b-29)
- Joseph, tuatana maiteni ai virarautua (37:1-8, 12-35)
 - Joseph ana nola au Egypt (39:1-23)
 - Joseph, rava ai rauboni anoi i vieġei (40:1-23)
 - Pharaoh ana rauboni (41:1-16, 25-42, 45-49, 53-57)
 - Jacob natunatuna i paritawanei au Egypt (42:1-10, 21-23)
 - Joseph i vieġana-melei (45:4-11, 25-28)
 - Jacob, natunatuna ma gogōgħana maiteni i nae au Egypt (46:1-7, 28-30)
 - Jacob, Ephraim ma Manasseh i viaiaini (48:1-6, 13-21)
 - Jacob, Juda i viaiaini (49:8-10, 33)
 - Joseph, tuatuana i vinuqbaj (50:15-21)

BADA, mara ma dobu i kaei

- ¹ Au karena, God, mara ma dobu i vitupui. ² Dobu kwakwavina ma ega aiwai ita mamae. Gimtona, gabinou i purui. Ma God Aruana, gabinou au tepana i genagenara ġaira.
- ³ Ma God i riwa i pa, “Ina lalai!” Ma i lalai. ⁴ Ma lalalaina i ‘nanai da i ai. Ma lalalaina ma gimtona i vilamonei. ⁵ Ma lalaina i ġorei Marai ma gimtona i ġorei Au Pom. Ma au bigai i nae ma ubaubanai i nei, au pom tagogi.

- ⁶ Ma God i riwa i pa, "Parata mara au tepana ina mae da waira au tepana ma waira au gabaurina ina vilamonei." ⁷ Ma parata mara au tepana i terei da waira au dobu ma waira au mara i vilamonei. ⁸ Ma parata i ġorei Mara. Ma au biga i nae ma ubaubanai i nei, nai au pom viruaina.
- ⁹ Ma God i riwa, "Waira, mara au gabaurina, gabu au tagogi ona vitagogiemi ma doa alalana ina eġa." Ma nanare i tupua. ¹⁰ Ma doa alalana i ġorei, Dobu ma waira i vivitagogieia i ġorei, Boga. Ma i 'nanai da i ai.
- ¹¹ Anina ma God i riwa i pa, "Dobu, tam modu ma ai ma vigogoi, modu rarauanoi nununai ma ai rarauanoi nununai, ma peii ina gogo ma ina rauano me aloi nanare, ma nanare i tupua." ¹² Ma dobu, modu ma ai anatapui i vigogoi. Ma i 'nanai da i ai. ¹³ Au bigai i nae ma ubaubanai i nei, au pom vitonuina.
- ¹⁴ Ma God i riwa i pa, "Aniravilala au mara ina mae da marai ma waguvvara ina vilamonei, ma iri ina vieġeta ma nanare mara ma borima.* ¹⁵ Ma taui, mara ina ravilalai da lalaina dobu īna verei." Ma nanare i mae. ¹⁶ Ma aniravilala ġaġġaei ruāġa i kaei, voġaġġena marai i vibadei ma voaburuna waguvvara i vibadei ma ubona maiteni i kaei.
- ¹⁷ Aniravilala au mara i terei da dobu ita ravilalai ¹⁸ da marai ma waguvvara ita vibadei ma lalalaina ma waguvvara ita vilamonei. Ma i 'nanai da i ai. ¹⁹ Ma au bigai i nae ma ubaubanai i nei, au pom vi-four-na.
- ²⁰ Ma God i riwa i pa, "Sia ma lawalawai anatapui waira ona vioai ma kiu ona tupua ma ona lave au aidamo." ²¹ Ma sia ġaġġae ma sia tapuna ma tapuna, boga au orana maemaei ma kiu tapuna ma tapuna maiteni i vitupui. Ma God, i 'nanai da i ai. ²² I viaiaini ma i riwa i pa, "Ona vinatuna ma ona vimaġġaimi da boga ona vioai ma kiu ona vinatuna da ona maġa au dobu." ²³ Ma au bigai i nae ma ubaubanai i nei, au pom vi-five-na.
- ²⁴ Ma God i riwa i pa, "Doa, ġamōġamo nununai ma vitupui, ġamōġamo maramaraġamai ma ġamōġamo moduei, ma ġamōġamo tetetei ma ina vinatuna da me taui nanare." Ma nanare i tupua. ²⁵ Ġamōġamo nununai anatapui i vitupui ma taui ina vinatuna da me taui nanare. Ma i 'nanai da i ai.
- ²⁶ Anina ma God i riwa i pa, "Marina, rava tana kaei me tauta ma ai kaua tauta nanare. Ma taui sia ma kiu ma ġamōġamo anatapui au dobu ina vibadei, ġamōġamo maramaraġamai ma ġamōġamo moduei, ġaġġaei ma muomuoī."

²⁷*Ma God, rava i kaei

Anina ma oroto ma wavine i kaei,
me tauna nanare.

- ²⁸ Rava i viaiaini ma i riwei i pa, "Ona vinatuna ma ona vimaġġaimi da dobu ona vioai ma dobu ona vibadei. Taumi, sia, kiu ma aiwai anatapui au doa tetetei ona vibadei.
- ²⁹ Lam, modu anoi ma ai uana a vereveremi ami lam. ³⁰ Ma ġamōġamo moduei ma kiu ma ġamōġamo nununai anatapui aubai; ai rugurugu a vereverei ai lam." Ma nanare i mae.
- ³¹ Aiwai anatapui i kaukaueia i 'nanai da i ai kaua ma i vinuiai. Ma au bigai i nae ma ubaubanai i nei, aupom vi-six-na.

2

¹ Ma nanare God mara ma dobu ma anataputapuna au orana i vitupui.

²*God ana nola i vorovei ma mara au vi-seven-na i vilauvitau. ³Ana nola i vikwai ma lamna aubaina God wei marana vi-seven-na i viaiaini ma i vovivirei.

Oroto ma Wavine

⁴Wei lamna mara ma dobu ana virarautua. Menanare BADA God mara ma dobu i vitupui.

⁷ Ma BADA * God doa pokauna i vaia ma oroto i voai ma lavutu lawalawaina au giaganana i uveni ma oroto† i lawana.

⁸ Ma BADA God peipei Eden i paewi au maramatanei ma kampa orotona i vivitupua i terei da i mae. ⁹ Ma BADA God ai inanana aiaina ma uana amna aiaina anatapui i paewi ma peipei au pouna ai vinevinei ruāġa i gogo. Ai tagogi uana lamna lawana tauvereina ma ai ġelauna uana lamna nota rava ina verei da metauna aiaina ma metauna apoapoenia.

¹⁵ Ma BADA God oroto au peipei Eden i terei da ita nolei ma ita paini. ¹⁶ Ma BADA God riwa bagibaginei i riwei i pa, "Ai uana anatapui au peipei am ġoanei ma ani. ¹⁷ Wate a viviġaem

* **1:14:** Eng. Year, Madeġa tagogi. † **1:27:** Mrk 10:6 ♀ **2:2:** Exo 20:11 * **2:7:** Yahweh bo Jehovah Exo 3:13-15.

† **2:7:** ... doa pokauna i vaia ma oroto Pona Hebrew oroto lamna Adam, ma doa lamna adamah.

da nota aiaii ma nota apoapoei aina uana ega ma ani! Mepa da u ani, tam nai au marana ma irage!"

¹⁸ BADA God i riwi i pa, "Oroto ainelana e mamae ma lamna ega ita ai. Ana tauagu ana kaei da ina voagui."

¹⁹ Ma BADA God doa pokauna i vaia ma gamogamo anatapui ma kiu anatapui i kauei. Ma tauri i neia oroto awarina da ita viwawai. Ma oroto aiwai i viwawai, nanare ai wava i mae.

²⁰ Ma oroto kiu ma gamogamo maramaraagamai ma moduei, wava i verei. Wate Adam ega ana tauagu ita nelagai da ita voagui.

²¹ Ma BADA God oroto i kaei da i matave ma maranaina i raunuavuru kaua, torotorona tagogi i votawanei ma vioa i pota-melei ana au gabu. ²² Ma BADA God oroto torotoronei wavine i kaei ma wavinena i neia oroto awarina.

²³ Anina ma oroto i auepai ma i riwa,

"Ee wei tauna! Marina gelama tau gelamiae
ma vioa tauvioauei,

wei tauna awariu i votawanei,

lamna aubaina, ana gorei *Wavine*.[‡]

²⁴ *Ma nanare i tupua ma lamna aubaina oroto, amana ma alona e vovoterei ma awana maiteni e vivitagogiei.

²⁵ Oroto awana maiteni, ana kovakovai, wate ega ita vinimala.

3

Apoapoe mena i vikarenei

Maranai God mara ma dobu i vitupui, aiwai anatapui i ai kaua ma rava aiaii. Wei virarauta-ana lamna menanare apoapoei au dobu i rui.

¹ Anina ma mota lamna terevaidega kaukauana ega me gamogamo gelaui i kaukauei nanare. Ma mota wavine i paridadanai i pa, "Riwa kaua bo ega da God i riwem da ega ai uana au peipei ma ani."

² Ma wavine i paribelei i pa, "Tauai ai uana peipei au orana ana ani. ³ Wate God i riwa da peipei au pouna, ai uana ega ana ani bo ana vodadani. Mepa da ana ani bo ana vodadani lamna ana irage."

⁴ Ma mota wavine i paribelei, "Egatenil! Amapo ega ma irage. ⁵ Nai maranai u ani, matam ina vikalai me God nanare ma aiaina ma apoapoena ona aramanai. Ma God i aramanai, lamna aubaina i viigaem da avena ma ani."

⁶ Ma wavine i 'nana da ai uana aniam aiaina ma inanana i ai kaua, ma i goei da ita ani da nuaulaula ita vaini, lamna aubaina tauna ai uana i vaia da i ani. Ma gelauna awana au ririvana i mamae i verei da i ani. ⁷ Ma matai i kala ma i aramanai da taui ana kovakovai, lamna aubaina ai bawara rugurugui i vaia da i vaturi da tupuai i tere-gagari.

⁸ Au biga ubana i opuopu ma taui i nonori BADA God au peipei i bababara nae. Ma oroto awana maiteni ai au orai BADA God i raugovaagei. ⁹ Wate BADA God oroto i kwatuei i pa, "Tam mepa?"

¹⁰ Tauna i paribelei i pa, "A nonorim au peipei ma tau ana kovakovau aubaina a rovo da a raugovagem."

¹¹ Ma BADA God i riwi i pa, "Aiai i riwem da tam ana kovakovam? Ai uana a viigaem da avena uta ani, ma u ani bo?"

¹² Ma oroto i paribelei i pa, "Wavine u verevereu, tauna ai uana i vereu da a ani."

¹³ BADA God wavine i riwei i pa, "Aiwai u kaei?"

Ma wavine i paribelei i pa, "Mota i moruui da a ani."

BADA, Rava ai kovoaga i vinolenolei

¹⁴ BADA God mota i riwei i pa, "Wei u kaei aubaina, kovoaga gaeagaena tam awarim, ega me gamogamo gelaui nanare, maramaraagamai ma moduei.

Manawamei ma matave-taitaina-nae
ma am lam doa ma ani
am mara au anatapuna.

¹⁵ Ana kaei da tam ma wavine ona viigavia nonoa,
ma am epaia ma wavine ana epaia ona viigavia.
Tauna kolam ina gwadii
ma tam ae karenai ma ani."

¹⁶ Ma wavine i riwa i pa:

[‡] 2:23: Au Hebrew pona oroto lamna ish ma wavine lamna ishah. * 2:24: Mrk 10:7-8

“Am nuabola ana viratai am au raumanawa,
ma am iniviaru ina rata am au vinatuna.
Tam u ġoei da awam uta vibadei,
wate tauna tam ina vibadem.”

¹⁷ Adam i riwei i pa,
“Ma tam awam ponana u rautaniġanei
ma ai uana a viviġaeia u ani,
Tam am kauelui doa u viapoapoeni.
Tam ma nola guratana ma inim ina viara da lam ma nelāġai, am mara au anatapuna.
¹⁸ Ma doa, donadona ma modu viganaganai ina vigogoi aubaim
ma tam ma ipi da ma am.
¹⁹ Tam polapolam ina toi
da lam ma nelāġai
ma nanare ma mae da ma nae me au doa.
Doa pokauna a vaia da tam a kauem
ma tam ma nae me doa au pokauna.”

²⁰ Oroto i aramanei da awana tauna rava anatapui aloi ma lamna aubaina i ġorei Eve.*

²¹ BADA God ġamoġamo opina i vaia da iniġaġara i kaei Adam† awana maiteni aubai ma ini i tere-ġaġari.

BADA, Adam ma Eve Edenei i viopuni

²² BADA God i riwa i pa, “Orotona aiaina ma apoapoeni i aramanei, tauna marina tauta nanare. Eġa tana voterei da urana ina vilolo-melei da lawana aina uana ina vaia da ina ani ma ina mae-nonoa.” ²³ Ma lamna aubaina peipeiei, oroto i viopuni da doa ita ipie. BADA, doei oroto i voai. ²⁴ Anina ma oroto i viāġaġana-opunei ma cherub† biāġa u peipei Eden au maramatanei i terei ma ana dabaruma araratana i terei da i nena e ma i nenei ma lawana aina etanaina e gagaglaoe.

4

Cain ma Abel

¹ Ma Adam awana Eve maiteni i matave ma i duama ma tevera orotona i tupua. Ma i riwa, “BADA ana aguei natu a vaia.” Lamna aubaina i ġorei “Cain.”* ² Ma muriai tevera orotona ġelauna i ġuni ma i ġorei “Abel.”†

Ma maranai taui i vilaraga, Abel tauna tauviġamoġamo ma Cain tauipi. ³ Mara tagogi Cain doa uana ġelaui i neiae da i puloei BADA awarina. ⁴ Wate Abel nanare sīpu natuevouii i vunu-niae ma sia monamonai i apui BADA awarina ana pulo. BADA Abel ma ana pulo i vinuiaeie. ⁵ Wate Cain ma ana pulo ega ita vinuiaeie. Ma lamna aubaina, Cain amlona i ġaġai ma naona i peu.

⁶ Anina ma BADA Cain i riwei i pa, “Aiwai aubaina amlom i ġaġai? Aiwai aubaina naom i peu? ⁷ Mepa da kaua aiaina uta kaei, lamna ata vinuiaeie awarim. Wate am nota da apoapoeni ma kaei, lamna ma aramanei da apoapoe am au metaeta e daradaraim da ina vovaiubaim. Wate tam ma virewapana da ma vovaiubai.”

⁸ Ma muriai Cain ana tevera Abel i riwei, i pa, “Tana nae, tana babara.” Ma maranai i ġeta au wapu, Cain i vomairi ma ana tevera Abel i vunui da i virāġeni.

⁹ Ma BADA Cain i paridadan i pa, “Am tevera Abel mepa?”

Ma Cain i paribelei, i pa, “Eġa atta aramanei! Tau au tevera taupainina bo?”

¹⁰ Ma BADA i riwa, i pa, “Aiwai u kaei? Am tevera tarana doei e kwatukwatu raubiwa aubaina. ¹¹ Lamna aubaina tam marina apoapoe awarim a tereterei. Am tevera tarana uramei au doa itoi da doa i matave ġaġari. ¹² Ma lamna aubaina maranai u ġoei da doa uta ipie, lamna uana ega ma nelāġai ma am animae ega. Tam ma babara labalababa.”

¹³ Cain BADA i riwei, i pa, “Au kovoġa i rata kaua ma ega tagotagogina da ana avarai! ¹⁴ Tam wei doanei e viviġapuni da naom ega ana inana-melei. Tau ana babara labalababa ma ega au animae. Ma rava ina nelāġai ma ina virāġeniu.”

¹⁵ Ma BADA i paribelei, i pa, “Eġal Aiai da i virāġenim, ana kovoġa ina rata guratana.” Ma ana mataira Cain awarina i terei da rava ita viġaei da tauna avena ita vunui, maranai i nelāġai.

* **3:20:** Eve Wei wavana nonorana me Hebrew ponanei lawana tauverena. † **3:21:** Au Hebrew ponana oroto lamna adamah lamna aubaina oroto i ġorei Adam. † **3:24:** Arua lawalawaii gabu vivivireina taupaini. Tagogi lamna cherub * **4:1:** Cain Wei wavana nonorana me Hebrew ponanei anona a vaia. † **4:2:** Abel Wei wavana nonorana me Hebrew ponanei anona lavutuna tupona.

²⁵ Adam awana maiteni i matave ma Eve natui ġelauna i ġuni. Eve i riwa, i pa, “Cain ana tevera Abel i virageni. Ma lamna aubaina God natu orotona i vereu da Abel i raviepaiai.” Ma i ġorei Seth. ‡

²⁶ Seth natuna orotona i tupua ma i ġorei Enosh. Ma nai marana, rava, BADA wavana vivivireina viborumana i vikarei.

6

Rava ai ġo'apoapoe

⁵ Ma BADA i 'nanai da rava anatapui au dobu ai ġo'apoapoe i rata kaua ma aiwai i viogatarei ma i vinua-notenotei anatapui apoapoei. ⁶ BADA i 'nanai ma orana i viara kaua ma i vinuabola da aiwai aubaina rava i kauei. ⁷ Ma BADA i riwa, “Tau rava a kaukaueia ana vipupui dobu au anatapuna ma nanare ġamōgamo ġaġeġi ma ġamōgamo au doa tetetei ma kiu au aidamo. Nuanuau i bola-kauei da taui a kauei.” ⁸ Wate BADA Noah i 'nanai ma i vinuiaeie.

Noah ana virarautua

⁹⁻¹⁰ Noah ma ana epaepaia ai virarautua wenanare.

Noah natunatum nelarai tonuġa: Shem, Ham ma Japheth. Noah ana ġo'apoapoe eġa, tauna ainelana rava aiaina eġa me aiai ġelauna nai au marana. Ma God maiteni i bababani nonoa ma ana au viaiaina i mamae.

¹¹ Rava ai ġo'apoapoei dobu i viapoapoeni God au matana ma vigaigaiawa dobu i oai. ¹² Ma God i 'nanai da rava ai ġo'apoapoe i rata kaua ma lawana apoapoena i maemaelei. ¹³ Ma God Noah i riwei, “Rava pupunana a vivinua-notenotei. Aubaina rava ai ġo'apoapoe dobu i oai, lamna aubaina rava ma dobu anatapuna ana vipupui. ¹⁴ Lamna aubaina a ġoie da wei ma kauei. Waga ġaġaena ai bagibaginei ma voai tam aubaim. Ma babalaraġi ma koltei au orana ma au doa ma pasi. ¹⁵ Wenanare ma voai. Waga ana manawa 140 mita ma ana dabora 22 mita ma ana gae 14 mita.* ¹⁶ Ma poewi ma gavogavo aburuna ma voterei poewa ma biribiri au poui, ive ma madęgħa aubaina. Ma au ririvana, metaeta ma terei. Ma vatar, au gaburina, au pouna ma au tepana ma voai.

¹⁷ —Ona rautaniġa! Tau marina ututuva ana paritawaneiāi au dobu ma aiwai anatapui lawalawai ina amo. ¹⁸ Wate marina tau parivinuāġana bagibagina ana kauei tam maiteni. Tam, awam, ma natunatum awawai maiteni au waga ona rui. ¹⁹⁻²⁰ Ma ġamōgamo anatapui, wavinena ma orotona ma vigerui, kiu, ma ġamōgamo au doa tetetei ruaruāġei ava ina rui da ina lawana. ²¹ Ma lam taputapunei ava ma vaia da taumi ma ġamōgamo aubaii.”

²² Ma God aiwai anatapuna i ririweia; Noah i kauei.

7

Ututuva i vikarei

¹ Ma BADA Noah i riwei, “Tam ainelam rava jijimanim au dobu wei au marana. Lamna aubaina tam ma am numa ravai anatapumi au waga ona geru. ² Ma BADA ġamōgamo i vianinei aniam ma pulo aubaina, ororotoi 7 ma waivinei 7 ma vaia. Ma BADA ġamōgamo eġa ita vianinei, orotona tagogi ma wavinena tagogi ma vaia. ³ Ma nanare kiu ma vaia, ororotoi 7 ma waivinei 7. Wei ma kauei da ġamōgamo da kiu anatapui lawalawai ina mae ma ina vinatuna. ⁴ Ma au pom 7 au murina ma garewa ana paritawaneiāi da mara 40 ma au pom 40 ina atuna. Ma aiwai au dobu a kaukaueia, e mamae ma e lavulavutu anatapui ina pupu.”

⁵ Anina ma BADA anatapuna i ririweia, Noah i kauei.

¹⁷ Ma au pom 40 au orana ututuva i rarata ma waga i tenam epa.

²³ Anina ma BADA anatapuna lawalawai au dobu i pupuna-pai, rava ma ġamōgamo ma kiu ma ġamōgamo tetetei, anatapui i viamoai. Noah ma taui aiavoi au waga i gerugeru, taui ava i lawana.

8

Ututuva damona

¹⁵ Ma God Noah i riwei i pa, ¹⁶ “Tam ma awam ma natunatum ana awawai waga ona oputawanei. ¹⁷ Ma ġamōgamo lawalawai anatapui ma taravaina-opunei, kiu anatapui, ġamōgamo au doa tetetei da ina vinatuna ma ina maġa da dobu ina vioai.”

‡ **4:25:** Seth Wei wavana nonorana me Hebrew ponanei anona i vereu. * **6:15:** Hebrew pona ana manawa 300 cubits ma ana dabora, 50 cubits ma ana gae 30 cubits.

¹⁸ Ma Noah awana ma natunatuna ma awawai waga i opu-tawanei. ¹⁹ Ma ġamoġamo anatapui, kiu ma ġamoġamo ġelaui au doa tetetei, ai au dam nununai nanare waga i opu-tawanei.

²⁰ Ma Noah pulo aniapuna i voai BADA awarina ma ġamoġamo aiaii, kiu aiaii tagotagogi ava taputapuna i apui pulo aniapuna au tepana. ²¹ Ma maranai BADA pulo ġabuna i laġoni ma au nuanuana i pa, “A aramanei da rava melamelaiei ai nota i apoapoe. Wate dobu ega ana viapoapoeni ma ega melanai lawalawai anatapui ana pupuna-melei me a kaei nanare. ²² Ma maranai dobu e mamae paewa ma tuaruta, ubauba ma vibola, bodu ma omra, garewa ma madegħa, maratom ma au pom, ina mae-nonoa ma ega ina kwa.”

9

BADA ana Parivainuaġana bagibagina Noah maiteni i kaei

¹ *Ma God Noah natunatuna maiteni i viaiaini ma i riwei i pa, “Ona vinatuna ma ona vimaġaimi da dobu ona vioai. ² Ana kaei da ġamoġamo ġaegħei ma ġamoġamo tetetei, iana ma kiu, anatapui ina rovoemi. Ma au urami ana terei da ona vibadei. ³ Aiwai anatapui lawalawai ami aniam. Modu anoi ma ai uana a veremi, wate marina aiwai anatapuna a reveremni ami aniam.

⁴*—Wate vioa taratarana ega ona ani, aubaina tara au orana lawana e mamae, ona voterei da tarana ina toi tawananma muriae ona ani. ⁵ Ma mepa da ġamoġamo rava i viraġeni. Tau ana raubiwa, wate nanare rava, rava turana i viraġeni. Tau ana raubiwa.

⁶*Tau rava a kaei me tau inanau nanare, ma lamna aubaina Rava aiai i viraġena, rava ġelauna tauna ina viraġeni.

⁷*Ma tam natunatum ina maġa da am epaepaia dobu ina maena-pai.”

⁸ Ma God Noah natunatuna maiteni i riwei i pa, ⁹“Ona rautaniġana wei marina, Tau au parivainuaġana bagibagina taumi ami epaepaia maiteni a kaukuei. ¹⁰ Ma ġamoġamo lawalawai anatapuna, kiu ma ġamoġamo numei ma moduei ma anatapui wagei i opopu, ma ġamoġamo anatapui muriae au dobu ina mae. ¹¹ Wei riwaniei au parivainuaġana bagibagina taumi maiteni a terei da ega melanai ututuva ġelauna ana paritawanana-melei au dobu da purapura lawalawai ina vipupui.”

¹² Ma God i riwa, “Parivainuaġana bagibagina a kaukuei taumi ma anatapui lawalawai maiteni anatapui muriae e nenei. Wei parivainuaġana matairana wenanare: ¹³ Warilolo au apau ana terei da ina vimateira da tau au parivainuaġana bagibagina a terei tau ma taumi ma anatapui lawalawai au dobu maemaei. ¹⁴ Maranai mara e ġuvaġuvai ma warilolo au apau e egaega, ¹⁵ lamna ina vieġeu da au parivainuaġana bagibagina tau ma taumi ma anatapui lawalawai au dobu. Ma ega melanai ututuva lawana ina vipupui.”

11

Babel ana numa ġeġe dewadewana

¹ Au naona rava anatapui au dobu pona tagogi ma riwa tagogina i babbanie. ² Nai maranai rava i vaġavāgħi nae au maramatanei ma wapu au ġaegħena i ġeta au Shinar * ma kampa i mae.

³ Ma i babani vivira i pa, “Ona nei, doa tana vaia ma brik tana pasi ma tana apui da ina bagibagi.” Ma nanare ai numa brikie i voai ma koltei i ampasi. ⁴ Ma taui i riwa, “Ona nei melagħi ġaegħena tana voai tauta aubaita ma numa ġeġe dewadewana tana voai da ina ġae au mara da wavata tana kauie ma ega tana vilamoneta dobu au anatapuna.”

⁵ Anina ma BADA i ġairai da ravai melagħi ġaegħena ma numa ġeġe dewadewana i voavoa ita inanai. ⁶ Ma BADA i riwa i pa, “Wei taui rava tagogi ma pona tagogina e babbanie. Wei lamna karena, aburuna ava aiwai ai au nota anatapuna ina kauana-paiei. ⁷ Ona neitana ġaira da noi ravai ai pona tana vinua-raġaragħi ma ina babani labalababa.”

* **9:1:** Gen 1:28 * **9:4:** Lev 17:10-14 * **9:6:** Exo 20:13; Gen 1:26 * **9:7:** Gen 1:28 * **11:2:** Babilon au paratana.

8-9 Anina ma BADA rava anatapui ai pona i vinua-rağarağai ma i vilamonei dobu au anatapuna, lamna aubaina nai melagaina i ġorei Babel.[†] Ma melagai ġaegaena voana i voterei. BADA taui i vilamonei dobu au anatapuna.

12

BADA, Abram i kwatuei

¹♦BADA Abram i riwei i pa, “Am dobu, am rava ma amam ana dam ravai ma netawanei ma ma nae dobu ana viatataiem kampa ma mae.

² Ma am epaepaia ai dam ana viratai,
ma ana viaiainim,

ma ana kaei da wavam ina rata,
ma tamei viaiaina ina nei rava awarii.

³ Ma aiai i viaiainim, tau ana viaiaini,
ma aiai i parivai-apoapoenim, tauna ana parivai-apoapoeni,
ma tamei dam anatapui au dobu ana viaiaini.”

⁴⁻⁵ Ma BADA i rirweia nanare, Abram awana Sarai ma maiana Lot* Haran i opu-tawanei, Abram ana madeğä 75. Ai purapura, ai ġamoğamo ma ai laralaraga ma i vomairi Canaan aubaina. ⁶ I ġeta Canaan ana au parata ma i verautua da au gabu vinevinena, Shekem melagaina ġaegaena au ririvana. Ma kampa au Moreh[†] ai ġaegaena au ġouna i rauğaravu. (Nai maranaina mai Canaan, nai au dobuna i mamae.) ⁷♦Kampa BADA i viatataeana-melei ma i riwa i pa, “Wei dobuna Canaan am epaepaia ana verei.” Ma Abram pulo aniapuna, i voai BADA awarina ma pulo i apui. Mepa BADA i viatataeana-melei lamna au gabuna aniamapu i voai.

13

Abram ma Lot i vilamonei

⁵ Maranai Lot, Abram maiteni i vägavağai, Lot maiteni ana ġamoğamo mağamağai ma ana numa ravai ma ana tauvilaraga. ⁶ Ma taui ai ġamoğamo i mağä guratana ma gabu eğä tagotagogina da anatapui ita ġəmoi, ⁷a Ma lamna aubaina eğä tagotagogina da taui ita mae-gogona.

⁸ Anina ma Abram Lot i riwei i pa, “Ma rautaniğana, tauta tara tagogi ma eğä tana vipariparinigai ma ata taunola avena ita viğäigaawa vivira. ⁹ Weka tana vilamoneta ma ata naei tana nae. Doa au naota e inainanai. Metauna e ġoegoei ma nae ma kampa ma mae. Mepa da tam ma nae au oieno, tau ana nae au kelakela. Mepa da tam ma nae au kelakela, tau ana nae au oieno.”

¹⁰ Anina ma Lot matana i tawanei da waira Jordan wapuna ma Zoar melagaina au paratana. Ma i 'nanai da waira i mağä ma doa maumaurana me BADA ana peipei,* me doa maumaurana au Egypt. (Nai marana BADA eğä Sodom ma Gomorah ita vipupui.) ¹¹ Ma Lot waira Jordan wapuna i vinei tauna aubaina ma i nae au maramatanei. Taui nanare i vilamonei. ¹² Abram au Canaan i mae ma Lot Sodom au ririvana i mae. ¹³ Ma mai Sodom ai lawana i apoapoe kaua ma ġo'apoapoe i kaukauei BADA au matana.

¹⁴ Ma Lot Abram i netawanei ma muriae BADA Abram i riwei i pa, “Mepa u mamae lana, matam ma tawanei au lavaratei ma au rauanägei ma madeğä e gogolana ma mepa madeğä e neneulai. ¹⁵♦Dobu anatapuna e inainanai tam ma am epaepaia ana vere-nonoemi. ¹⁶ Ma am epaepaia ana kaei me doa pokauna ma aiai da pokau e iaiavi lamna am epaepaia tagotagogina ina iavi. ¹⁷ Dobuna anatapuna taumi a vereveremi, ma nae ma dobuna ana manawa ma ana dabora ma babarani.”

¹⁸ Ma nanare Abram ana numagara i naiei Mamre ana ai ġaegaena au ġereğerena au Hebron i mae ma kampa pulo aniapuna i voai ma pulo i apui BADA awarina.

14

Abram, Lot i vai-melei

¹¹⁻¹² Gulagulau 4 Sodom ma Gomorah ai purapura ma ai lam i kwalei. Abram maiana Lot au Sodom i mamae i vaia ma ana purapura maiteni i vaia ma i nae. ¹³ Abram tauna Hebrewei

† ^{11:8-9:} Babel Nonorana me Hebrew ponanei nuaragara. ♦ ^{12:1:} Act 7:2-3 * ^{12:4-5:} Abram ana tevera

Haran natuna Lot. † ^{12:6:} Mai Canaan weka ai god morumoruna i vimae-ġaegaeni. ♦ ^{12:7:} Act 7:5 * ^{13:10:}

Eden peipeina, Gen 2:8. ♦ ^{13:15:} Act 7:5

ma Mamre ana ai ġaegaena au ġeregerena i mamae. Ai taniwagana wavana Mamre tauna Amoriei, varevareina Eskol ma Aner. Anatapui Abram ana tauagu, ġavia au marana. Ma oroto tagogi ġavia i rovo-nae ma i ġeta Abram awarina ma i vibenabenamei.¹⁴ Ma maranai Abram i nonori da taui maiana Lot i vaia. Tauna ana sorodia vinevinei ana au melagai tuputupuai 318 i kwatuei. Ma ġavīgħavai i votaġoi da i ġae au Dan. *¹⁵ Waguvarai ana sorodia i ġutai ma ġavīgħavai i viaġaġei da Damaskas i verautuini da au Hobah i ġeta ma kampa i vovaiubai.¹⁶ Purapura anatapui i vai-melei. Maiana Lot ma ana purapura ma waivine ma rava ġelaui.

Melkisedek, Abram i viaiaini

¹⁸ Melkisedek tauna Salem[†] ai gulau ma God AIDAMO TELARANA ana pirisi pulo taua-puina. Palawa ma wine i neiai,¹⁹ ma Abram i viaiaini ma i pa,

“God AIDAMO TELARANA mara ma dobu taukaueina,
ina viaiainim.

²⁰ Ma God AIDAMO TELARANA am ġavia au uram i terei,
lamna aubaina tana voepaepai.”

Ma Abram aiwai ana sorodia maiteni i tami i vitagogiee da ġuta 10 i kaei. Ma ġuta tagogi i votawanei ma Melkisedek i verei.

15

BADA, Parivainuaġħana bagibagina Abram maiteni i kaei

¹ Ma muriai BADA Abram ana au rauboni i riwei i pa, “Abram eġa ma rovo. Tau am taugagħolo am pulo ġaegaena.”

²⁻³ Ma Abram i paribelei i pa, “Oo BADA God. Tau eġa natunatu, ma am pulo eġa ina voagħi. Tam eġa natu orotona uta vereu ma lamna aubaina au iraġe au murina, Eleasar au taunola Damaskasei au vigulau ina vaia.”

⁴ Anina ma BADA i riwana-melei i pa, “Eġal! Tauna am vigulau eġa ina vaia, wate natum orotona tamei ina tupua, tauna am vigulau ina vaia.”

⁵ Anina ma BADA tauna i taravaina-opunei au doa ma i riwei i pa, “Ma ġoutata au mara ma ubona ma inanai, mepa da tam tagotagogina da uta iavi. Lamna am epaepaia ina maġa me ubona nanare. Eġa aiai tagotagogina da ina iavi.”

⁶ Abram, BADA riwana i vitumaġġanei ma lamna aubaina BADA i riwa da Abram rava jijimanina.

¹² Ma maranai madeġa i neneulai ma Abram i matave-nuavuru kaua. Ma gimtona ma rovo ġaegaena i nei ma i purui. ¹³ *Ma BADA i riwei i pa, “Wei ma aramana-kauei! Am epaepaia ina vitaomana au dobu ġela ma kampa ina vitaunola. Ma dobuna ravai* tauri ina rau-ivipaopoei da madeġa 400 ina kwa. ¹⁴*Wate muriai tau nai dobuna ravai ana kovoġi ma am epaepaia ina vipurapura kaua ma ina nememēi. ¹⁵⁻¹⁶ Ma mai Amori[†] ai go'apoapoe ina rata guratana, ma nai maranainā ana kovoġi ma ana viaġaġħana-opunei wei au dobuna. Ma lamna aubaina am epaepaia eġa ina nei laġiġaqinai da kimta au vi-four-na. Wate tam, Abram ma magura kaua ma ana nuaubam ma iraġe ma ina doboim.”

16

Sarai ma Hagar

¹⁻³ Abram au Canaan i mae madeġa 10 i kwa, awana Sarai aipoi ma eġa ita vinatura. Sarai ana taunola wavinena Egyptei wavana Hagar. Ma Sarai Abram i riwei i pa, “BADA i viġaeu da eġa ata vinatura. Ma nae au taunola maiteni ma matave, mepa da ina vinatura, ma tevera ana vinatunei.” Abram, Sarai ponana i voteletelei ma Hagar i vaia ma i viawanei.

¹⁵ Ma Hagar i vinatura da Abram natuna orotona i tupua. Ma Abram, natuna i viwawai Ishmael.

* **14:14:** Lamna melagai ġaegaena au lavaratei Canaan ana parata au ġeregerena. † **14:18:** Jerusalem. * **15:13:** Exo 1:1-14; Act 7:6 * **15:13:** Mai Egypt. * **15:14:** Exo 12:40, 41; Act 7:7 † **15:15-16:** Nai maranai, mai Amori ma mai Canaan au dobuna Canaan i mamae.

17

BADA ana mataira terenana

¹ Maranai Abram ana madega 99 ma BADA i viegana-melei Abram awarina ma i riwei i pa, "Tau God VIVIREWAPANA KAUKAUANA." * Au naou ma babara ma kaua aiaina ava ma kaei²da nanare au Parivainuağana bagibagina ana vovai-virewapani tau ma tam awarita ma am dam ana vimaga-guratei."

³ Ma Abram i mae-ğaira au doa ma i raudune. Ma God Abram i riwei i pa, ⁴ "Tau au navanava au parivainuağana bagibagina tam maiteni wenanare: Ana kaei, da dam patarana mağamağau tam ina viamanem. ⁵ Ma marina wavam Abram, [†] ana terevirai da Abraham; [‡] aubaina marina ana kaei da dam patarana mağamağau ina viamanem. ⁶ Ma ana kaei da am epaepaia ina mağma am damei gülau mağamağau ina nei. ⁷ Au parivainuağana bagibagina ana vovai-virewapani, tau ma tam ma am epaepaia muriai e nenei da tau am God ma taui ai God. ⁸ *Canaan dobuna taputapuna marina e mamae-gubai, tam am epaepaia maiteni ana vere-nonoemi aubaimi ma tau, taui ai God."

⁹ Ma God Abraham i riwei i pa, "Ma au parivainuağana bagibagina, tam ma am epaepaia maiteni ona voteletelei. ¹⁰ *Wei taumi ami au navanava parivainuağana bagibagina ona voteletelei, ami nelara anatapui inii ina bori. ¹¹ Ma taumi inimi ona bori, lamna ata parivainuağana matairana. ¹² Roaroa melamelai nelarai i tupua ma au pom 8 au murina inii ona bori. Wei kauana ona kaei, natunatumi nelarai ma ami taunola natunatu nelarai ma nelara anatapui am au nume a vivitauola. ¹³ Riwa kaua, maranai roaroa nelarai i tupua am au dam bo maranai taunola o gimari, taui au mataira lamna inii ona bori. Lamna au parivainuağana matairana au tupuama ina mae-nonoa. ¹⁴ Wate aiai orotona nai matairana ega au tupuana, lamna au parivainuağana bagibagina i viaigai ma lamna aubaina tauna ina viravağela."

BADA, Sarai i parivainuağani

¹⁵ God Abraham i riwei i pa, "Awam ega ma şorei Sarai, wate ma şorei Sarah. § ¹⁶ Tau ana viaiaini ma natum orotona ina vitupui. Anina ma ana viaiaini da ina vidam ğaeğae aloi. Ma dam ai gulau mağamağau taunei ina opu."

¹⁷ Abraham i mae-peu ma i raudune ma i mutu-kaka ma au nuuanuana i pa, "Amapo oroto ana madega 100 ma ina vinatuna bo? Ma Sarah ana madega 90 ma ina vinatuna bo?" ¹⁸ Ma Abraham God i riwei i pa, "Ma Ishmael menanare, uta viaiaini bo ega?"

¹⁹ Wate God i riwa i pa, "Ega! Awam Sarah natum orotona ina vitupui ma ma viwawai Isaac.* Au parivainuağana bagibagina tauna awarina ma ana epaepaia awarri ina mae-nonoa. ²⁰ Ma Ishmael aubaina, am nuabola a nonori. Ana viaiaini ma natunatuna ana vimagai ma ana epaepaia ana vituai. Tauna dam 12 ai babada amai ma ana epaepaia ai dam ana vimagai. ²¹ Wate au parivainuağana bagibagina ana kaei Isaac maiteni. Ma wei marana nanare, madega ğelauna Sarah, Isaac ina vinatuei."

18

Nelara tonuğa i nei Abraham awarina.

¹ Au benai Abraham ana numagara au metaetana i kiakiala. ² I taepai ma nelara tonuğa i 'nanai i maimairi. Maranai i 'nananai i ruba da au naoi i mae-ğaira ma i raudune.

³ Ma i riwa i pa, "Au bada. Mepa da u notai da tau anina, ega ma tutelareu. ⁴ Waira ana neiai da aemii ana oğai ma ona vilavuitau ai au şouna. ⁵ Lam ana veremi da ina vovai-virewapani ma muriae ona vägai. Taumi o notai da o nei."

Taui i paribelei, "Anina u ririweia ma kaei."

⁶ Anina ma Abraham lağılägina i nae au numagara ma Sarah i riwei i pa, "Lağılägina, am palawa aiaina baikena ma vaia ma palawa ma apui."

⁷ Ma i ruba ma bulumakau orotona ğaubona i vaia da ana taunola i verei ma i yokaukauei.

⁸ Anina ma Palawa ma mereki ma merekili ravi taputapui ma sia i neiai taui awarri au ğou da i am ma tauna i mae-paini.

⁹ Taui i paridadana i pa, "Awam Sarah mepa?"

Tauna i paribelei i pa, "Tauna numagara au orana."

* **17:1:** God vivirewapani kaukauana. Hebrew El-Shaddai. † **17:5:** Abram. Wei wavana nonorana Hebrew ponaiei anona viwavalatonana. [‡] **17:5:** Abraham. Wei nonorana me Hebrewi anona dam mağamağau amai. [§] **17:8:** Act 7:5 [§] **17:10:** Act 7:8 [§] **17:15:** Sarai - Sarah: Wei wavai ruağan anoi wavalatona natuna wavinena. God Sarai wavana vouna i verei da ita viataataie i tauna dam ğaeğena aloi. *

17:19: Isaac. Wei wavana Hebrewi anona i kaka.

¹⁰ Taui tagogi Abraham i riwei i pa, "Riwa kaua da wei au marana nanare madega au gelauna ana nemememei, lamna awam Sarah tevera orotona ina ġuni."

Ma Sarah, ravai au muri numagara au metaetana, i rarautaniġana. ¹¹ Sarah ma Abraham i magura kaua ma Sarah ana vinatuna ana mara i kwa. ¹² Sarah i mutu-kaka ma i riwana-melei, "Tau ma awau a magura kaua ma au vinatuna ana mara i kwa. Ma amapo tagotagogina da duama ana morelaneli bo?"

¹³ BADA Abraham i paridadanei i pa, "Aiwai aubaina Sarah i kaka ma i riwa, 'Tau a magura kaua ma riwa kaua da ana vinatuna bo?' ¹⁴ Aiwai i piripiri guratana BADA au matana? Me a ririwem nanare, ana nemememei awarim wei marana nanare madega au gelauna ma awam Sarah tevera orotona ina ġuni."

¹⁵ Sarah i rovo ma i bovi ma i riwa i pa, "Tau ega ata kaka."

Tauna i paribelana i pa, "Ega! Tam u kaka."

Sodom ana virarautua

¹⁶ Maranai nelara tonuġa i vomairi da ita nae, Abraham taui maiteni i nae da au etanai ita tuterei. Ma taui i 'nana ġaira au Sodom, ¹⁷⁻¹⁹ ma BADA ana au nota i pa, "Aiwai marina ana kauie, ega ana tere-govaġi Abraham awarina. Abraham ana epaepaia ina vidam ġaġġena ma vivirewapanana ma taunei dam anatapui au dobu ana viaiaini. Tauna a vinei da natunatuna ina riwei ma taui natunatui ina riwei da BADA ana lawana ina votaġoġai da aiaina ma jijimanina, ina kaukauei da tau Abraham a paripari-vainuġanina ana kauei."

²⁰ Ma BADA Abraham i riwei, "Tau, vikaruwaġawaġa maġgamägħau a nonori da Sodom ma Gomorah melagħi ravai ai ġo-apoapoe i rata guratana. ²¹ A ġaġġira da ana inanai da wei vikaruwaġawagna riwa kaua bo ega."

²² BADA Abraham maiteni i maimairi ma nelara ruāġa i nae au Sodom. ²³ Abraham i nei BADA awarina ma i riwa i pa, "Riwa kaua da rava aiaii ma vipupi rava apoapoei maiteni? ²⁴ Mepa da rava aiaii 50 au melagħi, amapo melagħina ma vipupi bo? Ma rava 50 notaiei ma melagħina ega ma vipupi? ²⁵ Lamna ega ita ai, ma ega ma kauei. Tam ega rava aiaii ma virażeni rava apoapoei maiteni. Nai kauai e kaukauei rava aiaii awarri, kauana tagogina rava apoapoei awarri e kaukauei, eġġateni! Tam rava anatapui au dobu tauetareina ma ma etarana-kuelal tapa?"

²⁶ BADA i riwa i pa, "Mepa da rava 50 aiaii ana nelagħi au Sodom, dobuna ana voterei taui ai ġo'aiaiī aubaina."

²⁷ Abraham i paribelei i pa, "Au BADA tau am molaka, wate tau wei babanina a vikarei aubaina amapo ana paridadana me. ²⁸ Mepa da rava 50 aiaii ma 5 ina deġa, amapo melagħina ma vipupi bo?"

I riwa i pa, "Mepa da rava 45 kampa ana nelagħi lamna ega ana vipupi."

²⁹ Abraham i paridadana me i pa, "Mepa da rava aiaii 40 ava kampa u nelagħi?"

I riwa i pa, "Mepa da kampa 40, amapo ega ana kauei."

³⁰ Abraham i riwa i pa, "Au BADA, ega awariu ma ġaiawa ma vianineu da ana babani me, mepa da 30 ava kampa ma nelagħi?"

I riwa i pa, "Mepa da 30 ava ana nelagħi, amapo ega ana kauei."

³¹ Abraham i riwa i pa, "Tau wei babanina a vikarei, mepa da 20 ava kampa ma nelagħi?"

I riwa i pa, "Mepa da 20 ana nelagħi lamna, ega ana vipupi."

³² Abraham i riwa i pa, "Au BADA, ega awariu ma ġaiawa ma vianineu da mara tagogti ava ana babani me. Mepa da 10 kampa ma nelagħi?"

I riwa i pa, "Mepa da 10 ana nelagħi, amapo ega ana vipupi."

³³ Maranai BADA Abraham awarina i babani vorove, tauna i nae ma Abraham i nae ana au melagħi.

19

¹ Ma raviravial anela ruāġa au Sodom i ġeta, Lot melagħi au metaetana i kiakiala.* Maranai Lot taui i 'nħanai, i vomairi da i næe awarrii ma i raudune. ² Ma i riwa i pa, "Au babada, tau ami taunola a nei, ona nei au au numa. Aemi ona oħġai ma ona matave. Maratommotħi ona vomairi da ami au aninna ona næe."

Ma taui i paribelei i pa, "Ega! Tauai weka au deba ana matave."

³ Ma i riwana bagibagi da maiteni i nae ana au numa. Lot, palawa ega yist† maiteni i apui ma taui i am.

⁴ Ma ita matave ma mai Sodom nelarai laralaragħi ma magumaguri anatapui i nei da numa i kwaipipini,⁵ ma taui Lot i kwatwej i pa, "Nelara ruāġa wagħuvarai i nenei awarim, taui mepa? Ma opuneiħi awarrii da ana viawawanei."

* **19:1:** Melagħi, ġaimej i gar-i-kwawiviro; ma metaeta tagogti bo ruāġa i terererei. Weka i kiakiala gimara bo viboruboru ma i viviġatara. † **19:3:** Eng. Yeast.

⁶ Ma Lot i opu taui awarii ma au murina metaeta i gudu. ⁷ Ma i riwei i pa, “Au rava a vivibagaimi, ega wei kauai apoapoei ona kaei. ⁸ Ona rautaniganeu, tau natunatu waiyinei ruaga, taui matatapu. Ana opuneiawarimi da ami goana nanare ona kaei. Wei nelarai a neiai au numa lamna tau au taomana ma ega aiwai awarii ona kaei.”

⁹ Ma Sodom nelarai i paribelei i pa, “Ma maeria! Tam dobu gela ravam weka e mamae-gubai ma marina u goei da ma vibabada. Marina ana viapoapoen-audem ega me taui ruagal” Ma taui Lot au metaeta i dudu ratui da gudu ita rikai. ¹⁰ Wate nelara ruaga numa au orana urai i tere-opunei ma Lot i taina-ruei awarii ma metaeta i gudu. ¹¹ Ma nelara anatapui au metaeta matai i viaipotai mara tupona ava da ega tagotagogina metaeta ita inana.

12-13 Anina ma nelara ruaga Lot i riwei i pa, “Tauai marina wei dobuna ana pupuni. BADA, vikaruwaagawaaga magamaagaui i nonori wei melagaina ravai awarii ma Tauna, tauai i paritawanelai da dobuna ana pupuni. Am dam ravai gelauweka e mamae bo ega? Natunatum nelarai ma waiyinei ma poipoiam ma am rava aiavoi au melagai maemaei; ma taravaina-opunei!” ¹⁴ Ma Lot i opu natunatuna ai gopapara awarii ma i riwei i pa, “BADA marina dobuna ina pupuni. Lagilagina, wei dobuna ona oputawanei.” Ma taui i notai da tauna i vivinama.

¹⁵ Ma mara karea i terereti ma anela Lot i vivibagai da ita volgilagina. Ma i riwa i pa, “Ega ita ai da ma irage maranai BADA wei dobuna ina pupuni. Lagilagina awam ma natunatum maiteni ona opu.” ¹⁶ Wate Lot i tatavira. BADA i goei da Lot ita vilawani. Ma anela Lot awana maiteni ma natunatui urai i vojijini ma melagaiei i taravaina-opunei.

¹⁷ Maranai melagai i opu-tawanei ma anela tagogi taui i riwei i pa, “Ona ruba ami lawana aubaina! Ega au murimi ona inana ma ega au wapu ona tumairi dadana. Ola aubaina ona ruba da ami lawana ega ona vine-boai.”

²³ Ma madega i gogogo ma Lot ana numa ravai maiteni au melagai Zoar i geta.[‡]

²⁴ Lamna maranai BADA salpa araratana marei i paritawana gaireiai me garewa, Sodom ma Gomorah melagaii au tepai. § ²⁵ Ma melagaii, wapu, rava anatapui ma aiwai gogogoi i aragibui. ²⁶ Ma Lot awana i vivimuri, i mae-tavirei ma i ravi-taputapui.

²⁷ Ma ubaubanai boibogi Abraham i vomairi ma i nae mepa BADA maiteni i bababani lana. ²⁸ Ma i nana gaira Sodom ma Gomorah ma wapuna ana taputapuna ma kampa bau potopotona i 'nanai i gegae. ²⁹ Maranai God nai melagaii ma wapuna i pupuni, tauna Abraham ega ita notavai-nuavurui. Ma lamna aubaina God Lot i paritawana-opunei ma muriae nai melagaina i vipupui.

21

Isaac i tupua

¹ Ma BADA Sarah i viaaini ma i paripari-vainuagani nanare i kaei. ² Ma God mara i vinevineia nanare, Sarah i duama ma i vinatuna. Natuna orotona i tupua, Abraham i magura ma natuna i tupua. ³ Abraham natuna i viwawai Isaac. ⁴ *Ma au pom 8 au murina Abraham natuna inina i bori me God i ririweia nanare. ⁵ Abraham ana madega 100 maranai wei kauai i tupua.

Abraham, Hagar ma natuna Ishmael i paritawanei

⁸ Isaac i rata ma i viedai ma Abraham lam gaegeena i vokaukauei ma i am gogona. ⁹ Ma Sarah Ishmael i 'nanai Isaac i vivinamei. Ishmael lamna Abraham natuna gelauna, ana taunola Hagar Egyptei i gunigunia. ¹⁰ Ma Sarah Abraham i riwei, “Taunola wavinena ma natuna ma viopuni! Ega ata goei da tauna am buderina vaia. Natu Isaac ainelana am buderina vaia.”

¹¹ Abraham wei riwana i nonori ma i vinuabola kaua aubaina tauna natuna Ishmael. ¹² Wate God Abraham i riwei i pa, “Ega natum ma alona ma vinuabolei. Am epaia Isaac wavam ina mairiei. Aiwai Sarah i ririwem ma kaei. ¹³ Wate am taunola wavinena natuna ana epaepaia ana vimaga ma ana dam ina rata aubaina tauna tam natum.” ¹⁴ Ubaubanai boibogi Abraham tamaina i vokaukauei ma waira i gwi ma Hagar i viavarai. Ma wavine natuna maiteni i paritawanei da i nelabalababa au mutulua.

22

BADA, Abraham ana tumagana i raudadani

‡ **19:23:** Hebrewei wava Zoar anona Aburu. § **19:24:** Salpa lamna gaima logalogana. Maranaina e ararata, lamna i vibola kaua ma puguna i apoapoei. * **21:4:** Gen 17:12; Act 7:8

¹ Madega ma gamaaga i kwa ma muriae God Abraham ana tumagana i raudadani. God i riwa i pa, “Abraham!”

Abraham i paribelei i pa, “Tau weka!”

² Ma God i riwa i pa, “Natum tagotago Isaac nuanuam pouna, ma taravaini ma ona nae au dobu Moriah. Ma ola ana viatataem, kampa natum ma puloei aniamapu.”

³ Mara i tom ma ubaubanai boibogi, Abraham i vomairi, ai i edari pulo apunana aubaina ma ana donki i vokaukuae. Ma ana taunola ruaga ma natuna Isaac i taravaini ma anatapui i nae gabu God i ririweiana kampa. ⁴ Tau i pom tonuga i babara ma Abraham i taepai ma gabu aeueia i ‘nanai. ⁵ Ana taunola i riwei i pa, “Weka ona mae. Donki ona paini. Tau natu maiteni ana nae noere ma God ana viborumei. Ma airuaga ana nememei awarimi.”

⁶ Ma Abraham ai i tavana Isaac i viavari. Tauna naipi ma ai mutuara i voai ma i negogona. ⁷ Tau i nenea ma Isaac i riwa i pa, “Amau!”

Abraham i riwa, “Ee, ma babani natu!”

Isaac i riwa, “Ai ma ai mutuara awarita wate pulo aubaina sипу natuna mepa?”

⁸ Abraham i paribelei i pa, “Natu, God sипу ina vereta pulo aubaina.” Ma airuaga i babara nae. ⁹ Maranai gabu God i ririweiana i geta, kampa aniamapu gaimei i voai ma ai i vatar. Ma natuna Isaac urana ma aena i ragini ma aniamapu au tepana, ai i vatavataria kampa i vimataveni.

¹⁰ Abraham urana i viloloi da naipi i vaia da natuna ita viraageni. ¹¹ Wate lamna maranaina BADA ana anela marei i riwa, “Abraham, Abraham!”

Abraham i paribelei, “Tau weka!”

¹² Ma BADA ana anela i riwa, “Ega natum ma viraageni! Ega aiwai apoapoena awarina ma kauei! Tam natum tagotago ega uta nuanei ma marina a aramanei da tam anina God e vivirei.” ¹³ Abraham i taepai ma sипу orotonai i ‘nanai, donana ai raagaraagi potopotona au orana i tapaiei. Ma i nae ma sипу i viraageni ma sia taputapuna i apui ana pulo God awarina, natuna epaiana.

¹⁴ Ma lamna aubaina wei dobuna i gorei, “BADA ina verena.” Lamna marana da marina rava e ririwa, “BADA ana au ola ina verena.”

¹⁵ Ma BADA ana anela marei Abraham i gorei ¹⁶ “BADA i riwa, ‘Tam u voteleteleu ma natum tagotago ega uta nuanei. Tau wawauei a paripari-vainuaganim da’ ¹⁷ anina ana viaiainim ma am epaepaia ana vimaagai me ubona au mara ma bubu au gera. Tau ai gavia ina vovaubai ma ai melagai ina vaia.’ ¹⁸* Ma am epaepaia wawaie dam anatapui au dobu ana viaiaini. Tam u voteleteleu aubaina wei ana kauei.’ ¹⁹ Ma Abraham natuna maiteni i nae me ana taunola awari ma anatapui i nae me au Beersheba. Ma kampa i mae.

25

Esa ma Jacob i tupua

¹⁹ Wei lamna Abraham natuna Isaac ana virarautua. Isaac amana Abraham ²⁰ Isaac ana madega 40 ma Rebekah i ravagi. Rebekah tauna Leban novuna aburuna; amai Bethuel. Tau mai Aram au Padan-Aram i mamae. ²¹ Rebekah aipoi ma Isaac i raupari BADA awarina da awana ita voagui. BADA ana pari i nonori ma Rebekah i duama. ²² Raagaraaga i vivitua au manawa aubaina Rebekah i nae ma BADA i vibaagi, “Aiwai aubaina wei e tuputupua awariu?” ²³ BADA i riwa i pa:

“Roaroa ruaga au manawam ina vidam ruaga,
ma vinatuna da dam ruaga ma taui ina viigavia vivira.

Tagogi ina virewapano telara
ma magurina aburuna awarina ina vitaunola.”

²⁴ Ana vinatuna ana mara i geta ma riwa kaua da raagaraaga nelarai i guni. ²⁵ Natuevou opina lebalebarina ma inina ororona ma lamna aubaina i viwavai Esau.^{*} ²⁶ Natuna gelauna i tuputupua turana au ae karea i vojjina ma i opu ma i viwavai Jacob.† Isaac ana madega 60 ma awana raagaraaga i vinatunei.

Esau, natuevou ana buder i verenei Jacob awarina

²⁷ Maranai raagaraaga i vilaraga, Esau tauna rava aroarona. Wate Jacob rava genugenu-anana ma au numa maemaena. ²⁸ Isaac ana goana gaegeaena Esau, aubaina sia moduei i vunuvunu amna i goei. Wate Rebekah, Jacob i goana-kauei.

* 22:18: Act 3:25 * 25:25: Mai Hebrew ai pona, inina ororona nonorona me Esau. † 25:26: Mai Hebrew ai pona, Jacob anona ae karea i vojjini. Wei lamna awanaina, anona lamna amkwakwalakwalana.

²⁹ Mara tagogi Jacob gwada i vivitavi ma Esau i aroaro da i nei ma inina i garigari ma am i 'rağe-kaua. ³⁰ Ma Jacob i riwei i pa, "Tau am a irağe kaua. Nai gwada lebalebarina ma taraiğui da ana anil" (Wenanare i riwa aubaina wava i verei Edom).[†]

³¹ Ma Jacob i riwa i pa, "Tam natuevou, Mara muriai amata ana buder i voğaeğena ma vaia. Marina ma riweu da am buder i tau ma vereu ma gwada ana verem."

³² Esau i riwa i pa, "Tau am a irağe kaua ma natuevou buderina amapo eğä ina voaguiu, anina ma vaial"

³³ Ma Jacob i riwa i pa, "Marina ma parivai-nuağanu da am buder i tau ma vereu." Ma Esau i parivainuağana da natuevou buderina Jacob ina verei.

³⁴ Ma Jacob gwada i taraiğui ma palawa da Esau i verei ma Esau i am ma i uma ma i vomairi da i nae. Wenanare i kauei lamna Esau ana buder i eğä ita vinuabolei.

26

BADA i parivainuağana da Isaac ina viaiaini me Abraham

¹ Gomara ğaeğena i nei au Canaan, me wariağı Abraham ana au mara i tupua nanare. Ma Isaac ana dam maiteni i ğaira au melagai ğaeğena wavana Gerar, kampa mai Philistia ai gulau Abimelek i mae. ² Ma BADA Isaac awarina i eğä ma i riwa i pa, "Eğä ma ğaira au Egypt, ma dobu ana riwem kampa ma mae. ³*Weka ma mae-gubai, tam maiteni ana mae ma ana viaiainim. Wei dobuna anatapuna tam ma am epaepaia ana veremi. Ma Abraham aiwai a parivainuağani ana kauei aubaimi. ⁴ Am epaepaia ana vimağai, ai mağä me ubona au mara ma wei dobuna anatapuna taui ana verei. Am epaepaia awarieci dam anatapui au dobu ana viaiaini. ⁵ Abraham ponau i nonori ma au babani ma au viararamana ma au tarawatu i voteletelei, lamna aubaina wei ana kauei am epaepaia aubai." ⁶ Anina ma Isaac au Gerar i mae.

28

Muriai Isaac i nae da au Beersheba i mae. Maranai tauna i magura kaua (ma matana i oao) natuna orotona keikeina Jacob, amana i morui tauna i viaiaini me tauna natuevou. Maranai tuana Esau wei i nonori, tauna amlona i ığağai kaua ma i ığoei da Jacob ita virağeni.

Isaac, Jacob i paritawanei Laban awarina.

¹ Isaac Jacob i kwatuei, i viaiaini ma i riwei i pa, "Eğä au Canaan awam ma vaia, ² wate ma vomairi ma ma nelağılägina au Padan-Aram, ığogam Bethuel ana au dam ma kampa avum Leban natunatuna waivinei e mamae, kampa awam ma vaia. ³ Ma God VIVIRE-WAPANA KAUCAKUANA am tavine ina viaiaini ma ina viuaim ma natunatum ina vimağai ma tam dam borui ğaeğei ina viamanem. ⁴*Ma tam am epaepaia maiteni ina viaiainim me Abraham i viaiaini nanare, da dobu marina e mamae-gubai, God Abraham i verevereia tam ma vibuderiei."

Jacob ana rauboni au Bethel.

¹⁰ Jacob Beersheba i netawanei ma i nenea au Haran. ¹¹ Madęga i neulai ma gabu au tagogi, * i ğeta ma i rauvirai da i matave ma ğaima tagogi i vaia ma i viunutanei. ¹² Ma i rauboni da tete i 'nanai, karea au dobu ma damona au mara ma God ana anela i ğegae ma i ığağaira. ¹³*Ma BADA, au ririvana i maimairi ma i riwa i pa, "Tau BADA, Abraham ma Isaac ai God, dobu e matamatave lana tam ma am epaepaia ana veremi. ¹⁴*Ma am dam ana vimağai da me doa pokauna ma i paraata ana viratai au lavaratei, ruanaugei ma karuwabuei. Ma am epaepaia maiteni taumie i rava anatapui au dobu ana viaiaini. ¹⁵ Ma notai da tau au ririvam a mamae ma ana painim am au ığağai. Ma ana neiana-meleiaim wei au dobuna. Eğä ana voterem da aiwai a parivainuağanım ana kauei."

¹⁶ Jacob i matave vomairi ma i riwa i pa, "BADA anina weka e mamae ma tau eğä ata aramanei!" ¹⁷ Jacob i rovo kaua ma i riwa i pa, "Wei dobuna i vinirovorovo ığağai! Wei anina God ana numa, Mara ana metaeta."

† 25:30: Mai Hebrew au pona, Edom anona Lebalebarina. * 26:3: Gen 22:16-18 * 28:4: Gen 17:4-8 * 28:11: Gabu vivivireina. * 28:13: Gen 13:14-15 * 28:14: Gen 12:3; 22:18

¹⁸ Ubaubanai boibogi Jacob i vomairi ma ġaima i viviunutaneia i vaia ma i vitura-mairini da ita vimataira. Ma Olive monamonana i buloi ġaima au tepana da i vovivirei God aubaina.

¹⁹ Dobuna i ġorei Bethel[†] (Melagaina au naona i ġoreġorei Luz).

²⁰ Ma Jacob, BADA awarina i parivainuaġana, "Mepa da tam au ririvau ma mae ma ma inana vaiteteu au vaġai, lam ma gara ma vereu. ²¹ Ma lawalawaiu ana nememei amau awarina, lamna maranaina Tam tau au God. ²² Ma wei matairana a tereterei, weka ana viborumem, Ma aiwai u verevereu ana gimai da ġuta 10 ma ġuta tagogi ana veremelem."

35

BADA, Jacob i viaiaini

⁹ Jacob, Padan-Aramei^{*} i nememei au Bethel. God i ēga me Jacob awarina ma i viaiaini 10 ma i riwei i pa:

"Tam wavam Jacob,

wate marina ega ina ġorei Jacob

ma wavam vouna Israel.[†]

Ma i viwavai Israel

11 [♦]ma i pa:

"Tau God VIVIREWAPANA KAUKAUANA

Ma vinatuna guratana ma ma vimägaimi

Am epaepaia ina virava-ġaegħei ma dám borui ġaegħei awarimei ina tupua
ma gulagulau maġämagaui ina viamanei.

12 Dobu, Abraham ma Isaac a verei,

marina tam ana verem

ma am epaepaia

muriae wei dobuna ana verei."

13 Ma God i babani vorovei ma i netawanei. ¹⁴ [♦]God weka Jacob awarina i babani lamna matairana Jacob gana i vimairini. Ma au tepana wine i waġi ana pulo[‡] ma Olive monamonana i buloi.[§] ¹⁵ Weka God Jacob awarina i babani ma lamna aubaina wei gabuna i ġorei Bethel.^{*}

Rachel ana iraġe

¹⁶ Muriae Jacob ana dam maiteni Bethel i voterei ma i vaġai, ma taui uama i rata da au Ephrath ita ġeta. Ma Rachel malana i vaia da ina vinatuna ma vinatuna i voiana-guratei ma ana iniviara i rata kaua. ¹⁷ Ma i voivoia ma iniviara i rata ma tauvipipavoa i riwa, "Eġa ma rovo! Tevera orotona ġelauna i tupua!" ¹⁸ Wate Rachel i'rairaġe ma ana lavutu au damona ma tevera i viwavai "Ben-Oni".[†] Wate amana i viwavai, "Benjamin".[‡] ¹⁹ Ma Rachel i 'raġe ma eta e nenaue au Ephrath (marina wavana Bethlehem) au ririvana i doboi. ²⁰ Ma Jacob gana i vimairini Rachel ana kokoaga au tepana da i vimataira. Matairana amadodo e mamae.

Isaac ana i 'raġe

^{22b} Jacob natunatuna nelarai 12:

²³ Leah natunatuna:

Reuben; Jacob ana natuevou

Simeon, Levi, Judah, Isakar, ma Zebulun.

²⁴ Rachel natunatuna:

Joseph ma Benjamin.

²⁵ Bilħah - Rachel ana taunola wavine natunatuna:

Dan ma Naphtali.

† **28:19:** Wavanaugh Hebrewi anona God ana numa. * **35:9:** Padan-Aram Wei dobuna Aram au wapuna au Mesopotamia. Haran lamna melagai tagogi wei au dobuna. † **35:10:** Jacob anona amkwalakwalana. Israel anona God maiteni i viġaġaiawa. * **35:11:** Gen 17:4-8 * **35:14:** Gen 28:18, 19 ‡ **35:14:** Wine i puloei pulo ġelaui maiteni.

Jacob matairana i kauei da tauna i verena-melei God awarina. § **35:14:** Jacob wei gabuna i vovivirei God viborumana aubaina. * **35:15:** Bethel anona God ana numa. † **35:18:** Ben-Oni lamna anona au iniviara natuna. ‡ **35:18:** Benjamin lamna anona au oienat Natuna. Lamna anona au ġoana bo au tauagu gaeġaena.

²⁶ Zilpah - Leah ana taunola wavine natunatuna:

Gad ma Asher.

Wei lamna Jacob natunatuna anatapui au Padan-Aram i ġumi.

²⁷ *Ma Jacob i nememei amana Isaac awarina au Mamre au Kiriath-Arba; marina e ġoreġorei Hebron. Abraham ma Isaac wariaġa wei dobuna i mae-gubai. ²⁸ Isaac i mae da ana madeġa 180 ²⁹ ma i magura kaua, i lavutu tawananana ma iraġe ma amamana i votaġoi. Natunatuna Esau ma Jacob amai i doboi.

37

Joseph, tuatuana maiteni ai virarautua

¹ Jacob ana dam maiteni kampa i mae, wariaġa amana weka i mae, mai Canaan ai au dobu.

² Wei lamna Jacob natunatuna maiteni ai virarautua.

Joseph tauna laraga ana madeġa 17. Tauna tuatuana maiteni, amai awawana Bilħah ma Zilpah natunatui, amai ana sipu ma gote i paipaini. Wate Joseph tuatuana ai kaua apoapoe ġelau amai i vibenabenamei.

³ Jacob ana au magura Joseph i tupua ma lamna aubaina natuna nuanuana i vai-kauei, eġa me natunatuna ġelau nanare. Ma gara girugirumana, maiana ġaēġena i kauei ma Joseph i verei. ⁴ Maranai tuatuana i 'nanai da amai Joseph i ġoana-gurtei eġa me taui, ma ai ora-apoapoe ai tevera awarina i rata ma eġa ita bababani kaua awarina.

⁵ Waguvvara tagogi Joseph i rauboni ma maranai tuatuana ana rauboni i riwei, taui ai ora-apoapoe i virata-gurtei. ⁶ Joseph i riwa, "Ona rautaniġana ma au rauboni ana riwemi.

⁷ Anataputa au wapu witt ta bawabawai. Ma tau au bawa au pouna i mairi ma taumi ami bawa i kwaviviroi ma i rauduneli!" ⁸ Ma tuatuana i riwa, "Tam u notai da ma vibada bo? Ma tam ma vibadelai bo?" Ma Joseph ana babani ma ana rauboni aubaina taui amloj i ġaigai guratana.

Joseph i gimarei

¹² Mara tagogi Joseph tuatuana amai ana sipu ma gote i taravaini ma i naiei au Shekem ma kampa i paini. ¹³ Ma Israel (wavana ġelauna Jacob) Joseph i riwei i pa, "Tuatuam au Shekem sipu ma gote e paipaini. A ġoem da ma nae taui awari."

Joseph i vianina ma i riwa, "Anina ana nae."

¹⁴ Amana i riwa i pa, "Ma nae tuatuam ma ġamoġamo ma i 'nanai, taui anina bo eġa, ma ma nememei da ma riweu." Ma Joseph i paritawanei. Hebron wapuna i netawanei ma i nae.

Maranai au Shekem i ġeta, ¹⁵ ma kampa au wapu i kwavikwaviviro ma oroto tagogi tauna i 'nanai ma i riwei, "Aiwai e baibaei?"

¹⁶ Joseph i paribelei, "Tau tuatuau a baibaei, taui ai sipu ma gote e paipaini. Uta riweu taui mepa?"

¹⁷ Tauna i paribelei i pa, "Taui i nae. A nonori i bababani i pa, "Tana nae au Dothan."

Anina ma Joseph tuatuana i votaġoi da au Dothan i nelāġai.

¹⁸ Maranai tuatuana matai i tawanei ma Joseph i 'nanai i nenei ma i aramanei da tauna. Muriai da ita ġetai taui ai oga i tarai da tauna ita virażeni. ¹⁹ Taui i babani vivira i pa, "Tau-rauboni e nenei. ²⁰ Ona nei tana vunui ma waira dogona paipairana au orana tana tawana ġairei. Ma tana riwa da ġamoġamo moduei tauna i virażeni. Ma tana inanai ana rauboni mena ina ġoा."

²¹ Wate Reuben ai ogatara i nonori, ma i ġoie da ana tevera ita gagaloei ma i riwa i pa, "Eġa ana lawana tana vaitawanei." ²² "Eġa tana virażeni. Tana tawana ġairei waira dogona paipairana au orana weka au mutulua ma eġa tupuana tana vodadani." Reuben wenanare i babani aubaina i ġoie da ana tevera ita naiana-melei amana awarina.

²³ Maranai Joseph i ġeta tuatuana awarri, tauna i vojjini ma ana gara girugirumana i ġiġi-tawanei. ²⁴ Ma i vaia ma i tawana ġairei waira dogona au orana.

²⁵ Ma taui i kiala da i amam ma i taepai da dam mai Ishmael i 'nanai au Gilead da i nenaе au Egypt. Taui ai gimara lam anitavidagħi ma bunama *mur** au kamel i vigerui.

* 35:27: Gen 13:18 * 37:25: MurMyrrh. Wei dobuna ravai ai bunama ġabuabuna ma ana nola i maga.

²⁶ Judah varevareina i riwei i pa, "Aiwai aiaina tana vaia mepa da ata tevera tana viraġenī ma tana moru. ²⁷ Ona nei ma tana gimarei dam mai Ishmael awarii ma ega urataiei tarana ina toi, tauna ata tevera, tara tagogi." Ma varevareina i vianina. ²⁸*Ma maranai taugimara mai Midian[†] i ġetai, Joseph tuatuana tauna dogoei i taina-epai ma i gimarei mai Ishmael awarii maiana silva 20 ana ruva nanare ma taui i naiei au Egypt.

²⁹ Muriai Reuben i nememei da au dogo i 'nana ġairā, ma Joseph kampa ega ma i vinuabola kaua ma ana gara i sikai. ³⁰ Ma i nae me ana roaroa awari ma i riwa, "Ata tevera kampa ega. Aiwai ana kaei?"

³¹ Anina ma taui gote i vunui ma au tarana ana gara i virai. ³² Ma ana gara i naiei amai awarina ma i riwei i pa, "Tauai wei garana a nelagai. Ma inanai wei natum ġarinei bo ega?"

³³ Amai gara i 'nanai ma i riwa, "Anina wei tau natu ana gara. Ġamogamo ġaġaiwai natui i vunui. Oo natu! Ġamogamo natu i uta-sikasikai."

³⁴ Ma Jacob i vinuabola kaua ma ana gara i sikai. Ma ġamogamo opina i oteni ma natuna i moguei da nawaravi biäga i kwa. ³⁵ Ana numa ravai i nae awarina da ita vinuabai. Wate tauna vinuuba i geduaiei ma i riwa i pa, "Ana tou ma natu ana moguei da au dogo ina tereġaireu ma ana nae mepa natu i nelanela." Ma natuna i touei.

39

Potiphar awana, Joseph i rauogärei

¹ Dam mai Ishmael Joseph i ġairei au Egypt, ma Potiphar tauna i gimarai da ana taunola. Potiphar tauna Egyptei ma sorodja ai bada ġaġaena. ²*BADA Joseph i mae-ratui ma i voagui da anatapuna aiaina i kaukauei ana bada aubaina. Tauna Potiphar ana au numa i mae.

³ Potiphar i 'nanai da BADA Joseph i mae-ratui ma i voagui da aiwai anatapuna i kauana-kaei,

⁴ ma wei Potiphar i vinuajiae ma Joseph i terei da tauna aubaina ina nola, ma ana taunola numa au orana, ma ana purapura anatapuna ina vibadei. ⁵ Nai marana da i nenai, Joseph awarinei ma BADA Potiphar ana numa orana ravai ma ana purapura anatapui au numa ma ana au wapu i viaiaini.

⁶ Anina ma Joseph vaivai i verei da Potiphar ana purapura anatapui i paini, ma ana bada ana nola da am ava ina paipaini.

Joseph i tupua da karawata ma inanana aiaina. ⁷ Kampa ega ita mae-pora ma ana bada awana Joseph i 'nana rauogärei ma i riwei i pa, "Ma nei tana matave."

⁸ Wate Joseph i geduai ma wavine i riwei i pa, "Ma i 'nana, tau au bada weka i tereu da a vivipaipai ma lamna aubaina tauna ega aiwai numa au orana ina vinuabolei. Tauna ana purapura anatapuna au urau i terei. ⁹Tau au rewapano wei au numana nanare tauna, ma ega aiwai ita nuanei anina tam ainelam. Menanare da kaua apoapoena ana kaei da God au matana au ġoа ina apoapoe." ¹⁰ Wavine marana patapatai Joseph i rarauelari da maiteni ita matave, wate Joseph i gedugeduaui ma i nene-tawanei.

¹¹ Mara tagogi Joseph i nae au numa da ita nola, ma kampa ega taunola ġelau. ¹² Ma Potiphar awana i nae ma Joseph ana au kareko i voa ma i riwa i pa, "Ma nei tana matave!" Wate Joseph i ruba-opu au doa ma kareko wavine au urana i voterei.

¹³ Wavine i 'nanai da Joseph i ruba-opu ma ana gara au urana i voterei, ¹⁴ ma wavine ana taunola i kwatuei da i nei ma i riwa i pa, "Weka ona inan! Wei Hebreweina awau i neiai awarita, i vinameta. I nei awariu ma i ġoei da ita viawawanu wate tau garara a vikarei. ¹⁵ Ma i honori a garagarara ma i ruba-opu ma ana kareko i ruba-tawanei."

¹⁶ Ma wavine kareko i paini da awana i nememei au numa. ¹⁷ Ma wavine riwana tagogina awana i riwei i pa, "Wei Hebreweina tam u neiai awarita, i vinameta. I nei ma i ġoei da ita viawawanu. ¹⁸ Wate maranaina a garagarara, tauna i ruba-opu ma ana kareko au ririvau i voterei."

¹⁹ Potiphar awana ana babana i nonori ma amlona i ġaġiġai kaua. ²⁰ Anina ma tauna Joseph i vaia ma panipani au numana i tawana-ruiei, mepa gulau ana panipani e mamae ma kampa i mae.

Maranai Joseph au panipani-numana ²¹*BADA Joseph i mae-ratui ma i viaiaini, lamna aubaina da panipani taupainina Joseph i vinuajiae. ²² Ma tauna Joseph i terei da panipani

* 37:28: Act 7:9 † 37:28: Buka taugirumana dam wavai ruaga i terei, mai Ishmael ma Midian, wate mepa da taui dam tagogi. * 39:2: Act 7:9 * 39:21: Act 7:9

ravai ita vibadei ma nola au urana i terei. ²³ Panipani taupainina ana nuabola ega aiwai, aubaina Joseph aiwai anatapuna i paipaini. Ma BADA tauna i mae-ratui ma i voagui da aiwai anatapuna i kauana-kauei.

40

Joseph, taui ai rauboni anoi i vieḡei.

¹ Ma mara tagogi Pharaoh ^{*} ana wine taupainina ma palawa tauapuina babadai, i kauana-boai Pharaoh awarina. ² Pharaoh amlona i ḡaiḡai babadai ruāgai awari. ³ Ma i vaia ma panipani au numana i terei mepa Joseph i mamae lana, sorodia ai bida ana au numa. ⁴ Sorodia ai bida wei ruāgai i naiei Joseph awarina ma tauna ravai i paini. Taui i mae-guratana au panipani numana.

⁵ Waguvvara tagogi babadai ruāgai panipani au numana i rauboni. Ma ai rauboni anoi taputapunei ava.

⁶ Ma ubaurbanai maranai Joseph i nei awari ma i 'nanai da taui ega ita vinuiai. ⁷ Ma ruāgai i paridadanei, "Aiwai aubaina naomi i peu?"

⁸ Taui i paribelei, "Tauai airuaga a rauboni ma ega aiai da ai rauboni anona ita vieḡelai."

Joseph i riwa, "God ainelana rauboni e vivieḡai. Ami rauboni ona riweu."

⁹ Anina ma wine taupainina ana rauboni Joseph i riwei, "Au rauboni au orana grape ġoroġorovana a inanai au naou. ¹⁰ Ma ġorġorovana raġaraġana tonuġa. Ma i raurugu ma i talai ma anona tapina i magura. ¹¹ Pharaoh ana aniuma kelakana a vovojjini ma grape a purai ma au kelaka a buloi da Pharaoh a verei."

¹² Ma Joseph tauna i riwei, "Am rauboni anona wei. Grape raġaraġana tonuġa, anona lamna au pom tonuġa. ¹³ Au pom tonuġa au murina, Pharaoh ina tere-opunem ma am au nola ina tere-melem. Ma tam, Pharaoh ana aniuma kelakana au urana ina tere-melei, me au noana nanare. ¹⁴ Wate maranai wei gabuna u opu-tawanei ma aiwai anatapuna ina aime. Tau ma notai, am i viaiai ma kaei da au nuabola Pharaoh ma pariverei da panipani-numanei ina tere-opunem. ¹⁵ Pharaoh ma riwei aiwai awariu i tupua. Mai Hebrew ai au dobu i daneneu ma weka i neiai, wate tau ega aiwai ata kauana-boai ma weka au dogo i tawaneu."

¹⁶ Ma palawa tauapuina i 'nanai da Joseph nuaiai riwana i vieḡai ma i riwa, "Tau nanare a rauboni. Palawa irigana tonuġa au kolau a terei. ¹⁷ Iriga au tepana, lamna palawa apuapunana tapuna ma tapuna Pharaoh aubaina, wate kiu i nei ma au kolau, au iriga palawa i amam."

¹⁸ Joseph i paribelei i pa, "Am rauboni anona wei. Iriga tonuġa lamna au pom tonuġa.

¹⁹ Aupom au vitonuina, Pharaoh panipani-numanei ina tere-opunem da uam ina borituini ma tupuam ai au tepana ina vitakei ma kiu ina nei ma vioam ina ani."

²⁰ Ma au pom au vitonuina, lamna Pharaoh ana tupua marana ma torela ġaeḡena i kaei, ana gabemani babadai aubai. Ma ana wine taupainina ma palawa tauapuina panipani-numanei i tere-opunem ma i neiai Pharaoh awarina, ana gabemani babadai au matai. ²¹ Ana wine taupainina, ana au nola i tere-melei me au naona nanare. Ma tauna, Pharaoh ana aniuma kelakana au urana i tere-melei. ²² Wate ana sorodia i egari da ana palawa tauapuina uana i borituini ma tupana ai au tepana i vitakei. Joseph menanare rauboni i vivieḡanei, nanare i tupua.

²³ Wate wine taupainina, Joseph nuanuana i vuru ma ega ita vinua-notenotei.

41

Pharaoh ana rauboni

¹ Ma madeġa ruaġa i kwa, ma Pharaoh i rauboni da tauna waira Nile au adana i maimairi.

² Ma bulumakau 7 aiaii ma dododoi wairei i ġeta ma waira au adana gidagida i amam.

³ Ma bulumakau 7 apoapoei ma kirakiramai wairei i ġetai da bulumakau aiaii au ririvai i raumairiei waira au adana. ⁴ Bulumakau 7 apoapoei ma kirakiramai i vomairi da bulumakau 7 aiaii ma dododoi i lawana-pai. Anina, ma Pharaoh matana i kala.

⁵ Ma i matave me ma mara viruaina i rauboni da witi aina tagogi ma rovei 7 aiaii ma dododoi i 'nanai. ⁶ Anina ma witi rovei 7 muriae i gogogo wate rauanaġa i ravi da i jinajina.

⁷ Ma witi rovei jinajinai 7 i vomairi da witi rovei dododoi 7 i lawani. Anina ma Pharaoh matana i kala ma i aramanei da i rauboni.

* **40:1:** Mai Egypt ai wavalatona i ġorei Pharaoh. Wei lamna ana vaivai ma ega wavana.

⁸ Ubaubanai Pharaoh nuanuana i bolai ma riwa i paritawanei da rauboni tauviegai ma nuaulaulai anatapui au Egypt i nei. Ma ana rauboni i riwei ma ega aiai ravana da ana rauboni anona ita viegei.

⁹ Ma wine taupainina Pharaoh i riwei, "Amadodo ana rupena da tau a kauana-boai. ¹⁰ Mara tagogi tam amlom i gaigai palawa tauapuina ma tau awariu, da u paniai ma sorodia ai bada ana au numa a mae. ¹¹ Ma waguvvara tagogi tauai tagotagogi ava a rauboni ma ai rauboni anoi taputapunei ava. ¹² Laraga Hebrewei kampa tauai maiteni, tauna sorodia ai bada ana taunola. Ai rauboni a riwei ma tauna ai rauboni anona i viegelai ¹³ Ma tauna aiwai i ririweia nanarena i tupua. Tau u tere-meleu au nola ma palawa tauapuina u virageni."

¹⁴ Ma Pharaoh, Joseph ana riwa i paritawanei ma panipani-numanei lagilagina i neiai. Joseph i viamgari ma ana gara aiaina i oteni. Ma i naiei Pharaoh awarina.

¹⁵ Ma Pharaoh Joseph i riwei, "Waguvvarai a rauboni ma ega aiai au rauboni anona ita viegeu. Wate rava i riwa da maranai tam rauboni e nononori, lamna anona e viviegai."

¹⁶ Joseph i paribelana, "Tau ega tagotagogina, wate God am rauboni anona ina verem da oram ina viubai."

²⁵ Joseph i paribelei, i pa, "Oo bada, rauboni ruagai anoi tagogina. God aburuna ava da aiwai ina kaei lamna gulau i viataatei. ²⁶ Bulumakau dododoi 7, ma witi rovei aiaii 7, lamna maura madegana 7. ²⁷ Bulumakau kirakiramai 7 muriai i nei, ma witi rovei jinajinai 7, lamna anona amapo madegana 7 au orana gomara.

²⁸ —Aiwei a ririweia, nanare ina tupua. God i viatatalem da aiwai ina kaei. ²⁹ Madega 7 au orana, lamna maura gaegeena Egypt au anatapuna. ³⁰ Wate au murina, gomara gaegeena ina mae da madega 7 da Egypt ana maura marana rava nuanuai ina vuru ma gomara rava ina vipupui. ³¹ Gomara ina rata kaua da maura marana nuanuata ina vuru. ³² God i vianina da wei ina tupua ma ega barana ina uama, lamna aubaina rauboni ruaga i verei.

³³ —Au bada, tam, oroto nuaulaulana ma notanotana uta vinei da Egypt ita vibadei. ³⁴ Wei uta kaei, babada uta terei Egypt au anatapuna da tuaruta au marana guta vi-five-na ita vaia madega 7 maura au marana. ³⁵ Ma rewapana ma verei da au maura, taui lam ina tamai da au anara ina vidamni ma ina paini. ³⁶ Wei lamii ina tereriei rava aubaii maranai madega 7 gomara au Egypt ina nei. Ma wei taunei, mai Egypt ega am ina irage."

³⁷ Anina, ma Pharaoh ana gabemani maiteni oga-tarana i vianinei. ³⁸ Ma i riwei i pa, "Mepa rava gelauna tana nelagai me Joseph ma God Aruana tauna au orana e mamae?"

³⁹ Anina ma Pharaoh, Joseph i riwei, "God wei anatapuna i viatataiem, ega aiai gelauna nuaulaulana ma notanota kauana me tam. ⁴⁰ *Tam ana terem da au dobu ma vibadei ma au rava anatapui am riwa ina voteteleti. Tau Pharaoh, ma am rewapana tau ainelau au rewapana ega ina getawanei."

⁴¹ Ma Pharaoh i riwa, "Marina tau a vinem da Egypt anatapuna ma vibadei." ⁴² Ma Pharaoh au urana ana vigulau ringna i votawanei ma Joseph au urana i terei,* ma gara maiana gaegeena i viotenai ma sein goldei au uana i tere-taonei.

⁴⁵ Ma Pharaoh Joseph wava Zaphenath-Paneah,[†] i verei ma mai On ai pirisi Potiphera [‡] natuna guguinina Asenath, Joseph i verei da awana. Anina ma Joseph, dobu Egypt i vibadei.

⁴⁶ Joseph ana madega 30 ma wei vibadana i viai. Ma Joseph, Pharaoh i netawanei ma Egypt i naeni ma i tivirevirei. ⁴⁷ Maura gaegeena i nelagai madega 7 au orana. ⁴⁸ Joseph ai maura gelauni i tamai maura madegana 7 au orana au Egypt, ma au melagai nununai i tere-kauei ma i paini. Melagai anatapui ai lam au anara i terei. ⁴⁹ Joseph lam i vidamni da olana i mairi me bubu au gera ma iavana i kauana-avei aubaina lam i rata dewadewa.

⁵³ Ma maura madegana 7 au Egypt au damona i geta. ⁵⁴ *Ma gomara madegana 7 i raukarei, me Joseph i ririweia nanare. Gomara dobu au anatapuna, wate Egypt au anatapuna lam i mamae. ⁵⁵ Maranai mai Egypt raumolagau i vikarei, taui Pharaoh i vibagai lam aubaina. Ma taui i riwei da ita nae Joseph awarina ma tauna aiwai i ririweia ita kaei.

* 41:40: Act 7:10 * 41:42: Mataira da Joseph, Pharaoh ana rewapanei ma ana riwei i nolanola.

Safenat-panea Egypt ai ponei anona God i bababani ma i lawana. † 41:45: On Wei lamna dobu wavana, ma wavana gelauna lamna Heliopolis. Wei au dobuna rava, madega i raudumelei. * 41:54: Act 7:11

⁵⁶⁻⁵⁷ Maranai gomara Egypt anatapuna i vaia, Joseph anara i votawatawanei ma lam mai Egypt awari i gimarei. Anina ma gomara i rata kaua dobu au anatapuna da rava anatapui i nei Joseph awarina au Egypt lam gimarana aubaina.

42

Jacob, natunatuna i paritawanei au Egypt

¹ Ma au Canaan Jacob i nonori da au Egypt lam ma natunatuna nelarai i riwei, "Aiwaina da o mamae labalababa? ²*Anina ona rautanigana! A nonori da lam au Egypt. Ona ġaira kampa ma aubaita lam ona gimarai da tana lawana ma eġa tana iraġe."

³ Anina ma Joseph varevareina ten i ġaira au Egypt da lam ita gimarai. ⁴ Wate Jacob eġa Joseph ana tevera oieno Benjamin ita paritawanei aubaina i rovo mepa da aiwai apoapoena awarina ita tupua. ⁵ Taui rava ġelau mai teni i nae au Egypt da lam ita gimarai aubaina gomara ġaegħena dobu Canaan maiteni i vaia.

⁶ Joseph i vibada ġaegħena au Egypt ma tauna lam i gimigimarei dobu anatapui ravai awari. Varevareina i ġetaj ma Joseph au naona i mae-ġaira au doa ma i raudune. ⁷ Joseph tau i 'nanai ma maratagogi i aramanei da taui aiavoi ma i kauana-melei da apamina taui eġa ita aramanei. Ma riwa bagibagħnej i vitara-virevirei, "Taumi meieji o nei?"

Tau i paribelei, "Tauai Canaanei a nei da lam ata gimarai."

⁸ Joseph tuatuana i 'nanai da i aramanei, wate taui ai tevera i vinua-nainei. ⁹ *Ma ana raubon wariaġana i notai ma i riwei, "Taumi i paritawanemi da ai dobu ana ġokkokara ota inanai bo."

¹⁰ Tau i paribelei, "Oo bada eġa! Tauai am laralaraga a nei da lam ana gimarai."

²¹ Ma taui i babani vivira, "Nai maranaina ata tevera ana ora-viarana agu i toutouei awarita ma, eġa tata rau-nu-apoapoelei. Tauta ata wawu lamna kovoġana marina ta vaivai."

²²*Reuben i paribelei, "Nai maranaina a riwemi, 'Eġa ata tevera ona vodadani!" Wate taumi eġa ota rautanigħnej. Marina ata tevera tarana kovoġana ta vaivai." ²³Joseph Egypt ponanei i bababani ma rava ġelauna taui ai ponei i paripari verei. Wate taui eġa ita aramanei da Joseph ai babani i nononor.

45

Joseph i vieġana-melei

⁴ Joseph varevareina i riwei, "Ona nei au ġereġereu." Ma taui i nei au ġereġerena. Ma i babani, i pa, "Tau ami tevera Joseph, mai Egypt awari o gimareu. ⁵ Wate eġa orami ina bolai, ma eġa ami rava maiteni tau o gimareu aubaina ona viamparipari. Wate God au naona i paritawaneu da rava ata vilawani. ⁶ Wei gomarana dobu e viviapoapeni marina madeġa ruaqha i kwa. Wate madeġa five ġelauna e mamae da eġa tana ipi bo tana tuaruta. ⁷ God i aipari-tawaneu da taumi ma ami dam ravai maiteni atta vilawanimi, ma ami dam avena ita pupu. ⁸ Ma eġa taumi weka ota paritawaneu wate God, ma tauna i tereu da Pharaoh ana taunola ai bada ġaegħena ma ana numa ma aiwai anatapuna au Egypt a vivibadei. ⁹*Marina laġilägħina ona nae me amau awarina ma ona riwei, "Natum Joseph wenanare i riwa, God i tereu da Egypt anatapuna a vivibadei, ma tam laġilägħina ma ġairai awari. ¹⁰ Tam au ġegħereu ma mae au Goshen; ma nanare natunat ma ġoġogħam ma am ġamōġamo ma aiwai anatapuna ġarimej. ¹¹ Gomara madeġħana five ampo e mamae, aubaina tau lam ana verem. Mepa da wei eġa ana kauet tam ma am dam ma am laraga ma am ġamōġamo anatapui ina vinuapoapoe ma ina raumolagħau."

²⁵ Anina ma Joseph tuatuana Egypt i opu-tawanei ma i nae me amai Jacob awarina au Canaan. ²⁶ Ma taui Jacob i riwei, "Natum Joseph lawalawaina e mamae, ma tauna marina Egypt a vivibadei." Jacob i vinuanaina ma nai babani eġa ita vitumaġħnej.

²⁷ Wate taui aiwai anatapuna Joseph i ririweia amai i pariverei. Ma Joseph ana anigeru i paritawanei da Jacob ita vigerui da ita naiei au Egypt. Maranai wei i 'nanai, Jacob ana nota i nememe. ²⁸ I pa, "Tau marina a aramanei da natu lawalawaina e mamae, ma ana nae da ana inanai ma muriai da ana iraġe."

* 42:2: Act 7:12 * 42:9: Gen 37:5-10 * 42:22: Gen 37:21-22 * 45:9: Act 7:14

46

Jacob, natunatuna ma ġoġogħana maiteni i nae au Egypt.

¹ Anina ma Jacob ġarinei anatapuna maiteni i nae au Egypt. Ma au Beersheba i ġeta, ma kampa pulo i apui amana Isaac ana God awarina. ² Ma waguvvarai God rauboniei awarina i babani i pa, “Jacob! Jacob!”

Ma tauna i paribei, “Tau weka.”

³ God i riwa, “Tau God, amam ana God. Egypt ġairana eġa ma rovoei, aubaina tau am epaepaia ai dam boruna ana vimaġai kampa. ⁴ Tau maiteni tana nae au Egypt ma am epaepaia ana neiana-melejai wei au dobuna. Joseph amapo au ririvam, maranai ma iraġe.”

⁵ Jacob, Beersheba i voterei, ma natunatuna nelarai amai i vojjini, ma anatapui awawai ma natunatuna maiteni, au anivigeru Pharaoh i paripari-tawaneiana i geru. ⁶⁻⁷ *Ai ġamogħamo ma ġariei anatapuna au Canaan i vaivainia i naiei au Egypt. Anina ma Jacob, natunatuna nelarai ma waivinei ma ġoġogħai ma ana numa ravai anatapui i nae au Egypt.

²⁸ Jacob Judah i aiparitawnei au Egypt da Joseph ita riwei da au Goshen ita nebelei. Maranai i ġeta. ²⁹ Joseph ana chariot i gerui ma i nae au Goshen. Maranai amana i nebelei, i taragħwabai ma i tou guratana. ³⁰ Jacob Joseph i riwei, “Naom a inanai ma a aramanei da tam lawalawaim, marina ana nuaubau ana iraġe.”

48

Jacob, Ephraim ma Manasseh i viaiaini

¹ Wei kauai au murina, rava Joseph i riwei, “Amam i doria.” Anina ma natunatuna Manasseh ma Ephraim i taravaini ma i nae amana da ita inanai.

² Rava tagogi Jacob i riwei, “Natum Joseph i ġetai da ina inanaim.” Jacob doridoriani ma i voguratei da i vomairi ma ana animatavave au tepanai i kiala.

³* Anina ma Jacob natuna Joseph i riwei, “God VIVIREWAPANA KAUKAUANA awariu i eġa au Luz (Bethel) au Canaan ma i viaiainiu. ⁴ Ma i riwei, ‘Natunatum ana vimaġai ma am epaepaia ai dam ana viratai; wei dobuna am epaepaia ana verei da ina viġariana-nonoei.’

⁵ —Ma lamna aubaina ġoġogħau ruāga Manasseh ma Ephraim au Egypt tuputupua muriai da a nei; lamna tau ana vaia da natunatu me natunatu Reuben ma Simeon. ⁶ Roaroa muriai e tuputupua lamna tam ġarimej; ma ai buderi Ephraim ma Manasseh awariei ina vaia.”

¹³ Anina ma Joseph natunatuna ruāga i neiai Jacob awarina, Ephraim amana au oieni lamna Jacob au kelakelauna ma Manasseh amana au kelakelauna lamna Jacob au oieni

¹⁴ Wate Jacob uraoiena i tere-taġonei ma Ephraim au kolana i terei avena da tauna umau, ma ura-kelakelauna i tere-taġonei da Manasseh au kolana i terei avena da tauna natuevou.*

¹⁵ Anina ma Joseph[†] i viaiaini i pa,

“God. Tam Amau Isaac ma ġoġau Abraham ai God,
God taupainiu au lawana au anatapuna,

¹⁶ Ma am anela taugagaloeu au anatapuna wei roaroai ma viaiaini!

Ma wavau ma amamau wawai awarri ina mae-nonoa
ma a raraupari da ai dam ma viratai au dobu.”

¹⁷ Wate maranai Joseph i 'nanai da amana aiwai i kaukauei ma tauna eġa ita vinuiai; ma amana urana Ephraim au kolana ita vaitawanei ma Manasseh au kolana ita terei. ¹⁸ Joseph amana i riwei, “Amau eġa nanare. Wei tauna natuevou uraoiem au kolana ma terei.”

¹⁹ Wate Amana i riwa, “Natu! Tau a aramanei aiwai a kaukauei. Manasseh maiteni ana dam ina rata kaua. Wate ana tevera wavana ina rata ma ana dam ina rata dewadewa eġa me tuana.” ²⁰ Anina ma Jacob roaroa nai marana i viaiaini i pa,

* **46:6-7:** Act 7:15 * **48:3:** Gen 28:13-14 * **48:14:** Tau ai nota da au oieni kialana lamna kaua bo nota ġaegħaena ma eġa me au kelakelauna kialana nanare. Lamna aubaina Jacob nimana au oieni tevera au kolana i terererei tauna amapo viaiaini ġaegħaena ina vaia eġa me ġelauna nanare. Lamna aubaina Joseph i baie maranai Jacob nimana au oieni tevera umauna au kolana i terei. † **48:15:** Maranai Jacob ġoġogħana i viaiaini, tauna Joseph i viaiaini.

“Mai Israel wavam ina latoni maranai e viaiaina, tau i na riwa,
 ‘Tauai a raraupari da God ina viaiainim me Ephraim ma Manasseh i viaiaini nanare.’
 Wenanare lamna Ephraim wavana i ailatoni ma muriai Manasseh wavana.
 21 Ma Israel, Joseph i riwei, “Tau aburuna ava da ana irāge. Wate God awarim ina mae da
 ina naiana-melem au Canaan, amamam ai au dobu.”

49

Jacob, Judah i viaiaini

8 “Judah, varevareim ina voepaepaim,
 ma amam natunatuna ina raudunelem
 aubaina tam am āgāia au uai ma voa ma ma vovaubai.

9 Judah natu, tam me lion natuna,
 ana sia i am vorovei da i amruruna ma e matamatave,
 ega aiai ana matave ina viapoapeni!

10 Gulau ana jiōna Judah ina vojjini
 ma ana epaepaia ina vibada nonoa,
 anina da jiōna taniwagana ina nei
 maranaina dobu anatapui ravai tauna ina raudunelei ma ina vivorumei.”

33 *Ma Jacob natunatuna awarii i babani vorovei, ma tauna ana au animatave i rauvirai
 ma i 'rāge.

50

Joseph, tuatuana i vinuaubai

15 Ma maranai Jacob i 'rāge, Joseph tuatuana i rovo ma i riwa, “Mepa da Joseph amlona
 ina āgāi ma ina raubiwa, kaua apoapoena awarina ta kaei aubaina.” 16 Ma lamna
 aubaina riwa i paritawanei Joseph awarina i pa, “Amata maeninai ma wenanare i riwelai
 i pa, 17 Joseph wenanare ona riwei, “Tuatuam kaua apoapoe kaukauana awarim i kaei.
 Wate a īgoe da ai kaua apoapoe ma nota-tawanei.” “Tauai amam ana God a vovoepaepai, ma
 a vivibāga-guratem da ai īgo'apoapoe ma nota-tawanei.” Maranai Joseph wei riwana i nonori
 tauna orana i viara kaua ma i tou.

18 Anina ma tuatuana i nei ma au naona i mae-peu ma i riwa, “Ma inanaiai tauai am taunola
 a nei.”

19 Wate Joseph taui wenanare i riwei, “Tau ega ona rovoeu, tau ega God da ana kovogimi.
 20 Wariaga o īgoe da ota viapoapoeni wate God i virai da aiaina i kaei da rava mağamağau
 ina vilawani ma ega ina pupu. 21 Anina, ega ona rovo! Tau ana painimi, natunatumi maiteni.”
 Ma nanare i babani da orai i raei.

Exodus Oputawanana

Jacob dam ġaeġaena i vitupui au Egypt

¹ Jacob natunatuna ana awawai ma natunatui anatapui maiteni i ġaira au Egypt. Taui wavai wenanare: ² Reuben, Simeon, Levi, Judah; ³ Isakar, Zebulun ma Benjamin; ⁴ Dan, Naphtali, Gad ma Asher. ⁵ Jacob natunatuna ma ġoġogħana nelarai, anatapui ai maġa 70 i ġaira, Joseph au Egypt maemaena maiteni i 'avi.

⁶ Muriai Joseph ma varevareina ma nai kimtana i 'raġe-pai, ⁷ ⁸ Wate ai epaepaia - mai Israel, i vinatuna guratana da dam ġaeġaena i vitupui ma Egypt anatapuna i vioai.

Pharaoh mai Israel i rau-ivipaopoelei

⁸ ⁹ Madeġa maġamagaui au murina Pharaoh vouna i vibada au Egypt, ma Joseph ma aiwai i kaei eġa ita aramanei. ⁹ Pharaoh ana rava i riwei, "Ona inana, mai Israel i maġa guratana ma i virewapanha kaua ega me tauta. ¹⁰ ¹¹ Tauta tana viogatara da menanare tana kauanei da ai vinatuna eġa ina rata guratana. Ma mepa da wei eġa tana kaei ma maranai ġavia ina nei, ma taui ġavia maiteni ina vitagogie i da ina viġavietu, ma ina opu-tawaneta."

¹¹ Ma nola babadai i terei da mai Israel nolei i vunuvunu. Wei babadai mai Israel i egari da taon ġaġeġi ruāġa i voai wawai Pithom ma Rameses, ma kampa Pharaoh ana lam ma purapura ġelau i vidamni. ¹² Mai Egypt amapo da taui i rau-ivipaopoelei, wate mai Israel amapo da i vivinatuna ma ai dam i rarata au Egypt. Ma lamna Aubaina mai Egypt mai Israel i rovoei. ¹³⁻¹⁴ Ma taui mai Israel i egari da nola vivitaina i kaukuei ma i vinuapoapoe. Ma brik i kaukuei ma doa i gwadai da brik amipasina, ma wapu nolai maiteni i kaukuei. Mai Egypt nolei mai Israel i vunuvunu ma eġa ita rau-nuapoapoelei.

²² ¹³ Pharaoh ana rava i riwei, "Maranai wavine Hebrewei tevera orotona i ġuni, teverana au waira Nile ona tawanei. Wate maranai tevera wavinena i tupua, ona voterei da ina mae."

2

Moses i tupua

¹ Maranai wei kauai i tuputupua, oroto tagogi Levi ana damei ma wavine ana damei i ravagi, ² ³ wavine i raumanawa ma natuna orotona i ġuni. Ma wavine i 'nanai da natuna inanana aiaina i tupua, ma natuna i tere-govagi da nawaravi tonuġa i kwa. ³ Wate eġa tagotagogina da ita teregħoġa-nonoei ma iriga waira modunei* voavoana i vaia ma koltei gavogav i posi-tomeni da waira eġa ina rui. Ma tevera au iriga i poai ma waira modui au orai i terei au waira Nile. ⁴ Tevera tuana wavinena aueia i mae ma ana tevera i vineneġanei da ita inanai awarina awawai ita tupua.

⁵ Ma Pharaoh natuna gugunina i ġairai da ita toa. Ma ana taunola waivinei waira au adana i bababara-nae. Pharaoh natuna iriga i 'nanai modu au orana ma ana taunola i paritawanei da irigana ita nejai. ⁶ Maranai Pharaoh natuna iriga i votawanei ma tevera i toutou i 'nanai, nuanuana i bolai ma i riwa, "Wei mai Hebrei natu."

⁷ Tevera tuana wavinena i nae ma Pharaoh natuna i vibaqi, "Anina bo eġa da ana nae ma tataovao Hebrewei ana baiei da tevera ina viġuġui ma ina ġamoi?"

⁸ Wavine i vianina ma i riwa, "Anina, ma nae!" Ma tevera i nae ma alo oina i taravainiai.

⁹ Ma Pharaoh natuna wavinena i riwei, "Wei teverana ma viġuġui aubaiu ma ana vimaiem." Ma wavine teverana i naiei ana au numa ma i ġamoi. ¹⁰ ¹¹ Ma tevera i eda ma i naiei Pharaoh natuna awarina ma tauna i vaini da natuna. Ma Pharaoh natuna i riwa, "Au waira a sineaepai." Lamna Aubaina ana viwavai Moses.†

Moses ana rovona Egypt i ruba-tawanei.

¹¹ ¹² Maranai Moses i vilaraga, ma i nae da ana rava oina ita raugenari, ma i 'nanai menanare mai Egypt ana rava i egari da i nolola ma i rau-ivipaopoelei, ma i 'nanai Egyptei Hebrewei i vunuvunu. ¹² Moses i 'nana viravira ma eġa aiai ita inanai, anina ma Egyptei i viraġeni ma au bubu i doboi. ¹³ Ma marana i tom Moses i naeme, da ana rava ruāġa

* 1:7: Act 7:17 * 1:8: Act 7:18 * 1:10: Act 7:19 * 1:22: Act 7:19 * 2:2: Act 7:20 * 2:3: Papyrus

* 2:10: Act 7:21 † 2:10: Moses Au Hebrew ponana ana nonora me sineaepai. * 2:11: Act 7:23-28

i viigaigaiawa i 'nanai ma ġaiawa tauvikareina i riwei, "Aiwai aubaina turam Hebrewei e ravigravi?"

¹⁴ Ma orotona i riwa, "Aiai i terem da ma vibadelai bo ma rauetaralai? Tam ma viraġeniu me Egyptei u viraġeni nanare bo?" Kampa Moses i rovo ma i riwa, "Rava boibogi i aramanei tau aiwai a kaei." ¹⁵ *Pharaoh wei riwana i nonori ma i ġoei da menanare Moses ina viraġenanei, wate Moses Egypt i ruba-tawanei ma i nae au Midian ma waira dogona au adana i kiala.

3

Moses kampa mai Midian ai pirisi pulo tauapuna maiteni i mae, ma natuna Zippora i ravaġi.

God Moses awarina i babani

¹ Moses poiana Jethro ana sipu ma gote i ġamoġamoi - Jethro lamna mai Midian ai pirisi pulo tauapuna. Mara tagogi Moses ġamoġamo i naiei au mutulua au gia dewadewana ma au Sinai i ġeta, God ana au ola. ² *Kampa BADA ana anela Moses awarina i ġeġ, inanana me ai menamenana, ai rugurugui au orana da i ġeġae. Moses ai i lebalebara i 'nanai wate aina ruguruguna maiteni ġeġ ita ararai. ³ Moses i vinua-notanota, "Wei lamna aiwai? Aiwai aubaina ai e lebalebara wate ai ġeġ ita ararai? Ana nae au ġeregerena ma ana tuvirevirei."

⁴ Maranai BADA i 'nanai da Moses i nenei au ġereġere da ita tuvirevirei, God ai menamenana au orana Moses i ġorei, "Moses! Moses!"

Ma i paribelei, "Ee, Tau weka."

⁵ BADA i riwa, "Eġa ma neguratanai. Wei gabuna au tepana e maimairi lamna doa vivivireina, lamna aubaina am ae uma ma votawanei. ⁶ Tau amamam Abraham ma Isaac ma Jacob ai God." Maranai Moses wei babanina i nonori i rovo kaua ma naona i tere-govagi da avena God naona ita inanai.

⁷ Anina ma BADA i riwa, "A inanai menanare mai Egypt natunatu e rarau-iviapoapoelei. Ma ai tou agu aubaina i ġetai awariu da vibababadi awarii ata vaitawanei. Menanare e vinu-apoapoelei a aramanei. ⁸ Lamna aubaina a ġairai da natunatu Egypt awari ana vaitawanei ma ana opunei da dobu wapuna ġaegħena ma doana maumaurana īna maen. Kampa marina mai Canaan, mai Hitti, mai Amori, mai Perisi, mai Hivi ma mai Jebus e mamae. ⁹ Ai tou a nonori. A inanai menanare mai Egypt taui e rarau-iviapoapoelei. ¹⁰ Tau a paripari-tawanem, marina ma nae vibababada Pharaoh awarina da mai Israel au Egypt ma taravaina-opunei."

¹¹ Wate Moses i riwa, "Tau aiai da ata nae Pharaoh awarina ma mai Israel ata taravaina-opunei?"

¹² Ma God i paribelei, "Tau tam maiteni ana mae. Maranai ravai Egyptei ma taravaina-opunei. Taumi wei au olana ona rauduneleu. Lamna ina vimataira da Tau a pari-tawanem."

¹³ Wate Moses i riwa, "Maranai ana nae au rava awarii ma ana riwei, 'Amamata ai God i paritawaneu awarimi.' Ma taui ina paridadanu, 'Tauna wavana aiai?' Ma aiwai ana riwei?"

¹⁴ God Moses i riwei, "TAU MAEMAE-NONOAU.* Wei mai Israel ma riwei, Tauna wavana, TAU MAEMAE NONOAU. i paritawaneu awarimi. ¹⁵ Mai Israel ma riwei, 'TAU BADA, amamami ai God, Abraham, Isaac ma Jacob ai God, tauna i paritawaneu awarimi.'

—Wei Tau wavau Maemae-Nonoana, kimta anatapui wenanare wavau ina ġorei."

Wei au murina Moses i naeme poiana ana au dobu, ma i nae au Egypt. Ma kaua anatapui i tuputupua tuana Aaron ma Israel babadai i riwei. Ma Moses ma Aaron i nae Pharaoh awarina ma i riwei, "BADA i paritawanei awarim da ata riwem da natunatuna mai Israel ma vianinei da ina opu au mutulua da pulo ina apui tauna awarina."

Egypt gulauna i riwa, "Tau ega ana vianinei da nanare ina kaei. Taui ega aiwai ġelauna ina kaei ma ina nola."

Ma God kaua maġaġauna aniba ma vi-nirovororovi i kaukaei mai Egypt awarii, wate Egypt aigulau amapo da i viviġa. Waira i vitara wate amapo da Egypt ai gulaun kolana i vogabibagi. Mai Egypt ai ġamoġamo i vi'rairagħelana ma mai Egypt tupuaj paramaitua i oai, Wate amapo da mai Egypt ai gulaun ega mai Israel ita voterei da ita nae.

* 2:15: Act 7:29 * 3:2: Act 7:30-34 * 3:14: Pona Hebrew, Tau maemae-nonoau nonorana me Yahweh. Vipanipani au Babilon i kwa ma mai Jew i nememei au murina, taui i vitumaġana da wawa Yahweh lamna vivivireina ma ġeġ aiai ina latoni. Aubaina da ai buka giruma ġaegħei wei wavana i girumi da ġeġ melanai ina latoni ma Adonai (bada) i latolatoni epaiana. Ma riwa BADA muomuonei i girumi lamna God wavana.

11

Moses, natuevou au Egypt ai iraäge i vinolenolei

¹ Ma BADA Moses i riwei, "Anivinuabola tagogi ava ana neiae Pharaoh ma Egypt awarii. Ma au murina tauna ina voteremi da ona nae ma lamna maranaina ina viagāgana-opunemi. ² Ma nae ma mai Israel ma riwei, 'Anatapumi ona nae ma mae-turami Egyptei ona vibağai da ai via goldei ma silvei ina veremi.' ³ BADA i kaei da mai Egypt mai Israel i vivirei. Pharaoh ana gabemani babadai ma rava anatapui au Egypt Moses i vivirana-kauei.

⁴ Ma Moses i nae ma Pharaoh i riwei, "BADA e ririwa, 'Nubautuva nanare tau Egypt anatapuna ana babarani. ⁵ Natuevou nelarai au Egypt anatapui ina iraäge, Pharaoh natuevouna orotona, amana ana epaepaia, awarina ina vikarei, ma ina ġaira da taunola awarina ina ġeta, waivinewiti taugudáina natunati maiteni. Ġamoġamo natuevou anatapui ina iraäge. ⁶ Ma dobu Egypt au anatapuna tou ġaegaena ina ġae, rorova ega nanare ma ega melanai nanare ina tupua me.' ⁷ Wate ega aiwai apoapoena mai Israel awari ina tupua, ega auou tagogi, rava tagogi, bo ġamoġamo ina gwaeui. Ma kampa ona aramanei da TAU BADA, mai Israel ma mai Egypt awariei a vivilamonei. ⁸ Am gabemani babadai anatapui ina ġairai awarui ma au naou ina mae-ġaira ma ina raudune ma ina riwa, 'Laġilaġina ma ruba-nae am rava tauvotagaġoim anatapui maiteni.' Lamna au murina tau ana nae." Moses meji orana i oai ma Pharaoh i netawanei.

⁹ BADA Moses i riwei, "Pharaoh tam ega ina rautaniġanem. Wenanare ina tupua da tau kaua babai ana kaei au Egypt." ¹⁰ Moses ma Aaron kaua ġaegaei ma babai i kaei Pharaoh au matana wate BADA Pharaoh orana i vibadoi da mai Israel ega ita paritawanei.

12

Raġona karena

¹ BADA, wenanare i babani Moses ma Aaron awarii au Egypt, ²*"Marina da e nenai wei nawaravina lamna nawaravi tagogi ma weka ona vikarei da ami madęga ona iavi. ³ Ona vinolanolia mai Israel anatapui awarii, 'Au pom ^vi-10⁻na wei au nawaravina oroto tagotagoggi ava sipu ġaubona bo gote ġaubona ina rautani ana numa ravai aubai. Ġamoġamo tagogi numa tagogi aubaina.' ⁴ Mepa da numa tagogi ana rava i viruġa ma sia i rata guratana, lamna mae-turam iana ġutai rava ai maġa ma ai am ana au ruva nanare. ⁵ Ġamoġamo e rarautani lamna orotona ma ana madęga tagogi ma aiaina ega ana apoapoe aiwai. ⁶ Ona ġamo-kauei da au pom ^vi-14⁻na wei au nawaravina. Ma maranai madęga e arearere, mai Israel anatapui ai ġamoġamo ina viraġeni. ⁷ Metauna au numana sia e aniani kampa tara ina taraiġui ma metaeta au tepana, au gabaurina ma au ririvana ina pasi-naiei. ⁸ Waguvvaranaina tagogina taui siana ai moniana au tepana ina apui, ma palawa ega yist maiteni ma sipeni viviġorai maiteni ina ani

¹¹ Anatapumi wenanare ona am, vāgai vigara ona vigarei: Ami ae uma ona oteni, ami jiġona au urami, Ma ona am laġilaġina. Wei lamna BADA ana Raġona torelana.

¹²—Wei waguvvaraina, Tau Egypt ana naeni ma ġamoġamo da rava natuevoui ororotoi anatapui ana viraġeni, ma Egypt aï god anatapui ana tuvaidoedoei. Tau BADA. ¹³ Wate tara au metaeta ina vimataira da taumi kampa o mamae. Ma maranai wei matairana ana inanai, ana raġonimi. Ma ega aiwai apoapoena awarimi ina tupua maranai mai Egypt ana kovoġi, ¹⁴Wei torelana ona nota-nonoei madęgħana patapatana, da TAU BADA aiwai a kaei nuuanuami ega melanai ina vuru. Ami epaepaia anatapui wei marana ina vivirei ai mara au anatapuna."

Palawa ega yist maiteni ana torela

¹⁵"Au pom 7 au orana Palawa ega yist maiteni ona ani. Ma torela au karena, au numa yist anatapui ona tawanei. Aiai da palawa yist maiteni i apui ma i ani, wei ravana anina da mai Israel ai damei ona viopuni. ¹⁶Au pom tagogi torela au karena ona vitagoġiem ma nanare torela au damona, ma BADA ona voepaepai ma ona viborumei. Wei au marai ega aiai ina nola dadana, Wate ami lam ava ona lauvoa.

¹⁷—Taumi palawa ega yist maiteni torelana ona kaei da ega nuuanuami ina vuru aubaina wei au marana, mai Israel au Egypt a taravaina-opunei. Am epaepaia wei torelana ina kaukauei madęgħana au patapatana."

* **12:2:** Ai madęga iavana (Calenda) weka i vikarei

Raġona

²¹ Ma Moses Israel dam nununai babadai i kwatuei ma i riwei, “Ona nae ma sipu bo gote natuna orotona ona vunui ma ami numa ravai maiteni Raġona torelana ona ani. ²² Rugurugu ona turautuvi sipu au tarana au aboma ma ami numa metaetana au tepana ma au adana ona pasi. Ma ega aiai numa ina opu-tawanei da ubaubanai. ²³ Ma waguvarei BADA Egypt anatapuna ina naeni ma mai Egypt ai natuevou ina virägeni. Wate maranai tara ina inanai metaetau tepana ma au adana, BADA wei numana ina raġoni ma iraġe-anelana ina viġġei da ega ina rui da ina virägeni.

²⁴⁻²⁵ —Ma maranai BADA dobu i paripari-vainuaganimi ona ġeta, taumi ega nuanuami ina vuru da madegħana patapatana Raġona torelana ona kaukauei. Taumi natunatumi maiteni wei tarawatuna ona vojjina-nonoei. ²⁶ Maranai natunatumi ina paridadana, ‘Wei torelana anona aiwai?’ ²⁷ Ma taumi ona paribelei, ‘Wei torelana lamna Raġona viegħualu pulona BADA awarina, aubaina wariaġa au Egypt BADA mai Israel ai numa i raġoni, ma mai Egypt ai natuevou i pupuni, ma tauai natunatui i voterei.’ Ma mai Israel i mae-ġaira au doa ma BADA i raudunelei. ²⁸ Ma mai Israel i nae ma BADA aiwai Moses ma Aaron i riweia i kauei.

Natuevou nelarai i 'raġe

²⁹ Waguvarei nubautuva BADA natuevou nelarai anatapui i virägeni au Egypt. Pharaoh natuna, ana epaia awarina i vikarei, ma i ġaira da panipani ai natuevou nelarai awari. Ma ġamogħamo ororotoi natuevou anatapui maiteni i pupuni. ³⁰ Waguvvara au pouna Pharaoh ma ana gabemani babada ma mai Egypt anatapui i vomairi. Numa tagotagogi ava au Egypt tevera tagogi i 'raġe, ma tou ma tarakwatu ġaġaena i ġae. ³¹ Pharaoh wei waguvvarina Moses ma Aaron ai riwa i paritawanei da i nei awarina ma i egari, ‘Ami rava mai Israel maiteni ona vomairi ma au dobu ona oputawanei! O vivibägei nanare ona nae ma ami BADA ona voepaepai! ³² Taumi ami ġamogħamo anatapui ona vaia ma ona opu, ona nae, wate ami God ona vibagħi da ina viaiainiu.’

³³ Mai Egypt anatapui mai Israel i egari da ina vipaparana ma Egypt ina opu-tawanei ma i riwa, ‘Mepa da ega ona nae tauai anatapui ana iraġe.’

³⁷ Mai Israel dobu Rameses i netawanei ma i babara-nae au Sukoth. Nelara anatapui 600,000 nanare, waivine ma roaroa ega ita iavi. ³⁸ Patara ġaġaena ġelauna i vomairi mai Israel maiteni. Taui ġamogħamo boruna ġaġaena maiteni i nae. ³⁹ Maranai mai Egypt i viġġagħana opunei taui ega ai tamaina ita vokaukauei ma laġilagħina i opu, taui palawa pasipasi nonoana ega yist maiteni i vaia ma palawa bagibagina i apui.

⁴⁰ Mai Israel madeġa 430 i mae au Egypt.

Raġona torelana ana tarawatu

⁴³ Ma BADA Moses ma Aaron i riwei,

Raġona torelana ana tarawatu wenanare:

Dobu ġela wei torelana ega ina ani.

⁴⁴ Ami taunola gimixmarana ma inibori i vaia wei torelana ina ani.

⁴⁵ Taomana ma taunola maia aubaina e nolanola taui ega ina ani.

⁴⁶ Raġona sipuna numa tagogħiava au orana ona ani, ma ega sia aiwaina ona opunei au doa ma gelamina ega ona gai.

⁴⁷ Mai Israel anatapui Raġona torelana ina ani.

13*Natuevou vovivirana*

¹ BADA Moses i riwei, ² ‘Natuevou nelarai au Israel anatapui ona vovivrei Tau awariu. Roaroa ma ġamogħamo natuevou ororotoi au Israel anatapui, Tau gariuei.’

Moses mai Israel i riwei, ¹¹ ‘BADA ina ruiemi mai Canaan ai au dobu ma dobuna ina veremi, noinoini i paripari-vainuagħani nanare. ¹² Natuevou nelarai ma ami ġamogħamo natuevou ororotoi anatapui BADA ona verei, ¹³ Wate sipu orotona BADA ona verei ma awarina *donki* natuevouna ona gimara-melei, ma mepa da ega ona gimara-melei, lamna *donkina* uana ona gomui. Taumi natunatumi nelarai natuevou ona gimara-melei.

¹⁴ —Ma mara au murina, natunatumi ina vitara-viravira, ‘Aiwai aubaina wei ta kaukauei?’ Tam ma paribelei, ‘BADA urana vivrewapananei i taravaina-opunelai, panipani numanei au Egypt. ¹⁵ Pharaoh orana i bagibagi ma ega mai Israel ita voterei da ita nae. Lamna aubaina

BADA natuevou anatapui au Egypt i viraġeni, rava ma ġamoġamo anatapui. Lamna aubaina tau ġamoġamo natuevouna BADA a vereverei ma natuevou orotona a għimġimara-melei.¹⁶ Wei għimara melanana lamna me mataira au uram ma au muruam e oteotenī ma wei e vivimataira da BADA urana vivirewpananei Egyptei i taravaina-opunela.”

²⁰ Mai Israel Sukoth i voterei ma mutulua au giana au Etham i mae-gubai. ²¹ Ma marai BADA i vinao me apau maimairina ma wagħuvarai BADA i vinao me tuatua araratana maimairina ma lalalainei tau i rau-etaraveni. Ma lamnei, taui marai ma wagħuvarai i babbara.

14

Pharaoh mai Israel i viägħaż-za-żon

⁵ Maranai riwa i ġeta Pharaoh awarina, da mai Israel i ruba. Pharaoh ana gabegabemani maiteni ai nota i virai ma i riwa, “Tauta aiwai ta kaei? Ma ata taunola ta voterei da i nepai!”⁶ Anina ma Pharaoh ana chariot i vokaukauei, ma ana sorodia i vaia ma i nae. ⁷ Ana sorodia anatapui 600 vinevinei ai au chariot i geru, ma chariot ġelau i Egypt maiteni i nae. ⁸ BADA, i kaei da Pharaoh, Egypt ai gulau nuanuana i vopotai ma mai Israel i viägħaż-za-żon, Mai Israel ana tēpatorai i nena. ⁹ Mai Egypt ana sorodia i viägħa, Pharaoh ana horse ma chariot anatapui ma horse babadai ma ana sorodia anatapui, maiteni i viägħa da au gera i mamaelana, i votani dobu Pi-Hahiroth, Baal-Sephon au baba ġelauna.

¹⁰ Maranai Pharaoh i tuturiae, mai Israel i taepai da i 'nanai ma i rovo kaukaua da orai i sisi, ma BADA awarina i garara agu aubaina. ¹¹ Ma mai Israel Moses awarina amlo i ġaigai i pa, “Au Egypt eġa kokoaga da u taravaina-opuneli da weka au mutulua ana iraġe bo? Aiwai u kaei awariai? ¹² Tauai au Egypt a riwem, ‘Ma voterelai ma ana mae ma Egypt ai taunola! I ai kaua da tauai ata mae Egypt ai panipani, ma eġa au mutulua ata iraġe.’

¹³ Moses ana rava i paribelei, “Eġa ona rovol! Ona mairi jikkina ma ona inana menanarena BADA ina vilawanimi amadodo. Mai Egypt amadodo o inainanai eġa melanai ona inana-melei.

¹⁴ BADA aubaimi ina viġavia. Taumi ona mae-genuatau.”

Israel boga au pouna i babara damana

¹⁵ Ma BADA, Moses i riwei, “Aiwai aubaina awariu agu e toutouei? Mai Israel ma riwei da ina vidagu. ¹⁶ Am jiġona ma voepai da ma vilolo boga au tepana ma boga ina vilamonei, ma mai Israel boga au pouna doa au alalana ina babara damana. ¹⁷ Tam ma raubiga, Tau mai Egypt a vitepotorai da mai Israel ina viägħa. Maranai Pharaoh ana vovaiubai, ana sorodia, chariot ma ana horse sorodja, rava Tau ina voepaepai. ¹⁸ Tau Pharaoh ana vovaiubai, ana chariot ma ana horse sorodja da mai Egypt ina vivivireu ma ina aramanie da TAU BADA.”

¹⁹ Anina ma God ana anela, mai Israel ai eta tauravenia i nae ma mai Israel au muri i mairi. Ma apau maimairina au naoi i nei ma taui au muri i mairi. ²⁰ Apau mai Israel ma mai Egypt au poui i mairi, ma maranai au i pom, apau lalalaina mai Israel i verei ma mai Egypt au wagħuġuġareina i mae. Ma lamna aubaina mai Israel ma mai Egypt ai au gabu i mae-genuatau.

²¹ Moses ana jiġona i vilolo boga au tepana ma BADA kariwabu ġaġġieni i paritawnej, ma boga i vilamonei, kariwabu i ruba da mara i tom da doa boga au pouna i alala. ²² Ma mai Israel boga i damani doa au alalana, Ma boga olana i mairi au oiei ma au kelakelau.

²³ Anina ma mai Egypt, Pharaoh ana horse ġelau, chariot ma taurubeina mai Israel i votagoi da au boga i rui, mai Israel au muri. ²⁴ Ubaubanai boibogħi BADA apau maimairina ma ai tuatuana araratana au orana ma i 'nana ġaira ma mai Egypt i viägoġo. ²⁵ Ma chariot ana aniruba i viapoapeni da ruba i kauana-avei. Ma mai Egypt i riwa, “BADA mai Israel e vovoaqi, ma e viviġavietu, lamna aubaina tana ruba-tawnej!”

²⁶ Ma BADA Moses i riwei, “Am jiġona ma vilolo boga au tepana da boga ina nememei, mai Egypt au chariot ma sorodia horse au tepana anatapui ina puru-pai.” ²⁷ Madeġa i ġoġoġo ma Moses urana i vilolo boga au tepana, ma laġlaġina boga i naeme ana au gabu. Mai Egypt ita ruba wate BADA taui au boga i viorereni. ²⁸ Boga i naeme ana au gabu ma mai Egypt sorodia anatapuina i rurui au boga i monu. Eġa aiai tagħġi ita lawana.

³¹ Maranai mai Israel i 'nanai da BADA wei kauana vivirewpanana i kaei mai Egypt awarii, taui BADA i vivirana-kauei ma i vitumagħanei ana taunola Moses maiteni.

15

Moses ana wela

- ¹ Anina ma Moses mai Israel maiteni wei voepaepa welana i ravi BADA awarina:
Tau ana wela BADA awarina ma ana voepaepai, aubaina ana ġavia i vipupui,
ma horse ma chariot taugerui au boga i viorerena-naiei,
- ² BADA au rewapania ġaēgaena,
ma welei ana voepaepai;
Tauna i vilawaniu Tauna au God ma ana voepaepai,
Amamau ai God ma lamna aubaina ana vimae-ġaēgaeni ma ana voepaepai.
- ³ Tauna wavana BADA.
Tauna ġavia ravana.
- ⁴ Pharaoh ana chariot ma ana sorodia au boga i viorereni;
Ana sorodia vinevinei au Boga Lebalebarina i monui.
- ⁵ Gabinou i wanaiwaġi da taui i purui;
ma i monu boga au gabourina me ġaima.
- ⁶ Oo BADA ura-oiem vivirewapania kaukauana,
ura-oiem am ġavia e viviaimutumutui.
- ⁷ Tam ġegetelaram
ma taui i viġaviem u vovaiubai.
Am meji araratana u paritawanei
da taui i aragibui me aī ragorago.
- ⁸ Boga au tepana u uvena ma boga olana i mairi,
i mairi genuatau me biribiri,
ma gabinou i alala.
- ⁹ Am ġavia i riwa, “Ana viaġaġei,
ana vojjini,
ai purapura ma ai maura anatapui ana ġutai,
ma aiwai a ġoegħoei ana vaia,
Au sod ana lavui ma ana vipupui.”
- ¹⁰ Wate lavutumei u uvena,
ma gabinou taui i purui;
i monu me ġaima rabama au ġaēgaena.
- ¹¹ BADA, mepa god ġelau me tam bo eġa? Eġateni!
Tam anina vivivirem,
am rewapania i rata dewadewa da tauai a rovorovoem,
Tam kaua babai ma virewapanai taukaueina.
- ¹² Tam uraoiem u viloloi,
ma doa am ġavia i lawani.
- ¹³ Am rava u vaimelei ma u rauetaraveni am nuvaina patupatutunei,
Ma am rewapani u taravaina-naiei am au animae vivivireina.
- ¹⁴ Dobu ġelau wei riwana i nonori ma orai i sisi kaua.
Mai Philistia orai rovo ina vioai.
- ¹⁵ Edom gulagulaui ina rovo kaukaua,
Moab nelara rewapania ina sisi.
Canaan maemaei anatapui inii i wanagwadai.
- ¹⁶ Rovo ġaēgaena anatapui orai i oai,
uram ana rewapani taui i mairi kwakwa me kokoitau,
ma am rava ina verautua BADA,
da ravai u vaivai-melei ina verautua.
- ¹⁷ BADA ma taravaina da am au ola ina raunuma,
Gabu u vinevineiana,
tam uramei voavoaina.
- ¹⁸ BADA ina vibada nonoa.

¹⁹ Mai Israel doa au alalana i babara damana. Wate maranai mai Egypt ai horse ma ai chariot taugerui i rui au boga, BADA waира i neiana-melei da anatapui i purui Lamna aubaina Moses ana rava maiteni wei welana i ravi.

Miriam ana wela

²⁰ Peroveta Miriam, Aaron novuna tambourine i vaia ma waivine anatapui, tauna i votaġoġi ma tambourine i vikalokaloei ma i ara. ²¹ Miriam wei welana i ravi, “Tana raua

BADA awarina, aubaina tauna ġavia i vilamolamonei ma horse ma chariot taugerui au boga i viorereni."

Waira viviġorana i aii

²² Anina ma Moses mai Israel i taravaini da Boga lebalebarina i netawanei ma i nae au Shur mutuluanu. Aupom tonuġa au mutulua i barabu wate waira eġa ita nelaġai.²³ Maranai au waira vuvura Marah i ġeta da ita uma wate wairana umana i viġora da eġa ita uma, lamna aubaina wei dobu wavana Marah.²⁴ Ma rava Moses awarina i pariġai i pa, "Aiwi tana umai?"

²⁵ Anina ma Moses i paritou BADA awarina agu aubaina, ma BADA ai tupona i viatataiei. Ma wei aina i tawanei au waira ma waira i viaini aniuma aubaina.

Nai au gabuna BADA ana tarawatu rava i verei ai lawana aubaina, ma ai votelatela i raudadani.²⁶ BADA i riwa, "Mepa da riwau ona nonora-kauei ma kaua aiai ona kaei au matau ma riwau anatapuna ona voteletelei, da kovoga mai Egypt a vereverei, eġa ana veremi. Tau BADA tauvilawanimi."

²⁷ Muriai taui i nei au Elim kampa vuvura 12 ma mutulua ai me pa 70 i maimairi ma kampa waira au adana i mae mara aburuna.

16

God Israel lam i verei

¹ Anina ma mai Israel Elim i netawanei ma i nae au mutulua wavana Sin, wei dobuna lamna Elim ma Sinai au poui. Egypt i opu-tawanei nawaravi tagogi ma wiki ruāga i kwa ma wei au dobuna i ġeta.² Mai Israel Moses ma Aaron awarii i ġaiġaiawa.³ Ma i riwei, "BADA boibogħi au Egypt ita virażenjal! Kampa sia nauii a kiala kwaviviroi ma ai ġoanei a amam, wate taumi o taravaina-opunelai au mutulua da am-iraġe ana iraġelei."

⁴ Anina ma BADA Moses i riwei, "Lam marei ana paritawana-ġairei me garewa. Au pom patapatana rava ina opu ma lam au pom tagogi ruvana ava ina vaia. Wei taunei rava ana raudadani da riwau bagibagħina ina voteletelei bo eġa."⁵ Au pom ^vi-6-na au pom ruāga ruvana ina tami da ina vokaukauei.

¹¹ BADA Moses i riwei,¹² "Mai Israel ai ġaiawa a nonori. Ma riwei, 'Raviraviai taumi sia ona ani, ma ubaubanai lam ona maurei.' Ma lamna maranai ona aramanei da Tau BADA ami God."

¹³ Raviraviai kiu iviki boruna i nei da taui i maemae lana gabuna i vioai. Ma ubaubanai ġelauna doa anatapuna turuvani i vioai.¹⁴ Maranai turuvani i paira ma purapura avavai me palawa nanare doa au tepana i mae.¹⁵ Maranai mai Israel wei purapurai i 'nanai ma i viñuunaina ma i vitara-viravira vivira i pa, "Wei aiwai?"

Ma Moses rava i riwei, "Wei aniam BADA i veremi."¹⁶ BADA riwana bagibagħina lamna wei, "Rava tagogi lam ana au ruva ina tuarui. Nau muomuo i ruāga[†] ruvana ona tuarui, rava tagogi au num aubaina."

¹⁷ Aiwai i ririweia nanare mai Israel i kauei, ġelaui ruva ġaegħena i tami ma ġelaui ruva aburuna i vaia.¹⁸ Wate maranai i ruvai ma i 'nanai da rava anatapui ruva i vaia da tagotagogħina. Taui da ruva ġaegħena i tami eġa aiwai ita mae-terei ma taui da aburuna i tami ma i nelaġai da lamna tagotagogħina taui aubaii. Numa nununai ravai lam ruvaruvana i vaia.

¹⁹ Anina ma Moses i riwa, "Eġa aiai lam ina tereriei da au maratom aubaina."

²⁰ Wate rava ġelaui Moses eġa ita rautanigħanei ma lam ġelaui i tereriei ma ubaubanai motamota lam i oai ma i bova, ma Moses amlona i ġaiġi taui awarii.

²¹ Ubaubanai patapatana taui lam iai au ruva i tuarui, ma maranai madeġa i vibola ma lam i viwaira da i amo. ²² Ma au pom ^vi-6-na taui au pom ruāga ruvana nanare i tuarui, ma melagai babadai i nei da Moses i pariverei.²³ *Moses taui i riwei, "BADA riwa bagibagħinei wenanare i riwa, 'Maratom lauvitau vivireina Sabate ana mara, Tau aubaiu. Aiwai apuna o ġoegħo amadodo ona apui ma aiwai vitavana o ġoegħo amadodo ona vitavi. Ma aiwai i mae-terei, ona tereriei au maratom aubaina."

²⁴ Ma taui lam i tereriei ma eġa ita bova ma ita motamota me Moses i ririwa nanare,²⁵ Moses i riwa, "Wei lamna amadodo ona ani, aubaina amadodo Sabate, lauvitau ana mara vivivireina i terei BADA aubaina. Ma amadodo amapo lam au doa eġa ona nelaġai.²⁶ Au pom 6 lam ona tuarui, wate au pom ^vi-7-na Sabate, amapo lam eġa ona nelaġai."

* **15:23:** Au Hebrew pona Mara nonorana me vigora. * **16:1:** Mai Israel au pom 15 nawaravi tagogi (madeġa weka iavana i vikarei) ma Egypt i opu-tawanei. † **16:16:** Hebrew ai ponei 1omer ana ruva lamna 2 Ltr ruāga wei lamna ruva tagogi ana ruva. * **16:23:** Exo 20:8-11

²⁷ Ma au pom ^vi-7-na rava ġelaui i opu da lam ita tuarui wate ega aiwai ita nelaġ. ²⁸ Anina ma BADA, Moses i riwei da rava i riwei i pa, "Mara biaga au tarawatu ma au viaramana ona rau-aġaiġaiei? ²⁹ Ona notai da Tau BADA, Sabate a veremi, ma au pom ^vi-6-na lam a veremi da au pom ruaga Aubaina. Ma rava anatapui au numa ita mae ma avena ita opu." ³⁰ Ma au pom ^vi-7-na rava i vilauvitau. ³¹ Rava mai Israel wei lamna i ġorei "manna."

³⁵ Ma mai Israel manna i amam da madeġa 40 i kwa. Taui manna i amam da Canaan ana au parata i ġeta.

17

Waira kirei i opu

¹ Mai Israel mutulua Sin i netawanei, ma mepa BADA i ririweia nanare kampa i mae-nae. Taui au Rephidim i rauğaravu, wate kampa ega waira da rava ita uma. ² Anina ma taui Moses maiteni i vipariparinigai i pa, "Waira ma verelai da ana uma!"

Ma Moses i paribelei, "Aiwai aubaina o pariparinigai? Aiwai aubaina BADA o rauadadani?"

³ Wate rava nuuanui i arelana-kauei waira aubaina ma Moses i eni i pa, "Aiwai aubaina Egyptei u tere-opunelai da natunatuiai ma ai ġamoġamo maiteni nuarelana ana iraġelei?"

⁴ Ma Moses i paritoutou BADA awarina i pa, "Aiwai ana kauei wei ravai awarii? Taui ġaimei marina ina viraġeniu."

⁵ BADA Moses i paribelei, "Israel babadai ġelaui ma taravaini ma kwapu taunei Nile u raviravia ma vaia ma ma vinao. ⁶ Tau kampa au naom au kira ana maimairi au Horeb. Kira ma ravi da waira ina opu da rava ina uma." Ma Moses nanare i kauei Israel babadai au matai. ⁷ Moses wei dobuna i ġorei Massah *ma Meribah, † aubaina weka mai Israel Moses maiteni i vipariparinigai ma BADA i raudadani maranai i riwa, "BADA weka tauta maiteni bo ega?"

Mai Israel ma mai Amalek i viġaiġiawa

⁸ Mai Amalek i nei ma Mai Israel maiteni i viġaiġiawa au Rephidim. ⁹ Moses Joshua i riwei, "Rava ma vinei da ona nae mai Amalek maiteni ina viġaiġiawa. Au maratom tau ola au tepana ana mairi ma God ana kwapu ana vovoġijini."

¹⁰ Ma Joshua mai Amalek maiteni i viġaiġiawa me Moses i ririweia nanare. Moses, Aaron ma Hur i ġae ola au tepana. ¹¹ Maranai Moses urana ana kwapuna i voepai mai Israel i vivirewapano wate maranai urana i tereter-ġairei mai Amalek i vivirewapano. ¹² Moses urana i garigari ma Aaron ma Hur ġaima i neiai da i terei ma au tepana Moses i kiala. Aaron ma Hur, Moses au ririvana i mae, tagogi au navanavana ma geluna au navanavana geluna ma urana i voepai ma i vojijini da madeġa i neulai. ¹³ Ma Joshua ana sorodia maiteni Amalek ai sorodia sodie i vovaiubai.

18

Jethro poiana Moses i raugenari

¹ Moses poiana Jethro, mai Midian ai pirisi pulo tauapuna i nonori aiwai anatapuna BADA i kaukaueia Moses ma mai Israel awarii; ma menanare Egyptei i taravaina-opunei.

⁵ Moses poiana - Jethro, Moses awana ma natunatuna nelarai ruaga i nei da Moses ita raugenari au mutulua. Weka Moses ana rava maiteni i rauğaravu God ana ola au ġereġerena. ⁶ Jethro riwa i paritawanei Moses awarina da taui i nenei. ⁷ Ma Moses i opu da poiana ita nebelei. Tauna i mae-ġaira ma poiana i raudunelei ma i vigia-laġlaġonei. Taui i viegħalau vivira ma i rui Moses ana au numagara. ⁸ Ma BADA aiwai i kaukaueia Pharaoh ma mai Egypt awari mai Israel aubai; ma apoapoe anatapui au eta i nebelei; ma menanare God taui i vilawani; anatapui poiana i pariverei. ⁹ Ma Jethro nuuanuana i ai kaua maranai i nonori menanare BADA aiwai anatapuna aiai i kauei mai Israel aubai maranai Egypt urai vivirewapanana awariei i tere-opunei.

* **16:35:** Jos 5:12 † **17:1:** Num 20:2-13 * **17:7:** Hebrew ponanei, Massah anona raudadana † **17:7:** Pona Hebrew, Meribah anona vipariparinigai

¹⁰ Jethro i riwa i pa, “Voepaepa BADA awarina. Tauna Pharaoh ma mai Egypt awarii i vaitawanemi. Ee, Egypt urai vivirewapanana awarie i vai-tawanemi. ¹¹ Marina a aramanei da BADA i ġetelara eġa me god ġelaui nanare. Aubaina BADA ġoġogulagulau mai Egypt ai kaua apoapoe mai Israel awarii aubaina i kovoġi.”

Jethro Moses i vinua-terenei

¹³ Ma marana i tom, Moses ana au anikiala i kiala da ita rauetara. Ma rava Moses i mair-kwaviviroi ma i vipaipai ubaubanai da madeġa i ġaira. ¹⁴ Maranai Jethro i 'nanai aiwai anatapuna Moses i kaukauei rava aubaii. Tauna i vitara-viravira i pa, “Wei aīwai rava awarii e kaukauei? Aiwai aubaina ainelam wei e kaukauei, ma wei ravai e maimairi pompom da am riwa ita nonori?”

¹⁵ Moses i paribelei i pa, “Tau wei a kaukauei aubaina rava e nenei awariu da ita aramanei aiwai God e ġoġgoei da ita kaei. ¹⁶ Maranai rava ruāġa e viviamparipari. Taui e nenei awariu da a teretere-vajijimani; ma God ana riwa ma ana tarawatu a ririwei.”

¹⁷ Moses poiāna i riwa i pa, “Aiwai tam e kaukauei lamna eġa ita ai. ¹⁸ Nola e kaukaueia i vitai kaua da tam ainelam eġa tagotagogina uta kaei. Tam ma rava ona voirairage. ¹⁹ Ma rautanigana ma ana vinuaterenem; ma God awarim ina mae. Tam anina da rava ma raviepaiai God au naona ma ai viamparipari ma neiae awarina. ²⁰ God ana parivairaramana ma ana tarawatu ma viararamanu ma tauri ma viataataei da menanare ita maenei ma aiwai ita kaei. ²¹ Wate am patara awarieci nelara ġelaui araramanii ma God e viviborumei ma eġa amkwalakwalai ma vinei da rava ina vibadei: ġelaui rava 1,000 ina vibadei; ma ġelaui rava 100; ma ġelaui rava 50; ma ġelaui rava 10 ina vibadei. ²² Taui rava ai viamparipari ina tere-vajijimani. Wate aiwai da i piripiri, ina neiae awarim. Taui ina voaquid da am vita ina avarai ma ina votelatela. ²³ Mepa da God i ririweiha ma kaei amapo eġa ma voirairage ma rava anatapui ana nuaiai ina nae ai au numu.”

²⁴ Moses, poiāna i rautaniganei ma aiwai anatapuna i ririweiha i kaei ²⁵ Ma Moses mai Israel araramani i vinei da rava 1,000 i vibadei, ma 100, ma 50 ma 10 i vibadei. ²⁶ Wei babadai, rava ai viamparipari i teretere-vajijimani ma aiwai da i piripiri i neneiae Moses awarina. Ma kaua telatela i teretere-vajijimani.

²⁷ Anina ma Moses, poiāna Jethro i viegualaei, ma Jethro i naeme ana au dobu.

19

BADA i vieġana-melei au ola Sinai

² Mai Israel Rephidim i netawanei da i nae au mutulua wavana Sinai. Ma kampa ola au karena i rauġaravu.

³ Ma Moses i ġae au ola da God ita nebelei. Ma BADA ola au tepana ma Moses i ġorei i pa, “Wei mai Israel Jacob noinoina ma riwei.

⁴ —Taumi matamieci o inanai aiwai mai Egypt awarii a kaei ma me manubada natunatuna au papena e aavarai nanare a avaraimi ma a neiana-melemi awariu. ⁵ *Mepa da ona voteleteleu ma au parivainuagana bagibagina ona vojjina-kauei, lamna dam anatapui au dobu awarieci taumi ana vinemi nuuanuau pouna. Avena da dobu anatapuna Tau ġaruei. ⁶ Wate taumi aubaiu ona vipirisi, ma ami dam ona vovivirei tau ainelau aubaiu, wei babani mai Israel ma riwei.”

⁷ Ma Moses i ġaira me ma dogadogara i kwatuei ma aiwai anatapuna BADA i ririwei i pariverei. ⁸ Ma rava anatapui i paribelana gogona i pa, “Tauai aiwai anatapuna BADA i ririwei ana kaei.” Ma Moses ai paribelana i ġaiana-melei BADA awarina.

⁹ BADA, Moses i riwei, “Tau apau potopotona au orana ana nei, da rava ina nonori Awarim ana bababani da ina vitumaġana-nonoem.” Anina ma aiwai rava i ririwei Moses BADA i riwei.

¹⁰ Ma BADA Moses i riwei, “Ma ġaira ma rava ma voaqid amadodo ma au maratom da orai ina oġai da tau ina viborumei. Ma ai gara ina oġai. ¹¹ Ma ina vokaukaua au pom vitonuina aubaina. Nai maranaina Tau ana ġairai au Ola Sinai, rava anatapui au matai. ¹² Parata ma tere-kwaviviroi au ola. Ma riwa bagibaginei ma riwei ma pa, ‘Ona inana-kaua da eġa au ola ona ġaebo ola ona tapedadanu. Aiai da ola i tapedadanu ina iraġe.’ ¹³ Mepa da rava bo ġamōġamo wei paratana i voragi, taumi eġa nai ravana bo ġamōġamona ona vodadani wate ġaimei bo aierei ona viraġeni. Wate maranai taure ponana i rarata lamna rava ina ġae au ola.”

¹⁴ Ma Moses olei i ġāira memei ma ana rava i riwei da orai i vokaukauei da God ina viborumei ma ai gara i ogai. ¹⁵ Ma i riwei, “Ona vokaukau mara vitonuina aubaina, marina da nai marana ega ona viawawana.”

¹⁶ Ubaubanai au pom vitonuina, waiparara, namanamara ma apau potopotona ola i purui, ma taure i tou. Maratagogi rava anatapui kampa i mamae i rovo kaukaua ma i sisi.

¹⁷ Ma Moses rava i ravene-opunei da God ita nebelei. Taui ola au karena i mairi. ¹⁸ BADA ai araratanei i ġairai ola Sinai au tepana. Ma bau potopotona olana i puru-pai. Bau kampa i ġegħae me modu potopotona e ararai nanare, ma olana anatapuna i vigugui. ¹⁹ Ma taure ponana i rarata. Ma Moses i babani ma God i paribelei ponana nonorana me waiparara.

²⁰ BADA i ġairai ola Sinai au tepana ma Moses i kwatuei da ita ġei ola au tepana. Ma Moses i ġae.

20

God ana tarawatu 10

¹ Ma God i babani ma wei riwai i latoni,

² TAU BADA ami God, panipaniei au Egypt a taravaina-opunemi.

³ Taumi ega god ġelau ona raudunelei, Tau ainelau ona rauduneleu.

⁴ Taumi ega aiwai au mara bo au dobu bo boga au orana dobu au gabaurina kokoitau i ona kaei da ona raudunelei. ⁵ *Taumi ega kokoitau i ona raudunelei bo ona viborumei, aubaina TAU BADA ami God ununurana. Ma taui i gedugeduaieu ana kovoġi da kimta au *v'i-4-na*. ⁶ Wate taui aiavoi nuanuau e vaivaini ma au tarawatu e vovojiji au nuavaina maemae-nonoana ana verei da kimta tauson nanare.

⁷ Taumi ega BADA ami God wavana ona vinamei. Aiai da BADA wavana e vivinamei ina kovoġi.

⁸ *Sabate ega nuanuami ina vuru ma ona notanotai ma ona vovivrei tau awariu. ⁹ Aupom 6 ami nola ona kaei. ¹⁰ Wate au pom *v'i-7-na* lamna Sabate, lauvitau marana, i vovivirei BADA ami God aubaina. Wei au marana ega aiai ina nola: ega tam, natum orotona bo wavinena, am taunola orotona ma wavinena, bo am ġamogħamo, ma dobu ġela raval ararim e mamae. ¹¹ *Aubaina au pom six au orana BADA mara ma dobu i kaei; boga ma anatapui au orana. Wate i vilauvitau au pom au *v'i-7-na*. Lamna aubaina BADA Sabate i viaiaini ma i vovivirei.

¹² *Amam ma alom ma vivrei, da am lawana ina manawa au dobu, BADA am God e vereverem.

¹³ *Ega ma viraġena.

¹⁴ *Ega ravaġela awana ma viawawanei.

¹⁵ *Ega ma danene.

¹⁶ *Ega ma viwatu-moru

¹⁷ Ega ravaġela ana numa ma vikwinei. Ega ravaġela awana ma vikwinei, bo ana taunola orotona bo wavinena, ana bulumakau, ana donki, bo aiwai ġelaui ġarnei.

21

Rau iviapoapoe ai Tarawatu

¹² Aiai rava ġelauna i ravi da i viraġeni, nai ravana ina viraġeni. ¹³ *Wate mepa da i vunu-boai da i viraġeni. Tauna ina ruba dobu a vinevinea kampa. ¹⁴ Wate rava i vioga da i viraġena, ma ana lawana aubaina i ruba pulo au aniapuna, ravana ina taravaina-opunei ma ina viraġeni.

¹⁵ —Aiai amana bo alona i ravi, nai ravana ina viraġeni.

¹⁶ —Aiai da rava ġelauna i danenei da i gimarei bo awarina ma i nelagħi, nai ravana ina viraġeni.

¹⁷ *—Aiai da amana bo alona e parivai-apoapoeni nai ravana ina viraġeni.”

22

Tarawatu am lawana aubaina

¹⁶ “Mepa da oroto wavine matatapu i għwalai da i viawawanei, ma ega aiai wei wavinena ita rautani da ita ravaġi. Nai orotona wavine mataopana ina vimaiei ma ina ravaġi. ¹⁷ Wate

* **20:5:** Exo 34:6-7; Deu 7:9-10 * **20:8:** Exo 16:23-30 * **20:11:** Gen 2:1-3 * **20:12:** Mrk 7:10; 10:19 * **20:13:** Gen 9:6; Mrk 10:19 * **20:14:** Mrk 10:19 * **20:15:** Mrk 10:19 * **20:16:** Exo 23:1; Mrk 10:19 * **21:13:** Num 35:10-34 * **21:17:** Mrk 7:10

mepa da amana i viġa, lamna maranai oroto matatapu ana mataopa ina vimaiei wavine amana awarina.¹⁸ Aiai wavinena e paraparauma lamna ina virāgeni.

¹⁹ —Aiai ġamoġamo i viawawanei lamna orotona ina virāgeni.

²⁰ —Aiai pulo i apui god ġelauna awarina ma ega tau BADA awariu lamna nai ravana ina virāgeni.

²¹ —Ega dobugela ravai ona ġoa-boai, ona notai da taumi mara tagogi o mae dobugela ravami au Egypt.

²² —Ega kaikaababa ma kedakeda ona ġoa-boai. ²³ Mepa da nanare ona kauai ma taui ina tou awariu agu aubaina, Tau BADA, ai tou anina ana nonori ma ana voagui. ²⁴ Ma Tau ana meji guratana ma ġavia au orana ana virāgenimi. Awawami ina vikaibaba ma natunatumi ega amamai.

²⁵ —Mepa da mane u unelei molamolakana awarina, lamna ega mane ġelauna au tepana ma vibagi. ²⁶ Mepa da rava ġelauna ana kwama u vaia da manena ina veremelem ma muriae ma vere-melei, ana kwama ma vere-melei muriae da madeġa ina ġaira. ²⁷ Kwamana lamnei e purpururi da inina e vivibola. Bo aiwai ġelauna e mamae da ina vipuruei? Mepa da kwama ega uta veremelei ma tauna awariu i tou agu aubaina ma Tau ana paribelei aubaina Tau rau-nuapoapoe.”

23

Rau-nuapoapoe

¹ Ega riwa moru ma vituai. Ma ega au numa-etara moruei kaua apoapoe ravana ma voagui. ² Ega patara ma ġovaivaiti ma ġo'apoapoe ma kaukau ei. Maranai au numa etara e maimairi ega moruei ġo'apoapoe patarai ma voagui.

24

Israel BADA ana parivainuāgħana i vianinei

³ Moses i nae mai Israel awari ma BADA ana viararamana ma ana tarawatu anatapui i riwei ma rava anatapui pona tagoginei i paribelei i pa, “Tauai BADA aiwai i ririwei anatapuna ana kauel.”

⁴ Ma Moses, BADA aiwai i ririwei anatapuna i girumi. Ubaubanai boibog i vomairi ma pulo aniapuna i voai ola au karea ma ġaima ġaegħae 12 i vimairini Israel ana dam 12 i vimatairei. ⁵ Anina ma Israel laralaragai i paritawanei da ġamoġamo i vununaiei ma pulo i apui BADA awarina ma bolumakau ġelau i vunu da ai viturana ma mae-kaua pulona. ⁶ Moses ġamoġamo tarai navanavana i ġuniaej aboma ma navanavana ġelauna pulo aniapuna au tepana i voiwiwaġi. ⁷ Ma parivainuāgħana bagibagina bukanha i vaia ma rava awarri i avvi. Taui i paribelei, “Tauai aiwai anatapuna BADA i ririwei ana kauel, ana babani ana votteletelei.”

⁸ Ma Moses aboma i vaia ma tara i voiwiwaġi rava au tepai. Ma i riwa i pa, “Wei taranei ata tarawatu i vovai-virewapani ma i vianinei.

—Maranai BADA tarawatu i veremi, Tauna parivainuāgħana bagibagina taumi maiteni i kauel.” ¹² BADA, Moses i riwei, “Ma ġei awariu au ola ma weka ma mae, ma ġaima dabababai ruuġa au tepai, riwau ma au tarawatu a girugrumia ana verem da mai Israel ma viararamani.”

¹³⁻¹⁴ Ma Moses ana taunola Joshua maiteni i vokaukaua da ita ġae au ola. Ma Moses babada awarri i babani i pa, “Weka ona painiai da ana opu-memei. Aaron ma Hur e mamae, mepa da ami pariparigai aiwai da ona nae awarri.”

¹⁵ Ma Moses i ġegħae au ola ma apau ola i purui ¹⁶ Ma BADA ana boruma i peu au ola Sinai. Ma au pom six apau ola i purui, ma au pom au *“i – 7 – na”* BADA apau au orana ma Moses i ġorei. ¹⁷ Mai Israel i taepai ma ola au tepana BADA ana boruma i ‘nanai me ai arata ġaegħaena ai menamenana ma bauna potopotona. ¹⁸ Ma Moses i ġae au ola ma apau au orana i rui. Ma au ola i mae au pom 40 ma wagħvarri 40.

25

God ana numagara vivivireina

God Moses i riwei da rava ita pariverei da ai ġoanei ita verena, kaua ma ġamagħauiee da God ana numagara vivivireina aubaina.

⁸ "Rava Numa Gara Vivivireina ina voai, da taui maiteni ana mae. ⁹ Numa gara ma orana purapurai ana viatataiem nanare ona voai."

Parivaainuağana bokisina

¹⁰ Ma bokisi ai *acaciei* ina voai, ana manawa 110 cm, ma ana dabora 66 cm, ma ana ġae 66 cm. ¹¹ Ma gold aiainei ma vaitani au orana ma au doa, ma au tepana ana via goldei ma terekwativiroi. ¹² Ma ana loji 4 ma vokaukauei ma au aena 4 ma terei; ma au baba ġelauna loji ruağā ina mae ma au baba ġelauna loji ruağā ina mae. ¹³ Ma ai *acaciei* anipawe ma kaei, ma goldei ma vaitani, ¹⁴ Ma anipawe au loji bokisi au babana ma raviai, da ina pawei. ¹⁵ Anipawe au loji ina mae, ġeġ ina taina-lavui. ¹⁶ Ma au tarawatu ġaima dabababai ruağā au tepai a girugirumia bokisi au orana ma terei.

¹⁷ —Ma uğu*, gold aiainei ma kaei, ana manawa 110 cm, ma ana dabora 66 cm.

¹⁸ Ma Cherub ruağā ma kaei gold gudagudanei ma uğu au giana ruağā ma terei. ¹⁹ Ma Cherubim ġelauna au già ġelauna ma Cherubim ġelauna au già ġelauna ma kaei da uğu maiteni ina vitagogi. ²⁰ Ma Cherubim papei au aidamo ina viloloi, ma ina vinao vereverena, da ġo'apoapoe tauvaitawaneina uğuna ina gagaloei. ²¹ Uğu au tepana ma terei, ma ġaima dabababai ruağā bokisi au orana ma terei. ²² Ma uğu au tepana, Cherubim ruağā au poui kampa tana vinenebelana da au tarawatu ana verem rava mai Israel aubaii."

28

Ma God nanare Moses i riwei da wei purapurai i voai, kepakepa vinevinena ma incense aniapuna goldei, ma rampa anivojijinana rampa seven aubaii. Ma i viararamani menanare BADA ana numagara vivivireina ina voai ma au orana gara ġamogamo opinei ina babalaragi da gabu ruağā, ma gabuna ana gari ina kaei da wei gabuna ina gari-kwaikwaipipini. Ma wate maiteni i riwei da pulo aniapuna bronzei, ma aboma gaegaena ina kaei anioġa aubaina.

Pirisi ai gara

¹ Ma God i riwa, Tuam Aaron natunatuna Nadab, Abihu, Eleasar ma Ithamar maiteni mai Israel awariei ma tereriei. Ma ma viaiaini da Tau aubaiu ina vipirisu pulo tauapuina. ² Ma pirisi ana gara vivivireina ma popoi vareim aubaina da inanana ina vinualaulauna ma rava ina vivirei, ³ Rava rarau-ġaroġaro ma nuaulaulai, ma ġoreiħi da Aaron ana pirisi garana ina popoi da ina oteni ma ina viaiaini da aubaiu ina vipirisu.

31

God ana numagara taukaueina

¹ Ma BADA Moses i riwei, ² "Ma inana, Tau Besalel, Judah ana damei a vinei, tauna Uri natuna, ma Hur ġogħa, ³ ma Aruu Vivivireina a verei. Ma nuaulaula ma nota ma aramaña a verei da rau-ġaroġaro anatapui awari tauna tagotagogina. ⁴ Tauna tauraugħarōġaro amai, *Gold*, *Silver* ma *Bronze* taunoleina aiaina. ⁵ Tauna i ai kaua ġaima e boribor ma e laġlaġai, ma amta awarina. Tauna rau-ġaroġaro anatapuna awarina tagotagogina. ⁶ Ma nanare Oholiab a vinei, tauna Ahisamak natuna, Dan ana au dam da ana tauagu. Ma nanare tauraugħarōġaro nuaulaula ma aramaña a verei da aiwai anatapuna a ririwem ina kaei. ⁷ Numagara Vivivireina ma parivainuağħana bokisi ma uğu ma numagħra ana purapura: ⁸ kepakepa ma ana purapura; rampa gold aiainei ma purapura ġelau ma incense aniapunana. ⁹ Pulo aniapuna ġamogħamo taputapuna apuna aubaina. ¹⁰ Ma gara vinualaulaunai ina popoi, gara vivivireina ina popoi Pirisi Ĝegetelarana Aaron aubaina ma natunatuna pirisi nolana aubaina aubaii, ¹¹ monamona viaiaina aubaina ma incense BADA ana numa aubaina. Tauraugħarōġaro wei purapurai ina rauġarōġaro me a ririwei nanare."

32

Bull natuna goldei

¹ *Maranai rava i 'nanai da Moses barana i uama au ola, taui i nei Aaron awarina ma i riwei, "Ma nei ma god ma voai da īna painita. Wei ravana Moses, Egyptei i nejaita weka, ġeġi ata arameanei aiwai i tupua awarina."

² Aaron i paribelei, "Awawami ma natunatumi waivinei ma nelarai ai loji goldei ona nejai awariu!" ³ Anina ma rava anatapui ai loji i votawatawanei ma i nejai Aaron awarina. ⁴ *Tauna i vaia ma ai au menamenana i apui da i wanagħwadha ma bull natuna kokoitauna

* 25:17: uğu ġo'apoapoei e viviātani * 32:1: Act 7:40 * 32:4: 1Ki 12:28; Act 7:41

i voai. Maranai rava wei i 'nanai ma i riwa, "Oo mai Israel wei ami god, Egyptei i tere-opunemi."

⁵ Maranai Aaron wei i 'nanai ma pulo aniapuna i voai bull au naona ma i vinolola i pa, "Au maratom tana torela BADA aubaina." ⁶ Ma Ubaubana boibogi rava i vomairi da gamogamo taputapuna i apui ma viturana maiteni pulona i terei. Muriai i kiala da i am gogona ma i umabua guratana da i kaua labalababa.

⁷ Anina ma BADA Moses i riwei, "Ma gaira ma am rava Egyptei u tere-opunei. Tau i geduaieu ma kaua apoapoena i kaei. ⁸ Taui me marana au tarawatu i geduaiei ma bull natuna kokoitauna i kaei. Ma i raudunelei ma pulo i apui awarina ma i riwa, 'Wei ami god, Oo Israel, Egyptei i tere-opunemi.'

⁹ Ma BADA Moses i riwei, "Wei ravai a inanai ma a aramanei taui kolai bagibagii, ma nuapoui ega. ¹⁰ Ma votereu da au meji ana vikwai taui awarina ma ana pupuni. Ma tam Moses ana terem da am epaepaia maiteni dam patara'i gaegeaena ona vitupui."

¹¹ Wate Moses God i vigigimanei i pa, "Oo BADA am rewapani gaegeaenei am rava Egyptei u tere-opunei lamna aubaina ega am rava awarii ma meji ma ma pupuni. ¹² Mepa da ma pupuni, Mai Egypt ina riwa, 'Ana nota apoapoena maranai i tere-opunei da au ola anat-apui ita pupuni.' Meji avena, oram ina uba, ma ega ma vipupui. ¹³*Am taunola Abraham, Isaac ma Israel ma notai, tam wavamei u parivainuagani, 'Tau am epaepaia ana vimaga'i me ubona au mara ma wei dobuna a paripari-vainuagani ami epaepaia ana vere-nonoei.' ¹⁴ Anina ma BADA orana i uba ma ega apoapoena ita neiae awarii.

¹⁵ Ma Moses i gaira me, au urana gaima ruauga dabababai. God ana tarawatu wei gaimai au naoi ma au murii i girumi. ¹⁶ Gaima dabababai lamna God ana kaua. Tauna ainelana i girumi.

¹⁹ Maranai Moses i turiai mepa rava i rauigaravu ma bull natuna goldei i 'nanai i maimairi ma rava i arara i 'nanai. Tauna meji orana i oai ma gaima dabababai ruauga i viorereni au doa. I viaigimagimai ola au karenai. ²⁰ Moses bull natuna goldei i vaia ma i apui ma i tutugwadagwadai da i vipokau ma au waira i tawanei ma mai Israel i egari da i uma.

²¹ Ma Aaron i riwei, "Rava aiwai i kaei awarim da u kaei da kaua apoapoe kaukauna i kaei."

²² Aaron i paribelei, "Au bada ega ma gaiawa, rava ai kaua u aramanei, kaua apoapoe ai gai. ²³ Ma i riweu, 'god ma kaei da ina ravenita. Ma wei ravana Moses, Egyptei i tere-opunelai, tauai ega ata aramanei aiwai awarina i tupua.' ²⁴ Lamna aubaina rava a riwei, 'Aiaia awarina via goldei ona votawanei ma i vereu.' Ma ai au menamenana a tawana-ruiee ma wei bull natuna i opui"

²⁵ Moses i 'nanai da Aaron ega tagotagogina da rava ita vibadei, ma ana gavia ai anivinama i kaei. ²⁶ Lamna aubaina ai rauigaravu au metaetana i mairi ma i garara, "Aiaia da BADA au murina, ona nei awariu!" Ma Levi ana dam i nae Moses au murina.

²⁷ Ma Moses taui i riwei, "BADA, Israel ana God e ririwa. Nelara *sod* ona lavui ma ona nae gagaravu au giana da ona nenememei ma dam turam ma vareim ma mae-turam ma virageni."

²⁸ Levi ana dam Moses i voletelelei ma nai au marana nelara 3,000 i virageni. ²⁹ Ma Moses i riwa, "Amadodo BADA taumi i viviviremi ma i viaiainimi da aubaina ona vipiris pulo tauapuina, aubaina taumi BADA o voletelelei da natunatum i varevareimi o virageni."

³⁰ Ma maratomna Moses rava i riwei, "Taumi go'apoapoe gaegeaena o kaei wate ana gae BADA awarina da ana kauana dadanei da ami go'apoapoe ina nota-tawanei."

³¹ Anina ma Moses i gae me BADA awarina ma i riwa, "Au rava kaua i apoapoe gaga'i kaei. Taui ai god goldei i kaei ma i raudunelei! ³² Wate marina BADA a viviba'gaim da ai go'apoapoei ma nota-tawanei ma mepa da ega lamna avena ma wavau am au buka ma boa-tawanei."

³³ Ma BADA Moses i paribelei, "Aiavoi go'apoapoei i kaei awariu, Tau wawai au buka ana boai. ³⁴ Marina ma nae, rava ma naiei dobu a ririwei'a ma au anela ina ravenim. Wate mara ina geta da ana kovo'ga, taui ai go'apoapoe aubaina ana kovo'gi."

³⁵ Ma BADA doria apoapoenei rava i kovo'gi aubaina taui god bull natuna Aaron i voai i raudunelei.

34

Gaima ruauga

¹ BADA, Moses i riwei, “Gaima ruāga dabababai ma bori inanana me ruāga u wamawamaia, ma au tepana riwana tagogina ana girumi me au naona. ² Ma vokaukaua ma ubaubanai ma ġei ola Sinai au tepana ma nebeleu.”

⁴ Ma Moses, ġaima ruāga i bori me au naona nanare. Ubaubanai boibogi ġaimai i voai ma i ġae au ola BADA i ririwei nanare. ⁵ Ma BADA apaei i ġairai ma au ririvana i raumairie, ma wavana i latoni, “BADA!” ⁶ *Ma Moses au naona i babara ma i viğoreğore, “TAU MAEMAE NONOANA! Tau raraū-nuapoapoeu ma īviu aiaina, tau eġa laġilägħina amlou ita vogħiġai. ⁷ Au nuvaina maemaena ina mae au rava awarri da kimta tausin ina kwa ma kaua apoapoe, mae-ġaġae ma ġo'apoapoe ina nota-tawanei. Wate tauna eġa kaua apoapoe taukauei ita inana-tawanei, natunatui ma ġogħiġi, amamai i kaukauei kovoġħana e vaivāda da kimta vitonuina da vi-four-na.”

⁸ Moses maratagogi i mae-peu au doa ma BADA i viborumei. ⁹ I riwa, “Au bada mepa da riwa kaua da tam nuanuau in vaia, a vivibaġaim da uta vinao ma tata nae. Wei ravai orai badobadoi, wate ai kaua apoapoe ma ai ġo'apoapoei ma nota-tawanei, ma ma vai-meleiai am buder.”

Parivainuaġħana bagibagina i ravivouni

¹⁰ BADA, Moses i riwei, “Ma rautaniġħana! Au parivainuaġħana bagibagina tam maiteni a kaukauei am patara Israel maiteni. Ma au matami kaua ġaġġae aniba kauai ana kauēi. Eġa melanai aiai wenanare ita kauēi au dobu. Rava anatapui au ririvami e mamae, au rewapani ina inanai da tau, BADA kaua ġaġġae ana kauēi aubaimi.”

²⁸ Moses kampa i mae BADA maiteni au pom 40 ma waguvvarai 40, eġa ita am ma eġa ita uma nai au marana. Ma BADA ġaima au tepana parivainuaġħana riwai - Tarawatu 10 i girumi.

Moses naona i lalai

²⁹ Moses ġaima ruāga au tepai parivainuaġħana riwai i vinimavoei ma ola Sinai i ġairai. Wate eġa malana ita vaia da naona i lalalai aubaina tauna BADA maiteni i babani. ³⁰ Aaron ma Israel patarai i 'nanai da Moses naona i lalalai ma awarina naena i rovoei. ³¹ Wate Moses tau i ġorei, ma Aaron ma dogadogara i nei awarina, ma awarri i babani. ³² Ma mai Israel i riei Moses awarina ma tarawatu ola au tepana i vereveri rava i pariverei.

³³ Moses naona garei i puru maranai awari i babani-vorovei. ³⁴ Maranai Moses e rurui au numagara da BADA maiteni ina babani, ġarana naona i purupurui lamna, e vovotawanei. Ma e opuopu memei ma BADA aiwai i riwei mai Israel e paripariverei, ³⁵ ma mai Israel, i 'nanai da Moses naona i lalalai. Lamna maranai Moses naona i puru-melei da ina rui me da BADA awarina ina babani.

40

Ma Moses rava i vibagħi numa voa purapurai BADA ana numa ġara vivivireina voana aubaina, ma wate purapura vivivirei numa au orana bada vimae-ġaġġaenara aubaina, ma pirisi ai gara popona aubaina, ma rava i amverena da tagotagogina da nola ita vikwai. Bezalel ma Ohliab ma rava nolanolai nelara ma waivine wei purapurai i kauēi me BADA i ririwei nanare.

Numa gara vivivireina i vikwai

¹ Ma BADA Moses i riwei, ² “Au Numa Gara Vivivireina ma vimairini aupom tagogi, madeġa au vouna. ³ Tarawatu 10, Parivainuaġħana bokisina au orana ma poai, ma au naona anitereġaġara ma teretāġonei da numa garana ina babalaṛaġi. ⁴ Teibol ma ruie i ma au tepana aiwai i kaukauei aubaina ma terei. Ma rampa anivojjinana ma ruie, ma rampa ma terei ⁵ Ma incense aniapuna goldei ma terei bokisi au naona ma anitereġaġara ġelauna ma terei da BADA ana numa gara vivivireina in gadu. ⁶ Numa gara au metaetana, au doa, pulo aniapuna ma terei. ⁷ Anirauoġa numa gara ma pulo aniapuna au poui ma terei ma waira ma vioai. ⁸ Numa gara ma pulo aniapuna anitereġaġara ma tere-kwaviviroi da dobuna ma gari. Ma au anirui anitereġaġara ma vidawei.

⁹ — Ma oil viaianana ma vaia ma numa gara ma purapura anatapui au orana ma buloi ma ma vovivirei da vivivireina. ¹⁰ Ma pulo aniapuna ma ana purapura maiteni ma buloi ma ma vovivirei da vivivireina. ¹¹ Anioga abomana ma ana animairi maiteni ma buloi ma ma vovivirei da vivivirei.

¹² Aaron natunatuna ma neiai numa gara vivivireina au metaetana ma wairei ma oġai. ¹³ Ma Aaron pirisi ana gara vivivireina ma vioteni ma oilei ma vovivirei da aubaiu ina vipirisi

* **34:6:** Exo 20:5-6; Deu 7:9-10

pulo tauapuina. ¹⁴ Ma natunatuna ma neiai ma pirisi pulo tauapuina ai gara ma vioteni. ¹⁵ Ma ma buloi me amai u buloi nanare da ina vipirisi pulo tauapuina. Wei viaiaianana Aaron ana epaepaia i vivivirei da mara nonoa kimtana patapatana awari ina vipirisi pulo tauapuina. ¹⁶ Moses anatapuna i kauana-paei me BADA i ririwa nanare.

¹⁷ —Anina ma madega au viruaina au pom tagogi nawarav'i tagogi, taui numa gara vivivireina i vimairini. ¹⁸ Moses dogo i garai ma tuatua i tonei ma terewaba ma anitapejjinana i ragini. ¹⁹ Ma gara gamoñamo opinei i gauğauri au tepana i eban, BADA i ririwei nanare.”

²⁰ Anina ma Moses gaima dabababai ruaga bokisi au orana i terei. Ma anipawé loji au orana i vionagi bokisi au adana, ma uguna i viaitani. ²¹ Ma bokisi i ruiei God ana au numa gara vivivireina ma aniteregagara i terei da bokisi i mae-ğagari, BADA i ririwei nanare.

²² Ma nanare teibol i ruiei God ana au numa gara, aniteregagara i mae ma au doe, au laubadei i terei ²³ ma teibol au tepana palawa i pulopuloei BADA awarina i terei, BADA i ririwei nanare.

²⁴ Rampa aniterenana i vaia ma au numa gara teibol au naona, au babağela au rauanağei i vikialai. ²⁵ Ma rampa i apui BADA awarina, me i ririwei nanare.

²⁶ Incense aniapuna goldei aniteregagara au naona i terei numa gara vivivireina au orana. ²⁷ Anina ma au tepana incense ğabuğabui i apui, BADA i ririwei nanare. ²⁸ Ma aniteregagara i terei da aninae au numa gara vivivireina i gudui.

²⁹ Pulo aniapuna BADA ana numa gara vivivireina au metaetana. Au tepana gamoñamo ma palawa i apui me BADA i ririwei nanare.

³⁰ Ma aboma ğaeğena numa gara ma pulo aniapuna au poui i terei, ma au orana waira i wağı anioğga aubaina, ³¹ ma kampa Moses ma Aaron ma natunatuna urai ma aei i oğai.

³² Taui aei ma urai e oğaoğai maranai e ruirui au numa gara bo e nenea pulo au aniapuna.

³³ Ma Moses Numa gara ma Pulo aniapuna i gari-kwaviviroi. Ma aniteregagara i terei au anirui. Anina ma Moses ana nola i kwa.

BADA ana Numa Gara Vivivireina viborumana

³⁴ *Ma apau BADA ana Numa Gara Vivivireina i purui ma ana boruma numana i vioai. ³⁵ Apau numa gara vivivireina au tepana i kiala ma BADA ana boruma numana i vioai ma lamna aubaina Moses ega tagotagogina da ita rui. ³⁶ Ma apau i vovoepa lamna maranai mai Israel ina vağai au dobuğela. ³⁷ Ma mepa da apau ega ita voepa lana taui ega ina nae.

³⁸ Maranai mai Israel e vağavagai, BADA ana animae apau au orana numa gara vivivireina au tepana ma waguvorai tauna ai apau au orana e ararata.

Leviticus Levi ai kaua

Wei bukana wavana Leviticus, aubaina Levi ana dam e bababaniei. Taui pirisi pulo tauapuna i vovoagui. Ma BADA ana Numa Gara Vivivireina i paipaini.

Pulo taputapuna apuna

¹ BADA au Numa gara Vivivireina ma Moses i kwatuei ma i riwei i pa,² “Wei au pariverena pulo apunana aubaina. Mai Israel ma riwei ma pa, ‘Aiai da BADA awarina ġamoġamo e apuapui, lamna bulumakau tagogib o sипу bo gote i ġamoġamoi ina neiae ana pulo.”

³ —“Mepa da ġamoġamo taputapuna e apuapui am pulo, ma inanai da ġamoġamo orotona aiaina ma ega ana apoapoe aiwai. Ma neiae Numa gara Vivivireina ana au anirui, da BADA ina vianinem.”⁴ Ma uram ġamoġamona au kolana ma terei, wei e vivimataira da ġamoġamo i raviepaam da ina iraġe am go'apoapoe ina oġa-tawanei.⁵ Ma bulumakau BADA au naona ma virägeni, ma pirisi Aaron natunatuna tara, ina neiae da pulo aniapuna au adana ina voiwaiwaġa-naei.⁶ Anina ma ġamoġamo ma opai ma ma api.⁷ Ma Aaron natunatuna, ai ina viviri pulo aniapuna au tepana.⁸⁻⁹ Taui sia apiapina ai araratana au tepana ina terei da ina arai, kolana da monamona maiteni. Wate amoamo da ganigani ma sia aei wairei ina oġai, ma pirisi siana anatapuna ina apui. Wei pulona apuapunana lamna ġabuna aiaina BADA ina vinuiaiaini.”

Wate God Moses i riwei da rava sипу bo gote, gabubu bo bunebune ita puloei me pulo e apuapui nanarena. Tauna wate Moses i riwei da menanare wei ina puloana-nei.

3

Viegualau pulona

¹ BADA Moses awarina i babani i pa, “Aiai da nuauba amna aubaina ana pulo bulumakau e apuapui, ma inana-kaei da burumakauna orotona bo wavinena, aiaina ma ega ana apoapoe aiwai.² Ma urana ġamoġamo au kolana ina terei ma ina virägeni Numa Gara Vivivireina ana au anirui. Ma pirisi Aaron natunatuna tara pulo aniapuna au adana ina voiwaiwaġa-naei.³⁻⁴ Ma amoamo monamona ava ma kaina monamona ma ganigani ana monamonana, pirisi ina verei da ina apui nuauba pulona.⁵ Ma Aaron natunatuna wei monamonai sia taputapuna e ararai au tepana ina terei ma ina apu-tagogie, pulo aniapuna au tepana. Wei amgogona pulona ma ġabuna i ai kaua BADA awarina.”

Ma ġamoġamo taupuloina ana numa rava i maiteni ma ai rava ġelau i sia mae-terenai e aniani. Wei lamna BADA ana babani bulumakau aubaina ma riwana tagogina sипу ma gote aubaii amgogona pulona.

13

Opi doriana ana tarawatu

¹ BADA Moses ma Aaron i riwei i pa,² “Mepa da aiai kero bo paramaitua i vaia bo opina i lebara ma e notanotai da wei kerona e viviopidoriani, lamna ana rava tauna ina neiae pirisi Aaron bo natuna tagogi awarina.³ Pirisi kero vioana ina inanai. Mepa da apara au kero e vivimarijana i arapoiri ma dogona i ġaġira lamna opidoriani. Ma pirisi ina riwa da tauna ega aiaina BADA au matana.

⁴⁵ —Rava aiai opidoriani i vaia, tauna gara wanasiġasikana ina oteni, aparana ega ina jinai ma naona ina purui ma ina kwatu ina pa, ‘Tau ega aiaiu! Ega ona nei au ririvau!’⁴⁶ Maranai doriana awarina e mamae lamna tauna anina miramirana, Tauna ainelana ina mae au tano.”

17

Tara ana tarawatu

¹⁰ ◊Aiai Israelieina bo jentail maiteni o mamae, sia taratarana e aniani, BADA tauna ina mae-puputei ma ana rava awariei ina bori-tawanei.¹¹ Aiwai anatapui da lawalawaii ai lawana au tarai e mamae ma lamna aubaina BADA i riwa da tara pulo au aniapuna ona voiwaiwaġi da rava ai go'apoapoe ina vaitawanei. Tara lamna lawana, ma lamnei go'apoapoe e vaivai-tawanei.

18*Viaawawana ana tarawatu*

¹ BADA Moses i riwei i pa, ² “Mai Israel awari ma babani ma ma riwei, ‘TAU BADA ami God.’ ³ Mai Egypt ai kaua ega ona govaivaitei, Wariaaga kampa o mae, marina a tarataravainanaiai au Canaan ma ai kaua ega ona govaivaitei. Ega ai lawana ona votagotaigo. ⁴ Taumi au tarawatu ona voteletelei ma riwau ona votagotaigo. Tau BADA ami God. ⁵ Mepa da au tarawatu ma riwau ona voteletelei taumi lawana ona nelagai. TAU BADA a riwa.”

⁶ TAU BADA wei au babani bagibagii a vereveremi, “Ega aiai novuna bo vareina ina viawawanei.

¹⁹—Maranai wavine nawaravi i vunui tauna miramirana, ega maiteni ma viawawana.

²⁰—Ega oroto gelauna awana maiteni ma viawawana, lamna tam u vimira-melem.

²¹—Natunatumi ega ona puloei god Molek* awarina, aubaina TAU BADA ma vinimala e neineiai awariu.

²²—Ega aiai orotona, oroto gelauna ina viawawanei, me oroto waivine e viawawanei, wei lamna go'apoapoe kaukauana God au matana.

²³◊—Ega aiai orotona gamogamo ina viawawanei bo wavine ina verena-melei da gamogamo ina viawawanei. Mepa da wei u kaei tam u vimira-melem.

²⁴—Ega wei kauai ona kaei da ina vimiramiraimi. Dam au Canaan maemaei anatapui wei kauai i kaei ma i vimira-melei. Lamna aubaina ana viagaganā-opunei ma taumi ona rui.”

19*Apoapoe terevai-jijimanina riwai*

¹ Ma BADA Moses i riwei i pa, ² “Dam Israel anatapui ma tuarui ma ma riwei, ‘Taumi lawana vivivireina ona maeni. Aubaina Tau BADA ami God vivivireiu.’

¹⁷—Ega oram ina raviapai kaua apoapoenava ravana awarina, wate maiteni ona kiala da kaua ona tere-vajijimani, da ega go'apoapoe ona kaei.

¹⁸◊—Ega ma raubiwa am rava awarii, ega aiai ma goagaei, wate rava turam nuanuam ina vaia me tam nuanuam e vaival-melei. TAU BADA.”

20*Konaga riwana*

⁶ Aiai ravana i goei da kaua anoi ita aramanei, lamna Tau ina vibagai. Ega vinuaterena aubaina ina nae konakonaaga awarii ina bababani. Mepa da aiai wei i kaei, nai ravana ana mae-puputei, ma au rava awariei ana viopuni.

24*Vimaimaia riwana*

¹⁹ Mepa da aiai turana i vikeroi, aiwai i kaukaueia awarina nanare ina kaei. ²⁰ Mepa da gelama i viaigai, gelamina tagogi ina wanagai, mepa da mata tagogi i viapoapoeni, matana tagogi ina apoapoei. Mepa da ivo tagogi i viaigai, ivona tagogi ina wanagai. Aiwai kerona rava gelauna i verei, tauna nanare ina kero. ²¹ Aiai ravana gamogamo i viraageni ina vimaiei, wate aiai da rava i virageni, tauna ina irage. ²² Wei tarawatuna taumi anatapumi aubaimi, mai Israel ma dobu gela ravai, aubaii TAU BADA ami God.

Numbers Au Mutulua

Pariverena

Wei bukana wavana *Numbers*, aubaina au kapita 1 da kapita 4 e ririweta da Israel ana dam 12 ma ai dam nelara biāga sorodia. Wei bukana nanare Mai Israel ai mae au mutulua madēga 38 i kwa, ma aiwai i kaukauei bo ai babara au Sinai i vikarei da i nae au Canaan lamna e bababaniei.

6

Aaron natunatuna maiteni ai Viaiaina

²² BADA Moses i riwei i pa, ²³ “Aaron ma natunatuna ma riwei da wenanare mai Israel ina viaiaini ina pa,

²⁴ ‘BADA ina viaiainimi
ma ina gagaloemi.

²⁵ BADA ivina ina ai awarimi
ma ina paina-kauemi.

²⁶ BADA ana nuaaina ina mae-tavirei awarimi
ma nuauba ina veremi.’

²⁷ Ma nanarena, maranai Aaron ma natunatuna Tau wavauei mai Israel e viviaiaini, ma Tau ana viaiaini.”

13

Tauraivu Canaan i tuvirevirei

¹ BADA Moses i riwei i pa, ² “Mai Israel ai dam 12 au orai rewapanā tagotagogi ava ma vinei, da ma paritawanei da Canaan dobuna ina ivui, wei dobuna mai Israel a vereverei.”

³ Ma BADA i ririweia nanare Moses i kaei. Mai Israel ai dam 12 babadai i paritawanei. Taui ai ġaravu au mutulua Paran i voterei da i nae au Canaan.

¹⁷ Maranai Moses ravai i paritawanei da dobuna ita ivui ma i riwei i pa, “Au Negev ona virautua da dobu violaolana ona naeni da au navanava ġelauna. ¹⁸ Dobu ona tuvirevirei, ma ana patara ona inanai menanare, rava ai maġa ma ai rewapanā bo ai ġokokokara? ¹⁹ Doa maumaurana bo ega? Ai melagai ona tuvirevirei, garigarina bo e mamae lota? ²⁰ Doa maumaurana bo ega? Ai e gogogo bo ega? Ma ona kauana-guratei da ai anoi ġelau ona purai da ona neiai.”

²¹ Anina ma taui dobuna i naeni, au mutulua Zin* i vikarei ma dobuna i naeni da au gia dewardewana au Rehob, wei lamna Lebo Hamath au ġereġerena.

Tauraivu i nememei

²⁵ Au pom 40 tauraivu dobu i tuvirevirei ma i nememei, ²⁶⁻²⁷ I nei Moses, Aaron ma Israel patarai awari au Paran mutuluana au Kadesh ma ai anoi au dobuna i vaivaia i viatataiei. Ma i pariverei i pa, “U paritawanelai da dobuna a ivui, marina grape ana ġou marana ma a inanai da ani ipi gabuna aiaina ma doa maumaurana, ma aina anoi ġelau a neiai da ona inanai. ²⁸ Wate kampa rava ġaigaawai e mamae, ma ai melagai i rata kaua ma i gari-kwaviviroi da ega ġavia ina rui. Ma kampa mai Anak a inanai. ²⁹ Mai Amalek au mutulua Negev e mamae, ma mai Hitti mai Jebus ma mai Amori au ola e mamae ma mai Canaan au gera, Jordan wairana au ririvana e mamae.”

³⁰ Ma Caleb, rava i riwei da i genuana ma i riwa i pa, “Tana nae dobuna ravai tana virubai ma dobuna tana vaia!”

³¹ Wate tauraivu maiteni i ġegħae i pa, “Ega! Ravai i virewapanā kaua ega me tauta. Ega tana viġaviei.” ³² Ma nanare taui nai dobuna ana apoapoe riwana i vibabarai mai Israel awari i pa, “Nai ega ani ipi doana aiaina ma rava manamanai ma ġaigaawai kampa e mamae.

³³ Ma kampa rava ġaigaawai Mai Nephili† a inanai (Mai Anak noinoi) tauai a inana-meleiae lamna me kapau ma nanare taui au matai lamna tauai me kapau.”

* **13:21:** Wei lamna dobu ġaegaena Negev au paratana i vikarei da i nae da ola Hermon au ġereġerena ma Hamath melagaina. † **13:33:** Mai Nephili ega tata aramana-kauei, wate taui rava gogogobui. Gen 6:4 e ririweta da taui meie i nei.

14

Mai Israel Moses ma Aaron i viḡaviei

¹ Ma nai waguvvaraina rava anatapui i tou mara. ² Taui anatapui Moses ma Aaron i viḡaviei i pa, "Airake au Egypt ata iraḡe ota! Bo weka au mutulua. ³ Aiwaī aubaina BADA e naianaieta wei au dobuna da ravai sodei ina viraḡenita ma awawata ma natutututa ina pani-niae. I ai kaua da tata wanaviraita au Egypt." ⁴ Ma taui i babani vivira i pa, "Bada tana vinei da ina naiana-meleta au Egypt."

⁵ Anina ma Moses ma Aaron i mae-ḡaira da naoi au doa Israel patarana au matai. ⁶ Nun natuna Joshua ma Jephune natuna Caleb ruāḡai, taui maiteni dobu i tuvirevirei, ai gara i sikai, ⁷ ma mai Israel anatapui i riwei, "Dobuna anatapunana a naeni ma a tuvirevirei ma dobu maumaurana. ⁸ Mepa da BADA nuanuana ina ai awarita ma ina ruieta dobuna maumaurana awarina, weka sia ma lam eḡa anibaiana. ⁹ Wate BADA eḡa ona viḡaviei. Ma ravai dobuna e maemaeni eḡa ona rovoei, tana viḡaḡana-opunei. Taui ai agu eḡa. Tauta BADA maiteni ta mamae! Ravai eḡa ona rovoei!"

¹⁰ Mai Israel Caleb ma Joshua ġaimeī ita viraḡeni wate BADA ana borumana i eḡa numagara au tepana.

God Moses i riwei da ita wanavirai ma ana rava ita taravaina-naiei au mutulua da etanai e nena e au Boga lebalebarina ita naeni.

God i riwa da rava ina kovoḡi

²⁶ BADA Moses ma Aaron i riwei, ²⁷ "Wei ravai apoapoe ai beura awariu a nonora, iaeuei! Mai Israel ai pariviravira awariu a nonori." ²⁸ Wenanare ma paribelei, "BADA i riwa, 'Tau wavauei a ririwa da aiwai o vivibāḡei, nanare ana kaei.' ²⁹ Taumi au mutulua tupuami urabovai ina nae. O pari-virevireu aubaina taumi ami madeḡa 20 ma e ḡeḡae ona iraḡe. ³⁰ A parivainuāḡami da wei au dobuna ota mae wate eḡa aiai tagogi wei au dobuna ina rui amina Jephune natuna Caleb ma Nun natuna Joshua.

³¹ Ma o ririwa da natunatumi ina vaia ai panipani, wate taui kampa ana ruieia da dobuna o gedgeduaieia ina maeni. ³² Wate taumi patarami tupuami au mutulua ina bova-nae. ³³*Eḡa ota iputatu ma lamna aubaina natunatumi ina vinuapoapoe au mutulua ma ina kovoḡi da ina viḡamoḡamo-nae da madeḡa 40 ina kwa nai maranaina taumi kimta magurimi ona iraḡe-pai. ³⁴ Aupom 40 dobuna o tuvirevirei lamna aubaina ana kovoḡimi da madeḡa 40, au pom tagogi maiana madeḡa tagogi. Ami ḡo'apoapoei aubai au kovoḡa malana ona vaia. ³⁵ TAU BADA, A riwa! Tau wei ana kaei taumi ḡo'apoapoe ravami anatapumi awarimi. Ami rava maiteni o vitagogiem ma o viḡavieu. Taumi anatapumi au mutulua ona kwa, taumi weka ona iraḡe.

20

Miriam i 'raḡe

¹ Nawaravi au vouna mai Israel anatapui au mutulua Zin i ġeta ma au Kadesh i rauḡaravu. Weka Miriam i 'raḡe da i doboi.

Mai Israel Moses maiteni i vipariparinīḡai

² *Kampa Waira eḡa ma lamna aubaina taui i vitagogiei ma Moses ma Aaron ai ḡavia i vomairi, ³ ma Moses maiteni i vipariparinīḡai i pa, "Rorova varevareiai maiteni ata iraḡe tagogi BADA au matanal!" ⁴ Aiwai aubaina BADA ana rava u neiai au mutulua ana ġamōḡamoi da ina iraḡe ⁵ Aiwai aubaina Egypte i tere-opunelai ma u neiai wei dobuna apoapoena awarina? Weka eḡa ani ipi doana aiaina da witi da damala aina bo grape warami bo Pomegranates aina ina gogo, ma eḡa waira anium!

⁶ Moses ma Aaron, patara i voterei ma i nae BADA ana numagara au metaetana ma i mae-peu au doa ma i raudune. Ma BADA ana borumana i eḡa. ⁷ Ma BADA Moses i riwei, ⁸ "Am jiġona ma vaia ma tuam Aaron maiteni rava ona vitagogiei. Ma au matai kira awarina ma babani ma ana waira ina veremi. Nanare waira kirei ina opu da Israel patarana ina uma ai ġamōḡam maiteni. ⁹ Anina ma Moses jiġona BADA au naona i vaia, i ririwei nanare."

Moses kira i ravi

¹⁰ Ma Moses ma Aaron dam Israel i vitagogiei kira au naona ma Moses i riwa, "Ora potapotam! Ona genuana! Tauai waira kira au orana ana tere-opuniai aubaimi!"

¹¹ Ma Moses ana jiġona i voepai ma kira i ravi mara ruāḡa. Ma waira ḡaegħena i ruba-opu da rava ma ġamōḡam i uma.

¹² Anina ma BADA, Moses ma Aaron i riwei, “Taumi ega ota vitumañana-kaueu da Tau vivivireu ami dam Israel au matai, ma lamna aubaina taumi ega wei ravai ona ruiei dobuna a vereveremiana awarina.”

Aaron i 'raäge

²³ Au ola Hor, Edom ana au parata, kampa BADA Moses ma Aaron i riwei,²⁴ “Taumi riwau o rauaigaigaei au Meribah ma lamna aubaina, dobu mai Israel a verevereia, Aaron kampa ega ina rui. Tauna noinoina ina votagoi.²⁵ Aaron ma natuna Eleasar ma taravaia ma ma gaei au ola Hor.²⁶ Kampa Aaron ana pirisi garana ma votawanei ma natuna Eleasar ma vioten. Aaron kampa ina iraäge ma noinoina ina votagoi.”

²⁷ Moses BADA i ririwei i kauei. Tauli ola i gaeni, mai Israel anatapui au matai. ²⁸ Moses Aaron ana pirisi garai i votawanei ma natuna Eleasar i vioten. Ma kampa ola au tepana Aaron i 'raäge. Ma Moses ma Eleasar i ġaira memei.

²⁹ Maranai patarana i aramanei da Aaron i 'raäge ma i touei da au pom 30.

21

Mota bronzei i kauei

⁴ Tauli ola Hor i netawanei ma boga lebalebarina etanaina i vaia da Edom ita vorei. Au etanai rava amloj i ġaigai aubaina ai vagai i manawa,⁵ ma Moses ma God i eni i pa, “Aiwai aubaina Egyptei o taravaina-opunelai da au mutulua ana iraäge? Ai lam ega! Ai waira ega! Ma wei lam tagogina manna a amgeduaiei.”

⁶ Ma BADA mota ġaigaiawai i paritawanei awari ma maġamaġaui i ani ma i 'raäge. ⁷ Rava i nei Moses awarina ma i riwa, “Tauai go'apoapoenā a kauei maranai BADA ma tam a parivireviremi. Ma raupari da BADA mota ina vaitawanei.” Ma Moses i raupari rava aubaii.

⁸ Ma BADA Moses i riwei i pa, “Mota ġaigaiawana kokotauna ma kauei ma ai au damona ma raġini. Maranai mota, rava aiai i ani ma i taepai da mota kokotauna i 'nanai, ma tauna ina lawana.” ⁹*Ma Moses mota bronzei i kauei ma ai au damona i raġini. Maranai mota aiai i ani ma ravana i taepai da mota i 'nanai ma i lawana!

Au Ola Hor da i nae au Moab

¹⁰ Mai Israel i nae ma au Oboth i rauğaravu. ¹¹ Ma Oboth i netawanei ma i nae au Iye-Abarim i mae, wei lamna mutulua, Moab au naona au maramatanei. ¹² Kampa da i nae Zered au wapuna i rauğaravu. ¹³ Ma wei dobu i netawanei ma i nae waira Arnon au baba ġelauna au mutulua mai Amori ai au parata. (Moab ma Amori ai dobu au poui wei wairana e viviparata).

Mai Israel, gulau Sihon i vovaiubai

²¹ Ma mai Israel taupariverena i paritawanei da Sihon mai Amori ai gulau i pariverei i pa, ²² “Tauai a ġoēi dà am au dobu ata verautua. Tauai ega ana deġa ami au wapu bo grape wapuna, bo ami au waira dogona waira ana umai. Tauai gulau ana au etanai ava ana babara da am dobu paratana ana opu-tawanei.”

²³ Wate gulau Sihon mai Israel ega ita vianinei da ana au dobu ita verautua. Ma ana sorodia anatapui i tamai ma i nae au mutulua da Israel ita nebelei. Au Jahas i ġeta da Israel maiteni i viġaigaċiawa. ²⁴ Wate mai Israel i virewapana ma gulau Sihon i viubai ma ai dobu waira Arnon i ġae da waira Jabok ana parata i vaia, wei kampa mai Ammon au dobu e viviparata. Mai Ammon ai parata i gagaloana-kauei ma lamna aubaina mai Israel ega ai au dobuna ita rui.²⁵ Ma mai Israel i viġavia da, mai Amori ai melagai i vaipai da i maeni, taon Heshbon ma melagai ġelau kampa maiteni i vaia.

Mai Israel gulau Og i vovaiubai

³¹ Nanare mai Israel mai Amori ai dobu i vaia ma kampa i mae ³² Ma Moses tauivu i paritawanei da Jaser taon i tūvirevirei, ma muriae mai Israel i nae ma ai melagai anatapui i vaia ma mai Amori kampa maemaei i viġaġana-opunei. ³³ Ma mai Israel i vira ma etanai ġae au Bashanei. Ma Bashan ai gulau Og ai sorodia anatapui maiteni i opu da tau i nebelei au Edrei. ³⁴ Ma BADA Moses i riwei i pa, “Ega tauna ma rovoe, aubaina tauna, ana rava anatapui, ma ai dobu maiteni au uram a tereterei. Aiwai u kauei Amori ai gulau Sihon awarina, au Heshbon taon, nanare gulau Og awarina ma kauei.” ³⁵ Ma gulau Og i virägeni

natunatuna nelarai ma rava anatapui i viraġena-pai, eġa aiai ita mae. Ma mai Israel dobuna i vaia da ai dobu.

22

Balaam Israel gagalana i geduaiei

¹ Ma mai Israel i vomairi da Moab au wapuna, Waira Jordan au adana i rauġaravu, ma au baba ġelauna Jeriko taon. ² Ma mai Israel aiwai i kaei mai Amori awari, Zippor natuna Balak anatapuna i 'nana-pai. ³ Mai Israel i maġa kaua ma lamna Aubaina mai Moab i rovo kaukaua, rovo ita iraġelei. ⁴ Ma mai Moab mai Midian babadai i riwei i pa, "Aburuna ava ma wei patarana aiwai anatapuna au ririvata ina pupuna-pai, me bulumakau au wapu modu e amam."

⁵ Anina ma Moab ai gulau Balak, Beor natuna Balaam ana riwa i paritawanei au Pethor, waira gaęgaena wavana Euphrates au ririvana. Ana riwa wenanare, "Dam tagogi Egyptei i opu, ma dobu anatapuna e vaivai ma marina au ririvau i rauġaravu. ⁶ Taui i virewapana kaua eġa me tau, ma nei ma ravai ma parivai-iviapoapeni, mepa da tau ravai ana vovaiuba ma wei dobunei ana viġaġana-opunei. Aramanei da maranai tam rava e viviaiaini tauna viaiaina e vaivaija maranai u parivai-apoapeni tauna ina apoapoe." ⁷ Ma Midian ma Moab babadai mane i via Balaam vimaiana Aubaina ma i vomairi. Ma i ġeta Balaam awarina ma Balak ana riwa i pariveresi. ⁸ Balaam ravai i paribelei i pa, "Weka ona matave ma au maratom BADA aiwai ina riweu ana pariverem." Ma babadai kampa Balaam maiteni i mae. ⁹ God i nei ma Balaam i vitara-virevirei i pa, "Aiavoi i nei awarim?"

¹⁰ Balaam i paribelei, "Zippor natuna Balak, Moab ai gulau wei riwana i paritawanei i pa, ¹¹ 'Ma rautaniġana dam gaęgaena Egyptei i opui ma dobu anatapuna e vivioai. Ma nei ma Aubau rava i ġagalei, da maiteni ana viġaġiawa ma ana viagagei da ina vinelana.'

¹² Wate God Balaam i riwei i pa, "Eġa maiteni ma nae. Eġa wei ravai ma ġagalei Aubaina Tau u viaiaina awarri."

¹³ Ubaubanai Balaam i nae ma Balak ana taupariverena i riwei, "Ona nae me ami au melagħaj BADA eġa ita vianineu da maitemi tana nae."

¹⁴ Ma Moab babadai i nae me ai bada Balak awarina ma i riwei i pa, "Balaam eġa ita goei da ita nei."

Anina ma Balak babada gaęgħei i paritawanei Balaam awarina. Ma i riwei da pulo gaęgħena ita verei mepa da tauna ita nei da mai Israel ita ġaġalei. Ma marina God Balaam i riwei da babadai maiteni ita nae Balak awarina ma God aiwai i riwei lamna ava ita kaei.

²¹ Ma ubaubanai Balaam i vomairi ana donki i vokaukauei ma Moab babadai maiteni i nae. ²² Wate God amlona i ġaġi kaua da Balaam i nena, ma ana anela i paritawanei da ana etanai i mae-tomeni. Balaam donki i gerui ma ana taunola ruāga maiteni i nena. ²³ Ma maranai donki BADA ana anela i 'nanai ana sodna au etanai i maimairi ma i tawana-ruie i ririva. Balaam donki i kwakwapiu da ita opu me au etanai.

²⁴ Ma BADA ana anela etanai ġuriġuririna i mae-potai, Grape ġoroġorovai epaepana ruāga gaimej i garigaria au poui. ²⁵ Maranai donki BADA ana anela i 'nanai ma ita deġa lamna Balaam aena au gari i viairaturatui. Ma Balaam donki i kwapi-melei. ²⁶ Ma BADA ana anela i nae ma etanai u ġuriġuririna i mairi, weka eġa gabu ita mame-dadana da taui ita deġa. ²⁷ Maranai donki anela i 'nanai, i mae-ġaira da i kiala, Balaam amlona i ġaġi kaua ma ana jiġonei donki i kwapi.

²⁸ Anina ma BADA donki gamona i votawanei da i babani i pa, "Aiwai apoapoeni a kaei awarim da mara tonuġa u kwapiu?"

²⁹ Balaam donki i riwei i pa, "Tam u vikalokaloeu me bua! Awariu sod lamna marina ata viraġenim."

³⁰ Ma donki Balaam i riwei i pa, "Tau donkina tagogina marana patapatai u gerugerui bo? Wenanare a kauana dadanei awarim bo eġa?"

Balaam i riwa, "Eġa!"

³¹ Ma BADA Balaam matana i vikalai da ana anela i 'nanai ana sodna i maimairi au etanai. Ma i mae-ġaira u doa ma i raudune.

³² Ma BADA ana anela i riwa i pa, "Aiwai Aubaina am donki mara tonuġa u ravi? Ma nonori am vagħi lamma eġa aiaina, Tau a nei da ata viġaem.

³³ —Mara tonuġa am donki i 'nanai ma mara tonuġai i deġeu. Mepa da eġa, lamna tau ata viraġenim ma donki ata voterei."

³⁴ Ma Balaam BADA ana anela i riwei i pa, "A kauana-boai. Eġa ata aramanei da tam au etanai u maimairi da uta viġaċeu. Marina mepa da u notai da eġa ita ai au matam, tau ana nae me."

³⁵ BADA ana anela i riwa i pa, “Ravai maiteni ma nae, wate aiwai ana riwem lamna ava ma latoni.” Anina ma Balaam, Balak ana babadai maiteni i nae.

23

Mara tonuğa Balak pulo i apui Balaam ana god awarina da mai Israel ita ġagalei. Wate marana patapatai Balaam eġa mai Israel ita ġagalei. Ma God aiaina ita kauei mai Israel awarii lamna ava i babaniei. Balaam mara 4 God ana babani mai Israel awarii i babaniei. Wei lamna ana babani viruaina.

¹⁸ Ma Balaam wei riwana i riwei i pa,
“Balak, Zippor natuna ma vomairi;
ma Ma rautaniġana kaua.

¹⁹ God eġa rava ota, Tauna eġa ita morumoru.

Bo ana nota ita viravirai.

Tauna aiwai i babaniei,
nanare ina tupua

Aiwai i parivainuaġani;
nanare ina kaei.

²⁰ I riweu da wei ravai ana viaiaini;
maranai God e viaiaina, tau eġa tagotagogina da ana virai.

²¹ BADA ai God
tau i maiteni e mamae, ma taui e vovoepaepai da Tauna ai gulau.

Tauna eġa nuabola bo apoapoe ita neinei Jacob gogogana - mai Israel awari.

²² God taui Egyptei i tere-opunei,
Aubaii i viġavia me bulumakau moduei.

²³ Eġa aiai Israel ina ġagalei,
bo ina baravui.

Marina rava ina riwa,
‘Ona inanai God aiwai i kaei mai Israel aubai.’

²⁴ Mai Israel lamna me Lion vivirewapanana.
E vovomairi da ana ġavia e viviraġeni
ma tarana e umaumai.

Anina ma ina rauvirai da ina matave.”

24

Anina ma Balaam mara vi-four-na God riwana i babaniei, i pa:

¹⁷ “God i viatataieu da rava muriae i nenei,
a inanai wate eġa laġilaġina ita nenei,
Jacob ana damei gulau ana jiġona

Ana borumana me ubona gamrina Israeliei e opuopu.

Moab muruai ma Seth natunatuna
anatapui kolai ina viaigwadagwadai.

¹⁸ Ana ġavia Edom ina vovaiubai
ma ai dobu ina vaia,
ma mai Israel ina virewapanana guratana.

¹⁹ Gulau, Jacob ana damei ina nei
ma mai Moab mae-tereterei ai au melagai ina pupuni.”

25

Mai Israel, Baal i raudunelei

¹ Maranai mai Israel au Shittim i mamae, nelara i vikarei da Moab waivinei i viawawanei.

² Wei waivine, nelara i riwei da i nei da ai god awarii puloi i apuapui.* Ma anatapui i am gogona ma ai godna i raudunelei. ³ Wei kauanei mai Israel Baal-Peor i voepaepai ma lamnei BADA ana meji i vilakal.

⁴ BADA Moses i riwei i pa, “Babadai anatapui ona vaia ma madeġai BADA au matana ona viraġena-naiei, da tau au meji awarimi ina dauva.”

* ^{25:2:} Wei kauai lamna god ġelauna i raudunelei, ma lamnei Moab waivinei ai vitumaġana nanare i eraerawa. Maranai Israel nelarai wei waivinei maiteni i viviawana, taui ai god Baal i raudunelei ma i vovoagui da ai dobu ita viaiaini da ita maura.

⁵ Ma Moses Israel babadai i riwei i pa, “Taumi tagotagogi ava ami au dam anatapui da Baal-Peor i raudunelei ona virāgeni.”

⁶ Moses ma Israel patarana BADA ana numa gara au metaeta i toutou, ma au matai oroto Israeliei wavine Midianei taravaina-ruiei ana au numa gara. ⁷ Maranai Aaron ġogħana pirisi wavana Phineas wei kauana i ‘nananai, boru i voterei ma pawasi i lavui, ⁸ ma Israel iei i votaġoġi da ana au numa gara ma pawsieei uporana i tonai da wavine au uporana i opuvivira. Ma doriana apoapoenia au Israel i kwa. ⁹ Wate wei gimna rava 24,000 i virāgeni.

¹⁰ BADA Moses i riwei i pa, ¹¹ “Aaron ġogħana pirisi Phineas au meji mai Israel awari i viubai; da taui ega ata pupuni aubaina tauna ana nota me tau au nota, rava ega god ġelau ina voepaepaei anina Tau ava. ¹² Lamna aubaina tauna ma riwei da maiteni parivainuagħana bagibagħinga ana kaei da ata ruāga tana viturana vivira. ¹³ Tau aubaiu ina vipirisi nonoa.”

27

God Joshua i vinei

¹⁸ [◊]Muriai BADA Moses i riwei i pa, “Aruau Nun natuna - Joshua awarina, lamna aubaina ma taravaini ma uram au tepana ma terei da ma vovivirei au nola aubaina. ¹⁹ Ma naei Pirisi Eleasar awarina, Israel patarana anatapui au matai ma ma viaiaini da ina raviepaiem. ²⁰ Ma vovai-virewapani da Israel patarana tauna ina rautaniġanei. ²¹ Tauna Pirisi Eleasar maiteni ina nola da ġaima e ġoreġorei *urim*, * awarinei au nota ina vaiva. Wei taunei Eleasar, ma Joshua ina agui Israel ai au lawana.”

²² Ma BADA aiwai i ririwei, Moses nanare i kaei. Joshua i taravaini ma Pirisi Eleasar ma Israel patarana au naoi i vimairini. ²³ Ma urana au tepana i terei ma i vinei da ana raviepaia.

33

God mai Israel i egari da Canaan ina vaia

⁵⁰ Mai Israel Moab au wapuna, waira Jordan au ririvana i mamae ma, mai Jeriko au baba ġelauna. Ma BADA Moses i riwei, ⁵¹ “Wei riwai mai Israel ma riwei, ‘Maranai Jordan o damani da au Canaan, ⁵² Dobuna taumaenina anatapui ona viägħagna-opunei. Ai gana da aikokitau anatapui ona rika-viamoħaoi. ⁵³ Dobu a veremi ona vaia, ġariem da ona maeni. ⁵⁴ Doa ona ġutai dam damarri, au ġaima ina viatataemi nanare. Doa vounaina dam vounaina ona verei ma dam voaburuna nanare ana ġuta voaburuna. Wate ġaimej ana pariveremi metauna damna, metauna doana ina vaia. Dam anatapui doa ina vaia.

⁵⁵ —‘Wate mepa da nai dobuna taumaenina ega ona viägħagna-opunei ma o vianinei da ina mae, taui lamna me vunavuna au matami bo donadona au ririvami maemaena, ma wei vita ġaegħa ina veremi wei au doana. ⁵⁶ Mepa da ravai ega ona viägħagna-opunei. Lamna taumi ana pupunimi me a viogħi da taui ana pupuni.”

35

Anigagħo melagħi

⁹ Ma BADA Moses i riwei i pa, ¹⁰ “Mai Israel ma riwei, ‘Maranai Wairi Jordan o damani da au Canaan o rui, ¹¹ melagħi ġelaui ona vinei da rava ai anīgħa. Maranai rava turana i vunu-boai da i ‘raġe, taui weka ina ruba da ina gagħloxi.’ ¹² Ona riwei, ‘Weka ma mae da raubiwa ravai ega ina vodadanim ma rauetara ma paini.”

* 27:18: Exo 24:13 * 27:21: Urim lamna ġaima aburuna. Ma nai ġaemana pirisi e viviatataiei da God ana nota i ririweta. Tauta ega tata aramanei 29-30 Exodus ma inanai.

Deuteronomy Tarawatu Viruaina

Pariverena

Moses wei au *bukana* mai Israel i pariverei menanare ina kauanei maranai au Canaan ina rui da ina vaia da ina *vigariei*. Moses ega maiteni au dobuna ina rui ma lamna aubaina i vitauririwei muriai da tauna ita irage. I parivainotai menanare God taui Egyptei i taravaina-opuneiai ma au mutulua i 'nana-vaitetei. I riwana-melei menanare God ina voleteletana-kauae maranai i rui au Keinan.

Mai Greece ai ponei, wei bukana wavana* anona Tarawatu Viruaina, aubaina Moses marina mara viruaina God ana tarawatu mai Israel e vereverei. Wei lamna ega tarawatu vouna bo tarawatu tapuna ma tagogina.

4

Moses mai Israel i egari da God ina voletelelei

¹ Ma Moses, Israel i riwei i pa, "Mai Israel Ona rautaniaga kaua! Au Tarawatu ma au viararamana anatapui ona votelatela-kauei da ona lawana da BADA, noinoita ai God, dobu i vereveremi, ona vaia da ina *vigarimie*. ² BADA ana tarawatu a ririwemi, ega tarawatu gelaui au tepana ona viruini ma ega ona vaitawanei. Anina ona voletelelei."

⁶ Tarawatui ona vojjina-kauei da dam gelaui ami nuaulaula ma ami ararnana ina inanai. Ma tarawatu ina nonori ma ina riwa, "Riwa kaua da dam Israel lamna dam nuauaulaulai ma araramani. ⁷ Ata BADA au ririvata ma e vovoaguita maranai ta raraupari awarina. Metauna damna gelaui, gaege bo muomuoi, ai God nanare ai rava awarii e kauae. ⁸ Tarawatui aiaii ma jijimanji anatapui amadodo a ririwemi, Ega mepa dam gelauna aburuna bo gaegeana ana tarawatu jijimanina me wei."

32-34 Maranai BADA urana vivirewapananei Egypt ei i tereopunemi, tauna kaua babai ma virewapanai i kauei. Mai Egypt i vipupui aubaimi. Ma i vainimi da natunatuna, ma au ola Sinai o nonori awarimi i babani, ma o nonori ai menamena au orana ma awarimi i babani, ma lawalawaimi o mae! Wenanare wariaaga i tupua dadana awarii bo ega? Ega! Ona nae me da au karena, maranai God oroto ma wavine i kauei da marina; ma dobu au giana da dobu gela au giana ona baiei. Kaua wenanare aniba i tupua-dadana bo ega?

39 Amadodo ona aramanei ma ega melanai nuanuami ina vuru da BADA lamna God au mara ma au dobu. Ega god gelauna ita mamae. ⁴⁰ Ana tarawatu amadodo a vereveremi anatapuna ona voletelelei. Da aiwai anatapuna ina ai taumi ma ami epaepaia au murimi ma ami mae ina manawa wei au dobuna BADA e verevere-nonoemi.

6

BADA ami God nuanuami ina vaia

⁴*"Ona rautaniaga Oo Israel! BADA ata God, Tauna ava BADA. ⁵*Nuanuami ina vaia orami anatapunei ma aruami anatapunei, ma ami rewapani anatapunei. ⁶*Wei tarawatuna amadodo a vereveremi ona vojjina-kauei. ⁷ Natunatumi ona viararamani. Ona babaniei maranai o viboruboru numa au orana bo o bababara-nae, bo muriai da ona matave bo o matave-vomairi."

7

BADA ana rava vinevinei mai Israel

¹*Ma Moses mai Israel i riwei, "Maranai BADA ami God i ruiemi dobuna i vereveremiana; Tauna au naomi ami gavia anatapui ina viagaga-pananei: mai Hitti, mai Girgash, mai Amori, mai Canaan, mai Perisi, mai Hivi, ma mai Jebus. Dam seven gaegei ma vivirewapanana kauai ega me taumi. ² Ma maranai BADA ami God taui au urami i terei ma o vovaiubai lamna taumi wei ravai ona pupuni. Ega maiteni aiwai babanina ona kauei; ma ega ona rau-nuapoapoelei. ³ Ega awarii ona tavine. Ega natunatumi guguinii bo laragai ona verei da ina ravaagi. ⁴Aubaina natunatumi ina raveni da BADA ina voterei ma god gelaui ina raudunalei.

* :: Deuteronomy * 6:4: Mrk 12:29 * 6:5: Mrk 12:30 * 6:6: Deu 11:18-20 * 7:1: Act 13:19

Ma BADA ana amlōgaigai awarimi ina nei ma ina pupunimi. ⁵ Wenanare awari ona kaei. Ai pulo aniapuna ona viairikarikai ma ganai ona viaigwadgwadai; ma Asherah kokoitaui ona viaigaigai ma ai au menamenana ona apui. ⁶*Aubaina BADA taumi i vinemi ma i viaiainimi Tauna aubaina. BADA rava māgamāgau au dobu ma taumi i vinemi da ġarinei.

⁷ —Ma BADA ēga ita rauogarem ma ita vinem aubaina taumi dam patarana ġaēgaena, ēga me dam ġelau. Riwa kaua da taumi dam aburuoina au dobu. ⁸ Wate BADA nuanuami i vaia ma parivainuaġāna bagibagina noinoimi maiteni i kaei. Ma lamna aubaina urana virewapananei panipani au orana i vai-melemi, Pharaoh - mai Egypt ai gulau awarina. ⁹*Ona aramana-kauei da BADA ami God. Tauna ava God ma tauna God vipatutuna ma aiwai e ririwei e kaukauei. Taui da nuanuana e vaivai-kauei ma viviaiaina-kauei i parivainuaġāni nanare da kimta tausan. ¹⁰ Wate taumi da BADA o rauaġāgāiei; Tauna ēga ina volatelatemi ma ina pupunimi. ¹¹ Nanare taumi ona inana-kauei da tarawatu ma viararamana anatapui amadodo a vereveremi ona voletelelei.”

8

BADA ami God ēga nuanuami ina vuru

² Moses ana rava i riwei i pa, “Nuanuami ēga ina vuru; menanare BADA ami God au mutulua i ravenimi da madeḡai 40 da volaġota ota aramanei ma orami ana rewapani ita inanai. Ma ita aramanei ana tarawatu ona voletelelei bo ēga. ³Ee nanare! I viamiraġenimi da o volaġota ma mannei i viambagibagim. Amamami maiteni manna o vinuanainei; ēga mepa ota amdadani. I kaei da ita viararamanimi da rava ēga lam ava awarinei ita mamae, wate riwa anatapui BADA gamonei o opuopu.

¹² —Maranai o amam kaua, ma numa aiaii o maemaeni, ¹³ ma maranai ami bulumakau ma sипу borui ēmaġa, ma e vivipurapura; ma e maumaura-kaua. ¹⁴ Ona inana-kaua da ēga ona mae-ġaēgħe, ma nuanuami ina vuru! Da BADA menanare Egypt ei panipani au dobuna i tere-opunemi. ¹⁵ I taravaina-naiemi au mutulua ġaēgaena ma vi'nirovorovona mota ġaigaiawai ma tanara ai dobu. Dobu paipairana ma ēga waira. Wate i kaei da kira i ravi ma waira i ruba-opu taumi aubaimi. ¹⁶ Au mutulua *manna* i veremi da o am; amamami nai lamna ēga ita am-dadani. Wei lamnei i raudadanimi da ota volaġota; da au damona ami lawana ita ai. ¹⁷ Ona inana-kaua da ēga au nuanuami ona riwa, ‘Tauai ai rewapani ma ai egolei a vipurapura ma a maura.’ ¹⁸ Wate BADA am God ēga nuanuami ina vuru aubaina tauna tepeñei ta maumaura, ma lamnei parivainuaġāna bagibagina noinoimi maiteni i kaukauei e rarauano.”

11

God aiwai i kaukaueia ona notai

¹⁸*Moses mai Israel i riwei, “BADA riwana ēga nuanuami ina vurvuru ma ae-tuġuna ona rereġi. Ona girumi da au urami ona raġini ma ġelau au muruami ona raġini ami mataira. ¹⁹ Natunatumi ona viararamani, ona babaniei: ami au viboruboru bo maranai o bababara bo o vivilauvitau ma maranai o vovobagibagi.

²⁶ —Ona inana! Au naomi viaiaina ma kovoġa a tereterei, ma tam am ġoana. ²⁷ Marina BADA ami God ana tarawatu a vereveremi. Mepa da Ona votaġotāgoi; tauna ina viaiainimi. ²⁸ Mepa da ana tarawatu ona geduaiei ma ona mae-taviremi ma god ġelau ona viborumei; BADA ina kovoġimi. ³² Lamna aubaina tarawatu ma viararamana a vereveremi, ona kauana-kauei da ona voletelelei.”

17

Gulau vinena

¹⁴*“Maranai BADA ami God dobu e vereveremia o ruiruiana, ma o vaia, ma numa o voanaiei da o maeni. Ma ona riwa, ‘Dam ġelau i ai gulau e mamae ma tauta menanare?’ ¹⁵ Ona inana-kauei da BADA ami dam nununai awariei ami gulau ina vinevinei, ma ēga dobu ġela ravai ona vinei. ¹⁶ Ma tauna ēga ana horse māgamāgau ina ġamoi. Ma ēga rava ina paritawanei au Egypt da horse ina gimarai. Aubaina BADA i riwa da natunatuna ēga melanai ina naeme kampa. ¹⁷*Ma gulau ēga awawana ina māga, ma ēga gold ma silver ina maurei da nuapouna

ina vinua-rağarağai.¹⁸ Ma maranai i vigulau, tauna pirisi Levi ana damei maiteni ina kiala da nimanei tarawatu bukana ina giruma tauna aubaina.¹⁹ Wei bukana au ririvana ina mae ma ina iava-nonoei ma lamnei BADA ina vivirei ma ana tarawatu ina vipatutuei.²⁰ Ma lamnei ega ina terepa-melei ma ana rava ina inana-ägerei bo ega tarawatu ina mae-puputei ma ina dega au kelakelauna bo au oienai. Ma tauna ma ana epaepaia ina mae gulau au Israel da kimta mağamağau ina kwa.”

18

BADA wei kauai i geduaina-kauei

⁹ Maranai BADA dobu i vereveremiana O rurui, ega dobuna taumaeni ai kaua apoapoe ma vinimalamai ona ığovaivaitaei.¹⁰ Ega melanai:

aiai tam natum orotona bo wavinena ma verenei da pulo aubaina ina apui;
bo ma vimata gamgam, mataira aiwai ma inainanai ma muriae aiwai ina tupua, rava
ma ririwei;
bo ma parauma;
bo ma ığaǵala;
bo ma vigwerigweri;

¹¹ ma ega konaga bo arua maiteni ma babani bo arua ma ǵorei da ina rui awarim.

¹² BADA taui da wei kauai apoapoe e kaukauei, i geduaina-kauei. Ma lamna aubaina aburuna ava Tauna rava wei dobuna maemaei ina viagaǵana-opunei au naomi.¹³ Marana patapatana BADA ami God ona voleteleci.¹⁴ Wei ravai barabaravui ma paraparaumai. Wate aburuna ava da ai doa anatapuna ona kwalei. Ma BADA ami God e vivigaemai da wei ravai ega ai kaua ona ığovaivaitaei.

God Peroveta me Moses ina paritawanei

¹⁵ *BADA ami God, Peroveta me tau ami damei ina paritawanei. Taumi nai ravana ona rautaniǵanei.¹⁶ Aubaina taumi wei lamna o vivibaǵei maranai o vitagogiemi ola Horeb au karena ma o riwa, “Ega BADA ponana tana nonori bo ai ǵaeǵaena menamenana tana inamelei da tana vi'rageragelana.”

¹⁷ BADA i riweu, “Ai vibaǵa i ai.¹⁸ Tau ai damei peroveta ana terepai me tam nanare, Ma riwau au gamona ana terei, da aubai ina vitau-vibabani.¹⁹ *Tauna wavauei ina jima, ma pariviravirai ana kovogi.²⁰ Wate maranai peroveta i mae-ǵaeǵae ma e ririwa da wavauei e jimajima wate tau ega babani ata verei, bo god gelauai aubai e nolanola, Nai perovetana ona virageni.²¹ Mepa da o vinuanaina, ‘Menanare tana aramanei da lamna ega BADA ita babani?’²² Wenanare ona aramanei. Maranai peroveta i babani BADA au wavanei ma anona ega ita tupua lamna nai babanina tauna ana babani ma ega BADA. Lamna tauna ana vinuanotanota, nai ravana ega ona rovoei.”

31

Joshua Moses i raviepaiai

⁷ Ma Moses Joshua i kwatuei da i nei. Ma Israel patarai au matai i riwei i pa, “Ma virewapanma tepam ina tora. Tam wei patarai ma ruiei dobu BADA noinoim i verevereiana. Dobuna ma ǵutai da Israel dam ma patai ma ma voagui da ina viǵariei.⁸ *BADA Tauoina awarim ina mae ma am etanai ina raveni. Ega melanai ina netawanem bo ina voterem. Lamna aubaina ega ma rovo bo oram ina peul”

34

Moses i 'raǵe

¹ Ma Moses Moab wapuna i netawanei ma ola Nebo i ǵaeni da au tepa dewadewana e ǵoreǵorei Pisgah, ma au navanava ǵelauna lamna Jeriko. Weka au Pisgah BADA Moses dobu anatapuna i viatataiei, au Gilead i vikarei da i ǵae au Dan.² Ma dobu Naphtali, dobu Ephraim ma dobu Manasseh, dobu Judah, ma i nae da au Mederterean bogana.³ Ma BADA Moses mutulua e ǵoreǵorei Negev i viatataiei; ma Jordan gaubana da i nae da au Jeriko da i nae da au uama Zoar melagaina.⁴*Ma BADA i riwa, “Wei dobuna lamna Abraham, Isaac ma Jacob

* **18:10:** Exo 22:18 * **18:15:** Act 3:22; 7:37 * **18:19:** Act 3:23 * **31:8:** Jos 1:5 * **34:4:** Gen 12:7; Gen 26:3; Gen 28:13

a parivainuağani da ‘ami epaepaipaia ana verei.’ A voterem da dobu matamei u inanai, wate au dobuna ega ma rui.”

5-9 Muriai Moses urana Joshua, Nun natuna au kolana i terei ma i viaiaini ma nuaulaula orana i ruini. Ma lamna aubaina mai Israel Joshua i voteletelei Moses i ririweia nanare. Ma BADA ana taunola Moses, i 'rağe mai Moab ai au dobu, BADA i ririwei nanare.

Joshua

Pariverena

Wei bukana e ririweta da menanare mai Israel i rui au Canaan da rava kampa maemaei i vovaitubai. Ma nanare e ririweta da mai Israel menanare dobu i ġutanei ai dam 12 awari. Wei bukanawavana Joshua aubaina bukana au karea e ririweta da aiwai aubaina da Joshua i terei da mai Israel ai bada, maranai Moses i 'raġe.

BADA, Joshua i vinei

¹ Maranai BADA ana taunola Moses i 'raġe; ma Joshua, Nun natuna ma Moses ana tauagu i riwei, ² "Au taunola Moses i 'raġe. Marina mai Israel maiteni oma vokaukaua ma Jordan ona damani da dobu a vereveremiana kampa ona ġeta. ³ Metaui dobui ae-lapalapami o terei, lamna ina viġarimie, Moses wenanare a parivainuāġani. ⁴ Ami dobu lamna mutulua Negev da Lebanon; au waira Euphrates (au maramatanei) da mai Hitti ai dobu anatapuna da i ġaira madęga e arearere lana Mediteranean au bogana. ⁵ ♦Eġa aiai ina vobelem bo ina viubaim am au lawana. Tau awarim ana mae, me Moses awarina a kaukuei nanare. Tau eġa melanai ana tere-ġairem bo ana voterem.

⁶ ♦—Parivainuāġana bagibagina a kuaeī wei ravai noinoi maiteni da wei dobuna ana verei. Lamna aubaina ma virewapanma teepam ina tora ma am rava ma ruieī wei au dobuna. ⁷ Anina ma virewapanma teepam ina tora; ma nuanuam eġa ina vuru da tarawatu Moses i verem, anatapuna ma voletelei. Ma ma vojjina-kauei da awarina eġa ma deġa au oiem bo au kelakelaum da aiwai anatapuna e kaukuei ina ai. ⁸ Marana patapatai wei tarawatuna ma iaiai. Ma marai da waguvvarai ma vinua-notenotei; wei lamnei tarawatu anatapuna ma aramanei. Mepa da wenanare ma kuaeī lamna tam ma maura ma nuaiai ġaegħaena ma nelaġġi kaua au anatapuna."

5

Raġona naona au Canaan

¹⁰ ♦Mai Israel au Gilgal i mae Jeriko au wapuna. Ma Aupom vi-14-na aubigai nawaravi naona taui raġona torelana i apui. ¹¹⁻¹² ♦Ma ubaubanai ġelauna, raġona au murina, taui witi au wapu i tuarui ma palawa dababai i apui ma i am. Ma ubaubanai ġelauna Manna raua i voterei, taui wei lamna eġa ita am-melei, ma ai lam wapuei i tuarui. Mai Israel eġa manna ita am-melei, lam ai au doa au dobu Canaan i vaia da i amam.

24

Muriae Joshua ma mai Israel mai Canaan maiteni i viġaiġaċċawa, dobu au giana da au giana. Ma dobuna ravai i virażeni, wate ġelaui eġa ita virażeni ma maiteni i mae. Muriae Joshua dobu i ġutai Israel ana dam twelve awari. Taui i nae ma ai doa i maenī melagai nonoana mai Canaan i voavoaia. Madęga maġamägħau i kwa ma Joshua mai Israel i vitagogħiġa-melei.

Mai Israel i riwa da BADA ina vitaunolei

¹ Muriae Joshua dam anatapui i ġorei da au Shekem ita vitagogie. Maranai kampa i ġeta Joshua, dogadogara, dam babadai ma melagai babadai i ġoreiħi da ita nae BADA au naona ita mairi.

² Joshua rava anatapui i riwei i pa, "BADA mai Israel ai God e ririwa, 'Wariaġa noimi Terah ma natnatuna Abraham ma Nahor waira Euphrates au baba ġelauna i mae, ma god maġamägħau i raraudunei. ³ ♦Wate noimi Abraham nai dobunei a vaitawanei ma i naiei da Canaan doana ana tapuna a viatataie, ma ana epaepaia a vimäġi. Ma natuna Isaac a verei.

¹³ —Tau dobu a veremi ana debagauna ma ana peipeina, doana eġa ota nolei ma taon gaegħaei a vereoimi, marina o maemaeni, eġa ota voal, ma grape ma olive o amam wate eġa, taumi ota paewi.'

¹⁴ —Lamna aubaina BADA ona voletelei ma orami taputapunei ona vipatutu. Noinoimi god morumorui kokoitau, i raraudunei au Egypt bo au waira Euphrates ona kwajie au

* **1:5:** Deu 31:6, 8 * **1:6:** Deu 31:6-7, 23 * **5:10:** Exo 12:1-13 * **5:11-12:** Exo 16:35 * **24:3:** Gen 12:1-9; Gen 21:1-3

modu ma BADA ainelana ona viborumei. ¹⁵ Wate mepa da BADA viborumeina o geduaiei, lamna amadodo ona vine da noinoimi ai god waira Euphrates au baba gelauna bo marina ravai ai au dobu o mamae mai Amori ai god ona nolei. Wate tau au numa ravai maiteni BADA ana viborumei.”

¹⁶ Ma rava i paribelei, “Tauai ega melanai ai BADA ana voterei ma god gelaui ana viborumei. ¹⁷ BADA ata God tauoina au Egypt i tere-opuneta noinoita maiteni maranai au Egypt ta vilaraga. Ma kaua vivirewapanai ma aniba i kaei au mataiai. Ma ai au vaigai manamanaina i painiai dam gelaui au poui da wei au paratana. ¹⁸ Mai Amori ma dam gelau wei au dobuna i mamae wate BADA aubaiai ravai i viagagan-aopunei. Lamna aubaina tauai BADA ana borumei, aubaina tauna ainelana ata God.”

Judges Taurauetara

Pariverena

Wei au bukana Joshua ana irāge marana ma i nae da Samuel ana tupua marana e ririweta.

Vinevinena

Joshua au murina aiwai i tupua (Jdg 2:7-19).

2

Joshua au murina

⁷ Mai Israel BADA i viborumēi maranai Joshua lawalawaina i mamae ma i 'rāge ma kintana magumagurii biāga i mamae i 'rāge-pai, wei ravai BADA kaua ġaegae i kaei i vimatematei.

⁸ Nun natuna - Joshua BADA ana taunola ana madegā 110 ma i 'rāge. ⁹ Ma doa i verevereia au Timnat Herek i doboi, Ephraim au olana, wei lamna Ola Gaash ana au laubadei.

¹⁰ Anina ma wei kintana i nepai amamai awarii ma kinta ġeluna ai gabu i vaia. Wate taui BADA ega ita aramanei ma nanare aiwai i kaei mai Israel aubai. ¹¹ Ma kaua apoapoei i kaei BADA awarina ma Baal kokoitaui i raudunelei. ¹² Taui BADA amamai ai God i votere-tawanei; Wei Godna taui Egyptei i taravaina-opunei. Ma i nae ma dobuġela ravai au ririvai maemaei ai god i viborumēi. Wei kauana BADA i viamlo-ġaiġaini. ¹³ Taui BADA i voterei ma Baal ma awana Ashtoreth kokoitaui i viborumēi. ¹⁴ Ma BADA amlona i ġaiġai kaua mai Israel awari, da i veredamanei ai ġavia awari ma taui ai purapura i tama-naiei. Ma i voterei ai ġaviai maġanaġau i ririvai awari, ma taui ega tagotagogina da ita vobelei. ¹⁵ BADA mai Israel i viġavie i maranai i opuopu viġavia aubaina. Lamna aubaina ega ita vovaiuba BADA i ririwei nanare. Ma taui i vinuabola kaua.

¹⁶ Anina ma BADA taurauetara bo ġavia babadai i terepai, da i voagui da ai ġavia i vovaiuba.

¹⁷ Wate taui ai taurauetara i parivirevirei ma god ġelau i erawai ma i raudunelei. Taui laġilagħina amamai i babbara lana i voterei ma BADA i rau-agħiġaiei. ¹⁸ BADA mai Israel ai tou i nonori menanare ai ġavia taui i rau-ivipapoapoele. BADA taurauetara i terei ma i voagui ma i gagħloei. Maranai taurauetara i mae, BADA mai Israel i raunuapoapolei. ¹⁹ Wate maranai taurauetara i 'rāge, rava, BADA i mae-puputei ma i apoapoei kaua ega me amamai nanare ma god ġelau i vitaunolei ma i raudunelei. Taui i geduai kaua da ai kauai apoapoei ma ai ora pota ita voterei.

Mai Israel kaua apoapoei i kaukauei lamna ai parivainuāġana bagibagina BADA maiteni i kaukauei i viviāġai. BADA amlona i ġaiġai ma ana nota i terei da mai Israel ita rauḍadani da ita voagui da dobuġela ravai ita viägħaż-za - opunei. Dobuġela ravai mai Israel i rauḍadani da taui BADA ina votaġoġi bo ega me amamai i kaei nanare.

1 Samuel

Samuel ana buka tagogi Pariverena

Buka 4 ma Samuel ana buka i vinao da Israel ma Judah ai vigulau riwana i parivereta, Samuel tauna wavanaugh naenaena wei bukana tagogi au orana. Tauna mai Israel ai taurauetara damona. Tauna, Saul ma David au kolai monamona i waġi da i vigulau, lamna aubaina wei bukana i viwavai Samuel. Wei bukana mai Israel ai kaua e bababaniei i nae da Saul ana au iraġe.

Vinevinei

- Samuel ana tupua (1; 2:1-11; 3:1-21)
- Mai Israel gulau i vibägei (8:1-22a)
- Samuel Saul i buloi (9:1-3, 15-16, 10:1-2, 5-24)
- Saul i vivibada (11:14-15; 13:13-14; 15:1-4)
- BADA Saul i geduaiei (15:7-23, 27-29, 34-35)
- Samuel David i buloi (16:1-7)
- Saul David i unurei (18:7-9)
- David Saul i ruba-tawanei (21:1-6)
- Saul ana irage (31:1-5)

Samuel i tupua

¹ Orot tagogi wavanaugh Elkanah, ana dam Ephraim ma ana melaġai Ramah, Ephraim au olana i mae. Elkanah amana Jeroham, ġogħana Elihu ma noina Tohu, ma ai bariawa Zuph, ai dam Ephraim. ² Tauna awawana ruāga Hannah ma Peninah. Peninah i vinatuna ma Hannah aipoi.

³ Madegħana patapatana Elkanah Ramah i netawanei ma i nae au Shiloh da BADA VIVIRE-WAPANA KAUKAUANA ita voepaepai ma pulo ita apui awarina. Weka Eli natunatuna Hophni ma Phineas BADA ana pirisi pulo tauapui i mae. ⁴ Maranai Elkanah pulo i apuapui ma sia sikasikana i ġutai da awana Peninah ma natunatuna i patai. ⁵ Wate awana Hannah sia vinevinena i verei aubaina awana nuanuana i vai-kauei avena da BADA i kauei da tauna aipoi. ⁶ BADA Hannah manawanna i gudu ma lamna aubaina turana i vivinamei ma i viviġibogħanonoei da ita vinuabolai. ⁷ Wei kauana i mae madegħana patapatana. Maranai Hannah i nae BADA ana au numu, Peninah tauna i vivinuabolai ma i vitoutouni da eġa ita amam. ⁸ Maranai Elkanah awana Hannah i paripari-dadanei, “Hannah aiwai e toutouei? Aiwai aubaina ega uta amam? Aiwai aubaina e vivinuabola, natunatum ega lamna e vivinubolei bo? Tau weka! Natunatum nelarai 10 epaiai!”

⁹⁻¹⁰ Mara tagogi maranai tau i am vorovei BADA ana au numu au Shiloh, Hannah orana i viara kaua ma ana toutouuna BADA awarina i raupari. Pirisi Eli kampa ana au gabu tempol au metaetana i kiakiala. ¹¹ Ma i parivainuagħana i pa, “Oo BADA VIVIREWAPANA KAUKAUAM. Ma inanai am taunola u ora-tou uta inanai! Ma uta notaui ma ega nuanuam ina vuru. Mepa da natu orotona uta vereu lamna teverawana ana veremelem da ina vilaragħem ana au lawana au anatapuna, ma aparana ega ina borid-dadanei.”

¹² Ma i raraupari BADA awarina ma Eli tauna ipirina i 'nainanai. ¹³ Hannah au nuanuana i raraupari ma ipirina ava i vidagħidu wate ega babani ita opuopu. Ma Eli i notai da tauna i umabu, ¹⁴ ma awarina i riwa, “Ina baem bo, uma bua ma voterei!”

¹⁵ Wate Hannah i paribelei, “Ega nanare au bada tau ega waira bagibagħina ata umai, tau au nuabola i rata kaua ma lamna aubaina a toutou BADA awarina. ¹⁶ Wenanare a raraupari aubaina nuanuau i bola-kauei ma ega ma nota dei da tau wavine apoapoeu.”

¹⁷ Eli i paribelei, “Ana nuaubam ma nae! Ma BADA Israel ana God am vibaga ina kauei.”

¹⁸ Tauna i paribelei, “Au bada egualau kaua ma ega ma nota-boaiu.” Ma i nae ma i am da orana i uba.

¹⁹ Ma ubaubañai boibogħi Elkanah ana numu ravai i vomairi ma i nae da BADA i raudunelei ma i ġġira me au Ramah. Elkanah awana Hannah maiteni i matave ma BADA wavine ana pari i paribelei. ²⁰ Hannah i duama ma natuna orotona i ġuni ma wavanaugh i ġorei Samuel ma i riwa, “Wei lamna aubaina BADA a vibagħi.”*

Samuel i puloei BADA awarina

* **1:20:** Samuel pona Hebrewei nonorana me God awarina agu i vibägei.

²¹ Ma madega ġelauna i ġetai ma Elkanah ana numa rava i maiteni i ġae au Shiloh da pulo ita apui BADA awarina ma pulo ġelauna BADA i parivainuagani ita kaei. ²² Hannah ġeġ maiteni ita nae ma awana i riwei, "Maranai tevera ina eda ma ana ġaiei BADA ana au numa ma kampa ina mae-nonoa."

²³ Elkanah i paribelei, "Ee nanare aiwai e notanotai da i ai ma kaei, ma weka ma mae da tevera ina eda. Ma BADA ina voaguim da am parivainuagana anona ina tupua." Ma wavine au numa i mae da natuna i eda.

²⁴ Maranai tevera i viedai ma alona i naiei au Shiloh, bulumakau orotona ana madega tonuġa, palawa baikena tagogi ma wine wagħiġ ġaegħena maiteni. Avena da tevera melamelana ma alona i naiei da Eli au urana i terei. ²⁵ Ma burumakauna i apui God awarina ma tevera i naiei Eli awarina. ²⁶ Ma Hannah i riwa, "Oo BADA e notanotai rorova tau weka a raraupari BADA awarina. ²⁷ BADA a vibagħi wei teverana aubaina ma a vivibagħi i vereu. ²⁸ Lamna aubaina marina natu a vereverei BADA awarina. Ana lawana anatapuna BADA ina verei." Ma kampa taui BADA i voepaepai.

2

Hannah ana voepaepa

¹ Ma Hannah i raupari BADA awarina i pa,
Tau a vinuiai kaua BADA awarina;

Tauna rewapani i vereu.

A vinuiai aubaina Tam u vilawani
ma lamna aubaina au ġavja a vivinamei.

² Oo BADA eġa aiai ġelauna vivivireina me tam;
eġa mepa god ġelau anina tam ava;
eġa taugagalo ġelauna me tam, ai God.

³ Tau a ririwa, "Vogulagulau ma pari-gulagulau ona voterei;
Mae-ġaegħe babanina ona voterei.
Aubaina BADA amī kaua anatapui e araramanei
ma ina kovoġimi."

⁴ BADA Tam sorodia vivirewapanai ai pidu u viaigaigai;
wate vovokokarai u vovai-virewapani

⁵ Amam iauai marina ina nola da ina am;
am-irairagei eġa am ina iraġe.

Wavine aipoina roaroa 7 i ġuni;
wate roaroa maġgamaġaui aloi i netawanei ma tauna ava e mamae.

⁶ BADA, iraġe ma lawana e neinei;
Tauna rava au kokoaga e teretere-ġairei ma e vovovai-mairini.

⁷ BADA rava ġelau i vivimaurai ma ġelau i vivigomari;
ma ġelau i teretere-ġairei ma ġelau i teretere-ġaiei.

⁸ Tam rava molamolakai pokau au orana e sinasina-epai;
ma rava vigigimanai logiġi au orana e sinasina-epai; da gulagulau maiteni e kiakiala
ma vigulau taui ina viġariei.

Dobu anatapuna tam ġarimej;
ma aiwai anatapuna ana au animae u terei

⁹ Tam am rava patputatut i gagħagħloei;
ma apoapoe taukauei e amoamo au iraġe
Rava eġa ai rewapani ita vovaiuba;

¹⁰ Tam am ġavja ma pupuni;
am mejji ina viarapawa me waiparara

BADA tam dobu ma rauetarei
ma am gulau ma vovai-virewapani,
ma am vinevine bulobulona ina virewapani kaua.

¹¹ Elkanah natuna Samuel i voterei ma i nae me ana au melagau au Ramah. Samuel pirisi Eli au urana i mae au Shiloh ma BADA aubaina i vitaunola.

Maranai Samuel i rarata tauna au numa gara i vovoagu da God ana nola i kaukauei. God ma rava Samuel ana nola i ġoana-kauei. Eli natunatuna ruaqha pulo tauapui, pirisi apoapoei. Maranai rava i nei da ai ġoaa apoapoe aubaina pulo i apui BADA awarina, taui wei siasi vovivirana i voviviri da i amam. Ma lamna aubaina Bada peroveta i paritawanei da Eli i riwe da tauna

natunatuna ega ita vinua-terenei aubaina go'apoapoe i kaukauei, ma natunatuna ina viragena ruagei. Wei au murina Eli ana epaepaia laragai ma anatapui ina irage-pai.

3

BADA Samuel i gorei

¹ Wei au marai BADA ega rava awari ita bababani bo ai au rauboni bo ai au inana ita viviegana-melei, mara tagotagogi ava wei i tuputupua. Tevera Samuel Eli i voagui ma BADA awarina i vitaunola.

² Eli matana i apoapoe kaua ma ega ita inainana kaua. Ma waguvara tagogi ana au gabu i matamatave. ³ Ma Samuel BADA ana au numa i matamatave Parivainuaigana bokisina au rirvana ma God ana rampa au Gabu vivivireina i ararata. ⁴ Ma BADA Samuel i gorei, "Samuel!"

Ma Samuel i paribelei i pa, "Ee tau weka!"

⁵ Ma i vomairi ma i ruba Eli awarina ma i riwa, "U goreu da a nei."

Eli i riwa, "Ega ata gorem, ma nae me da ma matave."

⁶ Ma BADA i viigore me, "Samuel!"

Samuel i vomairi me ma i ruba Eli awarina ma i riwa, "U goreu da a nei."

Eli i riwa, "Natu tau ega ata gorem ma nae me da ma matave."

⁷ BADA ega Samuel awarina ita babani dadana lamna aubaina ponana ega ita aramanei.

⁸ Anina ma mara vitonuina BADA i viigore ma Samuel i vomairi ma i nae Eli awarina ma i riwei, "U goreu da a nei."

Anina ma Eli i aramanei da lamna BADA tevera i goegorei. ⁹ Ma Samuel i riwei, "Ma nae me da ma matave. Mepa da ina viigore me lamna wenanare ma riwei, 'BADA ma babani, am taunola a raurutaniigana."

Anina ma Samuel i nae me da i matave.

¹⁰ Ma BADA i nei ma i mairi ma i viigore me au naona i kaukaueia nanare, "Samuel, Samuel!"

Samuel i paribelei i pa, "Ma babani am taunola a raurutaniigana."

¹¹ Ma BADA Samuel i riwei, "Tau kaua vivi-inirovorovo kaukauana ana kuae mai Israel awarri ma maranai rava riwana ina nonori taui orai ina sisi. ¹² Rorova a riwa nanare, Eli ana numa ravai maiteni ana kovoigi. ¹³ A riwana-guratei da ana numa ravai ana kovoiga-nonoei aubaina natunatuna i vijibogu ma i vinimalamalau ma tauna natunatuna i vibae-naenaei. ¹⁴ Riwa bagibaginei a ririwa da Eli ana numa ravai ai go'apoapoe ega melanai ana notawanei. Avena da pulo ina apui awarui."

¹⁵ Samuel ana au aravi i mae da mara i tom ma BADA ana numagara metaetai i votawawanei. BADA aiwai Samuel i riwei tauna i rovo da Eli ita pariverei. ¹⁶ Wate Eli Samuel i gorei i pa, "Samuel natu."

Ma i paribelei i pa, "Tau weka."

¹⁷ Eli i paridadanada, "BADA aiwai i riwem? Anatapuna ma riwei ma ega lamna BADA ina kovoiga-guratem!" ¹⁸ Anina ma Samuel anatapuna i riwei, ega aiwai ita tajijini. Ma Eli i riwa, "Tauna BADA, ma aiwai awarina i jijimana ina kuae."

¹⁹ BADA Samuel i mae-ratui maranai i rarata ma Samuel aiwai i ririweia ma nanare i tuputupua. ²⁰ Ma Israel au giana da au giana, au Dan i vikarei da au Beersheba, anatapui i aramanei da Samuel lamna BADA ana peroveta. ²¹ Mara i maga BADA au Shiloh Samuel awarina i ega ma i babani.

8

Mai Israel Gulau i vibagai

¹⁻² Samuel natunatuna ruaga, natuevou wavana Joel ma umauna Abijah. Maranai Samuel i magura ma natunatuna i vinei taurauetara au Israel ma i terei da au Beersheba i nola. ³ Wate taui ega amai ana kaua ita vaia ma ai nuavaina mane ma lamna aubaina manelei i gwali ma rauetara i vibarai.

⁴ Ma lamna aubaina Israel babadai i riei Samuel awarina au Ramah. ⁵ *Ma i riwei, "Ma raurutaniigana badai! Tam u magura ma natunatum ega am kaua ita govaivaitei. Ma lamna aubaina tauai a goei da gulau ma verelai da ina raveniai, me dobu gelaui ravai e kaukauei nanare."

⁶ Wate maranai wenanare i riwa Samuel ega ita vinuaiai dadana, ma i raupari BADA awarina. ⁷ BADA i paribelei i pa, "Aiwai anatapuna ravai e ririwem ma kuae, taui ega tam ita geduaiem wate Tau ai gulau i geduaieu. ⁸ Maranai Egyptei a tererete-opunei da wei paratana, taui marana patapatana i mae-puputeu ma god gelaui i raurudunelei; marina nanare

* 8:5: Deu 17:14

tam awarim e kaukauei.⁹ Ai ġoana ma verei wate riwa bagibaginei ma riwei menanare gulau ina kauanei taui awari.”

¹⁰ Samuel BADA ana babani anatapuna taui gulau i vivibägei i riwei¹¹ i pa, “Maranai gulau ina vibademi lamna awarimi wenanare ina kaei. Tauna natunatumi ina tama-naiei sorodia da ana chariot ma ana horse ina gerui ma ġelau i ana chariot au naona ina ruba.¹² Ĝelau i sorodia 1,000 ma ġelau 50 ina vibadei. Ĝelau iana wapu ina ipie i ana lam ina tuarui. Ĝelau ġavia apiae iramei ma chariot iramai ina kaukauei.¹³ Gulau, natunatumi guguiñin iña egari da ana monamona ġabuġabu iña kaukauei ma ġelau iana palawa ina apuapui ma ana taulausvoa.¹⁴ Am wapu ma grape wapui ma nanare olive wapui aiai avavai ina vaia da ana gabemani babadai ina verei.¹⁵ Ma maranai ami witi ma grape ma olive o tuarui ma ġuta 10 ona terei ma tauna ġuta tagogi ina vaia ma ana gabemani babadai ina ġutei.¹⁶ Ami laraga nelarai ma guguiñin ma am bulumakau ma donkey vinevinei ina vaia tauna aubaina.¹⁷ Ma ami sипу ma gote ġuta 10 o terei ma tauna ġuta tagogi ina vaia tauna aubaina, ma taumi ina vainimi ana taunola.¹⁸ Maranai wei kauai i tupua ma ona tou guratana BADA awarina da gulau taumi o terterei awarimi ina vaitawanei, wate BADA eġa ina voaguimi.”

¹⁹ Wate rava Samuel ana babani bagibagina eġa ita rautaniganei. Taui i riwa, “Tauai anatapuiai a ġoei da gulau ina vibadelai,²⁰ da tauai me dobu ġelau i ravai nanare ma ai gulau ina raveniae ma ana opu viġavia aubaina.”

²¹ Anina ma Samuel BADA i riwei aiwai ravai i ririweia²² ma BADA i paribelei i pa, “Ai ġoana ma kauai, gulau ma verei.”

Ma Samuel ravai i paritawanei ai au numa.

9

Samuel, Saul i buloi gulau

¹ Benjamin ana au dam rava tagogi wavana naenaena ma manemanena i mae wavana Kish. Tauna amana Abiel, ġogana Zeror ma noina Bekorath ma ai magura Aphiah, Benjamin ana damei.² Kish natuna Saul i tupua kaua ma laraga inanana aiaina eġa me laraga ġelau au Israel, ma tevera ae manawa.

³ Maratagogi Kish ana donkey i kwako ma natuna Saul i riwei, “Am taunola ma taravaini ma ona nae donkey ona baei!”

Saul ma ana taunola donkina i baiana-guratei wate eġa ita nelaġai ma i nae da peroveta Samuel ita raugenari da ita vibagħi da mepa donkey ita baiei.

¹⁵ Ma maratomna da Saul ana taunola maiteni ita ġeta Samuel awarina, BADA Samuel i riwei,¹⁶ “Wenanare marana au maratom oroto laragana Benjamin ana damei ana paritawanei. Olive monamonanei kolana ma buloi da ina vimataira da tauna a tereriei da au rava Israel ina vibadei. Tauna mai Israel ina voagui da mai Philistia ina vovaiubai. Au rava mai Israel a inanai i vinuapoapoe ma ai tou awariu agu aubaina a nonori.”

10

¹ Ma Samuel olive monamonana wagina i vaia ma monamona i waġi Saul au kolana. Ma i vigia-laġolaġonei ma i riwei, “Wei a kaukauei aubaina BADA i terem ana rava vinulaulaunaui Israel ma vibadei.² Amadodo rava ruāga ma nebelei Rachel ana kokoaga au ririvana au Zelsah, Benjamin ana au dobu. Taui ina riwem, ‘Donkina o baibaiei i nelaġai. Ma marina amam eġa donkey ita baibaiei wate tam e vivinuabolem, e paripari-dadana, Menanare natu ana nelaġanei.’

⁵ —Ma ona nae God ana au Gibeah ola aburuna, weka mai Philistia ai sorodia i rauġaravu. Ma ona ruirui au taon ma Peroveta borui olei ina ġaġairai. Taui gitār* ma harp, tambourine ma duraio ina vikalokaloei ma BADA ana babani ina garagararei.⁶ BADA Aruana Vivivireina ana rewapanana oram ina naeni da ina vibadem, ma taui maiteni BADA ana babani ona jimej. Ma oram ina ravivouni da tam me rava ġela.⁷ Maranai wei kauai i tupua, aiwai BADA e viviatataiem ma kauai.”

⁸ Samuel i riwa, “Tam ma vinao au Gilgal, ma kampa ana nebelem da ġamoġamo ana vunui ma taputapuna ana apui ma ġamoġamo ġelau iana apui viturana pulona. Wate kampa ma vipaipai aupom 7 da ana ġetai ma riwa ġelau iana riwei.”

Saul i terei gulau

⁹ Ma Saul i mae-tavirei da i nena ma God ana nota i ruini ma orana i ravivouni. Wei marana aiwai anatapuna Samuel i ririwei i tupua.¹⁰ Maranai Saul ana taunola maiteni au ola Gibeah

* 10:5: Eng. lyre

i ġeta, peroveta borui i 'nanai i nenei awarii. Anina ma God Aruana Saul i ruini ma i vibadei da tauna maiteni God ana babani i garagaraei. ¹¹ Maranai ravai Saul i araramaneia Saul i 'nanai peroveta au borui i jimatima taui orai i auepai ma ai rava i ririwei, "Riwa kaua bo aiwai i tupua Kish natuna awarina? Saul i viperoveta bo?"

¹² Ma nai dobuna ravava i paribelei i pa, "Amana aiai lamna avena aubaina maraġela ravarava ota e viviperovala." Anina ma wei babanina i mae kampa, "Moina riwa kaua da Saul peroveta?" ¹³ Ma Saul jima i voterei ma i ġae au ola u dobu vivivireina.

¹⁴ Muriai maiana Saul ana taunola maiteni i nelāgħi ma i paridadanei i pa, "Mepa o nae?" Saul i riwa, "Donkey a baibaei ma a baiana-avei da a nae Samuel awarina da ata paridadanei ġamōġamoi mepa."

¹⁵ Maihana i riwa i pa, "Ma riweu Samuel aiwai i riwem."

¹⁶ Saul i paribelei, "I riwelai da donkina i nelāgħi." Wate maiana ega ita riwei Samuel aiwai i riwei, da tauna ina vigulau Israel aubaii.

¹⁷ Muriai Samuel mai Israel anatapui i gorei da ita rie i au Mispa da BADA riwana ita nonori.

¹⁸ Ma Samuel i riwa, "BADA Israel ai God wei e ririwemi, 'Tau noinoimi mai Egypt vivirewapanai au urai a vaitawanei. Ma a neimmi wei au dobuna ma nanare ami ġavia au ririvami a vovaiubai.' ¹⁹ Wate amadodo tau am God o geduaeit, i kauana-guratei ami au nuabola ma ami u piripiri.' Ma o riwa, 'Ega! Tauai gulau a ġoegħei da ina vibadelai! Lamna aubaina dam damai ona opui tau am God BADA au naou.'

²⁰ Maranai Samuel damdamai i nejai BADA au naona ma BADA Benjamin ana dam i vinei.

²¹ Ma Benjamin ana dam i nejai au naona ma BADA Matri ana epaepaia i vinei ma kampa BADA Kish natuna Saul i vinei. Ma maranai i baibaei tauna kampa ega. ²² Ma lamna aubaina i raupari BADA awarina, "Tauna mepa?"

BADA i paribelei, "Tauna kampa purapura au orai e raraugovaġa."

²³ Taui i nae da i taravaini da i nejai, tauna rava aena manamanaina ma i mairi ma rava anatapui i votani. ²⁴ Samuel rava anatapui i riwei, "BADA rava i tereriei da ami gulau, o inainai bo ega? Ega aiai ġeluna au orata me wei orotona." Ma rava anatapui i garara, "Gulau ana lawana ina manawa."

11

Saul ana vigulau i vianinei

¹⁴ Muriai Samuel mai Israel i riwei, "Ona nei ma anataputa tana nae au Gilgal ma Saul ana vigulau tana vianinei ma tana amei. ¹⁵ Anina ma anatapui i nae au Gilgal ma BADA i voepaepai ma i riwei da Saul lamna taui ai gulau. Ma taui viturana ma mae-kaua pulona i apui Bada awarina ma mai Israel siana i am ma i uma ma i vinuajai-kaua."

Saul ana madegħa 30 maranai i vigulau. Tauna sorodja mai Israel i rau-etaraveni da mai Ammon maiteni i vigaġgħiawa da i vovaiubai. Muriai taui mai Philistia maiteni i vigaġġiawa, Wate nai ravai ai sorodja i magħa għuratana aubaina da mai Israel i rovo. Saul i vipaipai da Samuel ita nae da BADA ita puloi ma muriai ita nae ita vigaġġiawa. Wate Samuel ega laġilägħina ita nei. Lamna aubaina Saul pulo i apui BADA awarina. Ma BADA i viamlo-ġaġġaini. Ma muriai Samuel i ġetai.

13

BADA Saul i geduaeit

¹³ Samuel Saul i riwei, "Tam u bual Tam Ega BADA ana tarawatu uta voteletelei. Uta votelatela lamna am epaepaia maiteni ita teremi da ota vigulau nono au Israel. ¹⁴* Wate marina tam am vibada ega ina mae; BADA rava notanotana me tauna nanare i vinei mai terei da ana rava ina vibadei, aubaina tam BADA ega uta voteletelei."

15

BADA Saul i geduaeit

¹* Muriai Samuel Saul i riwei, "BADA tau i paritawaneu da a buloim da u vigulau Israel aubaii. Lamna aubaina BADA ana riwa ma nonora-kauei. ²* BADA Vivirewapano Kaukuaua i riwa i pa, 'Tau mai Amalek ana kovogħi aubaina ammamai mai Israel i vigaġviei maranai Egypt i opu da i nenei. ³ Marina ona nae mai Amalek ona vigaġviei ma ona pupuni, ega tagħġi ona voterei, nelara, waivine, roaroa melamelai, bülumakau, sипu, kamel ma donkey."

⁴ Ma Saul ana sorodia ai riwa i paritawanei da ita nei. Ma anatapui au Telaim taon i vinenebelana. Sorodia 10,000 Judah ana damei i nei ma 200,000 mai Israel gelauei i nei.

⁷ Ma Saul ana sorodia maiteni i opu ma Amalek i vunu-naiei ma i vovautbai, i viġavia au Havilah ma au Shur i vikwai Egypt au ġereġerena. ⁸ Agag mai Amalek ai gulau lawalawaina i vojjini wate rava anatapui i virägeni. ⁹ Wate Saul ana sorodia maiteni Agag ega ita virägeni ma ai sипу ma bulumakau vinevinei ma bulumakau ma sипу natunatui aiai ega ita virägeni. Taui ġamoġamo kirakiramai ava i virägeni.

¹⁰ Ma BADA Samuel i riwei, ¹¹ “Tau orau i viara kaua da Saul a terei Gulau aubaina tauna i mae-puputeu ma riwau i rau-aġaigaie.” Samuel nuanuana i bola-kauei maranai wei riwana i nonori ma BADA awarina i tou-maratom.

¹² Ubaubana boibogħi Samuel i nae da Saul ita inanai wate i riwei da Saul i nae au Carmel taon. Kampa gana i vidamni da rava ita nei weka da tauna ita voepaepai, ma i gaira me au Gilgal.

¹³ Ma Samuel i ġeta Saul awarina, Saul, tauna i viegħualuei ma i pa, “Samuel, BADA ina viaianim. Tau BADA riwana a voteletelei.”

¹⁴ Samuel i paribelei, “Aiwai aubaina sипу ma bulumakau e vivitouana a nononori?”

¹⁵ Saul i pa, “Sorodia mai Amalek awarri i vaia, bulumakau ma sипу vinevinei i vojjini da ina puloei BADA am God awarina wate ġelau anatapui a virägena-naiei.”

¹⁶ Anina ma Samuel Saul i riwei, “Ma genuanal! Wagħuvarai BADA awariu i babani ana riwem.”

Saul i paridadanei, “Ma riweu?”

¹⁷ Samuel i paribelei, “Avena da u nota-melem da tam rava labalababa, tam marina mai Israel ai rauetaravenna. BADA i terierem da mai Israel ai gulau. ¹⁸ Riwa bagibagina i riwem ma i paritawanem da taniġa potapotai mai Amalek uta viġavie i anatapui uta pupunapai. ¹⁹ Aiwai aubaina BADA ega uta voteletelei? I riwem da ega purapura i rairage-tawanei ona tam, wate tam vipurapura u ġoei ma u vai-labalababai da u nuanei, wei lamna kaua apoapoe BADA au matana.”

²⁰ Saul i paribelei, “Tau, BADA a voteletelei! I egariu da ana nae, da mai Amalek ana pupuni ma ai gulau Agag a neiae. ²¹ Wate au sorodia sипу ma bulumakau aiai ega ita virägeni wate i neiae weka au Gilgal da ita apui polo BADA am God awarina.”

²² Anina ma Samuel i riwa,
“BADA metauna e vinuaiaeie?”

Votelatela bo polo ma ġamoġamo apuapunana.
Votelatela i ai-telara, ega me polo apuapunana;
Ma rautanigħana i ai-telara, ega me sипу monamonana.
²³ Pariviravira BADA awarina lamna me parauma
ma mae-ġaegħe lamna me god ġelau i viviborumnej
Ma tam BADA riwana u geduae;
lamna aubaina BADA am vigulau i geduae,
Tam am vigulau i vai-tawanei.”

²⁷ *Ma Samuel i mae-tavirei da ita nae ma Saul i ġoie da ita viġāei ma ana kwama adana i vojjini ma i sikai. ²⁸ Samuel i riwa, “Me au ġara u sikasikai nanare amadodo BADA am vibada mai Israel awarri i vai-tawanei ma rava ġelauna aiaina ega me tam i verei. ²⁹ Israel ai God vinuallaulaunana ega morumoruna bo nuanuana ita viravirai. Tauna ega rava da nuanuana ita viravirai.”

³⁴ Ma Samuel i nae au Ramah ma Saul i nae me ana au numa au Gibeah. ³⁵ Samuel ega Saul ita inana-melei da i rraġe wate Saul i vinuabolana-maelei. Ma BADA nuanuana i bola-kauei da Saul i terei mai Israel ai gulau.

16

BADA David i terei gulau

¹ BADA Samuel i riwei, “Amapo da Saul ma mogumoguei bo? Tau Saul a waitawanei mai Israel ai gulau. Wate ollemononana ma vaia ma nae au Bethlehem ma Jesse ma inanai. Natunatuna awariei gulau a vinei.”

² Wate Samuel i paribelei, “Menanare ana naenei? Saul riwana ina nonori ma ina virägeniu.”

BADA i riwa, "Cow ġaubona ma vinimavoei ma ma nae da ma riwa, 'Tau a nei viturana pulona ana apui BADA awarina.' ³ Jesse ma rauğorei viturana pulona aubaina ma ana viatataiem aiwai ma kaei, rava ana viatataiem ma buloi Tau aubaiu."

⁴ BADA Samuel i ririwei nanare i kaei. Samuel au Bethlehem i ġeta ma taun babadai ana sisisi i nebelei. Ma i paridadanei, "Ana nuaubam u nei bo?"

⁵ Samuel i paribelei, "Ee! A nei da pulo ana apui BADA awarina. Anatapumi ona vokaukauana-melemi ma tana nae pulo aubaina. Ma Jesse natunatuna maiteni i viaiaini ma i paritawanei da i nae pulo apuna aubaina."

⁶ Maranai taui i ġeta ma Samuel Jesse ana natuevou Eliab i 'nanai ma ana au nota i riwa i pa, "Wei teverana e maimairi BADA au naona lamna anina ana vinevine."

⁷ Wate BADA Samuel i riwei, "Tau ravana a geduaiei, ega inanana bo ana manawa ma notanotai. BADA aiwai e inainanai, rava ega ita inananai. Rava tupua e inainanai wate Tau nuapou a inainanai."

¹⁰ Nanare da natunatuna anatapui 7 i nei, ma Samuel i riwa, "BADA ega aiai ita vinei."

¹¹ Ma Jesse i paridadanei, "Natunatum anatapui weka bo?"

Jesse i riwa, "Natu umau e mamae wate tauna sипу e paipaini." Samuel Jesse i riwei, "Riwa ma paritawanei da ina ġetai da tana am."

¹² Ma Jesse riwa i paritawanei da i nei. Tauna i tupua karawata, tevera inanana aiaina ma matana namanamarana. BADA Samuel i riwei, "Wei tauna! Ma nae ma au kolana olive monamononana ma iwāġi."

¹³ Anina ma Samuel olive monamononana i vaia ma David au kolana i waġi, kampa taui au matai, ma nai au marana da i nena BADA ana Arua Vivivireina David maiteni i mae. Ma Samuel i nae au Ramah.

¹⁴ Ma BADA Aruana Saul i opu-tawanei ma BADA arua apoapoei i paritawanei i rui au orana da i virovorovoi.

David marina Gulau Saul ana sorodia.

18

Saul David i unurei

⁵ Saul, David ġavia au anatapuna i paripari-tawanei ma i kaukauana-kauei ma ġavia i vovovauibai ma lamna aubaina i terei da ai sorodia ai bada ġaegħena. Ma wei kauana patara ma sorodia babadai i vinuiaiei. ⁶ David oroto Philistieī ġaegħena ma inanana vi'nirovorovona i viraġeni ma i nenememei ma waivine taon anatapuie i nei ma ketaketara ma gitu i vikalokloej ma i arara ma gulau Saul i nebelei. ⁷ Waivine i vikalokalo ma i welawela i pa;

"Saul ġavia tausan i vunui
ma David tausan dam viriviri i vunui."

⁸ Wei welana Saul i vimeji-kauei ma ana au nota i pa, "Taui David e vovoepaepai ma e ririwa da tauna rava tausan dam viriviri i vunui ma tau tausan ava." Ma marina ina terei ai gulau.

⁹ Ma lamna aubaina tauna David i unurana-kauei ma i 'nana-vaitetei.

Wei au marana Saul David i viviġavie i ma i goei da ita viraġeni. Saul natuna Jonathan, David i vibenabenamei. Lamna aubaina i rovorovo-nae ma i rauraugovaġa-nae.

21

Wei marana au murina Saul David i viġavie i ma i goei da ita viraġeni. Saul natuna - Jonathan David i vibenabenamei ma David i ruba au dobu ġela da Saul ita raugovaġei.

Ahimelek David i voagui

¹ David i nae au Nob da Pirisi pulo tauapuna Ahimelek ita inanai. Tauna ana rovona i opu da David i viegħaluauei, ma i riwa, "Aiwai aubaina u nei, ma am rava mepa?"

² David pirisi Ahimelek i paribei i pa, "Gulau Saul nola tagogi aubaina i paritawaneu wate wenanare i riwei, 'Ega aiai ina aramanei aiwai a kaukauei.' Au sorodia a riwei da e paipainiu.

³ Awarim lam da uta vereu? Palawa apuapunana 5 ma vereu bo aiwai ġelauna kampa."

⁴ Wate pirisi i riwa, "Awariai ega palawa ota ita mamae, wate vovivirana BADA awarina. Wei palawana ma vaia mepa da am sorodia aupom biäga ega waivine maiteni ita viawawana."

⁵ David i paribelei, Riwa kaua tauai ega waivine maiteni ata matamatave, maranai a opuopu gavia aubaina au nelara e ujiuji. Amadodo lamna gulau ana nola a kaukuae ma wei nolana aubaina a vokaukaua kaua. ⁶Nai marana palawa waduboi i votawanaei ma palawa voui i terei BADA au naona au tempol. Kampa ega lam gelauna ita mamae ma pirisi palawa vovivirana David i verei.

Anina ma David rava i tama-naiei ma nai au dobuna i raugovaiga nae ma i terei ai bada. Maranai Saul i nonori da pirisi gegetelarana Ahimelech David i voagui, Tauna pulo tauapui pirisi i vunu-pai ma Abiathar lawalawaina i voterei, ma tauna i ruba govaiga da David awarina i geta. Maranai dobugela ai sorodia Israel i vigavie, lamna David ana sorodia maiteni taui i vigavie ma Israel i gagaloei. Saul ana sorodia maiteni dobuna i naeni ma David i baiei da ita viraegeni, wate ega ita nelagai. Mara tagogi David Saul ita viraegeni wate lamna ega ita kaei aubaina tauna God ana vinevine. Wate Saul amapo i joei da David ina viraegeni.

31

Saul ana iraige

¹ Mai Philistia mai Israel i vigavie au ola Gilboa ma taui mai Israel i virubai ma maiga-gaui i viraegeni. ² Mai Philistia Saul ma natunatuna i viaga-gei da natunatuna Jonathan, Abinadab ma Malki-Shua i viraegeni. ³ Gavia i potopoto kaua Saul au ririvana ma gavia ana piduei Saul i tonai ma i vikero-kauei.

⁴ Ma Saul ana apia tauavaraina i riwei, “Am sodei ma viraegeni. Ega ata goei da Philistia-eteni ina vijibogiu ma ina virageniu.”

Wate tauna i rovo da viraegenana i kauana-avei. Ma Saul ana sod i lavui da au manawana i tonei ma au tepana i peu da i’rage. ⁵ Maranai ana apia tauavaraina wei i ’nanai ma tauna nanare ana sod au tepana i peu ma gulau au ririvana i’rage.

2 Samuel

Samuel ana buka viruaina Pariverena

Wei bukana lamna David ana vibadana marana e ririweta. Kapita 1 da au 4 e ririweta da David menanarena Judah au rauanaägei lamna ava i vibadei. Ma kapita 5-24 Israel au lavaratei maiteni i vibadei. Wei girumana e ririweta da menanare David ana ġavia Israel au orana ma dobu ġelauiei i viġaviana-nei ma e viviatataieti menanare David God nuanuana i vaia ma i vitumağanei, wate maiteni ana ġo'apoapoe ma ana ġokokokara ġelau i viatataieti. Tauta inanai menanare God David i kovoġi maranai ana ġoa i apoapoei, wate maiteni ta inanai menanare David i rupena-nei ma God tauna ana ġo'apoapoe i nota-tawanei. David piripiri maġamagaui i nelaġai maranai Israel i vibadei wate God tauna i gagaloei ma parivainuāgħana awarina ma ana epaepaia awarri i vijjini.

Vinevinei

David mai Israel ai gulau (5:1-4)

God ana parivainuāgħana bagibagina David awarina (7:1-5, 8-17)

David Bathsheba maiteni i matave (11:1-17, 26-27)

Peroveta Nathan ana pariverena (12:1-25)

5

David mai Israel ma Judah ai gulau

¹ Israel dam damai i nei David awarina au Hebron ma i pa, “Tauta tara tagogi ² Au naona maranai Saul ata gulau, tam sorodia u rauetaraveni ma o viġavia.

—Ma BADA i riwem, ‘Tam au dam Israel ma paini me sипу taupaini ai sипу e paipaini ma aubajji ma vibada.’

³ Maranai dam babadai i ġeta gulau David awarina au Hebron, David parivainuāgħana bagibagina taui maiteni i kaei BADA au matana. Ma olive monamonanei David i buloi da Israel ai gulau.

⁴ *David ana madeġa 30 ma i vigulau ma i vibada da madeġa 40 i kwa.

Ma David ana sorodia i egari ma Jerusalem mai Jebu awariei i vaia. Kampa David ana gulau numana i voai. Anina ma rava i tami ma i næ ma God ana parivainuāgħana bokisina i vaia ma i næi au Jerusalem ma kampa au numagħara i terei.

7

BADA parivainuāgħana i kaei David maiteni

¹ Ma BADA David i gagħoloi ma nanare ana ġavia anatapui i vovaiubai. Ma ana nuaubana i mae. ² Ma David peroveta Nathan i riwei i pa, “Tau numa vigulauna, ai cedei voavoana a maemaeni wate God ana parivainuāgħana bokisina au numa gara e mamae.”

³ Nathan i paribeeli, “Aiwai e notanotaia ma kaei aubaina BADA i mae-ratuum.”

⁴ Wate lamna wagħvaraina BADA Nathan i riwei i pa, ⁵ “Ma næe ma au taunola David ma riwei ma pa, BADA wei e ririwei ‘Ega tam numa ma voai da Tau au animae.”

⁸ BADA i riwa me, i pa, “Au taunola David ma riwei, ‘BADA VIVIREWAPANA KAUKAUANA wei i riwei:

Tam au naona ravarava ota sипу u paipaini au wapu, wate Tau a terepaim da mai Israel ai bada. ⁹ Mepa u nelena, Tau tam a mae-ratuum ma au matam am ġavia anatapui a pupunapai. Ma marina wavam ana voepai, me rava wawai naenaei au dobu. ¹⁰⁻¹¹ Ma au rava Israel dobu ana verei da ina raunuma ma ana nuaubai ina mae. Au naona i vivikareiana da marina babada a terei da mai Israel ita vibadei, wate rava apoapoei taui i viġavie i marina amapo ega ina kauana-meleei. TAU BADA a ririwem da am epaepaia ana vimägħi ma tam am epaepaia ona vivigħlau.

¹² *Ma am epaia tagogi ana vinei, tam natuoim tagogi da ina vigulau maranai tam am mara damona ina ġetai da ammam ma votagoi. Ma tauna ana kaei da ina vibada gaġaġena, ¹³ ma ega aiai ana vigulau ina vaitawanei. Ma tauna tempol ina voai Tau aubai,

¹⁴ Tau ina viamanu ma tauna ana vinatunei. Ma maranai i kauana-boai, ana kovoġi me ama natuna e kovokoġi nanare. ¹⁵ Wate eġa melanai au nuavaina awarina ana vaitawanei me Saul awarina a vaitawanei, tauna ana vigulau a vaitawanei ma epaiana tam a terem.

¹⁶ Am numa ravai reregħa eġa melanai ina kwa ma am epaepaia ina vigulau ma ina vibada nonoa.”

¹⁷ Ma BADA aiwai Nathan ana au rauboni i riwei anatapuna David i pariverei.

11

David turana awana i kwalei

¹ Omra e tomtom maranaina gulagulau e opuopu ġavia aubaina. David sorodia ai bada Joab ma Israel ana sorodia i paritawanei da mai Ammon ai sorodia ita vipupui. Ma ai taon Rabbah etanaina i matave-potai da ravai ega ita rui bo ita opu, David ega ita nae ma au Jerusalem i mae.

David ma Bathsheba

²⁻⁴ Mara tagogi aubigai David i matave-vomairi ma ana au poewa vatavatarana i bababara-nae. Ma i'nana damana da wayine i'nanai i toatoa, i ogaoġa-melei aubaina marina ana nawaravi doriana i kwa, wavine inanana aiai kaukauana anina ma David, rava i paritawanei da ita aramanei tauna aiai. Ravana i ġeta memei ma i pariverei i pa, "Wavine wavana Bathsheba, Eliam natuna ma Uriah Hitti ei awana." Ma David ana taunola i paritawanei da wavinena i neiai awarina ma tauna maiteni i matave ma i nae me au numa.

⁵ Wavinena i duama ma riwa i paritawanei David awarina i pa, "Tau a duama."

⁶ David riwa i paritawanei Joab awarina i pa, "Uriah Hitti ei ma paritawanei awariu."

Ma Uriah i paritawanei David awarina. ⁷ Maranai i ġeta David awarina ma David tauna i paridadanei, "Joab ana sorodia maiteni menanare, anina bo ega? Ma ġavia menanare?"

⁸ Ma David Uriah i riwei, "Ma nae au numa ma ma vilauvitau."

Ma Uriah gulau ana numa i opu-tawanei da i nae ma au murina David ana pulo i paritawanei Uriah ana au numa. ⁹ Wate Uriah ega ita nae ana au numa, ma kampa ana au metaeta ana bada ana taunola maiteni i vimatave lana.

¹⁰ Ma taui David i riwei, "Uriah ega ita nae au numa." David Uriah i riwei, "Tam u vaġavaġai da u nei. Aiwai aubaina ega uta nae am au numa?"

¹¹ Uriah David i riwei i pa, "Parivainuagaġana bokisina, mai Israel ma Judah ai sorodia au numa gara e matamatave. Au bada Joab ana sorodia maiteni au wapu i rauġaravu, wei lamna aubaina ega ata nae au numa da ata am ma ata uma ma awau maiteni ata matave. Lamna ega ana kuae, eġateni!"

¹² Anina ma David Uriah i riwei, "Weka ma mae amadodo ma au maratom ana paritawana-melem."

Uriah au Jerusalem i mae da au pom ġela. ¹³ Ma David Uriah i rauġorei da maiteni i am ma i viuma-buaj. Wate waguvvarai Uriah i opu David ana taunola awarii da ana au aravi i matave; ega ita nae ana au numa.

¹⁴ Ma ubaubanaina David pepa i girumi ma i paritawanei Joab awarina. ¹⁵ Pepa au orana i giruma i pa, "Mepa ġavia potopotona kampa Uriah ma terei ma am sorodia ma tere-opunei da tauna ava ina mae ma ina kero ma ina iraġe."

¹⁶ Joab Rabbah taona i vivineneganei da i aramanei mepa ġavia i virewapana kaua ma kampa Uriah i terei. ¹⁷ ġavia taonei i opui ma Joab ana sorodia maiteni i viġavia ma David ana sorodia ġelaui i viraġeni. Taui Uriah oroto Hitti ei maiteni i viraġeni.

²⁶ Ma Uriah awana riwana i vaia da awana Uriah i 'raġe ma i touei ma i moguei. ²⁷ Maranai i mogu-vorovei David rava i paritawanei da i neiai ana au numa da awana ġelauna, ma tauna David natuna orotona i ġuni. Wate David aiwai i kuae, BADA ega ita vinuaiae.

12

Peroveta Nathan David i eni

¹ *Anina ma BADA peroveta Nathan i paritawanei David awarina ma i riwei i pa, "Nelara ruāġa au taon tagogina i mae, oroto tagogi manemanena ma maumaurana ma gelaluna molamolakana. ² Ravana manemanena awarina sipu ma bulumakau maġamagaui. ³ Wate ravana molamolakana sipu natuna wavinena i gimarai, ma natunatuna maiteni i ġamoi da i rata, molamolakana ana sipu tagotago. Ana lam momoġina sipu i aniani ma waira ana au kelaka i umaumai ma au arona i matamatave, wei lamna me tauna natuna guguinina.

⁴ —Marina taomana i nei oroto manemanena ana au numa, ma oroto manemanena ega ita ġoei da ana sipu bo bulumakau ita vunuui da ana taomana ana lam ita vokaukauei. Ega,

tauna oroto molamolakana ana sipu natuna wavinena i vunui ma i vitavi ma ana taomana i verei."

⁵ Nai maranaina David i meji guratana ma Nathan awarina i ġaiawa, "BADA lawalawaina wavanei a ririwa da aiai wei kauana i kaei anina ina iraġe! ⁶ Kaua apoapoe kaukauana i kaei lamna Aubaina sipu ġaubona 4, orotona molamolakana ina verei."

⁷ Anina ma Nathan David i riwei, "Tam nai ravana! Wei lamna aiwai BADA Israel ana God i riwei, 'A vinem da Israel ana gulau ma Saul au urana a vaitawanem. ⁸ Ma am bada Saul ana vibadana ma ana buderi a vere-tawanem ma awawana au uram a terei. Ma nanare a terem da Israel ma Judah u vibadei. Mepa da wei anatapui i muomuo ġuratana awarim, tagotagogina au tepana ata viaitepatepani. ⁹ Aiwai Aubaina riwau bagibagina u rau-aġaġaie? Aiwai Aubaina wei kauana apoapoena u kaei? Uriah Hitti ei sodei u piägi; awana mai Ammon ai sodei u viraġeni. Ma awana u vaia da awam. ¹⁰ U rau-aġaġaieu ma Uriah awana u vaia da awam lamna Aubaina am au numa viġaġaia wa ina mae-nonoa.'

¹¹—BADA wei e ririwei, "Tau aburuna ava da apoapoena ana nejai am au numa. Au matam awawam ana vaia ma oroto da ririvam ana verei. Ma tauna awawam maiteni ina matave, patara au matai. ¹² Tam u kauana-ġovaġei wate tau madeġai ana kaei, mai Israel au matai."

¹³ David Nathan i riwei, "Tau, BADA awarina a kauana-boal!"

Nathan, David i riwei, "Ee wate God am apoapoe e vaivai-tawanem. Tam eġa ma iraġe. ¹⁴ Wate kaua apoapoena u kaei ma lamnei BADA u vijiboga-kauei lamna Aubaina natum ina iraġe."

¹⁵ Nathan i nae ana au numa. Ma BADA doria i paritawanei David ma Uriah awana, natui awarina ma i doria kaua. ¹⁶ David i raupari guratana God awarina natuna Aubaina. Am i voterei ma i rui ana au numa ma au debidebi i matamatave. ¹⁷ Ana numa babadai i nei awarina, da au debidebi ita voepai ma maiteni ita am, wate i geduai.

¹⁸ Aupom 7 au murina tevera i 'raġe ma ana numa babadai i rovo da David eġa ita pariverei. Taui ava i babani vivira i pa, "Maranai tevera lawalawaina David eġa ita rautaniġaneta ma marina menanare tana riwanei da natuna i 'raġe?" Mepa da ina viapoapoena-melei!"

¹⁹ David i 'nanai ana taunola i pari-ararava ma i aramanei da natuna i 'raġe.

Ma i paridadana, "Tevera i 'raġe bo?" Ma taui i paribelei, "Ee tauna i 'raġe."

²⁰ Anina ma David debidebiei i vomairi ma i toa ma i vigara ma monamona gabugabui i toai ma i nae au numa gara da i voepaepa. Ma i nae me au numa ma lam i vibägei da i nejai ma i am.

²¹ Ana numa babadai i baiei ma i riwa, "Maranai tevera lawalawaina, tam u uji ma u mogu, ma tevera i 'raġe, tam u vomairi da e amam!"

²² David i paribelana, "Ee tau a uji ma a mogu maranai natu lawalawaina. A notai da BADA ina rau-nuapoapoeleu ma natu ina lawana. ²³ Wate marina i 'raġe aiwai Aubaina ana u uji? Ana neiana-meleai bo? Amapo ana nae awarina wate tauna eġa ina nei awariu."

²⁴ Anina ma David awana Bathsheba i vinuubaħi ma maiteni i matave. Ma tevera orotona i ġuni ma David i gorei Solomon. BADA tevera nuuanuna i vaia, ²⁵ ma lamna Aubaina BADA peroveta Nathan i paritawanei da tevera wavana i ġorei Jedidiah*.

1 Kings Gulagulau Naona

Pariverena

Wei bukana ana ġuta tonuġa, ġuta tagogi (Kapita 1-2) lamna gulau David ana iraġe i bababaniei ma natuna Solomon tauna ana gabu i viaia da i vigulau. Ġuta viruaina (Kapita 3-11) Solomon ana vibada mai Israel awari lamna e vivieġeta ma menanare ana vibada nai au dobuna i tua-nae ma i rata. Ma maiteni e ririweta da tauna menanarena God ana tempol i voanei au Jerusalem. Ma ġuta damona (Kapita 12-22) e ririweta da menanare mai Israel i kai da navanava ruāga, Israel ana dam ma Judah ana dam. Ma dam tagotagogi ava ai gulau i mae. Wei bukana lamna nai gulau ai virarautua e bababaniei ma e viviatataeta da metaui gulaui Bada riwana i votaġoġi me David i kauei nanare, ma metaui gulaui Bada i mae-puputei ma god ġelaui i rauduneli.

Wei bukana au orana.

Gulau David i raġe ma natuna Solomon i vigulau (2:10-12)

Solomon God i vibagħi da nualaula ma nota aiaina ita verei (9:3-5, 7-4, 16-18)

Solomon ana vibada i tua nae (4:20-21, 25)

Solomon God ana tempol i voai ma i raupariei (5:1-6, 6:1-7, 11-14, 8:1, 3-6, 10-11, 22-23, 27-30, 41-43)

Mai Sheba ai gulau wavinena Solomon i rauġenari (10:1-9)

Solomon God i mae-puputei (11:1-5, 7-13, 26-33, 35, 40)

Solomon i raġe ma natuna Rehoboam gabu i vaini (11:42-43)

Rava i kai da dam ruāga, Israel ma Judah (12:1-20)

Israel ai Gulau Ahab God i mae-puputei ma god ġelaui i rauduneli (16:30-33)

Peroveta Elijah kaiababa ma natuna orotona i voaqui (17:1, 8-16, 17-24)

Bada Baal ana peroveta i vovaiubau ola Kamel (18:1-2, 17-46, 19:1-21)

2

David i 'raġe

10-11 David Israel i vibadei madeġa 40; au Hebron madeġa 7 ma au Jerusalem madeġa 33.

David ana mara i kwa ma au Jerusalem au kokoaga noinoina au ririvai i vimataveni.¹² Ma Solomon amana ana gabu i vaia da Israel ai gulau ma God i kauei da ana vibada i virewapano.

3

Solomon nuaulaula i vibagħi

³ Solomon, BADA nuanuana i vaia ma lamna Aubaina amana David ana tarawatu i vojjina-kauei. Wate kaua tagogi i kaukauana-boai lamna pulo i apuapu labalbabai nai dobuna ravai ai pulo ai aniamapuna.* ⁴ Wei lamna pulo aniapuna gabuna, wavana naenaena i mae au Gibeon. Solomon i nae weka da ġamōġamo 1,000 i apu-tapui BADA awarina. ⁵ Waguvvara tagoggi BADA, Solomon ana au rauboni i riwei i pa, “Aiwai e ġoegħei, ma vibagħi ma ana verem?”

⁷ Solomon i paribelei, “BADA au God, tam u tereu da amau a raviepaiai da gulau, wate tau tevera ota ma eġa ata aramanei menanare ana vibadanei. ⁸ Ma tau weka am rava u vinevineia au poui, taui i maġa dewadewa da eġa aniavana. ⁹ Eġa aiai ainelana tagotagogina am rava, u vinevineia ina vibadei. Lamna Aubaina nuaulula ma vereu da ana aramanei metauna aiaina ma metauna apoapoeni.”

¹⁰ BADA i vinuajai da Solomon nuaulaula i vibagħi. ¹¹ Ma Solomon i riwei, “Tam eġa lawana manamanaina bo mane, uta vibagħi bo uta vibagħau da am ġavia ata viraġeni. Eġa! Tam u vibagħi nuaulaula Aubaina da au rava ma vibadana-kauei. ¹² Aiwai u vibagħi ana verem! Nota aiaina ma nuaulaula ana verem, eġa me aiai ġelauna au naona nanare bo aiai ġelauna muriai ina vaia nanare. ¹³ Avena da mane ma vipurapura ma wavam vimae-ġaegħaenana Aubaina, eġa uta vibagħi, wate ana verem, da am au lawana eġa aiai gulauna am vigulau ina votani. ¹⁴ Ma mepa da ma rautaniġaneu ma au tarawatu ma voleteleli me amam David i kaukauie nanare, tam am lawana ina manawa.”

Solomon ana nuaulaula i viegħi

* 2:10-11: 2Sa 5:4-5 * 3:3: Eng. High placesWeka ola muomou au tepai pulo aniapuna i voa-naiei Canaan

16 Muriai etanai waivinei ruāga i ġeta gulau awarina da tauna ai ġaiawa ita okei. 17 Wavine tagogi i riwa, "Au bada tauai airuāga ai numa tagogi. Ma tau tevera orotona a vinatunei au numa, maranai noi wavinena kampa. 18 Ma aupom tonuāga au murina wavine viruaina nanare tevera orotona i vinatunei. Eġa aiai ġelauna au numa anina airuāga ava.

19 —Ma waguvvara tagogi wavine natuna i matave-jijini da i 'raġe. 20 Ma waguvvarai au pouna i vomairi, ma natu au ririvau i matamatave i vaia. Tauna natuna irairaġena au ririvau i vimataveni ma tau natu lawalawaina i vaia da au ririvana. 21 Ubaubanai a vomairi da natu ata viġuġi, lamna a baei da natu i 'rairaġena. Ma mara i tom kaua ma ata inana-kaei lamna eġa tau natu."

22 Wate wavinena ġelauna i riwa, "Eġa! Tau natu lawalawaina; tam natum irairaġena."

Ma wavine au naona i vinatuna i riwa bagibagi i pa, "Tevera irairaġena lamna tam natum ma lawalawaina lamna tau natu! Ma nanare airuāga i viġēġae."

23 Anina ma gulau Solomon i riwa, "Wei tauna e ririwa, 'Tau natu lawalawaina ma tam natum irairaġena.' Ma noi tauna e ririwa, 'Eġa! Tam natum irairaġena ma tau lawalawaina.'

24 Ma gulau i riwa, "Sod ona neiae." Ma i neiae gulau awarina.

25 Ma i egara, "Tevera lawalawaina au pouna ona vialaragi da navanava tagogi wavine tagogi ma navanava ġelauna wavine ġelauna."

26 Tevera lawalawaina alo oina, nuanuana i bola-kaei ma gulau i riwei, "Au gulau a vivibaġaim da tevera lawalawaina noi wavinena ma verei! Eġa ma virägeni!"

Wate wavinena ġelauna i riwa, "Eġa tam bo tau teverana tana vaia. Tevera au pouna ma vialaragi!"

27 Anina ma gulau ana paribelana i tere-ġäreie i pa, "Eġa tevera ona virägeni ma wavine au naona i vivinatuna ona verei, tauna tevera alo oina."

28 Maranai mai Israel Solomon ana etara riwana i nonori, marina taui Solomon ina vivirei, ma i aramanei da God, Solomon nuaulaula i verei da lawana ina tere-vaijjimani.

4

Solomon i vibada kaua

20 Mai Judah ma mai Israel ai patara i maġa dewadewa me bubu au gera. Taui ai lam ma ai uma tagotagogina ma i vinuaiai kaua. 21 Ma Solomon dobuna anatapuna i vibadei. Ana parata au waira Euphrates i vikarei da i ġaira au Philistia ma kampa da i ġaira Egypt ana au parata. Wei ravai tax i vivimaiei gulau Solomon awarina ma i voletelelei maranai lawalawaina.

25 Maranai Solomon i vibada mai Judah ma Israel ana nuaubai i mae, ai nuabola eġa aiwai. Au lavaratei Dan ana dam ai au dobu i vikarei da i ġaira au Beersheba au rauanagei, numa nununai ravai anatapui ai numa ma ai wapu i mae.

5

Solomon Tempol voana aubaina i vokaukaua

1 Maranai David maemaenainai, tura-kauana lamna Gulau Hiram, Tyre ai gulau. Maranai gulau Hiram riwana i vaia da Solomon i vigulau au Israel, amana David epaiana, Tauna ana taunola i paritawanei da gulau vounai i viegualuae.

2 Ma gulau Solomon wei riwana i paritawanei gulau Hiram awarina i pa:

3 Tam u aramanei da amau dam maġamaġaui au ririvai i mae-kwaviviroi ma maiteni i viġiġiawia nonoa. Ma lamna aubaina eġa tagotagogina da tempol ita voai Bada ana God, viborumana aubaina. Wate i vivipaipai da au naona Bada ana aguei ana ġavia ita vipupui.

4 Wate marina Bada nuauba i vereu. Au ġavia ma au nuabola eġa. 5 *A vinua-notanota da tempol ana voai, Bada God viborumana ma vimae-ġaeġaenana aubaina. Me Bada amau i ririwei nanare maranai i riwa i pa, "Natum orotona ana terei gulau, am au gabu, ma tauna numa ina voai tau viborumau aubaina."

6 Lamna aubaina am taunola ma paritawanei au ola Lebanon, da aubaiu ai bagibagi cedar ina tarai. Tam am nelara ai tarana i aramana-kaei. Tau au nelara ana paritawanei da ina tara agui. Am nelara ana vimaiei, biaġa e vivibaġei nanare ana vimaia.

Anina ma gulau Solomon ai cedar i vimaiei. Ma mai Israel nelara 30,000 i vaia ma i voagui da ai ma purapura ġelau numavoa aubaina i vivanei au Jerusalem.

Solomon wate nanare nelara 150,000 i terei da i nola, wei ravai ai nola da gaima ina wamawamai ma ina boribori numa voa aubaina.

6*Solomon tempol i voai*

¹ Solomon mai Israel i vibadei da madega tonuga ma au vi-4-na, nawaravi au viruaina e goregorei Ziv, tauna BADA ana tempol voana i vikarei. Wei lamna madega 480 i kwa maranai mai Israel, Egypt i opu-tawanei.

⁷ Gaima gaegeai numa voana aubaina anatapui au weia i garai ma kampa i bori-naiei, da ega irama bo aniambori gugurai numavoa gabuna ita vitaniga-potai.

¹¹ Ma BADA Solomon i riwei, ¹² “Wei Tempolna voana aubaina ana riwem, mepa da riwau ma rautaniiganei, ma au tarawatu anatapui ma votagoi, ma aiwai a ririwem ma kaukuae, Tau aiwai amam David a parivainuaiganai ana kaei aubaim. ¹³ Ma tau au rava mai Israel maiteni ana mae, ma ega melanai ana netawanei.”

¹⁴ Anina ma Solomon tempol i voa-pai.

8*BADA ana Parivainuaiganai bokisina i ruiei au tempol*

¹ BADA ana parivainuaiganai bokisina au Zion, David ana taon* ita vaia da ita neiai au Tempol. Gulau Solomon, Israel babadai ma dam nununai babadai anatapui i gorei awarina au Jerusalem.

³ Maranai Israel babadai i getai, pirisi parivainuaiganai bokisina i voepai. ⁴ Pirisi ma Levi ana dam ravaai parivainuaiganai bokisina ma numa gara ma ana purapura vivivirei i avara-naiei au Tempol. ⁵ Gulau Solomon ma mai Israel anatapui parivainuaiganai bokisina au naona; sipu da bulumakau i vunuvunu-naiei, gamoamo i maga guratana da iavana i kauana-avei.

⁶ Ma pirisi parivainuaiganai bokisina i ruiei tempol au orana da ana au gabu vivivira dewadewana cherub[†] ruaga papei au gabaurina i vikialai.

¹⁰* Maranai pirisi gabu vivivireina i opu-tawanei, bau potopotona i gairai, ma ana boruma numana i purui. ¹¹ Pirisi ega tagotagogina da ai nola ita kaei aubaina bau potopotona; BADA ana boruma, tempol i vioai.

Solomon Israel aubaina i raupari

²² Ma Solomon pulo aniapuna au naona i mairi, ma au murina Israel patarana. Urana i voepai au mara, ²³ ma i raupari i pa, “Oo BADA, Israel ana God, ega mepa God gelauna me tam nanare, au tepana au mara bo au gabaura au dobu! Tam am parivainuaiganai anatapuna e kaukuae, ma mara nonoa am rava nuuanuai e vaivaia maranai orai taputapunei e votagoi.

²⁷ —Wate amapo God au dobu ina mae bo ega? Egateni! Mara, ma nanare mara gedewadewa ega tagotagogina da tauna ina voijini. Wei tempolna a voavoia lamna anina bo ega?

²⁸ —Wate au pari ma nonori. BADA au God, tau am taunola ma aiwai amadodo a vivabaei ma vereu. ²⁹ Am tempol ma inana-vaitetei, marai ma waguvarai, wei gabuna aubaina u riwa u pa, ‘Tau wavau kampa.’ Lamna aubaina au pari weka ana pariparitawanei ma i rautaniiganei. ³⁰ Au pari ma nanare am rava mai Israel ai pari ma nonori, maranai naoi i tereiawekai ma i raupari. Au mara ai pari ma nonori ma ai apoapoe ma nota-tawanei.

41-42 —Ma maranai jentail ueia maemaei, riwam ma am rewapanma kaua gaegeai u kaukuaeia riwai ina nonori; ma ina nei da ina vimae-gaegeenim. Ma am numa au naona ina mairi ma ina raupari ⁴³ am au animae au mara, ai pari ma nonori ma ai goana ma kaei. Ma jentail wavam ina aramanai ma ina vimae-gaegeenim me am rava oina mai Israel. Ma jentail ina aramanai da wei tempolna a voai. Tam vimae-gaegeenam aubaina.”

* **8:1:** Zion lamna melagai aburuna, Jerusalem taon garina au orana. † **8:6:** Cherubwei purapurai lawalawai wate ruaga ai Olivei i tai ma i vimairini (4 mtr) ma papei i terei da numa au giana da gia gelauna i tonei. ^{8:10:} Exo 40:34-35

10

Sheba ai Gulau wavinena Solomon i raugenari

1 Solomon ana vigulau wavana naenaena ma lamnei Bada i vimae-ḡaeḡaeni. Ma Sheba ai gulau wavinena, wei riwana i nonori ma i ġei au Jerusalem da paridadana piripirinei Solomon ana nuaulaula ita raudadani. ² Wavine ana taunola ma kamel maġamāgħau i pulo i vigerui ma ana borui i derirui. Taui ai pulo lam tauvidagħi, ġaima maiai ḡaġaei ma gold ḡaġaena. Wavine i nei Solomon awarina ma kaua maġamāgħau i vinua-notenotei Solomon i paridadanei. ³ Solomon ana paridadana anatapuna i paribelei, kampa eġa aiwai tagħġi ita piripiri guratana awarina. ⁴ Sheba ai gulau i aramanei da Solomon nuanuana i ulaula kaua ma; i 'nanai ana gulau-numana, vigulauna i voai, ⁵ lam au kepakepa, ana gabemani babadai ai gara, ana wine taupainii, ma pulo i apuapui Bada ana au tempol. Ma wavine ana nota i kwa.

⁶ Ma Solomon i riwei, “Am kaua anatapuna ma am nuaulaula au au dobu a nononoria lamna anatapuna riwa kaua! ⁷ Au naona eġa ata vitumāġħanei wate marina a nei da matauei a inanai da a vitumāġħana. Ma i inanai da aiwai a nononoria lamna eġa. Tam am vigulau i rata dewadewa. ⁸ Am taunola* i vinuajai kaua! Am gabemani babadai au naom e maimairi marana patapatai ma am nuaulaula e rarautiġħanei. ⁹ Bada am God ana voepaepai, i vinuajaiem ma i terem Israel ai gulau. Bada ana nuavaina maemaena mai Israel aubai i terem gulau, da riwa kauēi ma kaua jijimaninei ma vibada.”

¹³ Solomon, Sheba ai gulau aiwai anatapuna i raru-oġġarei ma i viviġe, i verei, wate ġelaui i vereoi. Anina ma gulau wavinena i wanavira-melei ana au dobu ana taubagħibgi maiteni.

11

Solomon Awawana

¹*Gulau Solomon, Egypt ai gulau* natuna i ravagi ma nanare jentail waivinei i ravagi-naie, ġelaui mai Moab, mai Ammon, mai Edom, mai Sidon ma, mai Hitti. ²*Au naona BADA mai Israel i riwana-guratei i pa, “Jentail waivinei eġa ona ravaġi aubaina taui nuanuami ina vovirai da ai god ona voepaepai.” Wate Solomon nai eġa ita rautiġħanei, ma awawana nuanuai i vai-kauei. ³Tauna awawana 700, anatpui gulagulau natunatui, wate awawana ġelaui 300 lamna me ana taunola. Taui Solomon ana vitumāġħana BADA awarina i vikwakoi.

⁴ Maranai Solomon i magura, awawana ana nota i virai da god ġelaui i votaġotagoi, ma eġa BADA awarina ita vipatutu me amana David. ⁵Tauna mai Sidon ai god wavinena Ashtoreth, ma mai Ammon ai god apoapoe kaukauana Milkom[†] i viviborumei.

⁷ Au Ola Olive au Jerusalem kampa Solomon voepaepa gabuna i voai mai Moab ai god apoapoe kaukauana, Chemosh aubaina ma ġelauna mai Ammon ai god apoapoe kaukauana, Molek aubaina. ⁸ Voepaepa gabui wenanare i voanaiei awawana anatapui aubaii da taui weka incense ma ai pulo ita apuapui ai god awarri.

⁹⁻¹⁰ Maraotai BADA, Solomon awarina mara ruaga i eġa ma i riwana-guratei da god ġelaui viborumai ina voterei. Wate tauna eġa ita voteleteli, ma Israel ai God viborumana i voterei. Lamna aubaina BADA amlona i ġaġiġ kaua Solomon awarina. ¹¹ Ma i riwei i pa, “Wei kauai i visina-viraviraim ma au parivinuġġana bagibagina ma au tarawatu eġa uta votaġotagoi, lamna aubaina vibada au uram ana vaitawanei ma am taunola tagħġi ana verei. ¹² Wate amam David notanei wei eġa ana kauēi maranai tam lawalawaim. Wate natum au urana ana vaitawanei.”

Jeroboam ma Solomon ai virarautua

²⁶ Solomon ana gabemani taunoleina wavana Jeroboam maiteni gulau Solomon i viġavie. Tauna Nebath natuna, ana taon Zeredah au Ephraim, ma alona kaiababa wvana Zeruah.

²⁷ Jeroboam ana virarautua wenanare: Solomon ana taunola doa i taratarai da gwagħwa i purpurui ma Jerusalem taon garina ġaimej gavogavoi i vopotapota-naie. ²⁸ Jeroboam oroto araramanina ma maranai Solomon i 'nanai da tauna i nola kaua, ma i terei da Joseph noinoi dam Ephraim ma Manasseh, ai taunola i vibadei.

* **10:8:** Giruma ġelaui e ririwa awawana * **11:1:** Deu 17:17 * **11:1:** Pharaoh * **11:2:** Deu 7:3-4 † **11:5:** Hebrew Milkomwate giruma ravai maġamāgħau e notanotai da wei lamna mai Ammon ai god wavana ġelaunaMolek

²⁹ Mara tagogi, Jeroboam Jerusalem i voterei da i nena e ma au mutulua peroveta Shilohei wavana Ahijah maiteni airua ā ava i vinenebelana, Jeroboam kwama vouna i oteoteni.

³⁰ Ahijah, Jeroboam ana kwama vouna i vojjini ma i sikanaiei da 12. ³¹ Ma i riwei, "Wei garai sikasikai 10 ma vaia aubaim, BADA Israel ana God e ririwa, 'Tau Israel ana vibadana Solomon au urana ana sikatawanei ma ana dam 10 au uram ana terei.' ³²⁻³³ Solomon Tau i geduaeu ma mai Sidon ai god wavinena, Ashtoreth, Moab ai god, Chemosh ma mai Ammon ai god, Milkom i vovoepaepai ma ega au iviu ita babara bo ita kauana-kauei au matau bo riwau bo au tarawatu ita vota ā goai me amana David i kaukauei nanare. Wate au taunola David ma Jerusalem notaiei, Jerusalem a vinei da Tau ā gariuei, lamna aubaina Solomon dam tagogi ana verei da ina vibadei.

³⁵ —“Wate Solomon natuna au urana Israel ana dam 10[‡] ana verem.”

⁴⁰ Solomon i goei da Jeroboam ita virāgeni, wate tauna i ruba au Egypt, ai gulau Shishak awarina ma kampa i mae da Solomon i 'rāge.

⁴² Solomon au Israel i vigulau da made ā 40 i kwa.

12

Rehoboam

¹ Mai Israel anatapui i nae au Shekem ma i vipaipai da Rehoboam ita nei ma ita terei ai gulau. ² Maranai au Egypt, Nebath natuna Jeroboam, wei riwana i nonori ma Egypt i voterei ma i naeme. (Tauna au naona Solomon i rovoei da kampa i ruba nae.) ³ Ma Israel babadai riwa i paritawanai da Jeroboam i nei ma anatapui i nae Rehoboam awarina ma i riwei, i pa, ⁴ “Amam nola vitaikaukauai au teapaiai i terei, wate ai vita marina uta votelatelai, ma ana vitaunolem.”

⁵ Rehoboam i paribelei i pa, “Ona nae ma aupom vitonuina ona nememei ma ana paribelemi.” Ma rava i vilamonei.

⁶ Ma gulau Rehoboam, dogadogara awari vinuaterena i vaia, taui amana Solomon ana taunola maranai lawalawaininai. I paridadanei i pa, “Wei ravai menanarena ana paribelanei?”

⁷ Taui i paribelei i pa, “Mepa da u ā goei da rava ma voagui, ai viba ā ga ma vianinei, ma taui aubaim ina vitaunola nonoa.”

⁸ Wate Rehoboam dogodogara ai vinuaterena i geduaiei ma i nae ana kimta awarii, maiteni i rata tagogi, ma marina tauna e vivitaunolei ⁹ Tauna i paridadana, “Ami nota aiawai? Menanare tana kauanei, wei ravai e ririwa da ai vita tana viaburui?”

¹⁰ Ma ana kimta i paribelei i pa, “Nai ravai awarim i ririwa, ‘Amam vita ā gae ā gena i vereverelai marina ai vita ma viaburui.’ Wenanare ma riwei, ‘Tau vita ā gae ā gena ana veremi ega me amau! ¹¹ Amau vita ā gae ā gena i veremi wate tau ā gae ā gena etana ana terei au tepana! Tauna kwapuei i ravimi wate tau ā gorōgorova donadonanei ana kwapuimi.’”

¹² Aupom tonu ā ga au murina i riwa nanare Jeroboam ana babada maiteni i nememei Rehoboam awarina. ¹³ Gulau Rehoboam dogadogara ai vinuaterena ega ita vaia ma pona bagibaginei rava awari i babani. ¹⁴ Tauna ana kimta ai vinuaterena i rautani ā genai ma nanare i riwa, “Amau vita ā gae ā gena i veremi; wate tau ana viaitepatepani. Amau i ravimi wate tau ā gorōgorova donadonanei opimi ana sikai.”

¹⁵ Au naona God ana peroveta Ahijah, Shilohei aiwai Nebath natuna Jeroboam i pariverei marina anona i tupua. Gulau rava ai vinuaterena ega nonorana ita ā goei, wate lamna BADA i kaukauei da aiwai peroveta i ririwei nanare ina tupua *.

¹⁶ Maranai Israel patarana i 'nanai da gulau taui ai babani i parivirevire, ma gulau i riwei i pa:

“Tauta ega Jesse natuna David ana damei!

Ega ana dam ravai!

Oo Israel ona naeme me ami au numa

Oo David am dam oina ma inanail!”

[‡] 11:35: Dam ruaga Judah ma Benjamin i voterei

* 12:15: ...da vigulau Solomon natunatuna awariei ina vaitawanei

Anina ma mai Israel i nae ai au numa. ¹⁷ Wate Rehoboam mai Israel au Judah maemaei i vibadei.

¹⁸ Adoniram, mai Israel anatapui ai taunola i vibadei. Gulau Rehoboam, Adoniram i paritawanei au Israel da i taunola ita neiai au Jerusalem wate taui gäimei i viraauraei da i viraägeni. Gulau Rehoboam lagilagina ana chariot i gerui ma i nae me au Jerusalem. ¹⁹ Ma wei marana da i nae mai Israel David ana dam ma ai vigulau i geduaiei ma i parivirevirei.

²⁰ Maranai mai Israel anatapui i aramanei da Jeroboam Egyptei i nememei, taui riwa i paritawanei da i nei awarii ma i terei Israel dam anatapuna ai gulau. Dam tagogiava, Judah ava, i mae David maiteni.

Jeroboam bulumakau goldei i kaei

²⁵ Ma gäavia rovona Aubaina Jeroboam Shekem taon gäimei i gari kwaviviroi ma kampa i mae. Wei lamna dobu violaoiana, dam Ephraim ai dobu. Muriae i nae ma nanare Penuel taon i gari-kwaviviroi.

²⁶⁻²⁷ Mara tagogi gulau Jeroboam wenanare i vinua-notanota, "Mai Israel anatapui e gägäe au Jerusalem da au tempol pulo e apuapui BADA awarina. Ma mepa da nuanuai ina virai ma ina audamana Judah gulauna Rehoboam awarina amapo tau ina viraägeniu." Ma wei vigulauna ina nae me David ana epaepaia awarii.

²⁸ *Ma ana dogadogara maiteni i babani da i vinua-terenei ma bulumakau ruäga goldei i kaei ma ana rava i riwei, "Jerusalem gäena i vinigarigari, Oo Israel wei ami god, tauna Egyptei i tere-opunemi." ²⁹ Ma bulumakau goldei tagogi au Bethel ma gelauna au Dan i terei.† ³⁰ Wei lamnei i gó'apoapoe; Aubaina rava gelauni uama gäegäena i naeni da au Dan da burumakauna i voepaepa.

³¹ Jeroboam maiteni voepaepa gabui ma pulo aniapuni i voanaiei ola au tepai ma rava labalababa eäga mai Levi i vinei da pirisi, pulo tauapuna.

Rehoboam au Judah i vigulau, ma i vigulau da madeäga 17 i kwa. Maranai tauna gulaui maemae, mai Judah god morumorui i raudunelei. Ma mai Egypt i nei da Judah i vigaäviei ma ai tempol purapurai maiäi gägäei ma gulaui ana numa purapurai maiäi gägäei anatapui i pupuni da i vivanei.

Rehoboam ma Jeroboam i vigaägäiawa nonoa. Maranai Rehoboam i 'räge, natuna Abijah au Judah i vigulau madeäga tonüga i kwa. Tauna maiteni Jeroboam i vigaäviei. Maranai Abijah i 'räge, natuna Asa au Judah i vigulau da madeäga 41 i kwa. Tauna gulaui aiaina, ma God i raudunelei ma mai Judah ai god morumorui i veparipariei. Tauna mara nonoa mai Israel ai gulaui Baasha maiteni i vigaägäiawa. Maranai Asa i 'räge natuna Jehoshaphat i vigulau mai Judah awari.

Au Israel Jeroboam natuna Nadad lamna gulaui apoapoena, ma nanare aiavoi da tauna au murina i vivigulau anatapui gulaui apoapoem. Nadab mai Israel i vibadei da madeäga ruäga i kwa ma Baasha tauna i viraägeni, ma Jeroboam ana dam mamae-terenanei maiteni. Wate rava wavana Baasha i vigulau da madeäga 24 i kwa ma i 'räge. Ma natuna Elah i vigulau da Israel i vibadei da madeäga ruäga i kwa ma ana sorodia badana tagogi, wavana Zimri, tauna i viraägeni ma i terepa-melei da i vigulau. Wate wiki tagogi au murina mai Israel ai sorodia Omri i terei da gulaui, anina ma Zimri i viraägena-melei. Omri i vigulau da madeäga 12 i kwa, anina ma natuna Ahab tauna Israel ana gulaui ma i mae da madeäga 22 i kwa.

16

Israel ana Gulaui Ahab

³⁰ Omri natuna Ahab, ana gó'apoapoe i rata guratana BADA awarina eäga me gulaui anatapui au naona i vivibada nanare. ³¹ Tauna i notai da lamna kaua labalababa da i gó'apoapoe me Nebath natuna Jeroboam i kaukauei nanare. Wate tauna i kauana-guratei maranai mai Sidon ai Gulau Ethbaal natuna Jezebel i ravägi ma i vikarei da ai god Baal i raudunelei. ³² Ma Baal ana voepaepa gabuna pulo tauapuna au Samaria i voai ma au orana pulo aniapuna

* **12:28:** Exo 32:4 † **12:29:** Mai Israel ai nota da Dan ma Bethel lamna dobu vivivireii. Bethel lamna au Israel (dam 10) au laubadei ma lamna 16 kilometer ota Jerusalem au kolana. Wei eäga uama, ma wei lamna Jerusalem e teretere-gairei ma rava e ririwei da au Bethel ina voepaepa. Dan lamna Israel au kolana au lavaratei.

i voai.³³ Ahab god wavinena Asherah kokoitauna i vituramairini*. Ma kaua mağamagaui i kaei da BADA, mai Israel ai God ita viamlogaigaini, me mai Israel ai gulau au naona i kaukauei nanare.

17

Elijah ma Ahab

¹ Peroveta Tishbelei wavana Elijah* ana dobu Tishbe au Gilead, Ahab i riwei, "Riwa kaua! BADA Israel ana God lawalawaina, ma tauna a vivilaragei. Wavanei a riwa da turuvani ega ina peu ma garefa ega ina atuna madega biaغا da tau ana riwa da nanare."[†]

Ma nanare i mae. Madega biaغا garefa ega ita atuna, marapoi i getai ma ega lam.

⁸ Ma BADA Elijah i riwei⁹ "Lağilagina ma nae au taon Zarephath, Sidon au ġeregerena[‡] ma kampa ma mae. Kampa kaiababa e mamae, a riwei da ina viambagibagim."

¹⁰ Ma Elijah i nae au Zarephath. Maranai i getai taon ana au anirui, ma kaiababa i 'nanai ai i ġunaġuna, ma i riwei, "A viviġaim da waira aburuna uta neiae da ata umal"¹¹ Ma i nenea vainana aubaina ma orotona i garara me i pa, "Ma palawa apuapunana aburuna maiteni uta neiae."

¹² Kaiababa i paribelana i pa, "Riwa kaua! Am BADA God lawalawaina ma wavanei a ririwa, tau awariu ega palawa apuapunana. Awariu palawa aburu kaimojina ma monamona aburuna. Ai a ġunaġuna da ana nae au numa ma lam damona ana vitavi da natu maiteni ana am ma u murina ana raumolagħau da ana iraġe."

¹³⁻¹⁴ Wate Elijah kaiababa i riwei, "Ega ma vinuabola! BADA Israel ana God e ririwa, 'Am palawa abomana ega ma monamona wagina ega ina kwakwawa ma BADA garefa ina paritawaneiā da wapu ina gogo me!' Anina ma nae au numa ma u ririwa nanare ma kaei, wate au naona palawa aburuna ma apui aubaiu. Ma mae-terenana ma apui aubaimi."

¹⁵ I nae ma menanare Elijah i ririwei, nanare i kaei. Ma awari lam i mae da aupom biaغا i kwa. ¹⁶ Ma me BADA Elijah i parivainuağāni nanare palawa au aboma ega ita kwa ma monamona au wagi ega ita kwa.

¹⁷ Muriae kaiababa natuna i doria ma ana doria i vovoguratei anina ma i 'raġe. ¹⁸ Ma wavine Elijah awarina i riwa, i pa, "God ana taunola, Aiwai aubaina wei u kaei awariu? U nei weka da au go'apoapoe uta vieġai ma natu uta vi'raġeni bo?" §

¹⁹ Elijah i paribelei i pa, "Natum ma vereu." Elijah taubeu, alona au urana i vaia ma i avaraġaiei au vatavatara mepa i mamae lana ma ana au animatave i vimataveni. ²⁰ Anina ma ponana i rata ma i raupari BADA awarina, "Oo BADA au God, aiwai aubaina kaua apoapoe kaukauana u kaei kaiababa awarina? Tauna i taravainiu da ana au numa a mamae, ma u kaei da natuna i 'raġe?" ²¹ Anina ma Elijah i taduru ma mara tonuġa taubeu au tepana i matave ma ponana i rata ma i raupari BADA awarina i pa, "Oo BADA au God, A vibagħaim da tevera ana lawana ma veremelej!"

²² BADA Elijah ana pari i nonori ma tevera lavutu i vikarei ma i lawana. ²³ Elijah tevera i voepai ma i avara ġairei alona awarina ma i riwei, "Ma inanai natum lawalawaina."

²⁴ Wavine i riwa, "Marina aramana-kauei da tam God ana taunola, ma BADA ana riwa gamomei e opuopu lamna riwa kaua!"

18

Elijah ma Baal ana peroveta

¹⁻² Madega tonuġa garefa ega ma gomara ġaġġaena i mae. Madega au vitonuina BADA Elijah i riwei, I pa, "Ma nae gulau Ahab ma inanai. Ma tau garefa ana paritawaneiā." Ma Elijah i nae da gulau Ahab ita inanai.

* **16:33:** Asherah lamna god wavinena, Baal awana; mai Canaan, mai Egypt ma Phonisia anatapui wei godna e vivibornei. * **17:1:** Elijah anona BADA lamna God. † **17:1:** Mai Canaan e vivotuağāna da ai god Baal garefa e vivibadei, wate maraġela god ġelauna wavana Mot anona iraġetauna Baal i virażeni. Mepa de Baal i lawana me, lamna tauna dobu ina vituvanei. Lamna aubaina, Elijah Baal i vimarumarui ma i riwei da tauna God lawalawaina awarina i vitaunola, ma God garefa ma iraġe i vibadei, muriae tana inanai maranai ina vomairi da kaiababa natuna ina vilawana-melei. ‡ **17:9:** BADA Elijah i partawanei au Sidon - kampa rava Baal i raudunelana-gurtei. Wei lamna Ahab poiana orotona Ethbaal ana gabu, ma wei au marana, Elijah Ahab i raraugovaġei. § **17:18:** Nai marana rava i vitumagħana da doria ma iraġe lamna God ana kovoga go'apoapoe aubaina. Kaiababa i vitumagħana da Elijah tauna ana au numa i mamae ma lamna BADA matana i taini awarina ma lamna i kaei da natuna orotona i 'raġe.

¹⁷ Maranai tauna Elijah i 'nanai ma i riwa, "Wei tam bo, mai Israel rauağāgai amai?"

¹⁸ Elijah i paribelei, "Tau ega ata rauağāgai au Jerusalem, wate tam, ma amam ana numa ravaai maiteni o rauağāgai. Taumi BADA ana tarawatu o geduaiei, ma Baal kokoitaui o viviborumei." ¹⁹ Marina mai Israel anatapui ma ġorei da ina nae au ola Carmel ina nebeleu. Baal ana peroveta 450 ma Asherah god wavinena ana peroveta 400 Jezebel ana au aboma e amam, anataputapui ma neiai.

²⁰ Ma Ahab mai Israel anatapui ma Baal ana peroveta i ġorei da au ola Carmel ina vinenebelana. ²¹ Elijah patara au naoi i mairi ma i riwei, "Wei vinua-rağaragai mara aiwai ina kwa, ona vianuanaina nae ma ona vianuanaina nei, metauna notana ona vaia? Mepa da BADA God, tauna ona raudunelei. Mepa da Baal god, tauna ona raudunelei." Wate rava ega aiwai ita riwei.

²² Ma Elijah taui awarii i riwa, "BADA ana peroveta anina tau a mamae. Wate Baal ana peroveta 450.* ²³ Aubaita bull ruaga ona neiai, ma taui ai sia ina rautani ma ina bori muomuoai ma ai au tepana ina terei, wate ega ina ravivoai. Ma tau nanare ana kaei. ²⁴ Ma taumi ona raupari ami god awarina, ma tau ana raupari BADA awarina. Metauna godna ai araratanei i paribelana tauna God ririwa kauana!" Ma rava anatapui i vianina.

²⁵ Elijah Baal ana peroveta i riwei, "Taumi o maġa aubaina ona vinao, Bull tagogi ona vinei ma ona vokaukauei. Ami god awarina ona raupari ma ega ai ona ravivoai." ²⁶ Ma taui ai bull i vaia ma i vokaukauei. Anina ma Baal awarina i raupari, ubaubanai i vikarei da i raviaubenai. Taui i garagarara, "Oo Baal, ma paribelelai!" Ma pulo aniapuna i arara kwaviviroi, Wate ega paribelana; ega aiai ita paribelei.

²⁷ Aubenai Elijah i vikarei da i vimarumarui i pa, "Ona raupari guratana! Tauna god! Mepa da e rarauboni bo i nae au ririva bo e vägävagai bo e matamatave! Ona ravidagdagui!" ²⁸ Ma taui garara i voguraguratei ma me ai au kaua nanare, naipieie ma aierei tupuai i boribori-melei ma tara i toitoi. ²⁹ Taui i garagarara da i garagarara da aubigai pulo apuna ana mara. Wate amapo da ega paribelana, ega aiai ita paribelei, ega aiwai ita nonori.

³⁰ Ma Elijah rava i riwei, "Ona nei awariu." Ma anatapui i nei ma Elijah i mae-kwaviviroi, tauna BADA ana pulo aniapuna i voavao-melei. ³¹*Elijah ġaima 12 i vaia, ġaima tagogi da Israel ana dam tagogi aubaina. Wawa Israel BADA taui noii Jacob i verei. ³² Ma ġaimanei pulo aniapuna i voa-melei BADA viborumana aubaina. Ma au adana doba i ġarai da waira ana ruva 14 Ltr nanare ina vojjini. ³³ Pulo aniapuna au tepana ai i vatari, bull i bori-naiei ma siana ai au tepana i terei. Ma i riwa, "Nau 4 ġaegħaei waira ona vioai, ma sia ma ai au tepana ona iwagi."

³⁴ Ma nanare i kaei, ma i riwei, "Ona kauana-melei." Ma nanare i kaei. Ma i riwei, "Mara vitonuina ona kauana-melei." Ma nanare mara vitonuina i kaei. ³⁵ Waira itoi ġaira da dogo maiteni i vioai.

³⁶ Ma aubigai pulo apuna ana mara i ġetai, Elijah i babara-ġae pulo aniapuna au ririvana ma i raupari i pa, "Oo BADA, Abraham, Isaac ma Jacob ai God, amadodo rava ma viatataiei da tam God au Israel ma tau am taunola, ma anatapuna u ririwei a kaei. ³⁷ BADA ma paribelei, Oo BADA ma paribelei da rava ina aramei da tam, au BADA, tam anina God, ma marina rava orai e taitaina-melei awarim."

³⁸ Maratagogi BADA ana ai marei i ġairai ma pulo bull, ai, ġaima ma doa i aragibui. Ma waira i 'waiwaġia i ġuguvapai.

³⁹ Maranai rava wei i 'nanai taui i mae-ġaira au doa da i matave-taitaina ma i garara BADA awarina, "BADA anina God! BADA ainelana anina God!"

⁴⁰ Ma Elijah rava i egari, "Baal ana peroveta ona vojjini; Ega tagogi ona voterei da ina ruba!" Peroveta anatapui i vojjini ma Elijah taui i riwei da i ġairei au Kishon gaugaubana ma anatapui i virägeni.

⁴¹ Ma Elijah gulau Ahab i riwei, "Ma nae da ma am ma garewa ġaegħena gugurana a nononori." ⁴² Ma Ahab i nae da ita am ma Elijah i ġae ola Carmel au tepana, ma i mae-ġaira au doa ma kolana au ae-tutuna ma i raupari.

⁴³ Ma ana taunola i riwei, "Ma nae ma au bogei ma inana." Ana taunola i nae da i nememei Elijah awarina ma i riwei, "Ega aiwai ata inanai." Anatapuna mara 7 i paritawanei da inana.

* **18:22:** Elijah ana babani lamna gulau wavinena Jezebel e ririwei, tauna i ġoie da God ana peroveta anatapuna ina virägeni. Ahab ana taunola Obadiah i voagu da God ana peroveta ġelaui au guba i tere-govaġi ma waira ma lam i vereverei wate ega tata aramanei biäga lawalawaii e mamae. **18:31:** Gen 35:10

⁴⁴ Ma mara vi-7-na i nememei ma i riwa, “Apau aburuna ana rata me oroto urana a inanai bogei i ġeġae.”

Ma Elijah i riwa, “Ma nae ma Ahab ma riwei, ‘Am chariot ma gerui ma ma ġaira muriai da garewa ina rautomenim.”

⁴⁵ Ma aburuna ava ma lada i ġei ma dobu i waguvarei ma ivena i ruba ma garewa ġaġġae otana i toi. Ahab ana chariot i gerui ma i ruba au Jesreel. ⁴⁶ Ma BADA ana rewapani i rui Elijah awarina; ma ana gara għana i taini da ana au jigoraġġi iti rāġiġa-jijini ma i lavu da Ahab i votani da i aīgħeta au Jesreel.

19

Elijah i ruba govaġġa au Sinai

¹ Ma Ahab awana Jezebel i vibenabenamei, aiwai anatapuna Elijah i kaukuei ma menanarena Baal ana peroveta anatapui i vununaiei. ² Ma Jezebel taupariverena i paritawanei Elijah awarina ma i pa, “Wenanarena marana au maratom, tau ana viraġenim me au peroveta u viraġenanei nanare. Mepa da wenanare eġa ana kauei, a raraupari da god ina kovogħa-kauē bo ina viraġeniu.”

³ Elijah i rovo ma ana lawana aubaina i ruba. I nae au Beersheba au Judah, ma kampa ana taunola i voterei. ⁴ *Ma tauna ainelana i nae aupom au mutulua, ma i ġeta ai *brum* au ġouna ma i kiala ma i raupari da ita iraġe. I riwa i pa, “BADA, tau malau a vai-avei. Au lawana ma vaitawanei marina, tau irrairageu, me noinou.” ⁵ Ma i mae-ġaera ai *brum* au karea ma i matave. Ma maratagogi BADA ana anela Elijah i vodadani ma i riwa, “Ma vomairi, ma am.” ⁶ I ‘nana viravira ma i matamatave lana au kolanei palawa apuapunana ma waira aniuma. I am ma i uma ma i matave me.

⁷ BADA ana anela i nememei, i vodadani ma i riwei, “Ma vomairi ma ma am aubaina am vaġġi ina manawa guratana.” ⁸ Elijah i vomairi da i am ma lamnei rewapani i vaia da ina babara aupom 40 ma maratom 40 da au Sinai*⁸, BADA ana au ola i ġeta. ⁹ Ma kampa i ġeta au guba ma i matave. Wate BADA i riwa, “Elijah weka aiwai e kaukuei?”

BADA Elijah awarina i eġġa

¹⁰ Elijah i paribelei, “Oo BADA vivirewapani kaukauam, Tau mara nonoa tam a viborumem - tam ainelam. Mai Israel am parivainuaga bagibagina i viaigai, am pulo aniapuna i viairikarikai, ma am peroveta i viraġena-pai, tau ainelau i votereu, ma marina i ġoei da tau maiteni ina viraġeniu!”

¹¹ BADA i riwa, “Ma opu au ola ma au naoi ma mairi.”

Ma Elijah kampa i maimairi ma labu ġaġġena olana i ravi, da i gunevi, wate bada eġa nai kojikkijrana au orana. Ive au murina lolo, wate BADA eġa nai lolona au orana.

¹² Lolo au murina ai araratana, wate BADA eġa nai aina au orana. Ma ai au murina pariarrarava jinjinana i nonori. ¹³ Maranai Elijah wei i nonori ana kwama i vaia da naona i purui† ma i opu guba au naona i mairi. Ma pona i riwa, “Elijah weka aiwai e kaukuei?”

¹⁴ I paribelei, “Oo BADA God, vivirewapani kaukauam, mara nonoa tam ainelam aubaim a vivilara. Wate Israel ravai am parivainuaga bagibagina i geduaiei, am pulo aniapuna i rikaniae, ma am peroveta anatapui i viraġeni. Tau ainelau a mamae. Ma marina i ġoei da tau maiteni ina viraġeniu.”

¹⁵ BADA i riwa, “Meiei e nenei nanare ma nae me, ma ma-rui au mutulua Damaskas, maranai u ġeta au taon, Hasael ma buloi, mai Syria ai gulau; ¹⁶ Nimshi natuna Jehu ma buloi Israel ai gulau, ma Shaphat natuna Elisha, ana taon Abel-Mehola ma buloi peroveta da am gabu ina vaia. ¹⁷ Aivaoi da Hasael i rovoe da e rubaruba, Elisha taui ina viraġenil‡¹⁷ ¹⁸ Wate mai Israel ai maġa 7,000 eġa melanaï Baal ita raudunelei bo kokoitaui ita vigia-laġolaġonei, ina lawana!”

BADA Elisha i kwatuei

¹⁹ Ma Elijah i nae da Shaphat natuna Elisha i viaroni doa i uauatai, bulumakau 12 ruaruägei ava raġiṛaġtai aniuata i taitaini ma i uauata. § Elisha ana bulumakau, au murioina

* **19:4:** Jon 4:3 * **19:8:** Sinai wavana ġeluna lammha Horeb Weka BADA i viatatajana-melei mai Israel awarri ma ana tarawutu i verei. (Exo 19:20) † **19:13:** Mai Israel i vitumaġana da eġa aiai BADA ita inanai ma lawalawaina ita mae. (Exo 3:6)

‡ **19:17:** BADA ana rava ina kovoġi ana parivainuaga bagibagina i għiex aubaina. § **19:19:** Mai Israel burumakuei ipa iramei t-taitaini da e uauata.

i nolanola. Elijah i ġaira awarina ma ana kwama i votawanei ma Elisha i voten. * 20 Elisha bulumakau i votere-tawanei ma Elijah i rubei, ma i riwa, "Au naona ma votereu da ana nae amau ma alou ana inanai ma ana vigia-lagolagonei ma tana nae."

Elijah i paribelei, "Anina ma nae wate aiwai a kaei awarim ma vinuanotenoteil!"

21 Ma Elisha i nae da ana bulumakau ruaġai i viraġeni, pawe bulumakau au uai i viaigaigai da ai i viviri da sia i apui ma rava i verei da i am. Anina ma i opu da Elijah i votagotagoi.

* 19:19: Wei lamna mataira da Elisha Elijah ana gabu i vaia da peroveta.

2 King Gulagulau Viruaina

Pariverena

Gulagulau ai buka viruaina lamna mai Israel e bababaniei. Gulau David ana vibadana au murina, aiwai i tupua lamna wei bukai ruāga gulagulau naona ma viruaina e ririweta. Gulagulau bukana naona e ririweta David au murina Solomon menanarena da i vigulau.

Solomon i'rāge ma au murina Israel i kai da baba ruāga. Dobuna au rauanaäge i ġorei Judah ma au lavaratei i ġorei Israel. Maranai mai Judah ma mai Israel gulagulau, God i voletelei lamna nuauba i mae. Wate maraġela gulagulau God i rawaġaigaiei ma god ġelau i rauduneli. Anina ma nuabola i tupua.

Maranai mai Israel God votelatela i voterei, Tauna peroveta i paritawanei awari. Ma Gulagulau bukana viruaina au orana lamna peroveta wavana naenaena Elisha. Tauna God ana rewapanie kaua ġaegħei i kaukauei, ma rava awari i jimajima da ita mae-tavirei God awarina.

Elisha i'rāge ma au murina, gulagulau maġamaġau i apoapoe kaua. Anina ma God ana rava i kovoġi ma lamnei ai ġavia taui i vovaiubai ma i pani ma i niae. Au naona mai Israel awari i tupua ma muriai mai Judah awari i tupua. God ana rava mai Judah eġa ita vianinei da ita nae me ai au dobu da madeġa 70 i kwa.

Virarautua reregħana

Israel i kai da Vibadana ruāga, Israel ma Judah 1:1—17:41

Peroveta Elijah ana virarautua 1:1—13:20

Judah gulagulau ma Israel gulagulau ai virarautua 8:16—17:4

Assyria gulauna Samaria i vovaiubai ma Israel i pupuna-naiei ma ana vibadana i kwa 17:5—40

Judah gulagulau ai virarautua 18:1—21:26

Gulau Hezekiah ana au vibada i raukarei ma i nae da gulau Josiah ana au vibada 18:1—21:26

Judah gulagulau damona ai virarautua 23:31—24:20

Babilon gulauna Jerusalem i vovaiubai da Judah ana vibadana i vikwai 25:1-30.

2

Elijah i ġaiei au mara

¹ Ma mara i ġetai da BADA Elijah labuei ita ġaiei au mara. Elijah ma Elisha Gilgal i voterei ma i nena. ² Ma Elijah, Elisha i riwei i pa, “Weka ma mae ma BADA i riwei da ana nae au Bethel.”

Wate Elisha i paribelei, “Riwa kaua da BADA lawalawaina ma nanare tam lawalawaim, tau nanare eġa melanai ana voterem.” Anina ma airuāga i ġaira au Bethel.

³ God ana peroveta borui au Bethel maemaei i opui Elisha awarina ma i riwei i pa, “Tam u aramanei da BADA am bada amadodo awarim ina vaitawanei?”

Elisha i paribelei, “Ee a 'ramanei, wate lamna eġa ona babaniei.”

⁴ Ma Elijah, Elisha i riwei, “Weka ma mae, BADA i riwei da ana nae au Jeriko.”

Wate Elisha i riwa, “Riwa kaua da BADA lawalawaina ma nanare tam lawalawaim, tau nanare eġa melanai ana voterem.” Anina ma taui i nae au Jeriko.

⁵ Ma God ana peroveta borui kampa au Jeriko maemaei i opui ma Elisha i nebelei ma i riwei, “Tam u aramanei bo da BADA am bada amadodo awarim ina vaitawanei?”

Elisha i paribelei, “Ee a 'ramanei, wate lamna eġa ona babaniei.”

⁶ Ma Elijah i riwei, “Weka ma mae, BADA e paripari-tawaneu au Waira Jordan.”

Wate Elisha i paribelei i pa, “Riwa kaua da BADA lawalawaina ma nanare tam lawalawaim, tau nanare eġa melanai ana voterem.” Ma airuāga i babara nae.

⁷ God ana peroveta 50 taui i votaġoġoi, ma au muri i tumairi maranai Elijah ma Elisha Waira Jordan au adana i tumairi. ⁸ Elijah ana kwama i votawanei ma i piri ma lamnei waira tepana i ravi. Da i vilamonei au oienā ma aukelakelauna ma taui au pouna au alalana i babara damana.

⁹ Maranai au baba ġelauna i ġeta Elijah, Elisha i riwei, “Ma riwei aiwai ana kauei aubaim muriai da ina ġaieu.”

Ma Elisha i paribelei, "Tau am gabu ana vaia da peroveta ai bada lamna aubaina a ġoei da am rewapanā gaeġaena, ma viaitepatepani ma ma veredamaneu."

¹⁰ Elijah i riwa, "Lamna kaua piripirina e vivibägi, wate mepa da u inanai ina ġaiġaieu, lamna u vivibägi u vaia ma eġa, lamna eġa."

¹¹ Ma airuaga i bababara ma i vibababani ma hosi araratana, chariot araratana i taina ġetei ma taui i ravigħi. Ma Elijah ma Elisha au poui i ruba ma BADA Elijah labuei i ġaiei au mara.

¹² Elisha wei i 'nanai ma i garara, "Amau! Amau! Mai Israel taugagaloinein vivirewapanā! Tam u nael!" Ma Elijah eġa ita inana-melei. Nuanuana i bola-kauei ma ana kwama au pouna i sikai.

¹³ Ma Elisha i nae ma Elijah ana kwama au doa i vivipeunia, maranai i ġaiġaiei au mara, i voepai ma i nae me waira au adana. ¹⁴ Ma kwamana i peupeu i vaia ma waira tepana i ravi ma i riwa, "BADA Elijah ana God mepa?" Maranai waira i ravi, waira i vilamonei ma au pouna au alalana i babara damana.

¹⁵ Jeriko ai peroveta boruna 50 au weia ma i 'nanai aiwai i tupua ma i riwa, "Elijah ana rewapanā i damana Elisha awarina." Ma i nae da ita nebelei ma i mae-ġaira au doa ma i raudune, ¹⁶ Ma i riwa i pa, "Tauai rewapanā 50, ma paritawanelai da am bāda ana baei. Mepa da BADA Aruana, Elijah i voepai da mepa au ola bo au gaugauba i teretawanei."

Elisha i paribelei, "Eġa! Eġa ona nae."

¹⁷ Wate taui i voigħiġiġi da tauna i vinimala da i paritawanei i pa, "Anina ona nae." Wate taui 50 aupom tonuġa i baia ma eġa ita nelaġgi. ¹⁸ Maranai taui i nememei au Jeriko, Elisha taui i riwei, "A riwemi da avena ota nae!"

4

Elisha wavine Shunemiei i voagui

⁸ Mara tagogi Elisha i nae au Shunem taon. * Weka wavine manemanena i mae, ma Elisha i vibäga-gurtei da ita mae da ita am. Ma maranai Elisha wei au dobuna e vāgavāġai, tauna weka i amam. ⁹ Wavine awana i riwei, "Aramanei da orotona weka e nenei lamna BADA ana peroveta vivivireina. ¹⁰ Ana numa aburuna au poewa[†] tana voai ma ani matave, kepakepa, ani kiala ma rampa tana terei au orana tauna aubaina. Ma kampa ina mae maranai e nenei."

¹¹ Mara tagogi Elisha i nei ma i ġae ana au numa da i rauvirai.

¹⁴ Muriae Elisha ana taunola wavana Gehasi i paridadanei, "Aiwai ana kaei wavinena aubaina."

Ma Gehasi i paribelei, "Tauna eġa natuna orotona ma awana i magura."

¹⁵ Ma Elisha i riwa, "Ma ġoreiai." Ma Gehasi wavine i ġoreiai ma i nei da au metaeta i raumairie. ¹⁶* Ma Elisha wavine i riwei, "Wenanare marana madegħa au ġelauna tam natum orotona ma ġuniġuni."

Wavine i paribelei, "Eġa au bāda. Tam peroveta ma tau am taunola, eġa ma moru!"

¹⁷ Wate wavine i raumanawa. Ma marana wenanare madegħana au ġelauna wavinena natuna orotona i ġuniġuni, Elisha i ririweia nanare.

Elisha rava 100 i viambagibagi

⁴² Mara ġelauna, oroto tagogi melagai Baal-Shalishahei i nei. Tauna nai madegħana witina naona i labai ma palawa i apui da iavana 20. Ma witi majiġai baikena maiteni i neiai da Elisha i verei. Elisha ana taunola i riwei, "Rava lam[‡] ma verei da ina am."

⁴³ Ma ana taunola i garara, "Aiwai! Wei lam eġa tagotagogina da rava 100 tana viambagibagi?" Wate i paribelei i pa, "BADA i riwa da rava ma verei da ina am ma lam ina mae-terei."

⁴⁴ Ma lam au naoi i terei ma taui i am ma lam i mae-terei, BADA i ririweia nanare.

5

Elisha Namaan i vilawani

* **4:8:** Shunem taun 50 Km da au Samaria taun. † **4:10:** Mai Israel ai poewa dabababai. * **4:16:** Gen 18:14

‡ **4:42:** Peroveta ġelaui Elisha maiteni i mamae, kampa gomara i peu ma rava i vinuapoapoe.

¹ Namaan lamna mai Syria ai sorodia badana. BADA, Namaan awarina i mae ma lamnei ai āgavia i vovovai-ubai. Ma lamna aubaina ai gulau, tauna i vivirana-kauei ma i vitumaāganei. Namaan sorodia wavana naenaena wate doria lepera i vaia.

² Marana patapatai mai Syria i nenei au Israel i vivigavia. Mara tagogi tevera guguinina i pani da i naiei da ai bada Namaan awana i verei da ana taunola. ³ Mara tagogi guguinina ana bada wavinena i riwei, “Au bada, am bada uta riwana-dadanei mepa da ita nae perovetana au Samaria maemaena awarina. Tauna ana doria ita inanai ma ita vilawani.”

⁹ Ma Namaan ana hosi ma chariot borui i nae ma Elisha ana au metaeta i raumairie. ¹⁰ Wate Elisha taupariverena i paritawanei da i riwei i pa, “Ma nae da au waira Jordan ma oga-melem mara seven ma lepera doriana ina voterem ma opim ina ai-me.”

¹¹ Wate Namaan amlona i āgāgai kaua ma i riwa i pa, “Tau au nota āgēgāena da peroveta ita opui da ita inanai da urana, opiu au tepana mataira ita kaei ma ana BADA God awarina ita raupari da ata lawana. ¹² Wate waira Amanah ma Pharpar au Syria i ai telera ēga me Israel wairai. Tau kampa ata toa ma ata lawana.” Ma Namaan i mae-tavirei ma ana amloāgaina i nae.

¹³ Ana laralaraga i nae awarina ma i riwei, “Au bada mepa da ita riwem da aiwai piripirina uta kaei, lamna uta kaei tapa? Wei lamna kaua telatelana i ririwei nanare, ‘Ma toa ma ma lawana.’ ¹⁴ Ma Namaan i āgāra au waira Jordan ma mara seven waira au orana i āgāra, me peroveta i ririwei nanare. Ma opina i ai me da me tevera tupuana nanare ma lepera doriana i kwa.

¹⁵ Ma Namaan ana laralaraga maiteni i nae me Elisha awarina ma i riwa, “Marina aramanei da au dobu, god ega ita mamae anina Israel ana God tauna ava; lamna aubaina au bada pulo a vereverem ma vaia.”

¹⁶ Wate Elisha i paribelei, “Riwa kaua da BADA a vivitaunolei lamna BADA lawalawaina, ma wavanei a ririwa tau ega pulo ana vaia.” Ma Namaan i babani bagibagi da Elisha pulona ita vaia, wate tauna pulona i geduaiei.

¹⁷ Ma Namaan i riwa, “Mepa da nanare lamna ma vianineu da donki ruāga ai vita ruvana Israel doana ana vigerui da ana naiei au numa. Ma marina da e nene, ega melanai pulo ana apui bo sia taputapuna ana apui god īēlau awarii, anina BADA ainelana awarina. ¹⁸ Tau am taunola ma a īēoi da BADA au īēoa apoapoei ina nota-tawanei, kaua tagogi ava awarinei; maranai au gulau a ruiruiee ana au tempol ma tauna au urau e vovoijina ma maiteni a mamae-āgāra ma Syria ai god Rimmon a viviborumei.”

¹⁹ Elisha i riwa, “Ana nuaubam ma nae.” Ma Namaan i nae.

Mai Israel ai gulau Ahab au 851 BC. īēage. Au murina gulagulau īēlau i mae ma taui au Samaria i mae. Maranai Hoshea i vigulau. Au 724 BC. mai Assyria ai sorodia Israel i vigavie.

17

Samaria i peu

Mai Israel ai gulau damona lamna Hoshea. Tauna i mae gulau au Israel madeāga 9, wate Assyria ai gulau i pariparinīgāie i lamna aubaina i panī.

⁵⁻⁶ Assyria ai gulau Israel anatapuna i naeni, da i īēta da Samaria taon I mae-kwaviviroi, ma i gudu-tomeni da madeāga tonūga i kwa. Maranai Hoshea ana vigulau madeāgana 9 i īētai, Mai Assyria Samaria taon i ruini mai Israel i pupuna-naiei au Assyria. Ma au Halah, taon, waira Habor au ririvana ma mai Mede ai au taon nununai i verei da i raunuma.

⁷⁻⁸ Wei kovoīai i nei mai Israel awari aubaina taui god īēlau i viviborumei. Taui ai īēoa apoapoe i rata kaua BADA ai God awarina, Wariāga Tauna Egypt ai gulau Pharaoh au urana Israel i vai-tawanei ma aiaii i ravena-opunei. Mai Israel ai God eteni i pupuna-opunei ai kaua i votaōtogaōi da i kaukauei ma kaua waduboi īēlau Israel ai gulagulau i kaukauei. ⁹⁻¹⁰ Mai Israel kaua apoapoei i kaukauei BADA ai God awarina ma BADA wei kauai ega ita vinuāiae. Taui voepaepa gabui i voanaiei god morumorui voepaepaei aubaina au taon nununai, melagai aburuoina da au taon āgēgāei. Ola muomuoī anatapui au tepai ma ai anatapui au goui gana vinualaulau i terenaei ma Asherah ana tuuata ma kokoitaui i vituramairini.

BADA mai Israel ai īēoa apoapoe aubaina i viopuni

²⁴ Assyria ai gulau taon nununai ravai mai Babilon, Cuthah, Awa, Hamath ma Sepharvaim i vivaneiae da Samaria, ana au taon nununai kampa i terei da i mae. Taui mai Israel numa i ruba-tawanei i raunumei. ²⁵ Vouvounai wei ravai ega BADA ita viborumei, lamna

aubaina lion ġelaui i paritawanei da rava i vivirāgeni. ²⁶ Ma rava Assyria ai gulau ana riwa i paritawanei i pa, “Rava au Samaria u terenaiei, dobuna Godna ana tarawatu ega ita aramanei. Lamna aubaina ma dobuna ana God, lion i paritawanei ma ravai e vivirāgeni.”

²⁷ Ma mai Assyria ai gulau rava i egari, i pa, “Pirisi tagogi au Samaria o panipania, ona paritawana-melei ma, dobuna ana God, ana kaua ravai voui ina viararamani.” ²⁸ Anina ma pirisi tagogi au naona i naenaei au Assyria i neiana-melei da au Bethel i mae. Kampa rava i viararamani da BADA viborumei.

²⁹ Wate jentail ravai nununai ai god morumorui kokoitau i kaukauei ma metauna au taona i mamae, kampa ola au tepai au naona mai Israel au Samaria ai voepaepa gabui i voavailana, kampa i terenaiei.

18

Hezekiah i mae mai Judah ai gulau

¹ Elah natuna Hosea i vigulau au Israel madega tonuga i kwa. Wei maranaina au Judah Hezekiah, Ahaz natuna i vigulau. ² Tauna ana madega 25 ma i vibada au Jerusalem da madega 29 i kwa. Alona Abi, Zekariah natuna. ³ Tauna kaua aiai avai i kaukauei BADA awarina me noina David nanare. ⁴* Ma god morumorui ai ani voepaepa gabui anatapui i votawatawanei. Ma kokoitau i viairikarikai ma Asherah tuatuana i taratuituina-naiei. Ma wariaġa Moses mota bronzei, kokoitau i kaei, i viviborumei. Hezekiah motana kokoitau na maiteni i viaigimagimai. (Mai Israel motana i ġorei Nehushtan.)

⁵ Hezekiah BADA, Israel ana God i vitumaġanana-kauei. Ega gulau ġelauna au Judah nanare me tauna, ma ega aiai ġelauna nanare au naona i mae bo muriae i mae. ⁶ I viputati BADA awarina au anatapuna ma i vogoguratei da God ana tarawatu Moses i vereverei anatapuna i vototagaġo. ⁷ BADA tauna awarina i mae ma ana nola anatapuna i davudavu. Tauna Assyria ai gulau i parivireirei ma ega aubaina ita vilaraga. ⁸ Ma mai Philistia anatapui i vovaiubai, melaġai da taon ġaime garigarina anatapuna i pupuni da au Gaza i ġeta.

Maranai Hezekiah i'rige, Manasseh amana i raviepaiai da i vigulau.

21

Manasseh i vigulau au Judah

¹ Manasseh ana madega 12 ma i vigulau au Jerusalem, ma i vibada madega 55. Tauna alona Hephsibah. ² Wariaġa BADA eteni ravai i virubai ai kaua vinuamedamedai aubaina maranai mai Israel i ruirui au Canaan. Manasseh wei ravai ai kaua i votaġoġoġi da i kaukauei ma ana ġoा apoapoe i rata BADA au matana, ³ Manasseh ola muomuo i tepai god morumorui awari voepaepa gabui amana i viairikarikai, i voa-melei. Ma nanare pulo aniapuna i voanaiei Baal awarina, ma Asherah tuatuana i tonanaiei me Israel ana gulau Ahab. Manasseh wate nanare ubona i viviborumei. ⁴* Tauna god morumorui ai pulo aniapuna i voanaiei BADA ana tempol au orana, wei gabuna aubaina BADA i riwa i pa, “Wavau au tempol ina mae.” ⁵ Tempol au metaetana, gabu garigarina au orana Pulo aniapui ruāga i voai ubona god aubaii. ⁶ Manasseh natuna orotona ai au araratana i apui ana pulo, * ma parauma ma baravu ma gweri da ginauri ravai i rautaniġanei. Kaua maġamaġau apoapoe kaukauai i kaei ma BADA amlona i ġaġġai kaua.

¹⁰ Ma lamna aubaina BADA ana peroveta awariei i babani i pa, ¹¹ “Gulau Manasseh kaua maġamaġau vinuamedamedai i kaukauei, ma tauna i apoapoe kaua ega me mai Amori, taui wei dobuna i maeni muriae i mai Israel. Ai kokoitau miramirai awariei mai Judah i raveni da i ġo-apoapoe. ¹² Lamna aubaina BADA Israel ana God wenanare e ririwa, ‘Kovoġa ġaegħeotana ana nejai Judah ma Jerusalem awarri da maranai rava anatapui riwana taniġiae i na nori ma orai ina auepai. ¹³ Ruvana tagoginei Samaria a kovoġi ma ruvana tagoginei Jerusalem ma Israel ai gulau Ahab ana epaepaia maiteni a kovoġi. Jerusalem ravai ana amaga-tawanei, me aboma ita amamaġi, ma i vitaragabubui. ¹⁴⁻¹⁵ Au rava i ġo-apoapoe awariu, maranai noinoi Egypt i opu-tawanei da marina. Wei e viviamloġajġainiu. Ma rava mamae-terenai ana inana-tawanei, ma ana veredamanei ġavia awarrii ma taui ina vovaiubai ma ai purapura ina kwalei.”

¹⁶ Manasseh mai Judah i raveni da god morumorui i viborumei ma BADA i vijiboġi; wate eġa lamna ava ma rava aiai i viraġena labalababai da tara i kororo da Jerusalem etanaina i vioai au giana da au giana:

¹⁸ Manasseh i raġe ma ana numa au ririvana dobu wavana Uzza ana au wapu i doboi, Ma natuna Amon ana gabu i vaia da i vigulau.

Amon i vigulau au Judah

¹⁹ Amon ana madeġa 22 ma i vigulau. Ma i vibada madeġa ruaga au Jerusalem. Tauna alona Meshulemeth, oroto Jotbahei wavana Harus natuna ²⁰ Tauna ana ġo'apoapoe, i rata kaua BADA awarina me amana nanare. ²¹ Amana i ġovaivaitei ma god morumorui i viborumei. ²² Tauna noinooi ai God, BADA i rawaġaġiae ma ana tarawatu eġa ita votaġotaġoi.

²³ Ana gabemani babadai Gulau Amon i viogej da ana au gulau numana i viraġeni. ²⁴ Wate mai Judah, rava gulau Amon virägenana i viogatarei anatapui i viviraġena-naiei ma natuna Josiah i terei da i vigulau.

22

Josiah i vigulau au Judah

¹ Josiah ana madeġa 8 maranai i vigulau au Judah ma i vibada au Jerusalem madeġa 31. Tauna alona Jedidah, oroto Boskathei Adaiah natuna. ² Tauna BADA au matana aiwai ana tapuna i kauana-kauei ma noina David au ivina i tua ma BADA ana tarawatu ana tapuna i votaġotaġo-kauei.

Josiah nelara ġelaui i terei da BADA ana tempol i voavoa-virai lamna maranaina Moses ana tarawatu au buka i girugirumi i nelaġai da i neiae Josiah awarina.

¹¹ Maranai gulau i nonori aiwai Tarawatu au bukana i girumi, ma ana gara i viaisikasikai.

¹² Ma gulau Josiah ana taunola pirisi Hilkiah, Saphan natuna Ahikam, Micaiah natuna Akbor, Shaphan gulau ana taugiruma ma Asaiah gulau ana tauvinuaterena i riwei i pa,

¹³ "Noinoita wei bukana riwana eġa ita votaġotaġoi, ma aiwai i ririwei eġa ita votaġotaġoi, lamna aubaina BADA amlona i ġaġġai awarita. Lamna aubaina ona nae au tempol ma BADA awarina ona raupari tau ma wei dobuna ravai aubaii ma Judah ravai ġelaui aubai. Ma ona paridadad wei au bukana aiwai i girumi."

Josiah ana taunola babadai i nae BADA ana peroveta tagogi awarina. Wei perovetana lamna wavyne ma riwa i paritawanei i nae me gulau awarina.

¹⁶⁻¹⁷ BADA wenanare i riwa, "Tau wei dobuna ma dobuna taumaenina ana kovaġa kaeui." I girugirumia nanare, ma lamna gulau awarimi i 'avi, BADA wenanare i riwa, "Taul i geduaieu ma god ġelaui i viviborumei ma lamna i viamloġaġainiu. Jerusalem awarina orau amapo da e ararai ma amapo eġa ina dauva." ¹⁸ Wate ona naeme Judah gulauna, i paritawanemi awarina da ona riwei, "BADA Israel ana God e ririwa da ¹⁹ Maranai u nonori menanare Jerusalem ma taumaenina ana kovoġanei. Tam u rupena ma u vilamolamona tau BADA awariu, am gara u viaisikasikai ma u tou, Tau ana kaeui da ina apoapoe kaua, rava ma dobu ana kovoġi da eġa aiai wei doana ina maeni. ²⁰ Ma kovoġana a neneiae au Jerusalem eġa ina nei da am iraġe au murina. Ana voterem da ana nuaubam ma iraġe."

Ma wei pariverena i naie i gulau i riwei. Josiah god morumorui viborumai i viġaei.

23

Josiah i parivainuāġana da ina votelatela

¹ Gulau Josiah babada anatapui au Judah ma Jerusalem i ġorei. ² Ma pirisi ma peroveta ma rava molmolakana da manemanena, anatapui i ġae BADA ana au tempol. Kampa gulau parivainuāġana bagibagina bukana tempol au orana i nenelagaia i iava-tapui awarii. ³ Gulau ana au gabu i mairi tempol tuuatuna au naona ma BADA maiteni parivainuāġana bagibagina i ravivouni da tauna BADA ana tarawatu ma ana riwa bagibagina orana ma aruana taputapunei ina vojjini, i ririwei nanare au bukana. Ma rava anatapui nanare i parivainuāġana.

⁴ *Ma gulau, pirisi ġetelarana Hilkiah, ana pirisi babadai ma tempol taupainii i egari da BADA ana tempol au orana aiwaiei Baal ma god wavinena Asherah ma ubona godna

morumorui i viviborumei anatapui ita opuneiai. Gulau wei purapurai anatapui i naiei da gaugauba Kidron au ririvana i apu-naiei, ma lapukarei i vivanei au Bethel.

Anina ma Josiah mai Judah ma mai Israel ai dobui naeni ma mepa rava kokoitau i raraudunelei ola muomuoi au tepai anatapui i pupuni ma pirisi kokoitau taurauduneleina anatapui i viraġeni.

Ma gulagulau aiavoi Josiah i votaġo taġgoi taui BADA eġa ita vivirei ma ai ġoa i apoapoei BADA awarina.

2 Chronicles Vinolanola Viruaina

Pariverena

Wei bukai Chronicles 1 ma 2 virarautuana tagogina Samuel 1 & 2 ma gulagulau ai au buka 1 & 2 e mamae. Chronicles 1, gulau David e virarautuei ma ana oga tempol au Jerusalem aubaina. David nola ogana pirisi i verei. Tauna i ġoġi da rava anatapui BADA ina vivorumankauei. Chronicles Viruaina mai Israel ai gulagulau ai nola i babaniei, menanare Solomon ana taunola BADA ana tempol i voai au Jerusalem. Solomon iraġe ma au murina menanare ana dobu i kai da ruāga. Chronicles 2, gulagulau ruāga ai kaua e bababaniei. Gulau ġelaui aiai tauri BADA i vivorumei wate gulau maġamagaui i apoapoe kaua. Taui eġa BADA ana tarawatu ita votagotagoi. Taui god morumorui i votagotagoi. Wei gulaui nuabola ai rava i verei. Ma BADA ai ġavia i vianinei da i nei ma dobui ruāgai i viġaviee da i pupuni. Ma muriae BADA Judah mamae terenai i neiana-meleiai.

36

Judah e vovoapoapoe

¹⁴ Ma pirisi ai babada ma rava anataputapui, BADA ana parivainuaġana bagibagina eġa ita vojijini ma jentail au ririvai maemaei ai kaua apoapoei kaukauai ma ai bua i ġoġivaitei. Ma lamnei BADA ana Tempol vivivireina au Jerusalem i vimiramirai.

¹⁵ Mai Judah ġoġogħai ai God BADA, ana rava ma ana tempol nuanuana i bolai ma lamna aubaina ana peroveta nununai i paripari-tawanei da rava ai ġoġi apoapoei ita rupeni. ¹⁶ Wate taui God ana peroveta i vijibogħi ma eġa ita vivirei ma au damona BADA ana amloġaġai i rata guratana da menanare ita viubanei.

Mai Babilon Jerusalem i vipupui

¹⁷ Anina ma BADA mai Babilon ai gulau i paritawanei da Jerusalem i vipupui. Ai sorodia nelara voui tempol au orana i viraġena-naiei. Taui mai Judea eġa ita rau-nuapoapoelei ma waivine ma laraga ma rava magumaguri ma doridoriai. BADA mai Judea anatapui i verenei Babilon ai gulau Nebuchadnezzar au urana. ¹⁸ Tauna Tempol ana purapura ġaegħej da muomuoi ma mane anatapui i pupuna-naiei. Gulau ana gabemani babadai ai numa i viairikarikai ma mane ma purapura i pupuna-naiei au Babilon. ¹⁹ Ma God ana Tempol i apui ma Jerusalem garina i viairikarikai; ma gulau ana numa ma numa ġelaui anatapui ma purapura mae-terenana anatapui i viairikarikai ma i apu-naiei, eġa aiwai ita mae.

²⁰ Ma aiavoi lawalawaii i mamae, anatapui i paniniaeui ab Babilon da i vitaunola. Ma muriae mai Persia nai dobuna Babilon i pupuni ma i vibadei. ²¹ Mai Israel ai doa ipipipieie taui madeġa au vi-7-na ai doana eġa lauvitau ita verei, lamna aubaina i kovoġi, da i pupuna-naiei au Babylon da madeġa 70 i kwa. BADA ana peroveta Jeremiah i ririweia nanare i tupua.

²² Au Persia gulau Sairas ana vibada madeġana tagogi, ma BADA ana peroveta Jeremiah aiwai i ririweia marina i tupua, Persia ai gulau orana i ravi-dagdagui da i giruma ma i vibabarai ana au vigulau au anatapuna.

²³ Mai Persia ai gulau Sairas, wei i riwei,

“BADA, Aidamo ana God, dobu anatapuna vibadana au urau i terei. Ma i vineu da ana Tempol au Jerusalem, Judah au paratana ana voa-melei. Ma taumi aiavoi BADA ana rava, o ġoġi da ona nae me kampa, lamna anina da ona nae. Ma BADA ami God ina gagaloemi.”

Ezra

Pariverena

Wei bukana Ezra e ririweta da menanare mai Judea au Babilon i mae ma ġelaui i naeme ai au dobu au Jerusalem da BADA ana Tempol ina voa-melei.

3

Pulo aniapuna i voa-melei

¹ Mai Israel ai au dobu i mae nawaravi ^vi7ⁿa ma marina taui anatapui i netagogiai au Jerusalem. ² Nai maranai Josadak natuna Jeshua ana rava pirisi ġelaui maiteni, ma Shealtiel natuna Zerubabel ana dam ravai maiteni; pulo aniapuna i voai Israel ana God awarina. Me God ana peroveta Moses, ana Tarawatu i ririweia nanare. ³ Avena da taui nai dobuna taumaeni i rovorvoei; wate pulo aniapuna ana au gabu wadubona i voai. Ma i vikarei da ubaubanai ma aubigai patapatana pulo i apupui BADA awarina.

Tempol i voa-melei

⁷ Gulau Sairas i riwa da wenanare ita kaei. Taui mane ġaima taubori ma kamda ravai ita verei. Ma lam, wain ma oil mai Sidon ma mai Tyre ita verei da ai cedar au Lebanon bogei ita towana-neiai au Joppa.

⁸ Ma Madega viruaina nawaravina au viruaina Zerubabel ma Jeshua ma varevarei (pirisi ma mai Levi ma rava ġelaui maiteni i vivipanipani i nememei au Jerusalem) ma BADA ana Tempol voana i vikarei. Ma Levi ana damei nelara ai madega 20 da nore i ġeġae i terei da nola i vibadei.

Rava i nola da God ana Tempol i voa-melei madegħa 21 au orana.

6

Tempol i viaiaini

¹⁶ Anina ma Mai Israel piripirisi ma dam Levi ravai ma rava anatapui panipaniei i nenememei ana nuaiai God ana Tempol i vovivirei God voepaepana aubaina.

Nehemiah

Pariverena

Nehemiah Wei au bukana e ririweta, menanare mai Judea ġelaui au Babilon i mamae, i naeme ai au dobu Jerusalem da garina ina voai-melei.

8

Ezra tarawatu bukana-rava awari i 'avi

¹ Rava anatapui Jerusalem ana au anirui e ġoreġorei Samaim,* i vitagogiei. Ma taui tarawatu badana Ezra i riwei da Moses ana tarawatu bukana ita neiai, wei tarawatuna BADA mai Israel i verevereria.

² Ma aupom naona au nawaravi au vi-7-na, pulo tauapuna pirisi Ezra tarawatu bukana i neiai patarana i vitagogieina awari, nelarai ma waivinei ma roaroa awari metaui da iava i aramanei. ³ Ma Ezra au deba i mairi ma ponana ġaġaġenei bukana i 'avi rava awarii, maratotomtomai i vikarei da aubenai ma anatapui i rautaniġana kaua.

⁵ Ezra vatara au tepana i mairi rava au matai ma maranai buka i votawanei, rava anatapui i vomaimairi. ⁶ Anina ma Ezra BADA God ġaġaġena i voepaepai; ma rava urai i voepaepai ma i paribelei i pa, “Amen, Amen!” Ma i raudune au doa ma BADA i voepaepai.

⁸ Ma Levi ana dam ravai, bukana rava awari i 'avi ma i viararamani† da taui riwana anona i aramanei.

⁹ Anina ma Gavera Nehemiah, ma pirisi, taugiruma Ezra ma dam Levi ravai, rava awari i viararamana. Marina rava awarri i riwa i pa, “Wei marana tana vovaivivrei BADA ata God awarina. Lamna aubaina eġa ona vinuabola ma ona tou.”

¹⁰ Ma Nehemiah i riwa, “Ona nae ami au numu ma ona am kaua ma ona uma-kaua ma rava eġa ita lauvoa, ona taraiġuei. Wei marana lamna mara vivivireina BADA awarina. Lamna aubaina BADA ina vinuainimi, ega ona vinuabola, aubaina BADA ana nuaiai awarimi lamna ami rewapani!”

* **8:1:** Wei metaetana lamna Jerusalem garina ana anirui tagogi e ġoreġorei Samaim wate ata ponei Waira. Wei aniruina lamna waira dogona au ġeregerena au maramatanei. † **8:8:** Bible pona Hebrewei i girumi ma wei ravai pona arama i aramanei lamna aubaina viararamana maiteni i kaukauei.

Job

Pariverena

Rava jijimanina tagogi vinuabola apoapoei mağamağau i nenelağai lamna au bukana e vivirarautuei. Job ana nota ma ana rava ai nota wei nuabolai awari lamna e viviatataieta. Ana rava e notanotai da Job kaua apoapoei i kuae Aubaina God, tauna e kovokovoğgi. Job i aramanei da wei ega riwa kaua. Tauna, God i vivitumaganei, wate i goegeoi da ita aramanei aiwai Aubaina wei nuabolana e tuputupua. God, Job ana vinuapoapoe anona ega ita viegei, wate God ana rewapanma ma ana nuaulaula i rata guratana au baina rava ega tagotagogina da ina aramanei aiwai e viviatataieta. Maranai i aramanei da God ana rewapanma ma ana nuaulaula i rata guratana, tauna God vitaraviravirana i voterei ma i voepaepai. Wei virarauvana au damona God Job i vilawani ma natunatuna i vimagai ma i vimaura-melei. God Job ana rava tonuga i ena-guratei Aubaina taui ega ita aramana-kauei aiwai i latolatoni ma Job i vinuapoapoe.

Job ana virarautua

¹ Orotowvana Job au Uz i mae. Tauna rava jijimana kaukauana ma go-apoapoei i geduaiei. Tauna God i vivirei ma goa aiai ava i kaukauei. ² Tauna natunatuna nelarai 7 ma waivinei tonuga, ³ ma ana sипу 7,000; kamel 3,000; uata bullna 1,000 ma donkey waivinei 500 ma ana taunola mağamağau. Ma i vipurapura ma i maura kaua ega aiai gelauna nanare nai au dobuna, au maramatanei.

⁴ Ai mara i tereterei nanare Job natunatuna nelarai nununai ai au numa i toretorela, ma varevarei ma novunovui i rauğoreiai ma anatapui i amam ma i umauma gogona. ⁵ Aupombiağı nanare torela au murina, Job ubaubanai boiboğgi ina vovomairi ma natunatuna nununai ina rauğoreiai ma epaiai ġamogamo taputapuna ina apupui BADA awarina da natunatuna ina viaiaini. Tauna i notanota da, "Mepa da roaroa i kauana-boai ma au orai God i parivaipoapoeni."

Satan Job ana tumağana i raudadani

⁶ Marina mara i getai da anela au mara i geta BADA awarina ma tauviwavu - Satan taui i votagoi da i geta. ⁷ BADA Satan i paridadanai, "Tam meie i nenei?"

Satan i paribelei i pa, "Tau were ma nare a nenei ma a nenei, dobu a tetetei."

⁸ Ma BADA i paridadanai, "Au taunola Job u inanai bo ega? Tauna rava aiai kaukauana, ega aiai gelauna au dobu nanare. Tauna rava jijimanina ma patupatutuna. E vivivirei ma e paipaina-melei da ega kaua apoapoe ita kaukauei."

⁹ Satan i paribelei, "Tam Job e paipaina-kauei lamna Aubaina e voepaepaim! ¹⁰ Marana patapatai tauna ana numa ravai ma ana purapura e gagagaloei, ma anatapuna uranei e vovodadanai e viaiaini, ma bulumakau u verei da wapuna i oai. ¹¹ Wate uram ma viloloi ma anatapuna ġarinei ma vaitawanei, ma au matam ina parivai apoapoeni."

¹² BADA i riwa i pa, "Anina, ana purapura anatapuna au uram a tereterei, wate ega tupuana aiwaina ma vodadanai." Ma Satan BADA i netawanei.

¹³ Mara tagogi, Job natunatuna nelarai ma waivinei i toretorela, tuai ana au numa, ¹⁴ ma taupariverena i geta Job awarina ma i riwei i pa, "Am taunola burumakaei doa i uuatasi ma au ġereġerei donkey modu i amam, ¹⁵ ma mai Sabea i ruba-ġairai ma ġamogamo anatapui i kwalei, am taunola anatapui i viraġena-naie, ma tau ainelau a ruba da ata pariverem."

¹⁶ I bababani ma taupariverena gelauna i getai ma i riwa, "Namanamara marei i ġairai da sipu ma taupainii i viraġena-pai, ma tau ainelau a ruba da ata paripariverem!"

¹⁷ Ravana i bababani ma taupariverena gelauna i ruba ġetai ma i riwa, "Mai Caldia boru tonuga ana melaġina i ġairai ma am kamel i viagħagna-naie, ma taupainii i viraġena-pai, tau ainelau a ruba da ata paripariverem!"

¹⁸ Amapo i bababani ma wate taupariverena gelauna i ruba ġetai ma i riwa, "Natunatum nelarai ma waivinei, natuevou ana au numa i toretorela, ¹⁹ ma maratagogi kojkojira mutuluei i opui ma numa i vipeuni au tepai ma anatapui i viajijini, tau ainelau a ruba da ata pariverem!"

²⁰ Anina ma Job i vomairi ma ana kwama i sikai. Kolana i ġari ma i peu ġaira au doa ma BADA i voepaepai. ²¹ Ma i riwa,

"Ana kovakovau a nei;

ana kovakovau ana nae.

BADA i verena ma i vai-melei;

BADA wavana ana voepaepai ma ana viborumei.”
 22 Wei anatapuna au orana, Job ega go'apoapoe aiwaina ita kaei bo God ita viwavui.

2

Satan Job i raudadana-melei

1 Mara gelauna, anela au mara i geta me, BADA awarina ma tauviwavuna - Satan taui i votagoi. 2 Ma BADA Satan i paridadanei, “Tam meiei e nenei?”

Satan i paribelei i pa, “Tau were ma nare a nena e ma a nenei, dobu a tetetei.”

3 Ma BADA i paridadana, “Au taunola Job u inanai bo ega? Tauna rava aiai kaukauana ega aiai gelauna au dobu nanare. Tauna rava jijimanina ma patupatutuna. Ma e vivivireiu ma go'apoapoe e gedugedaie. Ana lawana anina jijimanina e maemaeni avena da orau u taini da a kovoga labalababai.”

4 Tauviwatu BADA i paribelei, “Tauna ana lawana ava e vinuabolei, me rava ana purapura anatapuna ina verelei da ega ina kero. 5 Wate uram ma viloloi ma tupuana ma gelamina ma ravi, ma au matam ina parivai-apoapoenim!”

6 BADA i riwei, “Anina, tauna au uram a terererei wate ega ma virageni.”

7 Ma Satan BADA i netawanei ma i nae da Job kero apoapoei i verei, au loulouna da i gaiau au ae lapalapana. 8 Ma Job nau gebona i vaia da kerona i kakakroi ma au lapukare i kiakiala.

9 Awana Job i riwei i pa, “Amapo da am lawana jijimanina ma vovoijini bo? God ma parivai-apoapoeni ma ma irage!”

10 Wate Job i paribelei i pa, “Tam opaopam! Ega nanare ma babani. Tauta God kaua ma gamaagaui ma aiai e verevereta, ma apoapoei e paripari-tawanei, maiteni tana vaia.”

Wei kauai ma gamaagaui apoapoe Job awarina i tupua, wate tauna ana babani awarinei ega go'apoapoe ita kaei.

Job ana rava i nei da i raugenari

11 Maranai ana rava tonuga riwana i vaia da Job wenanare ma menanare i vinu'apoapoeni, taui i vitagogie i ma i nae Job ita raugenari ma ita vinuabai. Taui wavai Eliphias tauna Temanei, Bildad tauna Shuahei ma Zophar tauna Naamah ei. 12 Taui tapunei Job i 'nanai ma i vinuanainei da lamna Job. Maranai i 'nana-kauei. Taui i vitouana, ma ai kwama i vialisikasikai ma pokau au tepai i tawatawanei. 13 Ma aupom ma waguvvarai 7 taui au doa i vikiakialei, Job i mae-vereverei. Ma i 'nanai da ana nuabola i rata guratana ma gamoi i pota ma i kiala genuatau.

3

Job ana tupua marana i parivaiapoapoeni.

1 Wiki tagogi au murina Job gamona i lag'i ma ana tupua marana i parivaiapoapoeni. 2 I pa,

3 Au tupua marana ma boai,
 ma waguvvara i vinolana da tevera orotona i tupua.

4 Nai marana ina waguvarei!
 Ma God au aidamo wei marana ina nota-tawanei,
 ma au tepana ega ina rarana.

5 Waguvvara ma gimtona potopotona wei marana ina vibadei;
 ma lada marana ina puru'
 ma gimtona lalalaina ina purui.

6 Gimtona nai waguvvara ina viamoai
 wei marana ega ma iava-melei;
 madegana bo nawaravina.

7 Nai waguvvara ina ega aiai ina tupua,
 ma ega nuaiai gararana ina nonori.

8 Vijiboga amamai,
 mepa da ai vijiboga boga bariawana ina vidagui;
 taui wei marana ina vijibogi.

9 Maratomtom ubonana ina guvai
 ma mara karena ina paina-avei
 ma madega vuduna ega ina inanai.

10 Aubaina taui manawa metaetana ega ita gudui
 ma vita ma gamaagaui i vereu.

- 11 Airake, boibogi ita gomuiu!
Bo ata i 'rage maranai a tuputupua.
12 Aiwai aubaina au arona i vimataveniu
ma gu'gunei i vi'gu'goui?
13 Maranaina a tupua, matau ita pota;
ma ata matave ma ata vilauvitau.

4

Eliphas i babani

- ¹ Ma Eliphas rava Temanei Job i paribelei i pa,
² Job ega amlom ina gaigai ma ana babani,
tau ata genuana ava, ana babani!
³ Rava ma'gama'gau u viararamani
ma gokokokarai u vovaivirewapani.
⁴ Riwan, rava peupeui u dugui,
ma ae tutu viviarai u dugui.
5 Wate marina nuabola i nei awarim, ma am nota i peu
i vodadanim ma u rovo-kaua.
6 Am vituma'gana God awarina,
ma am lawana jijimanina.
Lamna, am rewapana, tapa?
- ⁷ Ma tumairi ma ma vinua notanota!
Rava jijimani e irairage bo?
Mara aiwai rava jijimani i kero ma i'rage?
⁸ A inanai rava goa apoapoe i paewi
ma nuabola i tuarui.
Job ana rava amapo da i ririwa-girigiri da tauna kaua apoapoe i kaei aubaina we i nuabolana e nenelagai. Wate Job e ririwa da tauna ega aiwai apoapoena ita kaei.

38

BADA Job i paribelei

- ¹ Ma BADA labu au orana ma Job i paribelei, i pa,
² Tam aiai e bababani labalababa,
ma au nuaulaule e paripari-virevirei?
³ Ma mairi jijimana me oroto,
ana vitaravirevirem
ma ma paribeleu!
- ⁴ Tam mepa maranai dobu tuatuana i tonei?
Ma riweu, mepa da u aramanei?
⁵ Aiai dobu ana manawa ma ana dabora i terei?
U aramanei tapa? Ma aiai i ruvai?
⁶ Aiwai dobu tuatuana e vovoijini?
Ma aiai dobu tuatuana i tonei,
⁷ maranai maratomtom ubonai i wela tagogi,
ma BADA ana anela ana morelanai i voepaepa ma i vigaragaraei?
⁸ Aiai boga ana au parata i terei
maranai boga manawana ana goba i wanaiwagi?"

40

- ¹ Ma BADA Job i riwei i pa,
² "Tam, God Vivirewapani Kaukauana e viviwavui;
Aiai God e viviwavui, ina paribelei."
³ Anina ma Job BADA i paribelei,
⁴ "Tau rava labalababa, menanare ana paribelananem?
Gamou ina pota.
⁵ Boibogi a babani guratana.

Eğä aiwai ġelauna ana latoni."

42

Job i babani me

¹ Ma Job i babani me, i pa

² "Tau a aramanei da tam aiwai anatapuna e kaukauei;

Eğä aiai am ogā ina vīgæi.

³ *U paridadaneu, "Tam aiai e bababani labalababa,

ma au nuaulaula e pari-virevirei?"

Riwa kaua am boruma vivinualaulaunana eğä ata aramanei,
da a voğana guratana."

⁴ *U riweu, 'Ma rautaniğana, ma ana babani,

Ana paridadanem ma tam ma paribeieu.'

⁵ Taniğau ava riwam i nonori

Wate marina matau i 'nanim.

⁶ A vinimala, ma au lapukare ma au debidebi ana kiala.

A ruperupena ma a mae-tavireu awarim ma au gó'apoapoe ma nota-tawanei."

Damona

⁷ BADA i babani vorovei Job awarina ma marina Eliphas rava Temanei awarina ina pa,
"Amlou i ġaigai awarim am rava ruāga maiteni, taumi eğä riwa kaua ota babaniei me
Job nanare. ⁸ Lamna aubaina, bull 7 ma sipu ororotoi 7 ona vaia ma ona nae au taunola
Job awarina ma siai taputapuna ona apui awariu. Tauna aubaimi ina raupari ma ana
pari ana nonori da eğä ana vinimalaimi ami kaua apoapoei aubaina. Taumi eğä riwa kaua
ota babaniei me au taunola Job nanare." ⁹ Anina ma Eliphas, Bildad ma Zophar BADA aiwai
i ririweiā nanare i kaei, ma BADA Job ana pari i nonori.

¹⁰ *Ma maranai Job i raupari-vorovei, BADA ana maura i veremelei ma raviai-tepatepani.

¹¹ Varevareina ma novunovuna ma ana rava waduwaduboi i nei ana au numa ma maiteni
i am ma i uma gogona. Ma Job i vinuuaibai aubaina BADA vita ġaēgaena Job i verei. Ma taui
anatapui kampa i ġeġeta mane ma loji goldei Job i verei.

¹² BADA, Job i viaiaina-kauei eğä me au naonei. Awarina sipu 14,000; kamel 6,000; uata
bullna 2,000 ma donki waivine 1,000. ¹³ Ma nanare, natunatuna nelarai seven ma waivinei
tonuğā. ¹⁴ Natuna wavinena magurina wavana Jemimah*, ma keikeina wavana Keziah†
ma vitonuina Keren-Hapuk. ‡ ¹⁵ Job natunatuna guguinii inanai i ai dewadewa eğä me
guguini ġelaui nai au dobuna. Ma Job natunatuna nelarai ma waivinei ai buder i terei da
anatapui ruvana tagogina ina vaia.

¹⁶ Job i mae madęga 140 ġelauna; da gógoğana ma nonoina da i nae kimta au
*v*_i—4—*nainanai*. ¹⁷ Anina ma i magura kaua ma i'räge.

* **42:3:** Job 38:2 * **42:4:** Job 38:3 * **42:10:** Job 1:1-3 * **42:14:** Heb. wei wavana anona Gabubu † **42:14:**
Heb. wei wavana anona Cassia. bo kaidara talana. ‡ **42:14:** Heb. wei wavana anona mata penitana.

Psalm Wela ma Pari

Pariverena

Mara manamanaina i netawanana rava mağamağau taputapunei ava wela ma pari i girumi wei au bukana. Mai Israel wei welai ma pari i tami ma i teretagogiei da lamnei God i viviborumel.

Wei au bukana wela ma pari tapuna ma tapuna. Ĝelaui God e viviborumei ma e vovoepaepai ma ana iviaiai aubaina e viviegualaei. Ĝelaui e vivibağ a agu ma gagalo aubaina, bo notatawanana aubaina. Wela au ĝelaui, rava e raraupari ai gilau aubaina ma god e vivibagai da ai ġavia ita kovög. Ma wela au ĝelaui tauamgiruma ana apoapoe ma ana nuabola aubaii God awarina i beubeura.

Ma maraġela Iesu riwa wei au parii i vaia da i viaramana. Kerisiana wei welai ma parii i welelelei ai au viboruma ma i jimajima.

Wela vinevinei

Psalm 1, 10, 23, 27, 34, 51, 67, 90, 95, 1-11, 100, 103, 110, 103, 110, 119, 9-16 ma 139.

Buka Tagogi

1

Nuaiaii ririwa-kauana

¹ Rava viaiainana, lamna ega go'apoapoe ravai ita votaġotagoi,
ma ponai ega ita rarautaniġanei;
ma vivijibogai ega awarii ita kiakiala.

² Wate BADA ana tarawatu i vinuaiae,
aupom ma marai e notanota-vaitetei.

³ *Tauna me ai, waira au adana gogogona,
ana au mara e rarauno;
ma rugurugui ega ita poipoi.

Wei ravanana, aiwai anatapuna e kaukauana-kauei.

⁴ Wate go'apoapoe ravai ega nanare!
Taui me rugurugu, ive i kapupuana-naiei;

⁵ Lamna aubaina go'apoapoe taukaei BADA ana au etera ita mairi ava,
ma nanare goa apoapoei ta kuae rava jijimani ai au dam ita mae ava.

⁶ BADA goa aiai ravai e rarauetaraveni ma e paipaini;
wate go'apoapoe ai etanai au damona, pupui.

23

*Bada taupainiu **

David ana wela

¹ BADA taupainiu
ma ega aiwai ana voladägei.

² Gidagida majimajiġai au tepana i vimatavenui,
ma i raveniu waира au raraunairina au adana.

³ Au rewapana e raviravivouni
ma wavana aiaina aubaina etanai jijimaminei i raveniu.

⁴ Avena da gwagwa waguwaguvareina ana naeni,
wate ega aiwai apoapoeni ana rovoe.

Aubaina tam au ririvau da am kwapuei ma jiġonei e gagagaloeu ma e vivinuaubai.

⁵ Aubaiu torela e vokaukuae au ġavia au naoi.
Oilei kolau u volaġolagoi da tam u vinuavaineu,

ma au kelaka i oa-karagelai.

⁶ Ee! Riwa kaua da am iviaiai ma am raunuapoapoe maemae nonoana awariu ina mae, da
au mara au damona.

Ma BADA ana au numa ana mae-nonoa.

* 1:3: Jer 17:8 * 23:: Taupainiu me sipu taupainina.

27*Voepaepa parina*

David ana wela

¹ BADA au lalalaina ma au tauvilawana,
aiwai ana rovoei!

BADA au taugagagalo
aiwai ana rovoei!

² Maranai ġo'apoapoei ravaii i ġetai
da ita vunuui,

au ġavia
aei ina pakana-melei da ina peu.

³ Avena da sorodia borui ina mae-gariġuruviu,
tau eġa ana rovo dadana.

Maranai au ġavia i vomairi,
tau anina da God ana vivitumaġanei.

⁴ Kaua tagogi ava aubaina a vivibaga.

Au ġoana ġaġaena da,
BADA ana au numa, boruborumana ana mae,
ma ana voepaepai. Au lawana au anatapuna.

⁵ Nuabola au marana
ina tereġagariu.

Ana gabu au vivivireina, ina teregovaġiu.
Ma ola au tepana ina tereu
da ġavia eġa ina vodadaniu.

⁶ Ma au ġavia i garigari kwaipipiniu, ana tuvaidoedoei.

Da au tempol ana morelanau pulo ana apui BADA awarina.

Ana vinuaiai ma welei ma arei ma ana voepaepai.

⁷ BADA ma rautaniġaneu maranai awarim a kwatukwatu,
ma raunu'apoapoleu ma ma paribelev.

⁸ Au orau u riwa, u pa, "Ma nei da ma rauduneleu."
Tau a paribelem a pa, "BADA a nenei."

⁹ Eġa ma raugovaġeu,
eġa awariu ma ġaiawa.

Am taunola eġa ma inana geduaiei,
au anatapuna tam, au tauagu.

Eġa ma netawaneu,
au God, tam au tauvilawana.

¹⁰ Avena da amau ma alou ita teretawaneu,
wate BADA ina paina-kaeu.

¹¹ BADA, ma viararamanu da am ġoana ana kaei.

Ma etanai au ġadaġadarana ma taravainiu aubaina au ġavia i maġa

¹² Tauer moruei ma parivairovorovoei e vunuvinuui.

Lamna aubaina, eġa ma teretawaneu awarii

¹³ A 'ramanei da BADA ana viaiaina ana inanai,
weka lawalawai ai au dobu.

¹⁴ BADA ma vitumaġanei,
da ma virewapana ma tepam ina tora.

Anina BADA ma vitumaġanei!

34*BADA ma viborumei*

¹ BADA ana vimaġaġaeni marana patapatai,
ma ana viborumana-nonoei.

² Orau taputapunei BADA ana voepaepai;
Vilamolamonai riwau ina nonori ma ina vinuaiai.

³ Ona nei ata BADA tana vimaġaġaeni
wavana tana voepae-gogonei.

⁴ A raupari BADA awarina ma i paribelev,
awariu rovo anatapui i vaitawanei.

⁵ Aiaħovi awarina e inainana,

- taui naoi ina ravidalai
ma ega melanai ina vitepa-ubaubai.
- ⁶ Au nota i kwa da a gorei, ma i nonori
ma nuabola au orau i vaitawanei.
- ⁷ Aiai da BADA e vivivirana-kauei,
ana anela taui e inana-vaitetei, ma e vivilawani.
- ⁸ Taumi ona raudadani ma ona aramanei da BADA i aii.
Taui BADA au gouna maemae nuaiai gaegeaena awari.
- ⁹ Taumi vivitumaiganami ega aiwai ona voladagei.
Lamna aubaina, BADA ona vivirei.
- ¹⁰ Lion gauboi mara gela am e irairaige,
wate aiavo da BADA awarina e vitumaganaga ega ina voladaga.
- ¹¹ Natunatu, ona nei, ona rautaniganaga,
ma ana viararamanimi da BADA ona vivirei.
- ¹² Taumi o goei da ami lawana ina aii
ma ina manawa bo?
- ¹³ Nanare, lamna menami ona paina-melei da ega babani apoapoe bo moru ona babaniei.
- ¹⁴ Goa apoapoe ona geduaiei ma kaua aiaii ona kaukauei,
ma ona voguratei da nuauba lawanana ona maeni.
- ¹⁵ BADA, matana goa aiaii ravai awari e tereterei,
ma taniganaga e tonetonei mepa da agu e toutouei.
- ¹⁶ Wate tauna go'apoapoei ravai e mamae-puputei
taui ina irage ma rava nuanuai ina vuru.
- ¹⁷ Rava jijimanii agu aubaina e vivigore BADA awarina
tauna e raurutaniganaga ma ai vita e vaivaitawanei.
- ¹⁸ Tauna rava peupeui, rovorovoi, ma vinuabolai e vivilawani,
tauna rava orana i peu kaua e vovoepai.
- ¹⁹ Rava jijimanii ai nuabola i maga
wate BADA taui e vovoagui ai au nuabola.
- ²⁰ E inainana-vaitetei da ega gelamina tagogi ina wanagai.
- ²¹ Goa apoapoe ravai ai apoapoe ina vunumelei,
ma aiavo da goa aiaii ravai e gedugeduaiei, ina kovoagi.
- ²² BADA ana taunola e gagagaloei,
aiai da e nenei BADA au gouna, kovoaga ina vorei.

51

David ana rupena

- Mara tagogi, Gulau David ana taunola Uriah awana Bathsheba i tavimatanei da maiteni i matave.
- ¹ Oo God, ma raunu'apoapoeleu. Tam nuavaina maemae-nonoana amai.
Tam raraunuapoapoei amai
au go'apoapoe ma notatawanei.
- ² Au rauagaihai ma ogai
ma au go'apoapoe ma oga-tawanei.
- ³ Au rauagaihai a aramanei
marana patapatai a notanotai.
- ⁴ Kaua apoapoei a kauei.
Tam ainelam awarim Goa apoapoei a kauei,
ma am viwavu lamna riwa kaua.
Amapo anina da ma kovogiu.
- ⁵ Tau rauagaihai, melamelaei da marina
Au manawa da marina tau go'apoapoe taukaueina.
- ⁶ Wate tam u goei da riwa kaua ora-dewadewau ina mae.
E viviararamanii da nuaulaula orau ina oai.
- ⁷ Au go'apoapoei ma oga-tawanei,
ma ogaiu da ana arapoira da gonu rovena arapoirana ana getawanei.
- ⁸ Ma riweu da au go'apoapoe u nota-tawanei
da ana vinuajaii ma ana morelana

avena *da gelamiu u viaigaigai, marina ana vinuaiai.
⁹ Au go'apoapoe ma inana-tawanei
 ma au apoapoe mirai ma boai.
¹⁰ Oo God nuanua ma ravivouni
 da ana vipatutu kaua awarim.
¹¹ Ega au naom ma tawana-opuneu
 ma awariu ega Aruam Vivivireina ma vaitawanei.
¹² Vilawana nuaiaina ma ravivouni me au naona nanare
 araua ma viaiaini da ana voteletelem.
¹³ Lamnei, go'apoapoei taukauei am kaua ana viararamani,
 da ina mae-tavrei awarim.
¹⁴ Oo God, vi'rāgena vitana awariu ma vaitawanei,
 da am kaua jijimanii ana welei.
¹⁵ Oo Bada ipiriu ma votawanei da gamou ina vimaēgǣgaenim.
¹⁶ Au pulo, āamōamō atu apui awarim,
 wate tam pulo apuapunana ega uta vinuaiae.
¹⁷ Bada, pulo e āoēgoēi lamna vilamolamona.
 BADA, ega au vilamolamona ma au rupena ma geduaie!
¹⁸ Am nuavaina Jerusalem ma viaiaini,
 ma ana gari ma voa-melei.
¹⁹ Anina ma ai pulo nota aiainei ina vikarena-melei da ina kaukauei ma ma vinuaiae.
 Taui pulo tapuna ma tapuna ina apui awarim.
 Bull māgamāgai am au aniamapu ina apuapui.

67*Viegualau welana*

¹ Oo God ma raunu'apoapoelelai ma ma viaiaini, ma naom weka ma tereiai da ma voaguai!
² Da au dobu am kaua ina aramanei, da rava anatapui au dobu ina aramanei da tam ai tauvilawana.
³ Rava ina voepaepaim Oo God, rava anatapui ina vimaēgǣgaenim.
⁴ Rava anatapui au dobu ina vinuaiai ma ana morelanai ina wela, aubaina tam rava anatapui au dobu, kaua jijimaninei e vivibadei ma e paipaini.
⁵ Rava ina voepaepaim Oo God. Rava anatapui ina voepaepaim.
⁶ Anina ma doa maura āgǣgaena ina vereta ma God ina viaiaina-kaueta
⁷ Riwa kaua, God ina viaiainita ma rava anatapui au dobu tauna ina vivirei.

90*God ana taunola Moses ana pari*

¹ Bada ai animae kimita wariāga da marina.
² Tam God maemae nonoana muriai da ola ma dobu uta kauei.
³ Tam rava e ririwei da e vipokau, ma e ririwei, "Rava ona wanaviraimi"
⁴ Tam awarim madēga 1,000 lamna me aupom tagogi, i tupo kaua me raviravi, ega ita manawa dadana.
⁵ Rava ai lawana e vaivaitawanana lāgilagīnei me rauboni damona. Taui me modu, ubaabanai e raraupairei,
⁶ da e rarata ma e latatalai, wate aubigai e givigivi.

* **51:8:** Au vinuabola lamna me gelamiu wanagaina

- 7 Nanare am meji tauai e lagulaguriai ma
maranai e ġaiġaiawa tauai a rovorovo kaua.
- 8 Ai ġo'apoapoe anatapui au naom u lavaei,
ai ġo'apoapoe govagovaġana, wate anatapuna e inainanai.
- 9 Am meji ai lawana i vitupoi,
ma ai madęga laġilägħina e kwakwa, a lavutu-tawanana.
- 10 Madęga 70 i vereta da tana mae,
mepa da tana virewpana lamna 80;
Wate wei lamna nuabola ava ina vereta,
eġa tana mae-pora ma tana nae.
- 11 Eġa aiai am ġaiawa malana ita vai-kauei.
Mepa da am ġaiawa ata aramana-kauei, lamna tauai ata vivirana-kauem.
- 12 Ma nanare, ma viararamaniai da ai lawana i tupo kaua,
ma lamna Aubaina awarim nuaulaula ana vaia.
- 13 Oo BADA! Ma nememei awariai.
Ma mae-tavirem, ma vinuaboləlai, tauai am taunola.
- 14 Ubaubanai marana patapatai am nuavaina maemaena ma verelai,
da ana morelanai ana logoi ma ai au Mara anatapuna ana vinuajai.
- 15 Madęga biäga u kovogħaj, nuaiai ma verelai
da madegħana biäga a vinuapoapoe ina kovoġi.
- 16 Tauai am taunola, am nola vivirewpanana ma viatataielai.
Ma natnatuiai am boruma ma viatataiei.
- 17 Ma Bada ata God ana vianina ina viatataieta
ma ina kauei da aiwai anatapuna ta kaukuei anona ina tupua.
Nanare ai nola ma viuai.

91

God ata rawena

- 1 Aiai ravana e nena Aidamo Telarana awarina agu aubaina,
lamna Vivirewpanana Kaukauāna au ririvana ina mae.
- 2 BADA au God awarina ana riwa ana pa, "Tam au anigagalo ma au tauviġavia.
Tam au God, a vivitumāġanem."
- 3 Aubaina tauna, ġavia ana waro govagovaġai
ma numa raraububu awarinei ina gagaloemi.
- 4 Tauna papenenei ina tereġovaġimi ma papena au gabaurina ina gagaloemi;
ana viapatutu, am rawena ma am anigagalo.
- 5 Waguvvara kauai vi'ni-rovorovo eġa ona rovoei,
bo ġavia madęgħai e viviġavia,
- 6 bo numa raraububu waguvvara e viviġavia,
bo doria madęgħai e viviġena.
- 7 Avena da rava tausin au ririvam i peu,
bo ten tausin au oiem i peu;
wate tam ita vodadana-avem.
- 8 Matamiei ona inana ma ona inanai
go'apoapoe ravai ai kovoġa.
- 9 Aubaina BADA o vaia ami rawena; Getelarana ami taugagalo.
10 Eġa aiwai apoapoenia awarimi ina tupua bo au numa ina ġeta.
- 11 God ana anela ina terei da ina painimi
ma ina gagaloemi ami au babara.
- 12 Taui uraiei ina voepaim
da aem eġa ġaima au tepana ma rauei.
- 13 Taumi lion ma mota ona vovaiubai,
lion ġaġġaiawai ma mota viviwaiaawai ona tugwadagħwadi.
- 14 God i riwa i pa, "Aiai nuanuau e vaivainonoei, ana vilawani;
ma ana gagaloei, aubaina i aramana-kauei.
- 15 Maranai i kwatu awariu, ana paribelei.
Tau kampa ai au nuabola,
ana taravaini ma ana voepaepai.
- 16 Ai lawana ana vimanaini,
ma au vilawana mamae-nonoona ana viatataiei."

95*BADA tana welei*

- ¹ Ona nei! Tana wela BADA awarina.
 Ana nuaiaita tana wela God ata tauvilawana vivirewapana awarina.
- ² Tana nei au naona ma tana viegualaei
 ma welei tana voepaepai.
- ³ Aubaina BADA lamna God virewapana kaukauna,
 ma god anatapui e inainana-ǵairei.
- ⁴ Dobu anatapuna au urana,
 guba ǵaeǵaei doa ua orana da ola ǵaeǵaei au tepai.
- ⁵ Boga tauna ǵarinei, tauna i kauei
 ma nanare tauna uranei dobu alalana i tere-kauei.
- ⁶ Ona nei ma tana raudune ma tana vimaeḡaeǵaeni,
 ae tututa tana tapegaroei taukaueta BADA awarina.
- ⁷ Aubaina tauna ata God.
 Tauta natunatuna. Ana sipu ma e ǵamoǵamoita ana au wapu.

Mepa da ponana o nonori amadodo,

⁸*E riwei i pa “Eǵa orami ona gudui me amamami au Meribah;
 me au mutulua au Massah.

⁹ Kampa amamami i 'nanai, kauababai a kauei
 wate ǵega ita vitumaganeu, ma i raudadaniu.

¹⁰ Madeǵa 40 wei kimtana awari amlou i ǵaiǵai ma a riwa,
 ‘Wei ravai orai i bagibagi ǵagaǵ!
 Ega ita rarautaniǵaneu.’

¹¹ Ana mejiu a parivainuáǵani,
 ‘Gabu a vokaukauei ami lauvitau aubaina wate kampa eǵa melanai ona rui.’

100*Voepaepa welana*

¹ Rava anatapumi au dobu ona logoimi BADA awarina!

² Ana nuaialmi BADA ona voepaepai,
 ona nei au naona ma ona welei.

³ Ona aramanei da BADA anina God.
 Tauna i kaueta.

Ma tauta tauna ǵarinei. Tauta tauna natunatuna. God ana sipu ma e gagaloeta me sipu
 taupainina.

⁴ Ana welami ana au gari ona rui ma voepaepami
 ana au aniviboru ona rui,
 ma ona vimaeḡaeǵaeni.

⁵ Aubaina BADA i aii;
 natunatuna e vivinuavaina-nonoei,
 ana vipatutu e mamae-nonoa, kimta au anatapui.

103*BADA ana nuavaina*

David i girumi

¹ Orau taputapunei BADA ana voepaepai.

Wavana vivivireina ana voepaepai.

² Orau taputapunei BADA ana voepaepai,
 kaua aiaii i kauei aubaiu eǵa nuuanau ina vuru.

³ Au ǵoapoapoe anatapui e notanota-tawanei,
 ma doria awarinei e vivilawaniu.

⁴ Ata iraǵe ma i sinaepaiu
 ma nuavainei ma raunuapoapoelei e vivigulaueu.

⁵ Au lawana au anatapuna
 purapura aiaii avai i verevereu, au vilaraga marana i raviravivouni me *manubada.

⁶ BADA ana kaua anatapuna jijimanina.

* 95:8: Exo 17:1-7; Num 20:2-13 * 103:5: Manubada tawarana waduboi e peupeu ma vouii e gogogo. Me manubada tawarana voui e gogogo nanare tam au lawana e raviravivouni.

- ⁷ Ana oga Moses i viatataiei,
ma mai Israel BADA ana kaua vivirewapanai i 'nanai.
- ⁸ BADA raraunuapoapoena ma ivina aiaina,
Ega lagilagina amlona ita vōgaīai. Ana nuavaina maemae-nonoana.
- ⁹ Ega mara nonoa ina enita,
ma ana amlōgaīgai ega ita mamae-nonoa.
- ¹⁰ Anina da ita kovāga-kaueta,
wate i rauu'apoapoetelet da kovōga ega gaēgaena ita verevereta.
- ¹¹ Dobu weka ma mara nore au tepadewadewana.
Nanare, BADA ana nuavaina i rata guratana taui da BADA e vivivirei awarii.
- ¹² Mepa madēga e gogolana da mepa e gāgairalana, lamna uama,
ma nanare ata gōapoapoe vinimalana e vaivaitawana-naiei ueia.
- ¹³ Me ama natunatuna e rarau-nuapoapolei,
nanare BADA natunatuna e rarau-nuapoapolei.
- ¹⁴ Aubaina i aramanei da tauta pokaei i kaueta.
- ¹⁵ Ata mara au dobu lamma me modu.
Ta gogogo ma ta rarata me berana moduei;
- ¹⁶ Anina ma ive i uvena-kapupuei,
ega ita mamae, ana gabu i kwakwava.
- ¹⁷ Taui da BADA e voepaepai ana nuavaina maemae-nonoana
awarii ma nanare noinoii ma ai epaepaia awarii
- ¹⁸ taui aiavoi da ana parivainuāgana bagibagina e vovojijini
ma ana patupatutui tarawatu e vovojijini.
- ¹⁹ BADA ana vigulau anikialana au mara i terei,
ma kampa ana vigulau e vivibadei.
- ²⁰ BADA ana anela, vivirewapanami,
BADA riwana o rarautaniganei ma o kaukauei,
BADA ona voepaepai.
- ²¹ Anina BADA ana anela marei,
BADA ona voepaepai taumi ana taunola ma ana gōana anatapuna o kaukauei.
- ²² Taumi anatapumi BADA uranei i kaei, ana au vigulau maemaei, BADA ona voepaepai.
Tau nanare orau taputapunei BADA ana voepaepai.

110

Gulauna vinevinena

David ana wela

¹*BADA au bada wenanare i riwei,
“Au oieu ma kiala

da am gavia
au ae karem ana terei da ma tuvaidoedoei.”

²BADA, am gabemani vivirewapanana Zion* ana parata ina viratai,
da am gavia ma vibadei.

³ Am laraga ana nuaii ina verena-melei da ina visorodia,
ma ona gae BADA ana ola au tepana vīgavia aubaina,
ma ami rewapano ina ravivouni ubaubanai patapataname ubaubanai turuvanina.

⁴BADA i parivainuāganim ma ega nuanuana ina virai;
“Tam pirisi maemae nonoana me Melkisedek.”

⁵ BADA au oiem e maimairi da e paipainim;
tauna gulagulau ina piagi maranai amlona ina gaīgai.

⁶Dobu nununai ai gōa apoapoe ina kovōgi,
ma taubeu dobuna ina vioai
ma dobu gulagulau ina anatapui kolai ina viaigwadagwadai.

⁷ Wate au etanai au vuvura ina uma
ma rewapano ina verei ma ina vovaiuba.

119

BADA ana tarawatu boruborumana

⁹Rava vouna menanare lawana aiaina ina maeni?
Tauna riwamei ina paina-melei.

* **110:1:** Mrk 12:36; Act 2:34-35 * **110:2:** Jerusalem wavana gelauna.

- ¹⁰ Lamna aubaina a baibaiem orau taputapunei;
eğa ma votereu da riwam ana geduaiei.
- ¹¹ Riwan a iaiaivi ma au nuanuau a tereterei,
da eğa ġo'apoapoei awarim ana kaei.
- ¹² BADA, a voepaepaim!
Am tarawatu ma viararamaniu.
- ¹³ Ipiruei ana bababani ma
am tarawatu anatapui u vereverei ana jimei.
- ¹⁴ Am tarawatu votelatelana a vinuaiaina-kauei,
eğa me vipurapura bo vimane.
- ¹⁵ Riwan ana iavi
ma ana vinuanotenotei.
- ¹⁶ Am tarawatu a vinuaiaina-kauei,
eğa riwan ana voteretawanei.

139

Bada anatapuna i aramanei.

David ana wela

- ¹ BADA orau u inanai ma au kaua anatapui u aramanei.
- ² U aramanei mara aiwai a kiala ma a vomairi.
Avena au uama wate au nota e araramanei.
- ³ E inainanai maranai a babara bo au numa a vivilauvitau.
Anatapuna a kaukauei e araramanei.
- ⁴ Muriai da ata babani tam e araramanei aiwai ana latoni.
- ⁵ Tam e garigari-kwaipipiniu,
ma uram virewapananei e paipainiu.
- ⁶ Lamna riwa kauana, awariu i aii kaua
ma i ġe-dewadewa da kolau i kwauna-kauei.
- ⁷ Mepa ana nae da Aruam ana raugovaġei?
Mepa ana ruba da ana raugovaġem?
- ⁸ Ata ġae au mara da tam kampa;
mepa da i 'rairagei ai au dobu ata rauviraiu, tam kampa.
- ⁹ Mepa da ana lave nae au maramatanei,
bo mepa madeġa e neneulai,
- ¹⁰ avena kampa ma uram ina raveniu,
ma am rewapani ina painiu.
- ¹¹ Mepa da ana riwa, "Gimtona ina tereġovaġiu
ma lalalaina ina gimtona."
- ¹² Wate avena da gimtonana amapo eġa ana raugovaġem.
Tam awarim gimtona ina rarana me marai, aubaina tam awarim gimtona ma lalalaina
lamna tagogina.
- ¹³ Tam tupuau anatapuna u voai da alou au manawana u teretagogieu.
- ¹⁴ A viviegualuem aubaina tam am nuavainei ma am borumei u voa-kauei! Am rauġaroġaro
i aii,
A voepaepaim aubaina a aramana-kauei.
- ¹⁵ Tam u vivineneġaneu maranai a tutupupua au govagovaġana, alou au manawana,
tam ainelam anatapuna u aramanei.
- ¹⁶ Tam u inanai muriai da a tupua.
Aupom biaġa u vereu da ana mae
lamna au buka u girumi,
muriai da aupom naona i ġotai.
- ¹⁷ God! I pripiri guratana da am nota ana aramanei.
Am nota kolau i kwauni, eġa aiwai ġelaunei am kaua ana aramanei.
- ¹⁸ I maġa guratana eġa me bubu, iavana ana kauana-avei,
avena da ata iava-pai, tau amapo da tam ana vivinuaninem.
- ¹⁹ Oo God! A ġoie da ġo'apoapoei ravai uta virāġeni.
Tauviraġena uta viaġaġei da eġa ina nei awariu.
- ²⁰ Aubaina e vivijibogim,
ma wavam eġa ita vivivirei.
- ²¹ BADA, rava e gedugeduaiem, tau ravai a gedugeduaiem.
Tau i eġa ita voteletelem lamna aubaina taui au ġavia.

22 Taui a geduaiana-kauei,
anina taui au ġavia.

23 Ma tuvirevireu, ma orau ma inana-pai.

Ma raudadaniu da nuanuau ma aramanei.

24 Mepa da ġoa apoapoe au orau, ma viatataieu,
ma ma raveniu etanai e nenea au lawana maemae-nonoana awarina.

Proverbs Nuaulaula Riwai

Pariverena

Wei au bukana awanaina maḡamāḡau, ma God ana rava e viviararamani da ina mae-kaua. Gulau Solomon maḡamāḡau i girumi ma rava ġelau i ruāga ota i girumi. Orotō e ġoreġorei Agur ġelau i girumi ma gulau Lemuel ġelau i girumi.

Viararamana ġaēgaena tagogi wei au girumana lamna nuaulaula anatapui pulo Godei. Rava nuuanaulaulana au naona God ina vivrei.

Mara au anatapuna ata au animae wei nuaulaulauna e vovoaguita, au melagai, au gabemani ma au nola.

Ma maiteni wei girumana e viviararamanita da lawana aiaina tata maeni, ma kaua aiiai tata kaukauei. Ma avena tata gogulagulau ma tata nola guratana ma ivita ita ai molamolakai awari.

Vinuaterena etana

⁷ BADA vivirana, lamna aramana karena,
Wate opaopai, nuaulaula ma aramana e gedugeduaiei.

⁸ Natu, amam ma alom ai vinuaterena anatapui ma voteletelei.

⁹ Ai vinuaterena lamna me kunuteia au kolam,
bo gadogado au uam
da inanam ina ai.

5

Wavine matana maḡamāḡauna ma vorei

⁸ Wavine matana maḡamāḡauna ma ruba-tawanei!
Eġa ma nae dadana ana au metaeta!

⁹ Mepa da nanare lamna rava eġa ina vivivrem.
Tam am vilaraga ma am lawana aiaina ma vitupoi.

²¹ BADA rava ai kaua anatapui e inainanai,
Metauna etanaina e vaivai, tauna kampa da e inana-vaitetem.

²² Taniġapota ravana ana ġo'apoapoelei ina waro-melei.
Ana ġo'apoapoe tauna ina tupajjini.

²³ Tauna opaopana ma eġa ita paina-melei,
Ana kaua opaopai aubaii i'rāġe.

6

Amam ma alom ai vinuaterenana

²⁰ Natu, amam ma alom ai vinuaterena anatapui ma voteletelei.

²¹ Ma vojjina-kauei au nuuanum; marana patapatai au uam ma gadoi.
²² Maranai e bababara, ai vinuaterena am etanai ina rauġadaġadari.

Maranai e matamatave, ai vinuaterena ina matave-painim.
Maranai u vomairi, ai vinuaterena awarim ina babani.

²³ Aubaina wei tarawatui lamna rampa.
Wei viararamana lamna ravilala, etanaina e lalalai.
Nuaterena bagibagina lamna lawana aiaina etanaina.

²⁴ Taui ina aguim da wavine matai maḡamāḡau ma vorei,
ma wavine tavitavinena ana gwalameru.

²⁵ Eġa wavinena inana aiaina ma erawai.
Eġa! Ma voterei da matanei oram ina taini da ina waroim.

8

BADA nuaulaula i terei

Nuaulaula e ririwa,

²² “Au karena, BADA tau i tereu.

Muriai da aiwai ġelauai i kaei.
 23 Tau kampa au kare oina,
 muriai da dobu.
 24 Tau a tupua muriai da BADA gabinou i kaei,
 muriai da waira vuvura i kwakwa-ġetai.
 25 Tau a tupua muriai da ola,
 muriai da ola muomuoai au gabu i terei, tau kampa.
 26 Muriai da dobu bo wapu
 bo doa pokauna.
 27 Tau kampa maranai mara ana au gabu i terei,
 maranai parata i taini da mara au tepana ma boga au gabaura.
 28 Maranai apau i terei au mara
 ma vuvura doa au orana i votawanei.
 29 Tau kampa, ma boga ana parata i terei
 ma i egari da nai paratana ega ina raġoni.
 Tau kampa, maranai dobu oġona i tonana-naiei.
 30 Nai marana tau BADA au ririvana a mamae me tauvioga,
 marana patapatai a vinuaianini ma tau a vinuaiai.
 31 A vinuaiai kaua maranai dobu i kaukaueia a inanai,
 a vinuaiai kaua maranai rava a inanai.”

9*Nuaulaula ma opa*

¹ Nuaulaula ana numa i voai
 tuatua ġaegħae 7 i tai ana numa aubaina.
² Torela ġaegħaena i apui,
 sia i api ma wain aiai i waġi ma keparek i vokaukauei,
³ ma ana taunola ġelauai i paritawanei,
 au deba da i viġoreġore,
⁴ i riwa i pa, “Taumi ega notanota kauami ona neil”
 Ma opaopai i riwei,
⁵ “Ona neil au lam ona ani
 ma wine a viravirai ona umai.
⁶ Ami lawana opaopai ona voterei
 ma ona lawana,
 ma aramana lawanana ona maeni.”

13

¹ Tevera nuaulaulana Amana ana vinuaterena e nonori,
 wate tevera maeġaġaena vinuaterena e gedugeduaiei.
⁴ Mata-galagalawana purapura e raurauoġarei ega ina vaia,
 wate egoegolana ana ġoana aiwai anatapui ina vaia.
²⁴ Aiai natuna ora-potapotana ega ita kwapukwapui, lamna natuna nuanuana ega ita vaivaia.
 Wate aiai da natuna nuanuana e vaivaia lamna ina viararamani.

17

²¹ Ama tevera opaopana i vinatunei lamna nuabola ava e vivitupui,
 laragħana amana awarina ega nuaiai.

20

⁴ Rava mata galagalawana e paepaewa labalababa, ega iri ita votaġoġi;
 tuaruta ana mara e baibaia ma ega aiwai.

22

⁶ Natunatumi lawana aiaina ona viararamani, da maranai i vorata,

nai lawanana ega ina voterei.

23

- ¹³ Natum e viviorapota ega ma inana-tawanei,
boreborelei u kwapui Amapo ega ma viraġeni.
¹⁴ U raukwapui
lamna iraġe awarinei u gagaloei.

24

- ³⁰ Rava mata-galagalawana ana wapu adanei a nae,
ravana opaopana ana grape wapuna au ririvana.
³¹ A inanai da modu i gogo-nae,
ma donadona wapuna i vioai.
Ma ana gari, i wanarikarikai.
³² Lamna a inanai ma a vinua-notanotei.
A tuvireirei ma wei i viaramaniu.
³³ Matam ma potai, ma rauviraim.
Wapu nolana avena, uram au nuanuam ma terei ma ma matave.
³⁴ Ma gomara ina ravim me taudanene;
anatapuna ina pupuni.

26

- ¹³ Rava mata-galagalawana e ririwa, “Gamoġamo ġaiġaiawana au doa! Ĝamoġamo ġaiġaiawana
au etanai!”
¹⁵ Mata-galagalawana lam au urana e vaivaia
wate ega ina voepai au gamona.

29

- ³ Aiai ravana nuaulaula i ġoana-guratei, nuaiai ġaeġaena amana e vereverei.
Wate aiai da etanai waivinei maiteni e nenei lamna ana mane ma ana purapura
anatapuna e vikalokaloei.
¹⁵ Kwapu ma nuaterena riwai, natum nuaulaula e vereverei.
Wate tevera ega viaramanana, alona e vivitepaubaubai.
¹⁷ Natunatumi ona vinuaterenei, da mara nonoa awarim nuauba;
ma oram ina vinuiaini.

31

Wavine aiaii kaukauana

- ¹⁰ Mepa nanare wavine aiaina ma egoegolana uta nelāġai?
Wavinena i vinualaulauna kaua ega me ġaima lebalebarina maiana ġaeġaena.
¹¹ Orotu awana i vitumāġanei,
ma ega aiwai ina voladagei.
¹² Wavine, kaua aiaii ma ega kaua apoapoe ita nenei awana awarina
ana lawana au anatapuna.
¹³ Wavine sипу aparana ma waiape i vaia
ma i vinuiai da ina rauġaroġaro.
¹⁹ Wavine sипу aparana ma waiape ina metani
ma gara ina ġaūġauri.
²⁰ Ana numa ma orana i votawanei
molamolakai ma vovoladagħi awarii.
³⁰ Erawa lamna kaua morumoruna

ma inanana aiaina ina amo;
wate wavine BADA e vivivirei, rava tauna ina voepaepai.
³¹ Wavinena ina voepaepai aubaina i kauana-kauei.
Rava anatapui, wei wavinena ona voepaepai.

Ecclesiastes Tauviararamana

Pariverena

Aiai da wei bukana i giruma lamna ega wavana tata aramanei. Wate rava gelaui e ririwa da gulau Solomon i girumi. Ma aiai i girumi lamna anina da rava araramanina. E ririwa da wavana lamna *tauviararamana*. Aubaina purapura vopiripirii e bababaniei. Rava maiganagaui God ega ita aramanei aubaina da i goei da ina baei da aiwai e tuputupua. Wate anona ega ita nelenagai. Tauviararamana wei ravai ai nota e ririweta. Mara gelauna rava aiwai i kaukauei lamna ega anoi Ma e ririweta da wei kauai lamna me ive tata viagagei. Rava i nelaagi da lawana wei au dobuna lamna anona ega aiwai.

Tauviararamana ana giu

¹ Wei lamna tauviararamana, David natuna, mai Israel ai gulau ana viararamana;

² Tauviararamana i riwa, “Anona ega!

Anatapuna kwakwavina!”

³ Ma nolanola da ma magura ma anona aiwai?

⁴ Kimta e nenei ma e nene,

wate dobu maemaena e mamae.

⁵ Madega e gogogo ma e areare,

ma e wanawanavirai da ina vikarena-melei.

⁶ Kariwabu e gotagota,

rauanaga e opuropu,

e kwavikwaviviro

ma e wanawanavirai da ina vikarena-melei.

⁷ Waira anatapui au boga e opuropu,

wate boga ega ita oaoai.

Waira matanei,

e gaigairai ma e nene me au matana.

⁸ Kaua anatapuna i vinigarigari,

menanare tana riwa nei?

Matata ega melanai ina inana iaua;

Taniqata ega melanai ina nonora iaua.

⁹ Aiwai wariaiga i tupua ina tupua me,

aiwai wariaiga i kaei ina kauana-melei.

Ega aiwai, kaua vouna wei au dobuna!

¹⁰ E ririwa, “Ona inanai! Wei kaua vouna.”

Wate ega! Wei kaua maemaena;

wariahana, muriai da ta tupua.

¹¹ Kaua wariaiga i tuputupua, ega aiai ita notanotai.

Ma kaua marina da muriai e tuputupua, ega aiai ina notai.

Nuaulaula anona ega

¹² Tau lamna tauviararamana ma Israel ai gulau au Jerusalem. ¹³ Orau a terei da aiwai anatapuna au dobu e tuputupua, nuaulaulei ana girumi. Ma a aramanei da God vita gaegeaena rava i verei. ¹⁴ Aiwai e tuputupua au dobu a vinua-notenotei ma a inanai da;

anatapui anona ega, kwakwavina. Ive ava ta viviagagei.

¹⁵ Aiwai barabarai amapo ega ma vojjimana-melei,

aiwai awarim ega, lamna menanare ma iavanei.

¹⁶ Au oraou a riwa, “Tau a nuaulaula guratana,

ega me aiai gelauna au Jerusalem i vivigulau nanare.

A'ramanei nuaulaula aiwai ma aramana aiwai. ¹⁷ A goei da ata aramana-kauei nuaulaula aiwai ma bua ma opa aiwai.

Wate a aramanei da wei lamna me ive a viviagagei.

¹⁸ Aubaina au nuaulaula e rarata, mae-boaboa e rarata

au aramana e rarata, au nuabola e rarata.”

¹ A vinotanota a pa, "Abeka nuaiai ana baiei, ana raudadani, da i aii bo ega." Wate a nelagai da wei lamna kwakwavina. ² Lamna aubaina a riwa da kaka labalababa ma erawa lamna bua. Ma erawana aiwai aiaina e vereverem? ³ Nuaulaula a goana-guratei, ma a goei da wine ata umai da orau ita telatela ma kaua opaopai ata kaei, da ata aramanei metauna i aii rava au dobu awari, maranai mara tupona ava au dobu e mamae.

⁴ Kaua gaegei a vikarei, au numa gaegei a voa-naiei ma grape wapui a paewi. ⁵ Wapu da peipei a kaei ma ai uauai tapuna ma tapuna a paewi. ⁶ Dogo a garai da garewa ma wapaketa i vojjini, lamnei wei wapui a vivituvane. ⁷ Awariu taunola au numa tuputupuai, ma taunola magamagau nelarai ma waivinei a gimarai. Au bulumakau ma sипi i maga guratana ega me aiai gelauna au naona au Jerusalem nanare. ⁸ Awariu gold ma silver gaegaena ma nanare dobu gelauna au naona au Jerusalem nanare. Ma wei anatapuna au orana au nuaulaula i mae-kaua.

¹⁰ Aiwai a inanai ma a rauogarei a vaia,
anatapuna a notai da ita vinuainiu.

Au nola anatapui a kauana-kauei,
ma nuaaina lamna au nola maiana.

¹¹ Anina ma aiwai anatapuna a voavoai ma a polepolei, a vinua-notenotei
ma a aramanei da wei anatapui lamna anona ega,

lamna me ive ata viviagaei wei au dobuna
amapo ega aiwai tana vaia.

Nuaulaula i aii ega me bua

¹² Nuaulaula, bua ma opa anoi a vinua-notenotei.
Gulau ana raviepaia, aiwai gelauna ina kauei?

¹³ Ma aramanei da nuaulaula i aii kaua ega me opa,
ma lalalaina i aii kaua ega me gimtona.

¹⁴ Rava nuaulaulana matana au kolana e mamae
wate opaopana waguwaguvareina e bababara.

Ma aramanei da ravai ruagai ai damona tagogi.

¹⁵ A vinua-notanota a pa, "Tau ma opaopana ai damona tagogina.
Au nuaulaula aiwai gelauna ina vereu?"

Au nota a pa, "Wei maiteni anona ega."

¹⁶ Rava nuuanuaulaulai lamna me rava opaopai
amapo nai ravaii nuauata ina vuru.

Kapore! Rava nuaulauluna ma rava opaopana e irairaage.

¹⁷ Tau lawana a geduae, au dobu aiwai anatapuna ta kaukauei iniviara ava e verevereta.
Anatapuna kwakwavina, me ive taviviagaei.

Bagibagi gaegeaena ega anona

¹⁸ Anatapuna au dobu a polepolei a geduae, aubaina nai ana voterei, da rava au muriu e nenei aubai. ¹⁹ Ma aiai i aramanei da tauna rava nuaulaula bo rava opaopana? Wate tauna aiwai a polepolei ma au aramanei a vitupui ina vaia. Wei anona ega. ²⁰ Au bagibagi anatapuna wei au dobuna a notai ma orau i peu. ²¹ Aubaina rava ana nuaulaulai ma ana aramanei i nola kaua, da i maura ma anatapunana ina voterei da rava gelauna, ega taunoleina ina vaia. ²² Marana patapatai nola ma nuabola inina e viviarei au dobu ma aiwai ina vitupui? ²³ Tauna ana nola da iniviara ma nuabola; waguvarei maiteni ega ita matamatave. Wei maiteni ega anona.

²⁴ I aii da rava ita am ma ita uma ma ana nola ita vinuiae, ma a inanai da vinuiae lamna God uranei. ²⁵ Aubaina God ega. Lamna ega am ma ega nuaiai. ²⁶ Aiai God e vivinuiae, God tauna nuaulaula, aramana ma nuaiae, e vereverei. Wate goa apoapoe ravana ana nola i verei da mane ma maura gaegeaena ina vitupui, Wate God nai maurana ina vaivaitawanei ma aiai e vivinuiae ina verei. Goa apoapoe taukauei ai nola lamna kwakwavina, me ive i taviviagaei!

3

Aiwi anatapui ai au mara e tuputupua

¹ Mara ma iri i terei da aiwai anatapui au dobu ai au mara e tuputupua.

² Vinatuna ana mara ma iraage ana mara
paewa ana mara ma tuaruta ana mara.

3 Virāgena ana mara ma vilawana ana mara,
 amrika ana mara ma voa ana mara.
 4 Tou ana mara ma kaka ana mara,
 mogu ana mara ma ara ana mara.
 5 Ģaima viorerena ana mara ma tama melanana ana mara,
 taragwaba ana mara ma ēga taragwaba ana mara.
 6 Baia ana mara, ma baia voterena ana mara,
 ma purapura vojijinana ana mara ma purapura vineboana ana mara.
 7 Sika ana mara ma popo ana mara,
 genuana ana mara ma babani ana mara.
 8 Nuavaina ana mara ma ġoāgai ana mara
 viġaiġaiawa ana mara ma nuauba ana mara.

4

9 Rava ruāga i aii ēga me rava tagogi,
 aubaina taui ina viagu vivira ma maura ina nelāgai.
 10 Mepa da tagogi ina peu, turana e mamae da ina voepai.
 Wate tam ainelam ma u peu lamna i apoapoe kaua,
 aubaina kampa ēga aiai da ina voaguim.
 11 Ma nanare mepa da rava ruāga i matave tagogi, taui ēga inii ina ubauba.
 Rava tagogi menanare ainela ina vibolabola-melei?
 12 Am ġavia, ainelam ina viġaviem ma ina vovaubaim, wate maranai taumi ruāgami
 e viviġaviem amapo ona vobelei.
 Ma rava tonuāga i virewapano kaua me ġurava barawa tonuāei metametanana.
 Wei ġuravana viaitunana ma kauana-avei.

5

10 Aiavoi mane nuanuai e vaivaia ēga melanai nuanuai ina rauei;
 aiavoi e goeġoei da ina vipurapura;
 taui ēga melanai ai rauoġara anatapuna ina vaia.
 A inanai da wei anona ēga.
 11 Maranai am maura e rarata,
 lamna maranai patara e ġegetai da e amam vereverem.
 Wate wei maurana aiwai aiaina e vereverem?
 Ēga aiwai, anina e viataim da tam maumauram, wate rava ġelauna am maura
 ina tawanei aubaim.
 12 Taunola e amam kaua bo ēga,
 wate e matamatave kaua.
 Mane ravana ēga nanare, tauna ana maura e notanota-maratomei.
 13 Au dobu kaua apoapoe kaukauana a inanai;
 Mane ma purapura ravana ana maura au anara e tereterei muriai aubaina. Wate wei
 lamnei, ana nuabola ġaēgaena i tuarui.
 14 Ana mane ma ana maura i kauana
 labalababai ma anatapuna i vine-boai.
 Natuna ēga ana buderi ita terei.
 15 *Menanarena dobuna ta ruinei
 nanarena tana nae me, kovakovata ma ana ura kwakwavita.
 Amapo ēga ata purapura, ta vopolepolei tana vinimavoei.

7

15 Au lawana kwakwavina au orana kaua ruāga a inanai;
 Rava aiaina BADA ana nola e kaukauei i'rāge laġilägħina
 ma ġo'apoapoe taukaueina God ana tarawatu e viviaigai wate ana lawana i manawa.
 16 Lamna aubaina ēga ma viġoā aiaina guratana bo ma vinuaulula guratana,
 mepa da ma virāgena-melelem.
 17 Wate nanare, ēga ma vitaniġapota guratana

* 5:15: Job 1:21

ma ega ma opa;
 ega ita ai da ma irage muriai da am mara.
¹⁸ I aii mepa da wei riwai bagibagina ma nonori
 Aiai God e vivivirei lamna ina paina-melei
 da wei kauai ruaiga ega ina kaei.

¹⁹ Rava nualulaunana tagogi rewapana gaegeaena ina verei
 ega me gulagulau 10 au taon.

²⁰ Riwa kaua! Weka au dobu ega aiai tagogi kaua aiaii ava taukaueina.
 Ma ega go'apoapoe ita kauauei.

8

¹⁶ A goei da nuanuau ita ulaula lamna aubaina rava ai mae au dobu a inanai, ma lamnei a aramanei da marai ma waguvuarai ega matave kaua. ¹⁷ God aiwai i kauauei ega ata aramana dadanei. Ma voguratei da ma nelagai, wate amapo ega ma aramanei. Nuaulaulai e ririwa da i aramanei, wate egateni dadana.

11

Ami au vilaraga ona vinuaiai

⁹ Laralaraga, ami vilaraga ona vinuaiae.
 Nuanuami ina morelana ami au vilaraga.
 Orami ma matami ana rauoiga ona kaei.
 Wate ona aramanei da aiwai o kauauei
 God ina etaremi, anatapuna aubaina.
¹⁰ Lamna aubaina nuabola au murimi ona terei ma tupuami ona paina-melei,
 aubaina amapo ega ona vilaraga nonoa.

12

¹ Ami au vilaraga, taukauemi ega nuanuami ina vuru,
 muriai da nuabola ona nelagai;
 maranai magura i tugeregerei,
 ma ona riwa, "Lawana marina ega ita ai!"
² Lamna maranai madega, nawaravi ma ubona ina guvai,
 ma apau ina nememei da mara ina guva-nonoei.
³ Anina ma nimami, taugagaloemi ina sisi
 aemi marina vivirewapanana ina vokokokara.
 Ivomi ina viruaga da ami lam ega ona uta gwadagwadai,
 matami ina vinawanawa da ega ona inana kaua.
⁴ Taniigami ina pota da gugura au etanai ega ona nonori,
 kiu ina logologoi ina ravidagudaguimi wate ai wela anatapui ina amoai.
⁵ Taukauemi ona vinuanotenotei:
 Maranai aidamo ona gagatei ma babara ona rovoei,
 maranai kora ina tonaimi me rei talana,
 ma tam ma gwaiga-nae me kapau e gwaigwaga-nae irage aubaina.
 Erawa ma morelana anatapui ina kwa. Tauta kokoaga ta tugeregerei ma tou ina vikarei
 au doa.
⁶ Taukauemi ona vinuanotenotei,
 muriai da lavutu guravana ina wanautuini,
 bo nau goldei ina wanawamai
 ma redugoru ina wanakabakabari.
⁷ Ma tupuami ina naeme au doa
 ma aruami ina naeme God, tauverena awarina.
⁸ Tauviararamana i riwa, "Anona ega! Anona ega!
 Anatapuna anona ega."

Damona, God ma vivirei ma riwana ma voteletelei

⁹ Tauviararamana nuanuana i ulaula kaua, ma aiwai i aramanei rava i viararamani. Riwa nuaulaulai magamaigaui i 'avi ma i girumei ma i rerega-kauei. ¹⁰ Tauna riwa vinuaubana i baiei ma aiwai i girumi lamna jijimanina ma ririwa-kauana.

¹¹ Tauviararamana riwai lamna me kwapu ma riwa nuaulaulai i gam me tutu, nuanuam ita tonatonai. Wei anatapuna BADA i vereta. ¹² Anina natu, ma aramanei da kaua ġelaui ma inana-kauei. Buka girumai eġa ina kwa ma giruma ġirigiri i vinigarigari.

¹³ Wei anatapui au murina.

Riwa tagogjava ma aramanei:

God ma vivrei ma ponana ma voteletelei.

Wei lamna aubaina rava i vitupui.

¹⁴ God ata kaua anatapui govagovagai,
aiaii bo apoapoe, ina kovoġi.

Peroveta Isaiah ana buka

Pariverena

Wei bukana lamna peroveta ġaēgaena au Jerusalem i mae tana riwa 750 BC. nanarena, wavana Isaiah. Bukana iavana tonuġa:

Kapita 1-39 e ririweta da mai Assyria ai gulau ma ai sorodia vivirewapanai dam ġelaui Israel ma Judah au ririvai i vipupuni. Gulagulau Israel ma Judah i vibadei.

Kapita 40-55 lamna mai Babylon ai gulau mai Judah i vipupui ma i pupuna-naiei da au Babylon. Perovetana i vinuaubai ma i riwei da God ina naiana-melei ma lawana vouna ina verei.

Kapita 56-66 lamna mai Judah i nememei au Jerusalem. Ma perovetana God ana ogatara Jerusalem ravai aubaii e bababaniei.

2

BADA ana ola

¹ God ana pariverena, Judah ma Jerusalem aubaii wenanare, Isaiah - Amoz natuna i verei.

² Mara au murina,
ola mepa tempol marina e maimairi, ina mae-nonoa.
Ina ġetelara kaua eġa, me ola ġelaui.
Dam nununai patarai ina taini kampa da ina voepaepa.

³ Dam patarai ina nei ma ina riwa,
“Ona nei, tana ġae BADA ana au ola,
Jacob ana God ana au numa.

Weka ana kaua ina viararamanita
da au ivina tana babara.
Aubaina BADA Riwana au Zion da ina opu,
BADA ana tarawatu Jerusalemei ina opu.

⁴ Tauna dam ġaēgħe ai viġaiġaiawa īna rauetarei,
ma ina kovoġa.
Ai sod ina guda-virai da ipa uata,
ma ai pawasi ina guda-virai da naipi i raġarāġai kosii aubaii.
Dam damai eġa ina viġaiġaiawa vivira me,
bo ina vokaukaua, ġavia Aubaina.

⁵ Ona nei Israel natunatui, BADA ana au ravilala au ivina tana babara.”

5

BADA ana grape wapuna welana

¹ [◊]Ona rautanigħana ma au nuavainana ana wela ana ravi.
Au nuavainana ana grape wapuna i paewi,
doa au maumaurana, ola au barana.

² I auni ma ġaima i viopuni ma i gari
ma grape ġorōgorovai aiai, avavai, i paewi.
Violaġa numana i voai

ma nanare wine anigudana i bori au kira.
Anina ma i vipaipai da grape uena aiai ita verei,
Wate grape anatapui i viġora.

³ Marina taumi Mai Jerusalem ma Mai Judah,
Tau ma au grape wapuna ona babinie!

⁴ Aiwiġ ġelauna eġa ata kauei au wapu?
Anatapuna a kauana-paiei!

A notai da grape uena aiai ita vereu wate viviġorai i vereu.

⁵ Marina ana riwem,

wenanare ana kaei au wapu awarina.
 Garina ana viairikarikai da gamogamo ina rui
 Ma wapuna ina ġara-viravirai.
⁶ Ana voterei da modu ura gogoi ina vinelana
 ma ega alai grape ina taragadagadari
 bo modu ina tuparaguragui.
 Modu ma donadona, wapuna ina puru-pai.
 Apau ana egari da ega kampa garewa ina atuna.

⁷ BADA Vivirewapanana Kaukauana
 ana grape wapuna lamna, Israel
 ma grape ġorōgorovana ae tuġuna e rereregħ;
 lamna ana dam mai Judah,
 I notanotai da lawana aiaiā ita maeni
 wate i 'nanai da tara i vitoini;
 kaua jijimanina ita nelaġai
 wate viġaiġaiawa gararai i nonori.

6

BADA Isaiah i ġorei da ina viperoveta.

¹ Madegħana gulau Uziah i raġe, tau Bada a inanai. Tauna ana au anikiala, au aidamo telarana i kiakiala ma ana gara adana tempol i vioai. ² Au ririvana lamna Seraph ruāga. Tagotagogi ava papei six; papena ruāgei naoi i purui, ruāgei aei i purui ma ruāgei, i lavelave.
³ Ma tauiava i viġoreġgore vivira;
 "Vivivirem, vivivirem, vivivirem tam BADA, Vivirewapanana;
 Dobu anatapuna am boruma i oai."

⁴ Ponai gugurana tempol tuatuana i gu ī ma bau tempol i vioai.
⁵ Ma a riwa, "Aio! A kauana-boai! Babani apoapoei gamou i vimiramirai, ma rava gamoi miramirai au poui a mamae, wate matauei gulau, Bada vivirewapanana kaukauana a inanai."
⁶ Ma seraph tagogi incense aniapuna au tepana ai moniana i kavini ma i lavenei awariu.
⁷ Ma ai monianei gamou i vodadani ma i riwa, "Ma inanai, wei ipirim i vodadani; am apoapoei vinimalana i vaitawanei ma am ġo'apoapoe i notatawanei."

⁸ Anina ma BADA ponana a nonori i riwa i pa, "Aiai ana paritawanei? Aiai aubaita ina nae?"
 Ma a riwa a pa, "Tau weka. Ma paritawaneu!"

7

Immanuel ana mataira.

¹⁰ Muriae, BADA, gulau Ahaz i riwana-melei i pa, ¹¹ "BADA am God ma vibagħi da mataira piriġirina, doa au ipu dewadewana, irairagei ai au animae bo mara au tepea dewadewana, ina viatataiem."

¹² Wate Ahaz i paribelei, "Tau ega Bada ana vibagħi mataira aubaina. Ega atà ġoiei da Bada ana raudadani."

¹³ Ma Isaiah i riwa i pa, "Gulau David ana epaepaia, ona rautaniġana kau! Taumi ami orapotei rava orai o vivibadoi ma marina o ġoiei da kauana tagogina ona kaei Bada awarina bo? ¹⁴ Lamna aubaina Bada ainelana mataira ina viatataiem: Matatapu ina duama ma tevera orotona ina ġuni ma ina viwawai Immanuel." Wei anona God tauta maiteni.

9

Awarita tevera i tupua

¹ Taui i vivinu'apoapoe, ai vinuapoapoe ina kwa. Rorova dobu Zebulun ma dobu Naphtali i kwalai* ma i vinimalalamai, wate muriae dobuna ina viboruma-kauei. Galili, jentail ai dobu, au boga Mediteranean ina vikarei da maramatanei ina nae da waira Jordan au baba ġelauna.

² Taui wagwaguvareina taubabarai

 lalaina ġaegħaena i 'nanai;

* **9:1:** I pupuna-naiei au Assyria i vianipani

Taui gimtona taumaenina[†]
 awarii lalalaina i lalai.
³ Tam ai dam u vimaḡai
 ma ai nuaiai u viratai;
 am viturana i vinuiaiae;
 me tuarau au marana e vivinuaiai,
 me sorodia e vivinuaiai,
 maranai, ġavia purapurai i tuarui, e ġutaġutai.

⁶ Aubaina, awarita tevera i tupua!
 Tevera orotona i vereta!
 Tauna ina vibada.
 Tauna ina ġorei:
Tauvinuaterena Aiaii telarana, God Vivirewapanana;
Amata Maemae Nonoana; Nuauuba Badana.

⁷ Ana vigulau ma ana nuauuba ina tua,
 eġa damona ita mame.
 Noina Gulau David ana au vigulau gabuna ina kiala,
 ma nuavainei ma jijimaninei ina vibada kaua;
 Ina mae-nonoa, marina da mara au damona.
BADA VIVIREWAPANA KAUKAUANA
 ana nuavainei wei anatapuna ina kaei!

11

David ana epaia

¹ Me ai tuġutuġu ita nabinabi
 Mara e nenei maranai Jesse ana damei gulau ina nei.
² Ma BADA Aruana tauna au tepana ina rau ei da:
 Nuaulaula ma aramana ġaġġena ina verei,
 ana oġa tara aiaina ma tepa tora ina verei, da ana rava ina paina-kauei.
 BADA ina aramanei ma ina vivrei.
³ Bada votelatela, lamna ana nuaiai ġaġġena,
 ma eġa kaua tepana inanana bo viarautu awarinei, ina kovoġimi;
⁴ Tauna molamolakai ina rauetarana-kauei,
 ma vivinuapoapoe au dobu aubaii ina mairi.
 Ma gamona bolabolana dobu ina kovoġi,
 ma ponanei ġo'apoapoe ravaai ina viraġeni.
⁵ Tauna kaua jijimamina ina vijiġorati
 ma patutu ina vitairoroei.

⁶ Nanare auou moduei sипу natuna maiteni ina mae,
 ma leopard gote ġaubona au ririvana ina matave,
 nanare cow ma lion natunatui ina laba-tagogi;
 ma tevera ina viġamoġamo.
⁷ Bulumakau ma bear ina am tagogi,
 natunatui ina matave tagogi,
 ma lion gidagida ina ani me bulumakau.
⁸ Tevera daradarana mota ana au nibo ina vikalokalo
 Ee! Ma tevera edaedana mota aiara ana au nibo, urana ina tereġairei.
⁹ Au Zion, au ola vivivireina eġa aiwai ina vikeroi bo ina viapoapoeni.
 Aubaina BADA aramanana
 dobu ina vioai, me waira boga e vivioai.

¹⁰ Nai maranaina gulau vouna, Jesse ana damei,
 ina vomairi da ina vimataira dobu au ana tapuna.
 Dam ġaġġei anatapui ina deri ġeta awarina, ana au animae boruborumana.

35

Etanai Vivivireina

[†] 9:2: Irage paratana

- ¹ Mutulua ma dobu poipoina ina vinuaiai,
dibu dariaga ina vinuaiai ma ina talai!
- ² Berana ina numoi,
ma ina vinuaiai ma ina logologoi!
Inanana i vinualaulauna me Lebanon olai
ma ana maura me Carmel olana ma Sharon wapuna.
- Kampa BADA ana boruma rava ina viatataiemei,
BADA ana vigulau ina inanai.
- ³ Ura vogarigarii ona vovaibagi,
ae tutu gwaagwaagana ona vovaibagi;
- ⁴ Rava rovorovoi ona riwei,
“Ega ona rovo! Ona virewapano!
Ona inana! God ana mejina e nenei;
da ami gavia ina vipupui.”
- ⁵ Ma mata potapotai ina inana
ma taniiga potapotai ina nonora
- ⁶ Gwaagwaagai ina viauauepa me deer, ma gumgum ana morelanai ina vigaragararei.
Waira au dobu dariaga ina wanaiwagi,
ma vuvura ina raupaipairei.
- ⁷ Doa paipairana ina vitopa
vuvura ina raupaipairei
au dobu dariaga,
modu ma gonu ina gogo labalababa auou moduei ana au animae.
- ⁸ Ma kampa etanai gaegeena e goregorei *Etanai vivivireina*, ina mae.
Etanaina lamna taui God ana babara e nenaeni, taui ava aubaii,
Rava orai miramirai ega ina babarani.
Bubuai weka ega ina babara dadana.*
- ⁹ Ega lion bo raviuri kampa ina babara.
Ega gamogamo gaigaiawai kampa ina mae
BADA rava i vivilawania,
taui ava kampa ina babara.
- ¹⁰ BADA aiavoi i gimara-melei wenanare ina nememei
ana welawelai ina rui au Zion
Nuaiai maemaena ina vikunutieei,
nuaiai ma morelana gaegeena ina peu au tepai,
nuabola ma iniviara ina amoia.

40

God ana rava ina vinuaubai.

- ¹ Ami God e ririwa, “Au rava, ona vinuaubai!
Nuauba riwai ona riwei.”
- ² Riwa egolanei mai Jerusalem ona riwei
oma riwei da ai vinuapoapoe marana i kwa,
ai go'apoapoe i nota-tawanai.
BADA ai go'apoapoe i vimaiei mara ruaga.

³*Rava e vigoregore;
“BADA ana aninae au mutulua ona vokaukauei!
Etanai jijimanina ata God aubaina au mutulua ona kaei.

⁴ Gwagwa ona dobo-naie,
ma ola anatapui ona gara tawatawanei
doana anatapuna ona vimataveni,
ona gara-labogi.

⁵ BADA ana boruma ina viegai,
ma rava anatapui ina inanai.
Lamna BADA gamonei i riwal!”

⁹Zion, tam pariverena aiaina e garagararei.

* **35:8:** Bo avena da ai nota i aburu, taui ega ina kwako. * **40:3:** Mrk 1:3

Ma ġae ola ġaeġaena au tepana
 ma ponam ġaeġaenei,
 pariverena aiaina ma raugugulei
 ma eġa ma rovo!
 Taon ġaeġaei Judah au paratana ma pariverei,
 “Ami God e nenei!”
¹⁰ Ona inana BADA God ana rewapanana
 e nenei da ina vibadeta.
 Ona inanai! Maiana, lamna rava i vivilawania, maiteni e nenei.
¹¹ [◊]Ana rava ina ġamoi me sipu tauġamoina,
 ana sipu natunatui au nuanuana ina raparapai.
 ma tatauvao ina ravenna-kauei.

42

BADA ana taunola.

¹ [◊]BADA i riwa,
 “Wei au taunola, a vinei,
 a vovaivirewapani ma a vinuaiae.
 Aruuau au orana a terei
 ma tauna lawana aiaina, ma kaua jijimanii ina neiai dobu au anatapuna.
² Tauna eġa ina garara
 bo ponana ina rata au deba.
³ Rava me gonu barabaranā eġa ina gai,
 bo rava me wiki tupona eġa ina boi.
 Wate lawana aiaina ma kaua jijimanii ina neiai dobu anatapui awarii da ai lawana.
⁴ Eġa orana ina peu bo ina vokokokara,
 lawana jijimanina ina terei au dobu;
 bonabona ravai ueia nanare, e vivipaipai.”
⁶ [◊]“Tau BADA jijimaniu, a vinem ma ana vovaivirewapanim da lawana aiaina ma neiai;
 ma ana raunimavoaim ma ana gagaloem.
 Tamei, parivinuagħana bagibagina rava anatapui au dobu maiteni ana kauei,
 ma vilalaina jentail awari.
⁷ Ma mata-potapotai matai ma vikalai;
 ma ravai au panipani numana;
 nai taui gimtonta maemaei ma tereopunei.”

49

BADA ana taunola

³ BADA i riweu i pa,
 “Israel tam au taunola ma tamei au boruma ana vieġai.”
⁵ Au manawa ma BADA i vineu da ana taunola;
 da ana rava mai Israel kwakokwakoi ana neiana-meleiaw arawina.
 BADA i vimaegħeġġeniu;
 Tauna au rewapanā.
⁶ [◊]I riweu “Au Taunola,
 Jacob ana dam ma voepana-melei ma
 mai Israel kwakokwakoi ma neiana-meleiaw; lamna nola aburuna.
 Wate nola ġaeġaena a vereverem;
 lalalaina ma naieħi jentail awarii
 ma lawana mamae-nonoana ma naieħi da dobu au già dewadewana ina ġeta.”
¹⁴ Wate mai Jerusalem i riwa,
 “BADA i netawaneta! Tauta nuanuana i vuru”
¹⁵ Ma Bada i paribelei,
 “Moina! Tatauvao natuna melamelana au ġuġuna, nuanuana ina vuru bo;
 bo natuna i ġuñiġunia nuanuana ina vuru

Mepa da alo nuanuana ina vuru,
wate tau, ega nuanuau ina vuru!”
 16 Jerusalem ega melanai nuanuau ina vuru
Ona inanai! Wavami, au ura lapalapau a rurui.

50

BADA ana taunola patupatutuna.

4 BADA God i viararamaniu aiwai ana latoni,
da gokokokarai ma peupeui ana vovairewapani.
 Ubaubanai patapatai e ravidagudaguiu,
ma taniāau a tonetonei da
ana rautaniāganana ma ana viararamana kaua.
 5 BADA God aramana i vereu
ma ega ata pariāaei bo ata mae-puputei.
 6 *Uporau a verei da i kwapu-kauei,
ma a voterei da mutuorou i amui.
 Ega naou ata govaġi maranai i vinimalamalaiu
ma naou i ovai.

7 Wate BADA God au muriu e maimairi,
lamna aubaina ega ita vitepaubaubaui.
 A vokaukaua da ana nebelei,
aramanei da ega ina vinimalamalaiu.
 8 God au ririvau, ma ina vitaubabani aubaiu.
 Tauna ina riwemi da tau ega aiwai ata kauana-boai.
Aiai ina viwavuiu?
 Tana nae tana etara
Au ġavja mepa, taumi ona nei?
 9 Anina BADA tauoina e gagagloeiu,
Aiai ina riwei da tau a kauana-boai?
 Taui anatapui ina gumaga me gara wadubona.
Komaġana ina ambaubauni.

52

BADA ana vilawana e nenei

7 I ai ġaga, taupariverena a inanai olei e taġotaġonai.
 Riwa Aiaina e jimejimei:
nuuba ma nuaiai riwai
ma BADA ana vilawana.
Ma Zion i riwei, “Ami God e vivibada.”
 8 Ona rautaniāgan! Ami tauvineneġana e vigaragararei;
ana morelanai e logologoi;
 Taui mataiei BADA i 'nanai
e nienememei au Zion.
 9 Jerusalem wanarikarikana,
ana morelanami ona wela-gogona BADA awarina.
 Tauna ana rava i vinuubai,
ma ana melagai Jerusalem, i vai-melei.
 10 Dobu anatapui au matai
ana rewapani vivivireina e vivieġai.
 Rava anatapui au dobu
BADA ana vilawana, ina inanai.

Taunola ana vinuapoapoe ma ana boruma.

13 BADA i riwa, “Au taunola ana nola ina kauana-kaueil
Rava tauna ina voepai au tepa dewadewana.
 14 Au naona rava maġamaġau tauna i 'nanai
ma i virovorovoanei.

I vunu-kauei ma i vitaratarai;
da inanana ega me rava.
15 Wate marina dobu patarai ina ravigori
ma gulagulau gamoi i pota tauna voepaepa aubaina.
Ega ita pariverei,
marina mataiei ina inanai,
ma aiwai ega ita nonori, ina aramanei.”

53

1 “Aiai wei pariverenana ita vitumañganei?
BADA aiai awarii ana rewapanana i viatataiei?”
2 God au matana, i rata me ai-nabina,
me aiwarama au kemara e gogogolana.
Ega ita tupua karawata bo vigulauna,
ega aiwaina vinualaulaunana da tata rauoñgarei.
3 Ta inana geduaiei ma ta inana-tawanei,
iniviara ma vinuapoapoe malana i vaia,
ta raugovañgei,
ta mae-puputei ma ta riwa da tauna rava labalababa.
4 Tauna, ata nuabola kovoñgana i vaia
ma ata iniviara i avarai.
Wate ta notai da
ana ño'apoapoe aubaina, God i kovoñgi.
5 Ata kaua apoapoe aubaina i vitonei,
ata ño'apoapoe aubaina i vikeroi.
Kovoñganei, nuauha i vereta;
kwapu keronei i vilawanita.
6 Anataputa me sipu kwakokwakona,
ana nuaita ma ata ñoanei ta mamae;
wate ata ño'apoapoe kovoñgana, BADA tauna i viavarai.
7 * Au taunola i rauiviapoapeloana-kauei,
wate i volañgota;
ega aiwai ita latoni.
I taravaina-naiei virañgenana aubaina me sipu ñaubona.
Me sipu ana genugenuanana e nenea aparabori aubaina ega aiwai ita latoni.
8 I pani ma i naiei
ma ega aiai tauna ita vinuabolei,
ega ana epaepaia ma ina irañe.
Ana lawana au pouna i kwa labalababa.
Ana rava oina ai ño'apoapoe aubaina i'rañe.
9 Tauna ega morumoruna bo ñgaiñgaiawana.
Wate taui i ñgoei da danedanei maiteni ita doboi,
ma purapura ravana ana au kokoña i vimataveni.
10 Maranai ana lawana i puloei ata ño'apoapoe aubaina.
Lamna, BADA ana ñoana da tauna ita vunu-boai ma iniviara ñgaegena ita vaia.
Ma ana epaepaia ina maña guratana
ma ana lawana ina manawa.
Ma taunei, BADA ana ñoana ina kauana-paiei.
11 Ana nola anona ina inanai ma ina vinuiae
da ana nuabola ega kwakwavina.
Bada i riwa, “Au taunola patupatutuna a vinuiae,
rava mañgamañgagaui ai kovoña i avarai
ma lamnei taui ana ñorei Rava-Jijimanii.
12 * Ma lamna aubaina ana vimaeñgäeni, tauna rava ñgaegena.
Ma ana au gabu ana terei
rava ñgaegaei ma virewapanai maiteni
ma ana maia ina ñgatal.
Aubaina ana nuaina ana lawana i verenei.

* 53:7: Act 8:32-33 * 53:12: Mrk 15:28

Tauna ora-potapotai maiteni i'raäge,
ma gó'apoapoe ravai magamağauí aubai i mairi."

54

BADA ana nuavaina Zion aubaina.

- ⁴ Ega ona rovo aubaina ega ina vitepa-ubaubaimi.
Tepami ina tora, ega ina vinimalamalamaimi.
Ami laraga kauai nunuami ina vuru.
Ami vikaiababa nuabolana ina amo.
⁵ Aubaina, taukauem lamna awam,
wavana BADA Vivirewapana Kaukauana.
Israel ana God Vivivireina am taugimaramelana,
Tauna dobu anatapuna ai God.
⁶ Israel, tam me wavine tavine vovou
ma awam i geduaiei ma u vinuabola kaua.
Wate BADA ina góre-melem awarina ma ina pa,
⁷ "A voterem mara aburuna,
wate raunuapoapoe ǵaegaei ana vaimelem.
⁸ Au meji i rata kaua da a mae-puputem mara aburuna.
Wate au nuavaina mamae-nonoanei,
ana raunuapoapoelem."

BADA taugimaramelana i riwa me,
⁹ * "Awariu, wei me Noah ana au mara,
maranai parivainuağana bagibagina a kaei
da ega melanai wairei dobu ana purui-melei.
Marina, nanare parivainuağana bagibaginei a ririwem
da ega melana amlou ina ǵaigai da ana kovoǵimi.
¹⁰ Ola ina vidagu
ma ina amo.
Wate, au nuavaina mamae-nonoana,
ma au nuauba mamae-nonoana tam awarimi ina mae-nonoa."
BADA tauraunu'apoapoelemi i riwa.

55

Nuarelanami ona nei

- BADA i riwa i pa,
¹ "Ona nei, nuanuarelanami! Waira wei!
Awarimi mane ega ona nei ona gimara ma ona am!
Ona nei, wine ma mereki ona gimarai
maiana ega, ona vaioi.
² Aiwai aubaina lam apoapoei awari mane e tawatawanei.
Aiwai aubaina e nolanola labalababa.
Ona rautaniğana kaua ma ona am-iaua,
ma lam aiaii dagidagiaii ona vinuaiae.
³ * Taniğami ona toneiai ma ona nei awariu
ona rautaniğana da ona lawana.
Au parivainuağana mamae-nonoana ana kaei tam maiteni.
Ma viaiaina David a parivainuağani ana verem."
⁶ "BADA ona baiei da ona nelaǵai,
marina au ǵeregeremi, ona vibaǵai.
⁷ Goa apoapoe ravai, ami lawana apoapoei ona geduaiei
ma nuanuami ona virai.
Ee! Ma ona wanavirai BADA awarina da ina raunu'apoapoelemi
ma ami gó'apoapoe ina notatawanei."
⁸ BADA i riwa, "Au nota ega me ami nota nanare,

* 54:9: Gen 9:8-17 * 55:3: Act 13:34

ma au kaua tapuna, ega ami kaua nanare.”
 9 Mara i getelara ega me dobu
 ma nanare au kaua i getera ega me ami kaua.
 Ma nanare au nota i getelara ega me ami nota nanare.

10 Garewa ma turuvani marei e peupeu
 ega kwakwavina ina naemē au mara,
 wate dobu ina viutuvanei
 da lam ina gogo,
 da pei ina vereta, paewa aubaina
 ma lam, aniam.

11 Ma wenanare riwau gamouei e opuopu;
 ega kwakwavina ina nememei awariu
 da aiwai a pariparitawanei ina kaei;
 au goana anatapuna ina vikwai.

56

Lawana rava anatapui aubaii

¹ BADA wei e ririwei:

“Aburuna ava, ana nei da ana vilawanimi
 ma au viaiaina ana viegai.

Lamna aubaina, kaua aiaii
 ma jijimanii ona kaukauei.”

6 “Mai jentail, aiai da tau i vituraneu
 ma i vitaunoleu, ma wavau
 i vinuavainei ma i viimaegaegeaeniu.
 Au Sabate i vivirei,
 ma pa parivainuagana bagibagina e vovoijina-kauei.
 7 *Taui ana neiae au ola vivivireina - Zion
 ma nuaiai ana verei au parinumana.
 Ma ai pulo e apuapui awariu ana viaminei.
 Anina ma rava, au tempol ina gøre pari numana,
 dam anatapui au dobu aubaii.”

58

Uji ririwa kauana.

BADA uji ririwa kauana e bababanie:
 7 “Am-irairaägei lam ona taraiğuei,
 ma ami numa ona votawanei,
 nelabalabai ma vinuapoapoe awarii.
 Kovakovai gara ona vioteri,
 ma taraoim ega ona inana-tawanei.”

8 “Maranaina, au viaiaina ina ravilalaimi me maratomtom madegana,
 ma ami doria lağilägina ana vilawani.
 Au naomi ana nae da ami aninae ana vovajijimani,
 ma murimiei, au boruma ina gagaloemi.
 9 Nai maranaina ona viğore ma TAU BADA, ana paribelemi.
 Agu ona gararei ma ana riwa, ‘Tau weka.’

“Ega rava, vita ona verei, ega ona viwavuwawu
 ma ega babani morumorui ona kaukauei.
 10 Maranai am-irairaägei o viambagibagi,
 ğokokokarai O vovoagui.
 Lamnei, ami lalalaina gimtona ina lalai,
 ina ravilalai me aubenai madegana.”

61

Riwana Aiaina molamolakai aubai

BADA ana taunola e ririwa:

¹ “BADA God, aruana i vereu.

I vineu ma i paritawaneu da:

Riwana Aiaina ata naiei molamolakai awari
ma vinuanuabolai ana vinuabai.

Ma panipani ana pariverei da deriei ina viopuni.

² I paritawaneu da rava ata pariverei,
da mara i turiai maranai BADA ana rava ina vilawani

ma ana ġavia ina kovoġi.

Ma i paritawaneu da vinuabolai ana vinuaubai.

³ Da taui e mogumogu au ola Zion,
nuaiai ina vikunuteiei ma eġa ina vidolodolo.

Nuaiai logologona ma eġa tou.

Taui ina vinuajai ma eġa ina vinuabola.

Ai kaua jjimanina aubaina ina ġorei BADA ana labarava ai jjimanina
da tauna ina vimaegħaġaenī.”

⁶ “Ma taumi ina ġoremi BADA ana pirisi.

Ina ġoremi, God ana taunola.

Tauni dobu ġelau i maura ona ani
ma ona vigulagulauei.”

BADA i riwa

⁸ “Aubaina Tau, kaua aiaii a ġoegħoei,
danene ma ġo'apoapoe a gedugeduaiei.

Au rava ai vinuapoapoe aubaina ana vimaiana-kauei;
au parivainuāġana bagibagina mamae-noonoana maiteni ana kauei.

⁹ Dam anatapui, am epaepaia ina aramanei
ma e inainana ġaei.”

Ma ina pa,
“BADA i viaiaina-kauei.”

Zion i riwa

¹⁰ BADA awarina a vivinuajai kaua
ma Aruau God awarina i vinuajai kaua.

Aubaina vilawana garanei i vigaraiu
Ma jjimana vianei ma garanei i voteniu.

Me tavitavinevou orotona e vivigarai nanare bo
me wavine tavitavinevou ana viana e tavitavine.

¹¹ Me doa, pei e vivigogoi ma debagau lam e verevereta,
nanare BADA God, rava e teretere-vaijjimani
au dobu da tauna ina voepaepae.

64

Pari agu aubaina

⁴ Oo Bada wariaġa da marina, eġa aiai god ġelaui ponana ita nonori, ita inanai, bo ita aramana
dadanei.

Anina Tam ainelam.

Taui da e vivipaipaiem e vovoagui.

⁵ Tam kaua aiaii ravai e vovoagui,
am tarawatu e vovojjini.

Wate maranai ta ġo'apoapoe ġirigiri
tam amlom e voġaġai.

Aiwal aubaina ma vilawaniai?

⁶ Anatapuiai a ġo'apoapoe,

 Au matam, ai kaua jjimanii anatapui miramirai me gara wadubona.

 Anataputa ta poipoi me ai-rugurugu,

 Ata ġo'apoapoe e kapupuana-naieta.

⁷ Ma eġa aiai wavam ita voepaepai

bo ita voguratei da naom ita inanai.
Lamna aubaina tam u netawanelai
da ai ġo'apoapoei e vunuvunuiai.

8 Wate BADA, tam amaiai.
Tauai dogodogo ma tam nau tauvoaina.
Tam anatapuiai uramei u rauġaroġaroelai.
9 Lamna aubaina, eġa ma meji guratana awariai.
Ma eġa ai ġo'apoapoe ma nota-nonoei.
Ma i 'nanaiai, anatapuiai tam natunatum.

Peroveta Jeremiah ana buka

Pariverena

Jeremiah lamna peroveta wavana naenaena au Jerusalem, ma BADA riwana i raugugulei ana rava awari. Tauna riwa bagibaginei ana rava i ririwei menanare God taui ina kovoğanei, aubaina Tauna i mae-puputei ma god ġelauí i votaġotagoi.

Bada Jeremiah i ġorei

⁴ BADA i riweu i pa:

⁵ “A vinem, muriai da alom au manawana a teretagogiem.

Muriai da uta tupua, A terierim,
rava anatapui ai peroveta.”

⁶ A paribelei, “Oo BADA God, tau tevera ota, ma babani eġa ata aramanei.”

⁷ BADA i riweu, “Eġa ma riwa, ‘Tau tevera ota.’ Ma nae mepa a pariparitawanem, ma aiwai a ririwem taui ma pariverei. ⁸ Eġa ma rovoei aubaina Tau a paritawanem. Tau tam maiteni ana mae da ana gagaloem. Tau BADA a babani.”

⁹ Anina ma BADA urana i viloloi da ipiriu i tapedadani ma i riweu,
“Marina riwau au gamom a terei.

¹⁰ Ma aramana-kauei da marina rewapania a vereverem,
da dobu anatapui ai gulagulau ai kovoġa ma vinolenolei wenanare,
Gelauí ma orumi, ma viairikarikai,
ma vovaiubai ma vipupui.
Gelauí ma voepai ma ma paewi.”

¹⁷ “Ma vokaukaua Jeremiah! Ma vomairi ma aiwai anatapuna a riwem ravai ma pariverei.
Ega ravai ma rovoei, bo au matai, ana virorovoim.

¹⁸ Amadodo a vovaivirewapanim me
melagai vivirewapanana, tuatuana ma garina iramei voavoana. Tam ma mairi
ma eġa maiJudah ma ai gulagulau, ai gabemani ravai, ai pirisi ma dobuna ravai
ina tereġairem.

¹⁹ Taui ina vigaviem wate ina kauana-avei.
Aubaina tau tam maiteni, ma ana gagaloem. Tau BADA a babani!”

6

Bada i riwa,

¹³ “Rava anatapui, ġaeġaei da muomuoī,
e ġoegoei da moruei mane ina kauei;
peroveta da pirisi anatapui nanare
rava e morumoruī.

¹⁴ Taui, au rava keroi ġaeġaei
e bunabunamai apamina me kero aburuna.
E ririwa da aiwai anatapuna anina,
Wate eġa anina!”

17

BADA ona-vitumaġanei

⁵ BADA e ririwa,
“Aiavoi da ai vitumaġana rava ota awarii e tereterei,
ma ai rewapania e vitumatumāġaneiei;
ma e gedugeduaieu,
ana parivaipaopoeni.

⁶ Taui me, ai podapodai au dobu dariġaġa
eġa aiwai aiaina ita inainanai.
Taui dobu au paipairana ina mae, ai ma modu eġa,

me au dobu au vivibogana ita mamae kampa ega rava ita mamae.”

7 “Wate aiavoi awariu e vivipatutu ma e vivitumañana da
BADA ai tepamairi, taui ana viaaini.

8 *Taui me ai, vuvura au adana i paewi,
ma warami i gaira waira au orana.

Ega marapoi ina rovoei,
ma rugurugui majimajigai ina maimairi.
Ma marapoi ana au mara,
ega ua ita vovoterei.”

9 “Rava nuapoui lamna morumoru kauana, i apoapoe kaua,
aiai i aramana-kaei, da ina vilawani.

10 Tau BADA rava nuapoui
a tuvirevirei ma kaua govagovañai au orai a inana-pai.
Rava anatapui ai kaua ana inanai.
ma ai kaua awarinei ana puloi.”

20

Jeremiah ana beura
BADA i riwa,

5 Tau, Jerusalem ma ai mane ma ai maura ma aiwai anatapui polapolai i toitoiei
ana veredamanei ai gavia awarii. Ina nei ma Judah, ai gulagulau ai purapura maiai gaeñaei
maiteni ina pupuna-naiei au Babilon.

Jeremiah i riwa,

7 Oo BADA! u gwala-kaeu da a viperoveta
ma a voterem da u kaei.
Tam u virewapanana guratana da
u tereñaireiu.
Marina tau rava ai anivinama.

Rava anatapui e vivinameu, marai ma waguvarai.

8 Maranai a paripariverena,
Riwa ana nuaii e rubaruba-opu.
“Viñgaiñaiwal! Pupu e nenei!”
BADA ana pariverena aubaina, vinama ava a nenelañai.

9 Mepa da ana geduai ma wavana ega ana latoni bo wavanei ana jima
Lamna maranaina riwam lamna me ai araratana,
orau e ararai.

Amapo ega ana vojjina-guratei. Amapo ega!
10 A nonori patara e viviarautueu.
Au gavia i maña kaua,
ma e vineneñaneu da ana neboa,
ma ina viwavuiu ina pa,
“mepa da i jima boa, ina waro-melei ma tauta ata biwa tana vaia.”

11 Wate BADA tau maiteni
me tauviñgavia vivirewapanana kaukauana.
Lamna aubaina au gavia ega ina tereñaireu.
Taui ina vunu-aveu ma ina vinimala kaua.

Ina vinimalana-nonoei ma ega nuuanai ina vuru.

12 “Oo BADA Vivirewapanam! Tam rava jijimanii e raraudadani,
ma ai nota ma orai e araramanei.
Au vita au uram a terei
ma ana inanaim, au gavia ma kovoñgi.

13 Ona wela BADA awarina.
Ona voepaepai.
Maranai Rava vivirewapanai, gwañgwañai e rarau-iviapoapoelei,
lamna BADA ana rewapanei taui ina gagaloei.”

23

BADA Gulau vouna ina vinei mamae-terenai aubaii

¹ BADA e ririwa, "Au rava ai babada nuabola ġaeġaena ina nelaġai! Taui sipu taupaini apoapoei. I vipaipai-boa da sipu i vidabararai."

² Lamna aubaina BADA, Israel ana God, wenanare Israel babadai awari e ririwa, "Taumi ami kauelei au sipu o vidabararai ma o vilamolamonei. Eġa ota vipaipai kaua. Lamna kauai apoapoei aubaina ana kovoġimi. ³ Anina ma Tau au sipu ġelaui a virubai au dobu ġela, ana neiana-meleiae ai au gari. Wei mamae-terenai ina vinatuna ma ina maġa guratana. ⁴ Taupaini rava kaua ana tere-naiei da ina viġamogamo kaua ma ega ina rovo me bo orai ina sisi. Eġa tagogi ina kwako. Tau BADA a riwa."

⁵ *BADA e ririwa

"Mara vouna e nenei maranai gulau ana terei David ana damei.

Wei gulauna ina vibada kaua ma kaua aiainei ma jijimaninei dobu anatapuna ina vibadei.

Nota aiainei Judah ravai ina rauetaraveni ma

Israel ravai au nuaubia ina mae.

⁶ Wei maranaina mai Judah, ina vilawani

ma Israel ana nuaubai ina mae.

Ma wavana ina ġorei, BADA Tauterevajijimanita."

31

BADA Israel ina vaimelei.

⁷ BADA i riwa:

"Ana nuaiāimi ona wela Jacob ana dam aubaina
ponami ona voepai dam vigulauna aubaii.

Ona voepaepa, ona jima ma ona riwa,

'God, am rava mai Israel mamae-terenai ma vilawani!'

⁸ Au kariwabuei au rava ana neiana-meleiae,
dodu au giana da au giana anatapui.

Maiteni mata-potapotai ma sigesigei,
duaduamai ma tautauvaoi.

Dam patara ġaeġaena ina nememei.

⁹ Ana rupenai ma ana toutoui agu aubaina,
ana neiana-meleiae

Waira adanei ana taravainiai,
etanai abuabunei da ega ina peu.

Tau Israel amana,
Ephraim au natuevou."

Parivainuaġana bagibagina vouna.

³¹ *BADA e ririwa i pa, "Mara e nenei maranai parivainuaġana bagibagina vouna ana kauai mai Israel ma Judah maiteni. ³² Wei lamna ega me noinoi maiteni a kauai nanare; maranai a raunimavoai ma Egyptei a taravaina-opunei. Aubaina au parivainuaġana i viaigai avena da nuanuai a vaia me oroto awana nuanuana e vaivaia. ³³ Wei parivainuaġanana mai Israel maiteni ana kauai nai marana au murina." BADA e ririwa, "Au tarawatu ai au nota ana terei ma au nuanuai ana girumi. Wei ina terekuei da Tau ai God ma taui au rava. ³⁴ Ma ega ai rava ina viararamana-melei bo riwa vivira, 'BADA ona aramanei!' Aubaina au aburuna da au magurina anatapui ina aramaneu. Tau ai ġo'apoapoe ana nota-tawanei ma ega ana nota-melei." BADA e ririwa.

33

Nuuba parivai-nuāġanana

¹⁴ *BADA i riwa, "Mara e nenei maranai au parivainuaġana bagibagina mai Israel ma mai Judah maiteni a kaukaueia anona ina tupua.

- 15 Nai maranaina,
 rava kaua David ana damei ina nei;
 Ma Tauna kaua aiaii ma jijimanii ina kaeui au dobu.
- 16 Nai au marana
 Judah ina vilawani ma
Jerusalem ana nuaubana ina mae.
 Wei melagaina ina ġorei, *BADA Tauterevaijijimanita.*"

38

Jeremiah waira dogona au orana.

- ⁴ Babadai, gulau Zedekiah i riwei, "Wei ravanana Jeremiah tana virägeni. Ana babaniei, sorodia ruagauta lawalawai ma rava ġelaui e viviorabadoi. Tauna ega rava ita vovoagui wate e viviorabadoi."
- ⁵ Gulau i paribelei, "Tauna au urami, ami ġoana nanare ona kaeui. Tau ega ana viġaemi."
- ⁶ Ma Jeremiah i vaia ma i tere-ġairei gulau natuna Malkijah, ana au dogo, wei lamna gulau ana sorodia ai au potuma au ririvana. Ma ġuravei Jeremiah i tere-ġairei au *dogo. Au orana dogodogo ava, ma Jeremiah i monu ġairda da i mairi dogodogo orana.

* **38:6:** Wei lamna wapaketa dogona, viutuvana aubaina.

Lamentation Mogu Jerusalem aubaina

Pariverena

Wei bukana e ririweta da au 586 B. C mai Israel i vinuapoapoe kaua maranai ai ġavia i nei da Jerusalem i pupuni ma rava ma purapura aiaii i vaia da i naiei. Tauta eġa tata aramana-kuei aiai wei bukana i girumi wate rava ġelau i notanotai da augunai Jeremiah wei bukana i girumi.

Jerusalem ana nuabola

¹ Kapore! Zion wariaġa am patara i rata ġaġa, marina u kwakkawa.

Dam patarai ai voepaepa, marina i vikaiababa.

Wariaġa dobūgela gulagulaui ai voepaepa. Tauna i 'nana ġaei.

Marina i vitaunola.

² E toutou maratom,

jirigwegwena au navanavana e toitoi.

Ana nuvavainana maġamagaui i ruba-tomana, eġa aiai da ina vinuaubai.

Ana rava * anatapui i mae-puputei ma i viġavie.

³ Judah i pani ma i pupuna-naiei.

Au dobu ġela i vivipanipani,

e raraū-iviapoapoelei,

i vitaomana au dobūgela.

Ġavia i mae-kwativiroi,

menanare ina onaġanei?

⁴ Zion etanaina e mogumogu

eġa aiai kampa ita nenaē torela aubaina.

Ana anirui i kwakkawa,

Pirisi e gunugunura,

ana guguini e vivitouana;

Nuapouna i wanagwadgwadai.

⁵ Ana ġavia i vibada,

au urai e mame.

BADA nuabola ġaegħaena i neiai Zion awarina

aubaina ai ġo'apoapoe i rata.

Natunatui i paniniaeī aueia, ai ġavia au mataii.

⁶ Kapore wariaġa Zion na!

Wavana naenaena, vinualaulaunana marina mepa?

Marina, Zion ana babada lamna me

deer, nuanuai i arelei ma i raumolagħau ma lam i baiana-avei.

Inina i garigari

ma eġa tagotagogina da ai ġavia ina rubatawanei.

⁷ Zion i kwakkawa, ravana eġa.

Ana maura, wadubona e vinuanotenotei.

Maranai ana rava i peu ai ġavia au urai, eġa aiai ita nei da ita rauagui.

Ana ġavia Zion ana peu i 'nanai ma i vinamei.

3

¹⁹ BADA, A tenam nae, eġa matave kaua, iniviara maiteni,

a vinuapoapoe kaua, notana i viġora kaua.

²⁰ A notanota-maelei

ma au orau a toutou.

* ^{1:2:} Ana eririam lamna wapu god Baal ma Aserah ma mai Judah maġamagaui wei god i voepaepai. Ana rava lamna taувiġavia mai Egypt ma nanare maiteni i viturana ma maranai ġavia i ġetai taui i viruberubei.

21 Wate BADA a vinua-notenotei ma orau e vovovaivirewapani. Lamnei a vitumaḡana:

22 da BADA ana nuavaina mamae-nonoana.

 Ma ana raunuapoapoe ega ina kwa.

23 Ubaubanai, e raviravivouni;

 am vipatutu i rata kaua.

24 A ririwana-meleu, BADA au buderi lamna a vivitumaḡanem.

25 Taui daBADA e vivitumaḡanei ma e baibaei, ina viaiaini.

26 I ai da tana volaḡota ma BADA tana paini da ina vilawanita.

27 I aii da vilamolamona ma nola ma aramanei. Am au vilaraga,

28 maranai BADA e viviaramana,

 ma mae genuatau.

29 Tana mae-ḡaira au debidebi,

 mepa da agu ina nei.

30 Navanavami ona verei da ina ravi, ma ina vijiboḡimi.

 Wate ega ona vobelei aubaina.

31 Bada ega ina geduaiana-nonoeta.

32 Avena da maraḡela nuabola e neineiai, wate ana raunua apoapoe i rata kaua.

 Aubaina ana nuavaina i rata kaua, ega damona.

33 Wate wei kauai ega ita vinuaiae.

Peroveta Ezekiel ana buka

Pariverena

Ezekiel mai Jew au Babilon i vianipani awari i babani. Tauna mara nonoa vivirarautua vinualaulaunai ma awanainei ana babani i tereterei.

Tauna rava ai riwa vouna i verei da ina vipaipai ma ai bada ina terepa-melei.

God mai Israel dobu au già dewadewana anatapui ina neiana-meleiana da ai au dobu oina ina terei.

2

God Ezekiel i vinei ana peroveta

¹ Bada ana boruma a inanai ma au doa a peu. Ma a nonori pona i riweu, i pa, “Rava ota natuna, ma vomairi ma awarim ana babani.” ² I bababani ma God aruana au orau i rui ma i voepaiu ma a nonori awariu i bababani. ³ I riwa, “Rava ota natuna, a pariparitawanem dam paripariviravirai mai Israel awarii. Amamai maiteni ega ita voteteleu ma awariu i paripariviravirai da marina.” ⁴ Rava paripariviravirai ma orai badobadoi ma ega ita vivivireu. A pariparitawanem da ma riwei, ‘Wei Bada riwana.’ ⁵ Taui paripariviravirai ma ina rautaniiganem bo ega lamna avena, wate ina aramanei da peroveta i getai awarii.”

17

God Israel ina ravivouni

²² Bada God wenanare i riwa, “Tau ai cedar manamanaina nuanuana ana vogai da ana paewi. Raiana au tepadewadewana nabina ana gai da ola manamanaina au tepana ana paewi. ²³ Israel ola au tepai ana paewi, ina raigai ma ina raunumo, ai gulauna. Kiu tapuna ma tapuna au raigai ina raunogi ma au goui ina viogou. ²⁴ Ai anatapui nai au dobuna ina aramanei da tau BADA, ai manamanaii ana taragai ma ai tupotupoii ana voepai. Ma ai majimajigana ana vipoini ma ai poina ina raurugu ma ina rata, Tau BADA a babani, ma aiwai a riwei nanare ana kaei.”

33

God Ezekiel i vinei da tauvinenegan.

BADA i riwa:

⁷ “Rava ota natuna, Tau a vinem tauvinenegan dam Israel aubai; riwa a vereverem ma nonori ma babani bagibaginei ma riwei. ⁸ Maranai go'apoapoe ravana a ririwei, ‘Tam, go'apoapoe ravana, amapo ma i raige.’ Ma ravana ega uta pariverei da ana go'apoapoe ita voterei, ma ina iraige. Marina ana iraige au uram a tereterei. ⁹ Wate mepa da go'apoapoe ravana u riwei da ana lawana ita virai ma ega ana lawana ita virai, ana goa apoe ina iraigelei, ma tam am lawana ina mae.”

34

BADA tauvipaipai aiaina

¹¹ Bada God wenanare e ririwa, “Tau ainelau au sipu ana baiei ma ana gamoi. ¹² Sipu taupainina, ana sipu kwakokwakoi e baibaiei da e nenemeleiai. Nanare tau, au sipu e kwakokwako-nae. Ana nelagai ma ana neiana-meleiai, maranaina dobu i waguvarei ma i gimtonei.”*

¹⁵ —Tau ainelau au sipu ana gamoi ma ana terei da ina matave kaua, Tau BADA God a babani. ¹⁶ Tau kwakokwakoi ma nelabalababai ana baiei, ma ana neiana-meleiai. Ma keroi ana bunamai ma gokokokarai ana vovaivirewapani. Wate dododoi ma virewapanai ana pupuni. Jijimaninei au sipu ana gamoi.

¹⁷ —Taumi au sipu Tau BADA God a ririwana-kauemi da taumi tagotagogi ava ana rauetaremi. Aiaii ma apoapoei ana vilamonei, sipu ma gote ana vilamonei.”

* **34:12:** Wei lamna awanaina maranai mai Babilon Israel ina pupuna-naiei au 587 B.C.

36

BADA ana rava ina ravivouni

¹⁶ BADA i riweu, i pa, ¹⁷ “Rava ota natuna, maranai Israel ai au dobu i mamae, taui ai kaua apoapoenei ai dobu i vimirai. Tau au matau lamna i vimira-melei me wavine ana nawaaravi e vaivai. ¹⁸ Marina, au meji ana iwaḡa-tawanei awarrii aubaina taui tara i vitoini au dobu, ma nanare kokoitauei dobu i viapoapoeni. ¹⁹ A vidabararai ma a vilamolamonei au dobuğela, ai ḡo-apoapoei ma ai kaua awariei a kovoḡi. ²⁰ Wate metauna au dobuna i rui taui wavau vivivireina i vijibog̃i, aubaina nai dobuna ravai e ririwa, ‘Wei lamna BADA ana rava wate ana dobu i opu-tawanei.’ ²¹ A ḡoei da au rava au wava vivivireina ita vimaeg̃aeg̃aeni, wate noi rava mai Israel dobu anatapui i naeni ma i vitepaubaubai.

²² —Lamna aubaina, marina dam Israel ma pariverei, Bada God wei i riwei, ‘Tau a neineiana-meleiaimi, ega tam am kaua aiaina aubaina. Tau a kaukauei wavau vivivireina aubaina, taumi wavau o viapoapoen-naiei jentail ai au dobu.’ ²³ Ana viatataiemi da wavau, ġetelarana ma vivivireina. Wavau taumi dobu au anatapuna o vitepaubaubai. Taumiee dobu ana viatataiei da tau vivivireu ²⁴ aubaina dobudobuai ana taravainimi ma ana neiana-meleiaimi ami au dobu.’

²⁵ —Wairei ana vitoaimi da ona aii, ami mira ma kokoitau viborumai mirana ina oga-tawanei. ²⁶ Ma nuanuami vouna, ma aruami vouna ana veremi. Nuanuami badobadoi ana votawanei ma aiaina ana terei. ²⁷ Ma Aruau au oram ana terei da au tarawatu ma au viaramana ona votaḡotaḡoi.”

37

BADA gelama ina ravivouni

¹ BADA i raunimavoaiu ma aruanei i naieu da gwagwa ġaeġaena au pouna i tereu, rava gelamii gwagwanana i oai. ² Gwagwanana a naenai ma a inanai da gelama i maġa guratana ma i poi. ³ I paridaneu, “Rava ota natuna, amapo wei gelamii ina virava me bo ega?” A paribelei, “Oo! Bada God, tam ainelam u aramanei.”

⁴ Ma i riweu, “Riwauei gelama ma riwei, ‘Gelama poii, BADA riwana ona nonori.’ ⁵ Bada God wenanare gelama i riwei, “Lavutu au orami ana terei ma ona lawana me!” ⁶ Vioa ma warowaro ana veremi, ma opa di gelama ina purui. Ma lavutu ana veremi da ma lawana. Kampa ma aramanei da Tau BADA.” ⁷ I ririweu nanare a babani, a vikarei da a bababani ma dobuna ura ketarana i nae da dobuna i oai, gelama anatapui i vitagogiei. ⁸ A inainana ma warowaro ma vioa gelama au tepana i ampasi ma au tepai opa i tupua da i purui, wate awari ega lavutu.

⁹ Ma i riweu i pa, “Rava ota natuna, Bada God riwanei ive ma riwei, ‘Bada God e ririwa, ive meiei da meiei e ueuveena, au orami lavutu ina opu ma taubeu patarai e matamatave ona uveni da ina lawana me.’” ¹⁰ Ma i ririweu nanare a babani, ma lavutu ravai tupuai i ruini. Anatapui i lawana ma i mairi sorodia boruna ġaeġaena.

¹¹ I riwa me, “Rava ota natuna, mai Israel lamna me wei gelamii. Taui e ririwa i pa, ‘Tauta gelama poi ava ma ata tumaġana i kwa, ata dam i kwa.’ ¹² Lamna aubaina ma riwana-melei, Bada God wenanare e ririwa, ‘Ona inana! Ami kokoaga ana votawanei ma ana voepaemi ma ana neiana-meleiaimi au Israel.’ ¹³ Au rava! Maranai wei i tupua, ona aramanei da Tau BADA. ¹⁴ Ma Aruau au orami ana terei ma ona lawana ma ana neiana-meleiaimi ami au dobu oina. Maranaina, ona aramanei da Tau BADA. Ee! A ririwei; ana kauei.”

Peroveta Daniel ana buka

Pariverena

Daniel tauna laraga maranaina i naiei au Babilon da i vипаниpani. Ma maranai i vomagura tauna i terei da gabemani ai bada гаегаена. Tauna ana au lawana i vипатуту ma God i votetelei.

Ana vипатуту awarinei God nuaulaula i verei, ma tauna tagotagogina da rava ai rauboni anona ina vieгai ma kaua aiwai amapo ina tupua e vivieгai.

7

Daniel ana rauboni

¹³ *Waguvarai inana a inanai, ma kaua aiwai a inanai me Rava Natuna apau oraninei i nenei, ma i taravaina-naieiMAEMAE NONOANA awarina. ¹⁴ MAEMAE NONOANA vibadana ma rewapanma vimaegaегаena, tauna i verei da ina vibada, da dam anatapui ma dobu anatapui ai ponei ina voepaepai ma ina voteletelei. Ma ana rewapanma ina mae-nonoa, ma ana vigulau vibadana eга ina kwa.

12

Mara au damona

¹ *Ma nai maranaina anela vivirewapanana Michael, Israel ana taugagalo, ina eга. Amapo nuabola гаегае otana ina nei, eга melanai nanare tata inainanai, au karena da marina. Wate wei au marana rava aiavoi da wavai au buka i girugirumia ina lawana. ² Maгамаgauи irairagei ina vomairi me, ma ina nae, гelauи au lawana maemae nonana ma гelauи vinimala maemae-nonoana. ³Rava nuaulaulauin ina lalai me mara madegana. Ma taui maгамаgauи e raveraveni da lawana jijimanii e maemaeni, ina lalai me ubona.

**Peroveta
Hosea
ana buka**

Pariverena

Hosea God ana peroveta, tauna mai Israel awari God riwana i jimei. God i riwa da taui ina kovōgi ma ai dam ina pupuni aubaina taui tauna i geduaiei ma god morumorui i voepaepai ma ai kaua apoapoe i votaḡotaḡoi.

Hosea awana tauna i voterei ma nelara ġelaui maiteni i nena. Wate tauna awana nuuanuana i vaini ma i baiei ma i taravaina-meleiai ana au numa. Wei bukana e viviatataeta da nanare tagogina avena da mai Israel ai God i geduaiei tauna anina da taui nuuanu i vaia ma i parivainuaġana da taui ina neiana-meleiai awarina.

11

God, Israel nuuanuana i vaia

¹ Bada Hosea i riwei, i pa, “Maranai Israel ana au vitevera, a vinuvainei ma Egyptei a ġore-opunei.

² Wate a viġoreġore
ma tauna amapo da i nenetawaneu.
Tauna ana pulo i apuapui Baal awarina,
ma dajj ġabugabui, i apuapui kokoitau ġelaui awarii.”

Peroveta Amos ana buka

Pariverena

Amos taon au aburuna i mae Bethlehem au ririvana, au Judah maranai God tauna i kwatuei ana peroveta. Tauna God riwana mai Israel i riwei da God, ai kaua apoapoei aubaii ina kovoġi. Wei ravai God eġa ita vimaeġgaġaeni ma eġa ita ririwa kaua, i morumoru ma molamolakai awarii kaua apoapoei i kaukauei.

Ma maiteni Amos God ana parivainuaġana taui i verei da amapo tauna Israel ana gabemani ina ravivouni, Jerusalem ina voa-melei ma gulau David ana tupua rereġa ravai dobuna ina vibadana-melei ma ana nuaubai ina mae.

8

Tou ġaegħaena e nenei

- ⁴ Ona rautanīgħana! Taumi voladaġai o kwalekwalei
ma molamolakai o tugwadagħwadai.
- ⁵ O ririwa, nawaravi vouna torelana ina kwa laġilāgħina
ma Sabate ina kwa.
- Ma witti tana gimarei,
witti ruva aburuna tana terei ma maiana tana ġaġġaiei
ma sikere morumorunei tana gimajjimarei.
- ⁶ Witi loġiġi o tami da witti o tavipotoi ma o gimarei
ma lamnei, molamolakai o għimra ammi taunola.
Taui maiai me busi, maiana aburuna.
- ⁷ BADA parivainuaġana-bagibagħina, ana wawa i kauei,
nai wawana mai Israel e vimaeġġaġe,
I pa, “Ami ġo’apoapoei eġa melanai nuanuau ina vuru.”

Peroveta Jonah ana buka

Pariverena

God ana peroveta Jonah i kwatuei da au Niniveh ita raugugula. Wate tauna ega ita goei da ana dobu ravai ai gavia wariaqana awarrii ita raugugula.

God i rauagaiqaei ma iana tauna i lawani. Au murina, i nae au Niniveh ma i nelaqai da mai Israel ai gavia, God riwana i votetelei.

Jonah BADA i rauagaiqaei

¹ Mara tagogi BADA, Amitai natuna Jonah i riwei, ² “Ma vomairi ma nae au taon gaeqena Niniveh. Ma riwei, da ai go’apoapoei a inanai da i rata kaua ma lamna aubaina ana kovoqgi.”

³ Wate Jonah, BADA i voterei ma etanai gelauna i vaia ma ina ruba gaira au Joppa. Ma kampa waga i nena au Tarshish i nelaqai. I vimaia ma i geru da ita nae. I notai daBADA ita ruba govaqei.

⁴ Wate BADA kojikojira gaeqena i paritawanei da waga ita viairikarikai. ⁵ Waga ravai ai lawana aubaina i rovo-kaukaua ma ai god awarrii i tou agu aubaina, ma purapura au boga i viorereni da waga ita telatela. Wate Jonah waga au orana i raunuavuru.

⁶ Kapena i gaira awarina ma i eni i pa, “Mara i apoapoe gaga ma e matamatave! Ma vomairi, ma tou am god awarina da ina voaquitia. Mepa da ina raunuapoapoeleta da ega tana irage.”

⁷ Waga ravai i babani vivira i pa, “Gaima tana vikalokaloei da tana aramanei aiai ana wavu.” Kalona i kauei ma wavuna Jonah awarina i peu ⁸ Ma taui Jonah i paridadanei, “Aiwai aubaina kojikojira awarit i peu? Tam aiai? Tam am nola aiwai, tam meieci?”

⁹ Jonah taui i paribelei i pa, “Tau Hebrewei ma tau BADA, Mara ana God a voepaepai, Tauna boga ma doa i kauei.”

¹⁰ Waga ravai i rovo kaukaua ma i vigaragararei, “Aiwai aubaina lamna u kauei!” Jonah boibogi i viega da tauna BADA i rovoei da i rubaruba. ¹¹ Mara i apoapoe kaua ma taui Jonah i vitaravirevirei, “Aiwai tana kauei da kojikojira ina kwa?”

¹² Jonah i riwa, “Ona tawaneu au boga ma ive ina raumairiei. Aramanei da tau au kauelei wei ivena i vomairi.”

¹³ Wate waga ravai i lare-guratana da waga ita gairei au gera, wate ega tagotagogina, kojikojira i voguratei. ¹⁴ Anina ma taui anatapui i tou Jonah ana God awarina i pa, “Oo BADA! ega ma voterelai da wei ravana ana go’apoae aubaina, ana irage, ma ega tarana wavuna ana avarai!”

¹⁵ Ma Jonah i vojjini ma i tawana-opunei au boga ma maratagogi kojikojira i wanatuini ma daumora i matave. ¹⁶ Ma ravai i rovoana-kauei da pulo i apui BADA awarina ma i parivainuaqani da tauna ina vivrei.

¹⁷ Wate BADA iana gaeqena i paritawanei da Jonah i lawani. Ma Jonah iana au manawana i mae aupom ma waguvvara tonuga.

2

Jonah ana pari

¹ Jonah iana au manawana ma i raupari BADA, ana God awarina. ² I pa,

“Au nuabola au orana a tou BADA awarina,

ma i paribeleu.

Irairaqei, ai au dobu

ma agu a gararei

ma au tou u nonori.

³ Au gabinou u tawana gaireu,

boga au gabaura dewadewana.

Boga i kwaviviroiu.

Rabamam gaeqaei i viaimonumonui.

⁴ Oo BADA! A notai da tau u tereopuneu,

ma a notai da ega melanai am tempol vivireina ana inana-melei.”

⁵ “Boga i puruiu

lavutui i tupo
 ma aragoma kolau i pani.
⁶ A monu ġairā ola au kare dewadewana,
 a vīpanipani nai au dobuna,
 dobuna metaetana guduguduna maemaena.
 Wate tam BADA au God, u vilawaniu.
 Lawalawaiu gabinouei u sinaepaiu,
⁷ Malana a vaia au lawana i opopu,
 ma BADA a raupari awarim,
 am au tempol, ma u nonoriu.
⁸ Taui kokoitau labalababa e viviborumei,
 am nuavaina mamae-nonoana i geduaiei.
⁹ Wate tau ana welem, ana voepaepaim
 ma au pulo ana apui awarim.
 Au parivainuaga awarim ana kauei
 lawana maemae nonoana BADEI e nenei.”
¹⁰ Ma BADA iana i egari da Jonah i medana-tawanei au gera.

3

Jonah i nae au Niniveh

¹ Ma BADA i babani me Jonah awarina, ² I pa, “Ma nae taon ġaeġaena vinualaulaunana Niniveh ma au riwa a vereverem ma pariverei.”

³ Jonah, BADA riwana i voteteleli ma i nae au Niniveh. Niniveh lamna taon ġaeġae otana ma aupom tonuġa i vaia da i verautuini. ⁴ Jonah i vikarei nai au taona ma aupom tagogi i babara ma i jima i pa, “Aupom 40 ina kwa ma Niniveh ina pupu.” ⁵ Mai Niniveh BADA riwana i vitumaġanei ma i vioga da anatapui magurina da aburuoina i vianina tagogi da ina uji ma uji garana i oteni da ina vimataira.

⁶ Maranai Niniveh ana gulau wei riwana i nonori, tauna ana anikiala i opu-tawanei ma ana gulau garana i ġigġi. Uji garana i oteni ma au lapukare i kiala. ⁷ Ma mai Niniveh awarrii wei vinolanolana bagibagina i paritawanei tauna au wavanei. Wenanare i riwa:

Eġa rava bo bulumakau bo sипу, aiwai ina ani bo ina umai. ⁸ Ma ġamōgamo ma rava uji garana ina oteni ma ina raupari guratana BADA awarina. Ma kaua apoapoe ma ġoġagi ina geduaiei. ⁹ Aiai i aramanei? Mepa da God nuanuana ina amviravira ma nuavainei ana mej i ina vojjini da eġa ina pupunita.

¹⁰ Maranai God inanai aiwai i kaukauei ma menanare ai kaua apoapoe i geduaiei, Tauna nuanuana i virai ma eġa ita pupuni.

4

Jonah ana ġaiawa ma BADA ana nuavaina

¹ Wate Jonah wei ogana eġa ita ġoei ma amlona i ġaġġai kaua. ² *Ma i raupari BADA awarina, i pa, “BADA a notai da amapo nanare ita tupua muriai da au melagai ata opu-tawanei. A’ramanei da tam God raunuapoapoem ma ivialaim, eġa laġilägħina amlom ita voġaiġai ma am nuavaina maemae-nonoana. Tam eġa am ġoana da ġo-apoapoe ravai ma pupuni wate ma tere-kauei. Lamna aubaina a ruba nae au Tarshish. ³ *Ma marina BADA, au lawana ma vaitawanei, i ai da ata iraġe ma avena ata mae!”

⁴ Wate BADA i paribelei, i pa, “Tam aiwai e ġaġġaiwei?”

⁵ Jonah i opu melagai au metaetana, au maramatanei. Kampa ġou i voepai ma au gabaurina i kiala ma i vipaipai da BADA aiwai ita kauei nai taona awarina. ⁶ Ma BADA ġorogorova i vigogoi da i tuaġeta Jonah au tepana da ana ġou. Ma Jonah wei i vinu aina-kauei.

⁷ Wate ubaubana boibogħi aupom ġela, BADA motamota i paritawanei da ġorogorovana i ani da i’raġe. ⁸ Maranai madeġa i gogo, God ive maramatanei i paritawanei. Ma madeġa Jonah kolana i rarani da i ġokkokara. I ġoei da ita iraġe ma i riwa, “Iraġe i aii, eġa me lawana.”

⁹ Wate God Jonah i paridadanei, “Am nola aiwai da amlom i ġaġġai kaua wei ġorogorovana awarina?”

Jonah i paribelei, “Amlo i ġaġġai kaua da a ġoei ana i’raġe.”

¹⁰ BADA i riwa, "Wei ġoroġorovana u vivinuabolei lamna eġa tam uta kaei bo uta paini. Tauna waguvvarai i gogo ma waguvvarai i'räge. ¹¹ Wate nai taon ġaegħena Niniveh ma ana patara 120,000, taui gimtona taumaenina ma ai ġamoġamo maġamaġau. Wei taona a vinuabolei tapa?"

Peroveta Micah ana buka

Pariverena

Wei bukana, Micah mai Israel e ririwei da God taui awari amlona i ġaiġai. Tauna amlona i ġaiġai aubaina eġa ita votelatelei. Lamna aubaina ai ġavia ina voterei da ina viġavie.

Wate nanare BADA ana parivainuaġana i jimej. BADA i parivainuana da au damona ana rava ina vilawani.

5

Gulau meiei ina nei

¹ Sorodia ona vomairi! Ona vokaukau!

Ġavia Jerusalem i matave kwaipipini.

Israel ana gulau ina kwapui, jiġonei navanavana ina kwapui.

² Tam, Bethlehem Ephrathah,

melaġai aburu oina dam Judah au orai.

Wate awarimiei, Israel ai gulau ina opu.

Tauna wariaġana,

au karea da marina.

³ BADA mai Israel i voterei ai ġavia au urai,

da wavine marina au manawa, tevera orotona ina ġuni.

Ma ai rava ġelau i tuvai-opunei,

ina nememei ai au gana au Israel.

⁴ Tauna BADA ana rewapanei, ina mairi ma ana sipu ina raveni,

ana vinualaulaunei ma BADA wavana ġaegħaenei.

Rava anatapui au dobu, Tauna ina vivirana-kauei

ma lamna aubaina taui kampa ina mae-kaua.

Peroveta Zechariah ana buka

Pariverena

Mai Jew ai ġavia i nei ma taui i pupuna-naiei au Babilon. Ma madeġa 70 au murina Babilon ai gulau mai Jew i voterei da i naeme au Israel tempol voamelana Aubaina. Zechariah maiteni i nae. BADA Zechariah i riwei da mai Israel wenanare ina pariverei, "Ona mae-taviremi awariu ma ana maetavireu awarimi."

Zechariah turana peroveta Haggai maiteni i nola tagogi nai au marana.

9

Zion ana gulau e nenei

⁹ BADA i riwa, "Ona morelana Zion

Ona logoimi Jerusalem,

ona inana! Ami gulau e nenei awarim.

Orana Jijimanina ma ana ġavia i vovaiubai.

Ana volaġotana donkey e gerugerui,

donkey ġaubona i gerui.

¹⁰ Dam Ephraim awarii Chariot ina vaitawanei,

ma Jerusalem awari ġavia horse ina vaitawanei.

Ma viġavia ana pidu ina gai.

Tauna rom ina neiai.

Ma ana vibada boga i taġoni da au boga ġela,

au waira Euphrates da dobu au gia dewadewana."

12

Tauna i tonatonai ana mogu.

¹⁰ Tau-Bada, David ana epaepaia ma mai Jerusalem awarii, raunuapoapoe ma rupena aruana ana iwagi. Taui ina taepai ma i tonatonau ina inanai, ma ina touei ma ina moguei me rava natuna tagotago i'rāġe; me natuevouna ina irairāġe. ¹¹ Nai marana, tou ma tarakwatu au Jerusalem ina rata kaua me au Hadad-Rimmon au wapuna, au Meggido maranai gulau Josiah i virāġeni.

13

¹ BADA Virewapana Kaukauana i riwa i pa, "Mara ina ġetai maranai vuvura ina votawanei au Jerusalem. David ana epaepaia ma mai Jerusalem anatapui ina nei ma ai ġo'apoapoe ma ai mira ina oġa-tawanei."

Mark Riwana Aiaina, Mark i girugirumia

Parivererena

Wei lamna God Natuna Iesu Keriso Messiah Riwana Aiaina karena. Rava wei bukana i girumi, wavana ega ita riweta. Wate tauviararamana e ririwa da Mark i girumi. Mark, lamna ega Apasol, wate tauviararamana magamagaui i notai da tauna, Peter maiteni au Rome i mae. Ma Peter, Iesu ana kaua ma ana viararamana magamagaui Mark i riwei. Anina ma Mark wei riwana i girumi da tauvitumaiganu au Rome ita aramanei, Iesu aiwai i kaei.

Riwa karena i girugirumia e viviegeta da wei lamna Iesu Keriso Messiah God Natuna Riwana Aiaina. Aubaina, wei au bukana ta inainai Iesu awarina rewapania da kaua magamagaui ita kaei. Wei kauai tana inanai maranai: e viviararamana; ma arua-apoapoei e viviagaganu-opunei; ma rava doridoriai e vivilawani; ma go'apoapoe e notanota tawanei. Mark, Iesu ana nola ma ana kaua i girumi ma ega ana viararamana ita giruma-guratei. Mark i viegeta menanare Iesu au korosi i rage da rava anatapui ita vilawanai ma God menanare, Iesu iragalei i vovaimairini.

*John Taubabataito, Iesu ana aninae i vovokaukauei
(Matthew 3:1-12; Luke 3:1-18; John 1:19-28)*

¹ Wei lamna Iesu Keriso Messiah God natuna Riwana Aiaina karena.

² Wariaaga peroveta Isaiah i girugirumia nanare:

*“Ona rautanigana! Au peroveta au naom ana paritawanei
da am aninae ina vokaukauei.”*

(Malakai 3:1)

³ ⁴ “Peroveta au mutulua e vivigoregore:

*“Taumi BADA ana aninae ona vokaukauei,
ana eta ona vovai-jijiman!”*

(Isaiah 40:3)

⁴ Ma taupariverena John i nei au mutulua da rava i bababataitoi ma God riwana i jimejimei i pa, “Ami go'apoapoe ona voterei, ma ona mae-taviremi God awarina ma ami go'apoapoe ina nota-tawanei ma ana babataitoimi.” ⁵ Ma rava anatapui Judea au paratana ma au Jerusalem i nae da John ita rautaniganei. Maranai ai go'apoapoe i rupeni, John, tau i babataitoi au waira Jordan.

⁶ Ma John, kamel aparana metametanana i oteoteni ma ana tairoro gamogamo opina. Ana lam kapau ma manigewa. ⁷ Ma tauna, rava i ririwei i pa, “Rava au muriu e nenei i getelara, ega me tau. Ega tagotagogiu da ana ae uma guravana ana rupeni. ⁸ Tau wairei a babataitoimi, wate tauna, Arua Vivivireinei ina babataitoimi.”

*John, Iesu i babataitoi
(Matthew 3:13-17; Luke 3:21-22)*

⁹ Lamna maranaina Iesu, Nasaret, Galili i netawanei ma i nei ma John au waira Jordan, tauna i babataitoi. ¹⁰ Ma maranai Iesu wairei i gegetai, i nana da mara i wanatawanei ma Arua Vivivireina me gabubu i gairai. ¹¹ ¹² Ma God ponana marei i opu ma i riwa i pa, “Tam, tau natu au nuvaina ma u vinuainiu.”

*Satan, Iesu i raelari
(Matthew 4:1-11; Luke 4:1-13)*

¹² Ma lamna au murina God Aruana Vivivireina Iesu i paritawanana-opunei au mutulua.

¹³ Ma au pom 40 au mutulua i mae. Ma Satan, tauna i raelari. Gamogamo gaigaiawai nai au dobuna i mamae ma God ana anela marei tauna i paini.

*Iesu, lebalebaagai ruaaga ma ruaaga i raukwatuei
(Matthew 4:12-22)*

¹⁴ Ma gulau Herod, John i pani. Ma muriai Iesu i nae au Galili da rava awarii God Riwana Aiaina i jimei. ¹⁵ Ma Iesu i ririwa i pa, “God ana mara vinevinena i getai. God ana vibadana vouna rava aubai, lamna i turiai. Ami go'apoapoa ona rupeni ma ona mae-tavirem ma Riwana Aiaina ona vitumaganei!”

¹⁶ Mara tagogi Iesu Galili topana au gerana i bababara nae. Ma lebalebaagai ruaaga i 'nanai, Simon* ma ana tevera Andrew au topa i rarauagida. ¹⁷ Iesu i riwei i pa, “Ona nei

* **1:3:** Isa 40:3 * **1:11:** Gen 22:2; Isa 42:1; Mrk 9:7 * **1:16:** Wavana gelauna Peter

ma ona votaḡotaḡoiu. Ma me marina iana o tutuarui; nanare, ana viararamanimi da rava ona tuarui da ina vitumaḡaneul!"

¹⁸ Ma maratogogi ai agida i voterei ma Iesu i votaḡotaḡoi. ¹⁹ Ma taui au gera i verau-nae. Iesu, Zebedi natunatuna i 'nanai, James ma John ai au waga ai agida wanawanarorona i vokaukauei. ²⁰ Ma maratagogi taui i ġorei, "Taumi ona nei ma ona votaḡotaḡoiu!" Ma taui amai Zebedi[†] ana taunola maiteni i voterei ma Iesu i votaḡotaḡoi.

*Iesu, arua-apoapoenā rava awarina i viağāgana-opunei
(Luke 4:31-37)*

²¹ Iesu ana Tauvotaḡotaḡo maiteni i nae au Capeniam.[‡] Ma au Sabat, Iesu i rui au pari numana ma God Riwana Aiaina, viararamana i vikarei. ²² Tauna ana rewapanana i viararamana ega me mai Jew ai tarawatu babadai [§] nanare. Ma taurautaniġana ana viararamana i baei.

²³ Maranai Iesu pari au numana i viviararamana ma oroto arua-apoapoenā orana i ruiruinia i garara ²⁴ i pa, "Iesu Nasareti, aiwai e ġoeġoei awariai. Tam weka u nei da ma viapoapoenai bo? Tau a aramanei tam aiai. Tam Vivivirem Godei!"

²⁵ Ma Iesu riwa bagibaginei i riwei i pa, "Ma genuan! Nai orotona ma opu-tawanei!"

²⁶ Ma arua-apoapoenā orotona i vialkjajie i ponana i rata, i garara ma i opu-tawanei. ²⁷ Ma rava anatapui i bana-kaeue i taui ava i vitarapiri, "Wei aiwai? Wei viararamana vouna ma ana rewapanana maiteni! Wei ravana awarina rewapanana e mamae da arua-apoapoenā i riwei ma tauna i vovoteleteleil!" ²⁸ Iesu nolana, maratagogi i tua Galili au anatapuna.

*Iesu, rava maġamaġau i vilawani
(Matthew 8:14-17; Luke 4:38-41)*

²⁹ Nai marana pari numana i opu-tawanei ma ana tauvotaḡotaḡo maiteni i nae Simon ma Andrew ai au numa. James ma John maiteni i nae. ³⁰ Simon poiana wavinena ini ġuġurana ana au animatave i matamatave ma maranai Iesu i ġeta ma numa ravai, tauna i pariverei. ³¹ Tauna i nae wavine awarina, nimana i voojiji ma i voagui da i vomairi. Lamna maranaina, ini ġuġurana i voterei ma wavinena, taui i paini.

³² Ma au bigai madęga i neulai au murina, rava, ai rava doridoriai ma aiavo arua-apoapoei au orai maemae, i neiae Iesu awarina.* ³³ Ma rava anatapui nai au melagaina i vitagogie i numa au metaetana. ³⁴ Ma Iesu, maġamaġau i doria nununai i vilawani ma arua-apoapoenā maġamaġau rava awari i viağāgana-opunei. Ma arua-apoapoenā i aramanei da tauna anina God natuna ma lamna aubaina taui i viġaei da i genuana.[†]

*Iesu au Galili i raugugula nae
(Luke 4:42-44)*

³⁵ Ubaubanai boibogħi, Iesu i vomairi ma numa i opu-tawanei ma i nae gabu au genugenu-nana. Ma kampa, God awarina i raupari. ³⁶ Muriai, Simon ana rava maiteni i nae da i baei.

³⁷ Ma maranai Iesu i nelagħi, ma i riwei i pa, "Rava anatapui e baibaiem."

³⁸ Iesu i paribelei i pa, "Tana nae taon ġelau i ġereġġere, ma kampa maiteni God Riwana Aiaina ana raugugulei. Tau wei lamna aubaina a nei." ³⁹ Ma Galili au anatapuna i naeni ma pari au numai i raraugugula ma arua-apoapoei i viopuni.

*Iesu, oroto opi doriana i vilawani
(Matthew 8:1-4; Luke 5:12-16)*

⁴⁰ Anina ma rava awarina opi doriana, i nei Iesu awarina ma au naona i peu ma i raudune ma agu i vibagi i pa, "Mepa da ma ġoei, anina da ma viaiainiu.[‡]"

⁴¹ Ma Iesu nuabola orana i oai ma urana i viloloi da i vodadani ma i riwa i pa, "Anina a ġoēġoei, ma aii!" ⁴² Ma maratogogi opi-doriana, oroto i voterei ma tauna i aii me. ⁴³ Anina ma Iesu i riwana-guratei i pa, ⁴⁴ "Tam ma nae! Aiwai i tuputupua awarim, ega rava ma vieġei!

† 1:20: Eng. Zebedi. ‡ 1:21: Eng. Capernaum. § 1:22: Wariäga BADA, ana Tarawatu Moses i verei mai Israel aubai. * 1:32: Madęga ina neulai au murina anona lauvitau ana mara damona. Mai Jew ai lauvitau ana mara au Friday madęga e neneulai au murina e vivikarei da Saturday madęga e neneulai au murina e vororovorei.

† 1:34: Iesu i aramanei, mepa da ita kaeue da arua-apoapoei ita riwa da tauna Keriso; lamna rava tauna ita egari da sorodja ita vibadei ma ta viġavia, me taui e vivinua-notenotei nanare. Jhn 6:15 ma inanai. † 1:40: Mai Jew ai Tarawatu e ririwa da rava lepeleperai, taui miramirai me dobu ġela ravai - Jentail. Mai Jew amapo nai ravai ega ina vodadani. Rava miramirai ega maiteni ina vitaparoro bo au melagai ina mae. Lamna aubaina mepa da rava miramirana i lawana, tauna ina ai-me, God tauna ina vaimelei ma rava maiteni ina mae ma ina taparoro.

Ma jijimanina ma nae pirisi pulo tau apuna awarina ma vietataiana-melem ma viaiaina pulona Moses i ririweia ma kaei da ina vimataira taui awari! Pirisi pulo tauapuina ana vianina ina verei da tam u lawana.”

⁴⁵ Wate orotona i nae ma aiwai awarina i tuputupua lamna melagai au anatapuna i babaniana-naei. Ma lamna aubaina Iesu melagai anatapui i vorei ma mepa ega rava ita mamaelana kampa i nae. Wate rava mepa maemaei i nei Iesu awarina.

2

*Iesu, oroto gwāgagwāgana i vilawani
(Matthew 9:1-8; Luke 5:17-26)*

¹ Iesu ana tauvotāgo maiteni i wanavira-melei au Capeniam. Ma au pom ruāga au murina, rava nolana i nonori da tauna i nememei au melagai. ² Ma rava māgamagaui i vitagogieau numa. Patara i rata guratana da numa i oai ma metaeta maiteni i mae-potai. Iesu, God riwana i raraugugulei. ³ Nelara ruāga ma ruaga, oroto gwāgagwāgana rasirasiei i avarai da i neiai Iesu awarina. ⁴ Rava i māga guratana ma ega tagotagogogina da ita neiai Iesu awarina, lamna aubaina da tetelei i am̄gaena da au poewa ma gavogavo i bauni ma kampa gwāgagwāgana ana rasirasina i tere-̄garei Iesu au naona. ⁵ Ma Iesu, nai ravai i 'nanai da ai vitumāgana i rata, lamna aubaina gwāgagwāgana i riwei i pa, “Natu, am ̄go’apoapoei, a nota-tawanei.”

⁶ Anina mai Jew ai tarawatu babadai ̄gelaui kampa i kiakiala, au orai i vinua-notanota i pa, ⁷ “God ainelan ̄go’apoapoei e notanota tawanei. Aiwai aubaina wei ravana nanare e bababani? Tauna, God e viviboḡi ma e ririwa da tauna, God nanare.”

⁸ Maratagogi, Iesu Aruansei ai nota i vaia ma i riwei i pa, “Aiwai aubaina wei kauai o vivinua-notenote? ⁹ Metauna i telatela: ̄gwāgagwāgana ata riwei, ‘Am ̄go’apoapoe a nota-tawanei.’ Bo ata riwei, ‘Ma vomairi, am animatave ma vaia ma ma babara?’ ¹⁰ A ̄goei da taumi ona aramanei da Rava Natuna au dobu ana rewapana e mamae da rava ai ̄go’apoapoe ina nota-tawanei ma ina vilawani.” Ma gwāgagwāgana i riwei i pa ¹¹ “A riwem, ma vomairi, am animatave ma vaia ma ma nae au numal.”

¹² Orotona i vomairi ma maratagogi aravi i vaia ma i babara nae. Ma patara i raraubiga, i bana-kauei ma God i voepaepai ma i ririwa, “Tauai ega melanai kaua wenanare ata inanai!”

*Iesu, Levi i kwatuei
(Matthew 9:9-13; Luke 5:27-32)*

¹³ Iesu, Capeniam i voterei ma Galili topana au gerana i bababara ana tauvotāgo maiteni. Ma patara i nei awarina ma tauna God riwana viararamanana i vikarei. ¹⁴ Ma i verau-nae aburuna ma Apius* natuna Levi i 'nanai, ana bagibagi au gabuna i kiakiala ma tax i tamitami Rome gabemanina aubaina. Iesu i riwei i pa, “Ma votāgoaioi!” Levi i vomairi ma i votāgoaigoi.

¹⁵ Tax tautami ma ̄go’apoapoei ravai māgamagaui, Iesu ma ana tauvotāgo i votāgoaigoi. Ma anatapui, Levi ana au numa i kiala gogona ma i amam.[†] ¹⁶ Tarawatu Babadai ̄gelaui lamna Pharisi, ma taui i 'nanai da Iesu tax tautami ma ̄go’apoapoei ravai maiteni i amam. Anina ma Iesu ana tauvotāgo i riwei i pa, “Aiwai aubaina Iesu tax tautami ma ̄go’apoapoei ravai maiteni e amam?”

¹⁷ Ma maranai Iesu wei riwana i nononori ma taui i riwei i pa, “Rava lawalawai, doketa ega ita ̄goegoei ma rava doridoriai, doketa e ̄goegoei. Tau a nei ̄go’apoapoei ravai aubai ma ega rava jijimani aubai.”

*Uji vitaraviravirana
(Matthew 9:14-17; Luke 5:33-39)*

¹⁸ Mara tagogi, John Taubabataito ma Pharisi ai tauvotāgo i ujiuji. Ma rava ̄gelaui i nei Iesu awarina ma i vitara-virevirei, “Aiwai aubaina John Taubabataito ma Pharisi ai tauvotāgo e ujiuji, wate tam am tauvotāgo ega ita ujiuji?”

¹⁹ Iesu i paribelei i pa, “Taumi o notanotai da taui aiavoi i raukwatuei tavine ana au torela, ina mae lota bo? Egaeten kaua! Maranai tavitavine vou orotona, taui maiteni e mamae, taui ega ina uji. ²⁰ Wate mara ina ̄geta maranai tavitavine vou orotona ina vaitawanei ma lamna maranaina ana rava ina uji.”

* ^{2:14:} Eng. Alphaeus. † ^{2:15:} Moses, BADA ana Tarawatu i girumi ma mai Pharisi wei Tarawatuna i votāgoaigoi-kauei. Ma taui kaua waduboi amamai ̄gariei maiteni i vovotelelei ma i riwa da aiavoi Tarawatu ega ita voletelelei lamna taui rava apoapoei, ̄go’apoapoei tau kaei.

²¹ Ma riwa e mamae, “*Tau kaua vouna a neia ega me taumi ami kaua wadubona nanare.* Ega aiai ravana, gara vounai gara au wadubona ina popo-ratui da gavogavo ina vopotai. Mepa da nanare lamna, gara vounai gara wadubona ina roroi ma gavogavo ina rata. ²² Ma nanare, ega aiai *wine* vounai ina vaini da *wine* aniterenana wadubona ġamoġam opinei au orana ina iwaġi. Mepa da ina kaei, lamna *wine* vounai ina dodo ma *wine* aniterenana wadubona ina viairoroi ma *wine* ma aniterenana ina wanabauni†. Wate *wine* vounai, anina da *wine* aniterenana vounai au orana ina iwaġi.”

Iesu ana riwa Sabat aubaina
(Matthew 12:1-8; Luke 6:1-5)

²³ Mara tagogi ab Sabat, Iesu ana tauvotaġoġo maiteni, *witi* wapuna au orana i nena. Ma ana tauvotaġoġo *witi rovei* i vaini ma i amam. ²⁴ Pharisi ġelaui i 'nanai wei kauana i kaukauei ma taui Iesu i riwei, “Ma inanai, ata Tarawatu e mamae da Sabat, lamna lauvitau ana mara. Aiwai aubaina taui e vovbagibagi?”

²⁵ Iesu i paribelei i pa, “Me peroveta i girugirimia nanare. David ana tauvotaġoġo maiteni am-iraġe ma aiwai i kaei? Taumi o iavi ma aiwai aubaina anona, ega ota vinua-notenotei?

²⁶ *Pirisi Ĝegetelarana Abiathar ana au mara, David, God ana au numa i rui ma palawa vovivirana i vaia ma ġelaui ana tauvotaġoġo maiteni i verei da i ani. Moses ana Tarawatu e mamae da pirisi ava palawana e aniani.”

²⁷ Ma Iesu ana riwa au damona i riwa i pa, “God, Sabat i kaei da rava voaguna aubaina ma ega rava ita kaei Sabat voaguna aubaina. ²⁸ Ona vinuanotenotei, tau Rava Natuna, lamna aubaina tau anina Sabat badana.”

3

Iesu, Orotu urana irairaġena i vilawani
(Matthew 12:9-14; Luke 6:6-11)

¹ Mara ġelauna au Sabat, Iesu i naeme au pari numana ma oroto urana irairaġena i 'nanai kampa i kiakiala. ² Ma Pharisi ġelaui i ġoei da aiwaiei Iesu ita viwavui. Lamna aubaina i 'nana-taġoġoi da oroto ita vilawani bo ega au Sabat. ³ Ma Iesu, orotona i riwei, “Ma nei, au naoi ma mairi!” ⁴ Ma Iesu, ravai i vitara-virevirei i pa, “Sabat au marana, metauna i aii: Aiaina tana kaei bo apoapoena? Tana vilawana bo tana virāġena? Tarawatu aiwai i riwei?” Ma anatapui i genuana. ⁵ Iesu ana amloġaġaina i 'nana viravira ma i 'nanai da taui orai i bado ma nuuanuana i bola-kauei. Ma orotona i riwei i pa, “Uram ma viloloi!” Ma i viloloi ma i lawana. ⁶ Ma Pharisi maratagogi i opu ma i nae Herod ana rava awarii* ma ai oga i tarai da Iesu mena ita virāġenanei.

Iesu, Patara awari i babani

⁷⁻⁸ Iesu ana tauvotaġoġo maiteni, taui i netawanei ma i nae au gera da ita vilauvitau; ma mai Galili patara ġaġġaena i votaġoġo. Rava maġamaġau, Iesu aiwai i kaukaueia nolana i nonori ma mai Galili ma Judea, Jerusalem taon, Idumea ma taon ġelaui waira Jordan taon au babagelauna, Taia taon ma Sidon taon,† taui anatapui i nei Iesu awarina. ⁹⁻¹⁰*Iesu, rava maġamaġau i vilawani. Ma lamna aubaina doridoriaj maġamaġau i viviamdudu ma i ġoei da tauna ita vodadan. Lamna aubaina ana tauvotaġoġo i riwei da waga i vokaukauei. ¹¹ Maranai, arua-apoapoei rava au orai maemaei, Iesu i 'nanai ma au naona i peu ma i garara, “Tam God Natuna!” ¹² Ma Iesu taui i viġiae da avena ita vieġa da tauna aiai.

Iesu ana Apasol 12 i vinei
(Matthew 10:1-4; Luke 6:12-16)

¹³ Anina ma Iesu i ġae au ola ma ana ġoanei nanare, rava i kwatuei da awarina i ġei. ¹⁴ Tauna, nelara 12 i vinei da maiteni ita mae ma muriai ita paritawanei da ita raugugula. Ma i ġorei Apasol. ¹⁵ Ma i vovai-virewapani da arua-apoapoei rava au orai ina viopuni.

¹⁶ Taui i vinevinei 12 ai wava wenanare,

Simon i ġoreġoreia Peter‡

¹⁷ ma Zebedi§ natuna James ma ana tevera John i ġorei Boaneges, anona waiparara natunatura,

¹⁸ Andrew,

† **2:22:** Wine e tutupupua ma puropurona wine ana aniterenana ina viaisikasai * **2:26:** 1Sa 21:1-6 * **3:6:** Herod ana rava anona lamna mai Jew ai boru, taui aiavoi Rome gabemanina i vovoagu. Taui ai bada wavalatona Herod Antipas. Mai Jew maġamaġau ma mai Pharisi maiteni, i notai da Herod ana rava taui tauvibenabenam ai rava au oienaw awarii.

† **3:7-8:** Eng. Tyre & Sidon. Wei ravana ega mai Jew. * **3:9-10:** Mrk 4:1 † **3:16:** Anona Ĝaima. § **3:17:** Eng. Zebedi.

Philip,

Batolomeo,*

Matthew,

Thomas,

James, tauna Apius† natuna,

Thadeus,‡

Simon, tauna Ununurana,§

¹⁹ ma Judas Iskariotei; * tauna, Iesu tauvibenabenameina.

Rava i riwa da arua-apoapoei Iesu e vivibadei.

(Matthew 12:22-32; Luke 11:14-23; 12:10)

²⁰ Ma Iesu ana tauvotagotago maiteini i rui au numa. Ma patara i rieiai da taui ega tagotagogina da ita am. ²¹ Ma Iesu ana numa ravai nolana i nonori ma i riwa i pa, "Tauna i bua." Lamna aubaina i nei da ina taravaini.

²² Tarawatu babadai gelau Jerusalemei i nei ma i riwa i pa, "Arua-apoapoei, ai bida Bielsibul,[†] Iesu au orana i rui ma lamnei arua-apoapoei e viviopuni."

²³ Lamna aubaina Iesu, wei Babadai i gøre ma awanainei i pa, "Satan amapo Satan ega ina viopuni." ²⁴ Mepa da dobu ravai ina viégavia vivira, lamna dobuna ita mae ava.

²⁵ Ma nanare dam ina viégavia vivira, nai damna ita mae ava. ²⁶ Ma Satan ita vomairi ma ita viégaviana-melei, amapo ita mae ava. ²⁷ Taudanene amapo ega rava virewapanana ana au numa ina danene, ega da au naona ravana güravei ina rağini ma muriai ina danene. ²⁸ Riwa kaua a ririwemi da God ami gó'apoapoei ma ami vijiboga anatapui ina nota-tawanei. ²⁹ Wate aiai da Arua Vivivireina e vivijibogí, God, nai ravana ana gó'apoapoei ega melanai ina nota-tawanei ma ana gó'apoapoe ina mae-nonoa." ³⁰ Iesu wenanare i babani, aubaina rava gelau e ririwa, "Iesu au orana arua-apoapoei e mamae."[‡]

Iesu ana dam oina

(Matthew 12:46-50; Luke 8:19-21)

³¹ Iesu alona ma varevareina i nei ma au doa i maimairi ma riwa i paritawanei Iesu awarina da ita nei. ³² Ma patara Iesu i kiala kwaviviroi, ma taupariverena i riwei i pa, "Alom ma novunovum ma varevareim au doa ma e góegoem."

³³ Iesu i paribelei i pa, "Aiai alou ma aiastoi varevarei?" ³⁴ Anina ma taui i kiakiala i 'nanai ma i riwa i pa, "Ona inana! Wei taui alou ma varevarei. ³⁵ Aiai God ana góana e kaukauei, tauna alou ma novu ma varei."

4

Doa tapuna ma tapuna ai awanaina

(Matthew 13:1-9; Luke 8:4-8)

¹ Iesu, giu i raukarena-melei Galili topana au adana. Ma patara i riei da ita rautaniğanei. Ma patara i rata, da tauna au waga i geru ma i kiala ma waga i duduui da i viraupu au topei ma patara au gera i mae.

² Ma kaua mağamağau awanainei i giu ma i viaramana i pa,³ "Ona rautaniğana! Taupaewa, ana wapu i vokaukauei ma pei i ravi awawari. ⁴ Pei gelau au eta i peu. Ma kiu i ġeta ma i ani. ⁵ Ma pei gelau doa au ġaigaimana i peu, doa au avavana. Ma lamna aubaina maratagogi i gogo. ⁶ Wate maranai madega i rarani, maratagogi i poi, anona warami ega ita ġaira guratana doa au orana. ⁷ Pei gelau, modu donadonai au poui i peu. Ma modu donadonai i gogo ma pei i gogogo i lavani, ma ega ita ua. ⁸ Ma pei gelau doa au aiaina i peu ma i gogo kaua ma i ua, gelau 30, gelau 60 ma gelau 100."

⁹ Ma Iesu i riwa i pa, "Mepa da tanigami e mamae, riwa ona nonoril!"

Aiwi aubaina Iesu awanainei i babani

(Matthew 13:10-17; Luke 8:9-10)

¹⁰ Maranai Iesu ainelana i mamae ma ana tauvotagotago ¹² ma taurautaniğana gelau i ġeta ma Iesu i vibagai da awanaina anona ita riwei.

* **3:18:** Eng. Batolomeo. † **3:18:** Eng. Alphaeus. ‡ **3:18:** Wavana gelau Judas - Luk 6:16 § **3:18:** Anona lamna taui mai Jew ma taui Rome e vivigavie. * **3:19:** Iskariot, lamna Judas ana melagai wavana da auna lamna Iskariotei. † **3:22:** Eng. Beelzebub. Anona lamna, nabugara ai bida. ‡ **3:30:** Tarawatu tau girumi i parivajjigei aubaina taui e ririwa da Arua Vivivireina ana nola lamna baravu da parauma. BADA ega melanai ai gó'apoapoei ina nota-tawanei.

¹¹ Ma Iesu i paribelei i pa, “God ana vigulau ana kaua mamae govağana; taumi i vieğemi ma rava au tano maemaei, taui aiwai anatapui awanainei e paripari-verei. ¹² Lamna ana kuae da wariağā peroveta aiwai i girugirumia ina tupua:

“Taui ina inana ma eğā ita inainanai.

Taui e rarautaniğana ma eğā ita araramanei;
ma lamna aubaina taui eğā ita nenei God awarina
da ai gó'apoapoe ita notatawanei.”

(Isaiah 6:9-10)

Doa tapuna ma tapuna anoi.

(Matthew 13:18-23; Luke 8:11-15)

¹³ Anina ma Iesu i riwei i pa, “Wei awanainei a babani ma anona eğā ota aramanei bo? Ma awanaina ġelaui menanare ona aramananei? ¹⁴ Taupaewa, God riwana, rava anatapui e paripari-verei. ¹⁵ Rava ġelaui orai i bagibagi me etanai. Riwa au tepana e rauraeui, wate maratagogi Satan e nenei da riwa rava au orai e vaivai-tawanei. ¹⁶ Ma rava ġelaui orai me doa viğaiğaimana. Taui, riwa i nonori ma maratagogi ana nuuaii riwa e vaivai. ¹⁷ Wate warami eğā da eğā ita mamae guratana. Ma maranai nuabola bo rau-iviapoapoe e nenei taui awari, aubaina taui ai tumağana God awarina e tereterei. Taui maratagogi e peupeu. ¹⁸ Rava ġelaui orai me pei, modu donadonai au orai e gogogolana. Taui anina riwa e nononori. ¹⁹ Wate lawana ai nuabola ma mane ai nuuavainana ma kaua ġelaui ai au nuuaii e ruirui ma God riwana e lavalavani da eğā ita uua. ²⁰ Ma ġelauni, taui me pei doa au aiaina i peu. Taui, lamna anina riwa e nononori ma e vaivai-kuei ma e uua: ġelaui 30 ma ġelaui 60 ma ġelaui 100.”

²¹ Iesu i riwei i pa, “Rava, eğā rampa ita neineiei da iriga au gabaurina ita tereterei bo vataru au gabaurina ta pa? Rampa ana au anikiala e tereterei ta pa? ²² Kaua mamae govağai, anataputupui a viégai ma kaua govagovagai nanarena ana viégai. ²³ Mepa da tanığami e mamae, riwa ona nonoril!”

²⁴ Iesu i riwa i pa, “Aiwai o nononoria ona rautaniğanana-kauei, ruva o ruveruveia, God nanare awarimi ina ruvai ma ġelauna ina tavipotoi. ²⁵ Lamna aubaina, mepa da riwau ona aramanei, tau ġelauna ma ġelauna ana veremi. Ma taui eğā ita aramanei, lamna aiwai aburuna i nononoria, ina vine-boai.”

Pei gogogona ana awanaina.

²⁶ Iesu e ririwa i pa, “God ana vigulau me rava, *witi* peina au doa ita ravi-awari. ²⁷ Ma waguvvara e matamatave ma maratom e vovomairi ma pei e gogogo ma e rarata. Wate aiwaiei e gogogo, tauna e vivinuanainei. ²⁸ Doa ana nuaina, pei me *witi* e vivigogi ma e uua. Au naona e raraupairei ma muriae e roverove ma muriae anona e magumagura au tapina. ²⁹ Maranai i magura, rava petona e raraukarei. Tuaruta marana i ġetai.”

Pei aburuoina ana awanaina

(Matthew 13:31-32, 34; Luke 13:18-19)

³⁰ Iesu i riwa i pa, “God ana vigulau aiwaiei ana parivai-patepatei bo aiwai awanainei ana pariverem? ³¹ Wenanare, wei aina peina, lamna me gaga peina, pei aburuoina au dobu ma au doa i paewi. ³² Ma peina i gogo ma i rata da ai muomuoi i ġetawanei ma rağarağai gaegae i terei ma au ġoui, kiu ai nogi ita voai.”

³³ Ma Iesu, awanaina mağamağau, rava au matai i raugugulei da taui ai rau-tanığana ana au ruva nanare. ³⁴ Awanainei, rava awari i giugiu, wate ana tauvotağotago ava awari kaua anatapui i viviegai.

Iesu, kojikojira i ravi-daumorai

(Matthew 8:23-27; Luke 8:22-25)

³⁵ Nai aubigaina Iesu, ana tauvotağotago i riwei i pa, “Tana damana topa au baba ġelauna.” ³⁶ Anina ma taui patara i voterei. Ma anatapui Iesu, maiteni au waga i geru ma i damana, waga ġelauni maiteni. ³⁷⁻³⁸ Iesu, waga au murina unutana i terei ma i raunuavuru. Ma kojikojira gaegae i tupua ma rabama, waga au tepana i rauraeui ma waia, waga i oaoai. Ma ana tauvotağotago, tauna i ravi-dagudagui ma i riwei i pa, “Taugiuu, nuanuam e bolabolai bo eğā da tana irağe?”

³⁹ Ma tauna i vomairi ma ive i viğaei ma i riwei i pa, “Ma genuanal!” Ma rabama i riwei i pa, “Ma mae-genuatau!” Ma ive i wanatuini ma daumora gaegae i matave. ⁴⁰ Iesu ana tauvotağotago i riwei i pa, “Aiwai aubaina o rovorovo? Taumi amapo da eğā ota vitumağana!”

⁴¹ Ma taui i rovo kaua ma i riwa vivira i pa, “Wei aiai ravana da ive ma rabama tauna e vovoteletelei?”

¹ Iesu ana tauvotağotaño maiteni Galili topana au baba ġelauna i ġeta, mai Geresa ai au dobu. ² Wei au dobuna, arua-apoapoenia oroto au orana maemaena. ³⁻⁵ Eġa aiai tagotagogina da ita vovaiubai. Mara maġamaġauna, aena ma urana seinei i pani. Wate wei i vaituituini, ma eġa tagotagogina da seinei ita pani. Marai ma waguvvarai i nene-labalabba ma i garagarara ma ġaimej tupuana i boribor-melei ma au kokoaga ma au ola i raunuma. ⁶ Maranai Iesu wagei i opuopu, arua-apoapoei orotona i ruiruinia, aueia Iesu i 'nanai ma kokoagei i ruba ma Iesu au naona i mae-peu ma i raudune. ⁷⁻⁸ Iesu, ravana i riwei i pa, "Arua-apoapoenia, wei orotona ma opu-tawanei!" Ma orotona, ponana au aidamo ma i garar, "Iesu, God Aidamo Telarana Natuna! Aiwai awariu e goeġoēi? God wavanei a vivibaġaim da eġa ma kovoġiul!" ⁹ Iesu, orotona i vitara-virevirei i pa, "Tam wavam aiai?"

I paribelei i pa, "Tauai a maġa, aubaina tau wavau lamna Ġavia Patarana."

¹⁰ Ma arua-apoapoei, Iesu i vibaġa-guratei da avena nai dobunei ita viopuna-tawanei.

¹¹ Ma poro boruna ġaegħaena au ġereġġere ola au adana i labalaba. ¹² Ma arua-apoapoei, Iesu i vibaġai, "Ma paritawanelai poro au orai ana rui." ¹³ Iesu i vianina. Ma arua-apoapoei, orotona i opu-tawanei ma poro au orai i rui. Poro boruna 2,000 nanare olei i ruba ġair da au topa i monu.

¹⁴ Ma poro taupaini i ruba nae au melagai ma au wapu; ma riwa i vibabarai. Ma rava i nei da ita inanai aiwai i tupua. ¹⁵ Ma maranai i nae Iesu awarina, orotona au naona arua-apoapoei patarai au orana i mamae; tauna i kiakiala, gara i oteni ma ana nota jijimanina. Ma taui i rovo kaua. ¹⁶ Ma aiwai i tupua orotona ma poro awari, taui i 'nainanaia, rava i riwana-naiei.

¹⁷ Ma dobuna ravai, Iesu i vibaġai da dobuna ita oputawanei.

¹⁸ Iesu au waga i gergeru ma orotona, Iesu i vibaġai i pa, "Tau maiteni tana nae."

¹⁹ Iesu i viġiaei ma i riwei i pa, "Ma naeme am au dam. Ma BADA kaua aiwai ġaegħaena i kaukueia ma ana iviāiai tam awarim, taui ma pariverei."

²⁰ Ma anina orotona, Iesu i netawanei ma i nae au Dekapolis (*melagai 10*) da Iesu aiwai awarina i kaukueia, rava i riwana-naiei. Ma taui anatapui i nononoria i baiei.

Iesu, Jairus natuna wavinenha ma wavine doridoriani i vilawani.

(Matthew 9:18-26; Luke 8:40-56)

²¹ Iesu wagei i damana me topa au baba ġelauna. Maranai kampa i ġeta ma topa au adana, ma patara i rieħi. ²² Pari numana badana wavana Jairus i nei weka ma maranai Iesu i 'nanai, tauna Iesu au aena i mae-peu ²³ ma i vibaġa-guratei i pa, "Natu guguinina e irairagi. Ma nei ma uram au inina ma terei ma ina lawana."

²⁴ Anina ma Jairus, Iesu maiteni i nae ma patarana i mae gariġuruvu ma i votaġotagoi.

²⁵ Wavine tagħiġi kampa patarana au orana awarina tara-doriani i mae da maddega 12 i kwa. ²⁶ Ana mane anataputapuna, dokedoketa maġamaġau awarri i tawanei ma eġa tagotagogina ita vilawani ma amapo da ana doria i rara. ²⁷⁻²⁸ Tauna, Iesu nolana ma ana babani i nonori ma au orana i vinua-notanota i pa, "Mepa da ana gara ava ana vodadani ma ana lawana." Ma tauna, Iesu murinei i nei ma ana gara i vodadani. ²⁹ Maratagħi, tara-doriani i wanatuini ma malana i vaia da i lawana. ³⁰ Nai maranaina, Iesu malana i vaia da ana rewapani i opu-tawanei ma i mae-tavirei patara au poui ma i riwa i pa, "Aiai au gara i vodadni?"

³¹ Ana tauvotağotaño, tauna i riwei, "Ma inanai, patara i mae gariġuruvim! Ma menanare da u riwa 'Aiai i vodadni?"

³² Wate Iesu i 'nana viravira da ita inanai aiai i vodadani. ³³ Wavine i rovo kaua ma i sisix, wate i aramanei aiwai awarina i tupua ma i nei ma Iesu au naona i raupari ma aiwai anatapui i vieġei. ³⁴ Anina ma Iesu, wavine i riwei i pa, "Natu, am tumaġħana i vilawanim. Am doria i kwa, ana nuaubam ma nael!"

³⁵ Maranai i bababani ma rava ġelaui Jairus ana numei i nei ma i riwei i pa, "Natum ana mara i kwa. Eġa Taugiu ma visina-viravirai."

³⁶ Iesu ai babani i nonora-tawanei ma Jairus i riwei i pa, "Eġa ma rovo, ma vitumagħana!"

³⁷ Iesu, rava ġelaui i viġiaei ma Peter ma James ma ana tevera John maiteni i nae. ³⁸ Ma Jairus ana au numa i ġeta ma Iesu, patara i 'nanai; i toutou ma i taratarakwatu ³⁹ ma i rui ma taui i riwei i pa, "Aiwai aubaina o taratara-kwatu ma o toutou? Tevera eġa ita iraġe, tauna e matamatav ota."

⁴⁰ Ma taui, Iesu i kakei, ma lamna aubaina rava i viopuni au doa ma tevera alona ma amana ma tauna ana tauvotağotaño tonuġa maiteni i rui mepa tevera i matamatav lana. ⁴¹ Iesu, tevera nimana i vaia ma i riwei i pa, "Talitha koum!" wei anona, "Kukuma, ma vomairi!"

42 Maratagogi i vomairi ma babara i vikarei (Tauna ana madega 12). Ma taui i ba kaua.
43 Iesu, taui i riwana-guratei da ega aiai ita viegei ma i riwa da ita viambagibagi.

6

Mai Nasaret, Iesu i parivirevirei

1 Iesu ana tauvota-gota-go maiteni nai dobuna i netawanei ma i naeme ana au melagai. 2 Ma Sabat marana i geta ma tauna giu i vikarei au pari numana. Ma rava magama-gau i riei da i rautani-ganei. Tauri anatapui i baei ma i vitara-viravira vivira i pa, "Wei tauna nuaulaula ma aramanana mepa i vaia?" Ma, "Kaua aiwaie i kaukaue?" 3 Anina ma taui ava i babani vivira i pa, "Tauna tauvoa. Mary ana natuevo ma varevarena James, Joses, Judas ma Simon ma novunovui weka e mamae tauna bo?" Ma lamna aubaina mai Nasaret, Iesu i parivirevirei.

4 Iesu, taui i riwei i pa, "Peroveta dobu au gelaui e vivivirei, wate ana au melagai, ana rava ma ana dam oina, ega ita vivivirei."

5-6 Tauna i baei da rava ega tauna ita vituma-ganei. Ma ega tagotagogina da kaua vivirewapanai kampa ita kaei. Tauna urana, rava ruaga ota doridoriai au tepai i terei ma i vilawani. Ma muriai, melagai nununau i geregerei i viararamana nae.

Iesu ana Apasol i paritawanei da ita viararamana

7 Ma Iesu, taui 12 i gorei ma ruarua-gei ava i paritawanana-opunei ma rewapana i verei da arua-apoapoei ina viaga-gana-opunei. 8 Ma riwa bagibaginei i riwei i pa, "Ami au vagai, ega aiwai ona vaia anina jiga-ona ava; ega lam, ega autu bo mane au urami. 9 Ae uma ona otensi ma ega kwama gelauna ona vaia." 10 Ma i riwei i pa, "Metauna melagaina o ruriwana ma i vianinemi. Numa tagoginina au orana ona mae da melagaina ona oputawanei. 11 *Mepa da au melagai o geta ma rava ega ita vianinemi bo ega ita rautani-ganemi. Nai melagaina ona oputawanei ma aemi pokauna ona rauabuabui da ina aramanei da taui ai wau!"*

12 Ma taui i opu ma rava awari i raugugula ma i riwei i pa, "Taumi ami go-apoapoei ona voterei ma ona mae-taviremi God awarina!" 13 Tauri, arua-apoapoei i viaga-gana-opunei. Ma rava doridoriai ma-gama-gau, olive oirana au kolai i buloi ma i vilawani.

John Taubabataito ana ira-ge

14-16 *Iesu nolana i nae da rava anatapui i aramanei ma tauna i babaniei. Ma rava gelaui i ririwa i pa, "Tauna, kaua vivirewapanai e kaukauei, aubaina tauna John Taubabataito ira-gelei i vomairi me." Gelaui i ririwa i pa, "Tauna Elijah i nememeli." Ma gelaui i ririwa i pa, "Tauna peroveta waria-gai nanare." Ma gulau Herod,[†] nolana i nonori ma i riwa i pa, "Tau, John Taubabataito uana a borituini; marina i vomairi me." 17-20 John ana virarautua, lamna wenanare. Muriai da Iesu ana viararamana nolana ita vikarei. Herod, tuana Philip awana i kwalei ma i ravagi. Wavinena wavana Herodias. Au murina John, Herod i riwana giringirie i pa, "Tarawatu e mamae da ega vareim awana ma kwalei." Ma Herod, riwa i paritawanei da John i pani da panipani au numana i terei. Herod ana nuaiaina, John i rarautani-ganei. Wate nuuanuana i raガraaga.

Ma Herodias, John awarina amlona i gaigai ma vira-genana i goei. Herod i aramanei da John, lamna rava jijimanina ma vivivireina ma i gagaloei. Herod, John i rovoei ma lamna aubaina wavinena ega tagotagogina da aiwai ita kaei.

21 Ma wavinena, gavogavo i 'nanai, maranai Herod ana tupua marana i geta ma torela i vokaukauei. Ma gabemani babadai gaegaei ma sorodia ai babada gaegaei ma Galili babadai i raukhatuei. 22 Ma Herodias natuna wavinena i nei ma i ara. Herod ma taui maiteni i amam i vinuaiani. Ma gulau, guguini i riwei i pa, "Aiwai u goegoeia ma vibagaiu ma ana verem!" 23 Ma i parivainua-gani i pa, "God au matana a ririwen da aiwai u viviba-geiu ana verem da au vigulau navanavana au paratana."

24 Ma tevera wavinena i opu ma alona i paridadanei i pa, "Aiwai ana vibagai?"

Ma i paribelei i pa, "John Taubabataito kolana."

25 Ma maratagogi i vipaparana ma gulau awarina i rui ma i vibagai i pa, "A goegoeia da marina John Taubabataito kolana ma vereu au aboma!" 26 Ma gulau nuuanuana i bola-kauei. Wate parivainua-gana boibogi i kaei taui i amam au matai. Ma lamna aubaina guguini, aiwai i viviba-gei anina i vianinei. 27 Ma tauviragaena i paritawanei ma i riwei da John kolana ita neiai.

* 6:11: Act 13:51 * 6:11: Wariaga mai Jew, tauvagai e nenememei au Israel. Tauri au aei pokau e raraubuabui maranai Israel ana au parata e gegeta, lamna taui orai e viaiaini. Ma Iesu ana tauvota-gota-go wei i kaei da melagai ravai ina notai, "Tauvota-gota-go e ririwa da tauta orata apoapoenia me tauta ega mai Jew." * 6:14-16: Mrk 8:28 † 6:14-16: Herod Antipas, Galili ana Wavalatona.

Ma i nae panipani au numana ma John uana i borituini. ²⁸ Ma kolana au aboma i terei ma guguini i verei ma guguini, alona i verei. ²⁹ Ma John ana tauvotaḡo, nolana i nonori ma i nei ma taubeuna i vaia ma au kokoaga i vimataveni.

*Iesu, nelara 5,000 i viambahibagi
(Matthew 14:13-21; Luke 9:10-17; John 6:1-14)*

³⁰ Apasol i ġeta memei ma aiwai anataputapuna i kaukauei ma i raraugugulei, Iesu i vieġei. ³¹ Lamna maranai, rava maġamaġau i nenei ma i nena da Iesu ana tauvotaḡo maiteni eġa gavogavo ita maemae da ita am. Lamna aubaina Iesu, taui i riwei i pa, “Taumi ava ona nei ma tana nae au mutulua da laumi ina tau mara aburuna.” ³² Ma anatapui wagei i nae au mutulua.

³³ Wate rava maġamaġau i 'nanai i nena ma i aramanei taui aiajvoi. Ma melagai nununai anatapui geraei i ruba gogona da au dobuna i aigeta. ³⁴ Maranai Iesu wagei i tuopu au gera ma patara ġaġġena i 'nanai ma nuanuana i bola-kaei. Taui me sипу ma eġa ai tauvipaipai. Ma Riwana Aiaina viararamanai i raukarei. ³⁵ Ma au biga e tuturiae ma ana tauvotaḡo i nei awarina ma i riwei i pa, “Wei mutulua ma madeġa e arearere. ³⁶ Rava ma paritawanei da ina nae au melagai ma au wapu au ġereġere da ai lam ina gimarai.”

³⁷ Wate Iesu i paribelei i pa, “Taumi ona viambahibagi!” Ma taui i paribelei i pa, “Mepa 200 denarii[†] tana vaia da wei patarana tana viambahibagi?” ³⁸ Ma Iesu i paridadanei i pa, “Palawa biaġa awarimi? Ona nae ma ona baei!”

Maranai i nelagai ma i riwa i pa, “Awariae, palawa five ma iana ruāga.”

³⁹ Anina ma Iesu, patara i riwei i pa, “Boru nununai, gidagida au majimajigai ona kiala nae.” ⁴⁰ Ma taui ai au boru 50 da 100 nanare i kiala nae. ⁴¹ Ma Iesu, palawa five ma iana ruāga i vaia ma i ġoutatau au mara ma God i viegualauie. Ma palawa i vogimagimai ma iana i ġutai da ana tauvotaḡo i verei ma taui, rava i verei. ⁴² Ma patara i am ma i am-iāua. ⁴³ Ma ana tauvotaḡo, lam am terererenai i tuarui da poa muomuoi 12 i vioai. ⁴⁴ Nelara 5,000 i viambahibagi.

*Iesu, waira au tepana i babara
(Matthew 14:22-33; John 6:15-21)*

⁴⁵ Anina ma Iesu, ana tauvotaḡo i egari da ita aidamana au Bethsaida.[§] Taui au waga i geru da i nena ma tauna, patara i paritawanei. ⁴⁶ Patara i paritawanei ma tauna ava i gaē au ola da ita raupari. ⁴⁷ Ma waguvvara ana tauvotaḡo au waga au topa ma Iesu au alala. ⁴⁸ Ma ana tauvotaḡo, lare i vovoguratei da ita ġota wate ive i virautamatantan. Ma maratotomtom nanare, Iesu i nae awari. Tauna waira au tepana i bababara ma i ġoie da taui ita tutelarei. ⁴⁹⁻⁵⁰ Ma maranai taui, Iesu i 'nanai topa au tepana i bababara ma i notai da tauna konāga ma i rovo kaukaua ma i vigaragararei. Ma maratagogi Iesu i riwa i pa, “Tepami ina toral Tau, eġa ona rovo!”

⁵¹ Ma au waga i geru ma ive i wanatuini ma taui i bana-kauei. ⁵² Avena da kaua palawa awarina i kaei i 'nanai, wate ana rewapani eġa ita aramana-kauei. Taui orai i bado ma i vinuanaina.

*Iesu, rava doridoriai maġamaġau i Genesaret i vilawani
(Matthew 14:34-36)*

⁵³ Taui, topa i damani ma au Genesaret i ġota ma ai waga i raġini. ⁵⁴ Taui, waga i oputawanei ma rava, Iesu i 'nanai ma maratagogi i aramanei da tauna. ⁵⁵ Iesu nolana, Galili provins anatapui i naeni ma i nonori da tauna mepa i mamae. Ma kampa, doridoriai rasiriasie i vivaniei. ⁵⁶ Iesu mepa i nelana, melagai ġaġġaei ma muomuoi ma wapu mepa rava e mamae lana. Ma rava, ai rava doridoriai nai au melagaina i neiae au deba. Ma i vibaġa, da doridoriai, Iesu ana gara adana ava ita vodadani. Ma aiajvoi Iesu ana gara i vodadani i lawana.

7

*Amamami ai giu
(Matthew 15:1-9)*

¹⁻⁴ Pharisi ma Jew anatapui, magumagura ai giu maġamaġau e notanota-jijini. Taui, ai aniuma ma ai aniam anatapui e oġaġġi lamnei taui e viaiaina-melei God au matana. Ma maranai au maket da e nenei, urai ina oġai ma ina am. Taui eġa ina am da au naona urai ina oġai kaei me ai magumagura ai giu nanare.

Maratagogi Pharisi ġelaui ma Tarawatu Babadai, Jerusalem ei i nei Iesu awarina da ita rautaniġanei. Ma taui i 'nanai da Iesu ana tauvotaḡo ġelaui, urai eġa ita oġai ma i amam.

[†] **6:37:** 200 denarii. Denarius tagogi lamna taubagibagi ai maia au pom tagogo nolana aubaina. [§] **6:45:** Eng. Bethsaida.

⁵ Ma taui, Iesu i vitara-virevirei i pa, “Aiwai aubaina am Tauvotaḡotāgo magumagura ai giu, ega ita votagotāgoi ma ana ura miramirai e amam?”

⁶ Ma Iesu i paribelei i pa, “Taumi morumorumi ma o vikaua-aiaina-melemi. God ana peroveta Isaiah i riwa kaua maranai i riwa, i pa:

‘Wei ravai ipiriei e voovoepapai,
wate nuuanuai uezia.

⁷ Taui rava ai giu e viiararamani.

Lamna aubaina ai voepaepa anona ega.’ (Isaiah 29:13)

⁸ Taumi, God ana Tarawatu o teretere-tawanei ma ami giu o votagotāgoi.”

⁹ Ma i riwana-melei i pa, “Taumi o aramana kaua da God ana Tarawatu o gedugeduaiei ma amamami ai giu o votagotāgoi. ¹⁰ *God ana Tarawatu, Moses i girugirumia nanare: *Amam ma alom ma vivirei ma Alai amana ma alona e enaena-boai, tauna ona viraḡeni.* ¹¹ Wate taumi o viararamana da aiai awarina mane bo purapura, amana bo alona ita voagui ma ita riwei, ‘Awariu e mamae da ato voaguim; wate lamna *Corban* - a tereriei pulo, God aubaina.’ ¹² Wei viararamanana, taui e viviḡaei da amana ma alona ina voagui. ¹³ Ma wei taunei viararamana, rava awari o vividamani; ma God riwana o vivikwakwavi. Ma kaua maḡamaḡau ġelau i maiteni o kaukauei.”

Metauna kauai, rava orai e vivimirai.

(Matthew 15:10-20)

¹⁴ Iesu, patara i kwatuanamelei ma i rwei i pa, “Anatapumi ona rautaniḡaneu ma aiwai a ririwemi ona aramanei. ¹⁵⁻¹⁶ Aiwai au tanoei au orami e ruirui, lamna ega ita vivimiraimi ma aiwai da oramieie o opuopu, lamna e vivimiraimi God au matana.”*

¹⁷ Anina Iesu, patara i voterei ma i rui au numa. Ma ana tauvotaḡotāgo, i vitara-virevirei da wei awanainana anona aiwai. ¹⁸⁻¹⁹ Iesu i paribelei i pa, “Taumi maiteni ega ota aramanei bo? Kaua aiwai au tano, rava au orai e ruirui amapo ega ina vimirai. Anona lamna wei kauai, ega ita ruirui rava au nuapouna, wate au manawana da e opuopu.” (Wei riwanei Iesu, lam anatapui i viaiaini).

²⁰ Anina ma i riwa i pa, “Aiwai, rava oranei e opuopu; lamna, rava e vivimirai God au matana. ²¹ Anina rava nuuanuei vinuanotanota apoapoei e opuopu me: viawawana labalababa, danene, viraḡena, awadanene, ²² ambo, rau-iviaipoapoe, moru, erawa, unura, terevaideḡa, mae-ḡaegae ma opa. ²³ Wei kauai apoapoei anatapui oranei e opuopu ma rava e vimirimirai.”

Jentail wavine,† Iesu i vitumaḡanei

(Matthew 15:21-28)

²⁴ Ma dobuna i voterei ma i nae Taia ana au parata. Mai rui govaḡa au numa ma ega ita ḡoei da rava ita aramanei da tauna kampa, wate ega tagotagogina da ita raugovaḡa. ²⁵⁻²⁶ Wavine tagogi, Iesu nolana i nonori ma i nei awarina. Tauna ega Jew ma Jentail au Phonisia i tupua, Siria ana au parata. Arua-apoapoenia, tauna natuna wavinena aburuna i ruini; ma alona i nae Iesu au naona i mae-peu ma ma i vibagai da arua-apoapoenia ita viopuni. ²⁷ Iesu i aramanei da tauna Jentail; lamna aubaina i rwei i pa, “Ega ita ai da roaroa ai lam ata vaia da auou ata verei da au naona roaroa ina am-iua.”‡

²⁸ Ma wavine i paribelei i pa, “Bada, aiwai u riwei; lamna riwa kaua. Wate auou, roaroa ai lam momogina, kepakepa au gabaurina e rauraua e aniani.”

²⁹ Ma Iesu wei i riwei i pa, “U paribelana kaua, aubaina ma nae au numa. Arua-apoapoenia natum i opu-tawanei.”

³⁰ Ma wavine i naeme au numa. Natuna wavinena i 'nanai i matamatave, arua-apoapoenia boibogī tevera i opu-tawanei.

Iesu, oroto tanīga-potapotana ma mena birebirena i vilawani

³¹ Iesu Taia ma Sidon ana parata i netawanei ma au babaġela Dekapolis i verautuini ma i nae au Galili topana. ³² Orototanīga potapotana ma menana birebirena i neiai Iesu awarina ma i vibagai da urana au inina ita terei da ita vilawani. ³³ Iesu, oroto i taravaina-opunei da taui ava ma ura-gigina, oroto au tanīga i terei ma ura-gigina ġelauna i ovai ma menana i vodadani. ³⁴ Nuanuana i bolai ma i għoutata au mara; i lavutu tawanana ma oroto i riwei i pa, “*Ephatha!*” Wei anona, “Ma wanatawanei!” ³⁵ Maratagogi tanīga i wanatawanei ma menana i vidagudagu ma i babani kaua. ³⁶ Ma Iesu, taui i viġaei da aiwai i tuputupua, avena

* 7:10: Exo 20:12; Exo 21:17 * 7:15-16: Giruma ġelau i Mark uranei i girugirumia wei riwai wenanare e mamae, “Mepa da tanīgħi e mamae, ona rautanīgħana.” † 7:23: Rava ega mai Jew. ‡ 7:27: Riwa roaroa wei au awanaina lamna mai Jew. Taui e notanotai da taui i ai għuratana ega me rava ġelau. Lamna aubaina taui dobu ġelau ravai e ġoreġorei auou.

rava ita viēgei. Iesu, rava i vīgæi; wate taui ēga ita rautanīgana ma riwa i vituai.³⁷ Ma maranai ravai wei i nonori, taui i bana-kauei ma i riwa i pa, "Aiwai anatapui i kauana-kauei. Tauna, rava tanīga potapotai e vivilawani da e rareautanīgana ma menabirebirei e bababani."

8

*Iesu, rava 4,000 i viambagibagi
(Matthew 15:32-39)*

¹ Nai maranai, patara ġaeġaena i riana-melei. Patara ēga ai lam. Ma Iesu, ana tauvotaġo taġo i kwatuei da i nei ma i riwei i pa,² "Au pom tonuġa patara maiteni a mae ma ai lam ēga ma a rau-nuapoapoele. ³ Taui ġelaui, uarnei i nei. Mepa da ana am-iraġe ana paritawanei ai au numa, ma au etanai iña raumolaġau."

⁴ Ma ana tauvotaġo taġo i paribelei i pa, "Wei mutulua ma mepa lam tana vaia da wei patarana tana viambagibagi?"

⁵ Ma Iesu, taui i paridadanei i pa, "Awarimi palawa biāga?"

Taui i riwa i pa, "seven."

⁶ Ma Iesu, patara i riwei da au doa i kiala. Ma palawa seven i vaia ma God i viegualuae ma i vogimagimai ma ana tauvotaġo taġo i verei da patara i verei.⁷ Ma taui awari, iana muomuo i ruaga ota. Iesu i vaia; God i viegualuae ma ana tauvotaġo taġo i verei da patara i verei.⁸ Taui anatapui i am da i am-iāua. Ma lam am tereterenai i tuarui da poa ġaeġaei seven i vioai.⁹ Rava 4,000 i viambagibagi. Ma muriae i paritawanei ai au numa.

*Pharisi, God ana mataira i vibagei
(Matthew 15:39-16:4)*

¹⁰ Maratagogi, Iesu ana tauvotaġo maiteni au waga i geru ma i nae Damanuta ana au parata.¹¹ Pharisi ġelaui i nei ma vipariparigai i vikarei Iesu maiteni. Taui i ġoei da Iesu ita raudadani da mataira Godei ita viatataiei.¹² Iesu, Aruanei i lavutu tawanana ma i riwa i pa, "Wei kimta voui, aiwai aubaina mataira ē goegoei? A ririwana-kauemi, amapo mataira ēga ona inanai."

Iesu, ana tauvotaġo taġo I parivainotai

¹³ Anina ma Iesu, patara i netawanei ma ana tauvotaġo maiteni au waga i geru me ma i damana Topa Galili au baba ġelauna.¹⁴ Ma ana tauvotaġo taġo, nuanuai i vuru da ai palawa ita vaia ma palawa tagogi ava au waga i mamae.¹⁵ Iesu, taui I parivainotai i pa, "Pharisi ma Herod ai giu ma ai viararamana morumoruna ona inana-kauel! Lamna me yist.*"

¹⁶ Ma taui i babani vivira i pa, "Tauta ēga ata palawa aubaina da e ririweta."

¹⁷ Ma Iesu i aramanei ma taui i riwei, "Aiwai aubaina o bababani da taumi awarimi ēga palawa? Taumi amapo da ēga ota aramana ma o vivinuanaina? Orami i bado bo?¹⁸ *Matami e mamae ma ēga ota inainana. Ma taniġami e mamae ma ēga ota nonora. Ma o vinuanotanota bo ēga?¹⁹ Maranai palawa five a vogimagimai rava 5,000 aubaii, lam am tereterenai o tam i poa biāga o vioai?"

Taui i paribelei, "Twelve."

²⁰ Ma maranai palawa seven a vogimagimai rava 4,000 aubaii, lam am tereterenai o tam i poa ġaeġaei biāga o vioai?"

Taui i paribelei, "Seven." ²¹ Ma taui i riwei i pa, "Ma amapo da o vivinuanaina!"

Iesu, oroto mata apoapoena i vilawani au Bethsaida

²² Taui i nei au Bethsaida ma rava ġelaui, oroto matana apoapoena i neiai Iesu awarina ma i vibagħi-guratei da ita vodadan. ²³ Ma Iesu, oroto matana apoapoena i raunimavoi ma melagaiet i taravaina-opunei. Ma kampa matana i ovai ma urana au matana i terei ma i paridadanei, "Aiwai e inainanai bo ēga?"

²⁴ Ma i taepai ma i riwa, "Rava a inainanai ma taui me ai ita bababara."

²⁵ Iesu, urana i tere-melei oroto au matana. Ma matana i wanatawanei da aiwai anatapuna i 'nana-kauet. ²⁶ Iesu, tauna i paritawanei ana au numa ma i riwei, "Ēga ma nae au melagai! Wate jijimanina ma nae au numa."

*Peter i riwa da Iesu, tauna Keriso
(Matthew 16:13-16; Luke 9:18-20)*

²⁷ Iesu, ana tauvotaġo maiteni i nae melagaiii Caesarea Philipai au ġereġerei. Maranai i nena ma Iesu, taui i paridadanei, "Rava e ririwa; tau aiai?"

* **8:15:** Yist mai Jew awarri awanainei lamna aiwai da apoapoe, mira bova e vivitua bo e vivimägai. Weka Iesu mai Pharisee ma mai Herod ai lawana ma ai giu morumorui e babaniei, da ēga ina tua. **8:18:** Mrk 4:12

²⁸ *Ma taui i paribelei, “Gelaui e ririwa da tam, John Taubabataito. Ma ġelaui Elijah. Ma ġelaui e ririwa da peroveta wariaġana tagogi.”

²⁹ Ma Iesu, taui i paridanei, “Wate taumi, mena o notanota-nei? O ririwa da tau aiai?”

Peter i paribelei, “Tam God ana Messiah - anona Keriso.”

³⁰ Iesu, taui i viġaei da eġa aiai ina riwei da tauna aiai.

Iesu ana iraġe ma ana vomairi me i babaniei

(*Matthew 16:21-23; Luke 9:21*)

³¹ Ma Iesu i raukarei da ana tauvotaġoġa i giuni i pa, “Rava Natuna ina vinuapoapoe kaua. Ma dogadogara, pirisi babadai ma tarawatu babadai, tauna ina pari-geduaiei ma ina virägeni. Ma au pom tonuġa au murina ina vomairi me.” ³² Iesu jijimaninei wei kauai i bababaniei ma lamna Aubaina Peter, tauna i taravaini au rririva ma enana i vikarei. ³³ Wate Iesu i mae-tavirei ma ana tauvotaġoġa i ‘nanai. Ma Peter i eni, i pa, “Satan ma nae au murui! Tam am nota eġa Godei ita nenei, eġa da ravei.”

Iesu votaġoġona anona

(*Matthew 16:24-28; Luke 9:23-27*)

³⁴ Ma Iesu, patara ma ana tauvotaġoġa i raukwatuei ma i riwei, “Mepa da aiai ita votaġoġoiu. Tauna ina boviana-melei ma ana korosi ina avarai ma ina votaġoġoiu.”[†] ³⁵ Aiai ana lawana e tatajjini, ina vine-boai. Ma aiai da ana lawana i verenei; Tau ma Riwana Aiaina Aubaina. Tauna ana lawana ina vaimelei. ³⁶ Ana aii bo anona aiwai, mepa da wei dobuna lawanana ma vigulauna ma vaipai ma am lawana maemae-nonoana ma vine-boai. ³⁷ Wate aiwaiei am lawana ma gimara-melei. ³⁸ Mepa da aiai: tau ma au viararamana ina vinimalei; ma i mae-puputeu; ma ana ġoanei kaua apoapoe ina kaukauei. Rava Natuna, tauna ina vinimalei maranaina ina nememei; Amana ana au boruma anela vivivirei maiteni.”

9

¹ Ma Iesu, wenanare i riwei, “Taumi a ririwana-kauemi; rava ġelaumi weka o maimairi amapo ega ona iraġe da God ana vigulau ona inanai ana rewapanana ina nei.”

Iesu inanana i virai

(*Matthew 17:1-13; Luke 9:28-36*)

² Au pom six muriae, Iesu, Peter, James ma John i taravaini. Ma taui ava i ġae ola ġaegħena au tepeña. Ma kampa taui au matai, Iesu inanana i virai. ³ Ana gara i arapoira ma gamrina i vimata-kamokamota; eġa me aiwai ġelauna au dobu nanare. ⁴ Ma kampa au matai, Elijah ma Moses i eġa. Ma Iesu maiteni i bababani. ⁵ Ma Peter Iesu i riwei, “Tauviararamana, i aii da tauta weka. Ma vianinelai da numakweta tonuġa ana voai: tagogi tam aubaim, ġelauna Moses ma ġelauna Elijah aubaina!” ⁶ Ma taui i rovo kaua ma Peter eġa ita aramanei da aiwai i latolatoni.

⁷*Anina ma apau i eġa ma taui i purui. Ma pona apuae i opu ma i riwa i pa, “Wei Tau Natu au nuurainana, ona rautaniġanei!” ⁸ Maratagogi taui i ‘nana viravira ma eġa aiai ġelauna ita inanai ma Iesu, tauna ava.

⁹ Ma maranai olei i ġaġairai ma Iesu, taui i viġaei da aiwai i ‘nananaia eġa ina vieġai da au naona Rava Natuna iraġelei ina vomairi me.

¹⁰ Ma taui, wei riwana i voteletelei ma i babani vivira i pa, “Iraġelei vomairi me anona aiwai?” ¹¹ Ma taui, i vitara-virevirei i pa, “Aiwai aubaina, tarawatu babadai e ririwa da Elijah au naona ina nei?”*

¹² Iesu i paribelei, “Riwa kaua Elijah au naona ina nei da aiwai anatapuna ina vokaukauei. Aubaina wariaġa i girumi da Rava Natuna ina vinuapoapoe kaua ma ina inana-geduaiei.

¹³ Wate a ririwana-kauemi da Elijah anina i nei ma rava, ai ġoanei tauna i rau-iviapoapoei me i girugirumia nanare.”†

Iesu, arua-apoapoeni tevera orotona awarina i viopuni

(*Matthew 17:14-21; Luke 9:37-43a*)

* 8:28: Mrk 6:14-15 † 8:34: Wei lamna awanaina. Anona lamna Iesu ana tauvotaġoġa anina vinimala ma apoapoei ina nelāġi aubaina taui, tauna i votaġoġoi. Tauna eġa ita ririwa da ana tauvotaġoġa au korosi ina iraġe me tauna. * 9:7: Mrk 1:11 * 9:11: Mai Jew i vituġġana da Elijah au naona ina nememei ma Keriso muriae ita nei. (Mal 3:1, 4:5-6). Ma taui eġa ita notai da Elijah rau-iviapoapoe ina nelāġi ana au nememei. † 9:13: Iesu lamna John Taubabataito i bababaniei da tauna Elijah (Mat 11:13-14, 17:10-13)

¹⁴ Iesu ana tauvotağotağ tonuğa maiteni olei i ġaira memei ai rava awari ma patara ġaegħena, taui gariguruv. Ma Jew aitarawatubabada, taui maiteni i vivitarapiri. ¹⁵ Maranai patara, Iesu i 'nanai. Taui orai i auepai ma awarina i ruba ma i viegħalauei. ¹⁶ Iesu, taui vitaravireire, "Aiwai o vitarapirie?"

¹⁷ Oroto tagogi patara au poui i paribelana, "Tauviararamana, arua-apoapoena natu orotona au orana e mamae ma i kauei da eġa ita bababani, lamna Aubaina a neħħi awarim. ¹⁸ Maranai ana doria e ururu-melei, lamna arua-apoapoena: tauna au doa e tawatawanei; gamona e vivipuro; ivona e utauta ġirigħie; ma iriina e badobado. Am tauvotağotağ a vibagħi da arua-apoapoena ita viopuni, wate eġa tagotagogina da ita kauei."

¹⁹ Ma Iesu i paribelei, "Oo mara aiwai ona vitumaġħana! Ta mae ġaġa ma ami vita ana 'vara ġagħalei? Tevera awariu ona neħħi!"

²⁰ Ma tevera i neħħi Iesu awarina. Ma maranai arua-apoapoena, Iesu i 'nanai, maratagogi tevera i viaikwajjana-gurtei da au doa i tonei ma i vitatauvira ma i vivipuro. ²¹ Iesu, tevera amana i vitara-vireire, "Wei teverana ana doria mara aiwai i vikarei?"

I paribelei i pa, "Maranai aburunai. ²² Arua-apoapoena mara au anatapuna, tauna ai au araratana ma au wairra e tawatawanei ma i ġoiei da ita viragħeni. Mepa da tam tagotagogina; ma raunu 'apoapoeħelai ma ma voaqui!"

²³ Iesu, tauna i riwei, "Menanare da u riwa, 'Mepa da tam tagotagogina?' Aiai ravana e vivitumaġħana, God anatapuna ina kauei tauna Aubaina."

²⁴ Maratagogi tevera amana i garara, "A vitumaġħana, wate au tumaġħana eġa ita rata ma ma voaqui da ina ratal"

²⁵ Iesu i 'nana da patara i rierieħi awarri ma lamna Aubaina arua-apoapoena i egħi i pa, "Tam arua taniga-potapotana ma gumgum. Tau egaegarim da tevera ma opu-tawanei. Ma eġa melanai au orana ma rui mei!"

²⁶ Ma arua i garara ma tevera i viaikwajjana-gurtei ma i opu-tawanei. Ma tevera inanana me taubeu. Ma rava maġħamäġħi kampa i riwa, "Tauna i'rāġe!" ²⁷ Ma Iesu, tauna urana i vojjini ma i sineaħi da i mairi.

²⁸ Muriai Iesu, ana tauvotağotağ maiteni i rui au numa. Ma maranai taui ava ma i paridadanai i pa, "Aiwai Aubaina tauai eġa tagotagogina da arua-apoapoena ata viopuni?"

²⁹ Iesu, i riwa, "Arua-apoapoei me wenanare, pari ainelana ina viopuni."

*Iesu ana irāġe i babaniana-melei
(Matthew 17:22-23; Luke 9:43b-45)*

30 Iesu, ana tauvotağotağ maiteni dobuna i netawanei ma Galili i verautuini. Iesu eġa ita ġoiei da rava ita aramanie da taui mepa. ³¹ Aubaina tauna, ana tauvotağotağ i viararamani i pa, "Taui Rava Natuna ina amverenei rava ġelaui au urai. Ma taui ina viragħeni. Wate au pom tonuġa au murina ina vomairi me."

³² Wate taui eġa ita aramanie tauna aiwai i babbanie. Ma pari-dadanana i rovoei.

*Tauvotağotağ i vitarapiri vivira da aiai i ġetelara
(Matthew 18:1-5; Luke 9:46-48)*

³³ Iesu ana tauvotağotağ maiteni i ġeta au Capeniam ma au numa i rui. Ma Iesu, taui i vitara-vireire, "Au etanai aiwai o vitarapirie?"

³⁴ Wate taui i genuana, Aubaina au etanai taui i vitarapiri vivira da aiai i ġetelara. ³⁵ *Iesu i kiala ma Apsol 12 i rauk watuei awarina ma i riwei i pa, "Aiai e ġoegħoe da ina vibada. Tauna ina tereġairana-melei ma ina vimuri dewadewha ma ina vitaunola rava Aubai."

³⁶ Ma Iesu, tevera i vaia ma au poui i vimairini. Ma urana au jīgħona i tere-taġonei. Ma taui i riwei i pa, ³⁷ "Aiai ravana; tau wawauei, tevera wenanare i rauġorei. Lamna tau maiteni e rarauġorei. Ma aiai da tau e rarauġorei. Lamna tauparitawaneu maiteni e rarauġorei."

*Aiai eġa ataq ġavia, lamna turata
(Luke 9:49-50)*

³⁸ Anina ma John, Iesu i riwei, "Tauviararamana! Tauai, oroto tagogi a inanai; tam wavamei arua-apoapoena i vivopuni ma tauna eġa turata. Lamna Aubaina a viġiae da eġa ina kauana-melei."

³⁹ Iesu i riwa, "Eġa ona viġiae! Eġa aiai au wawa kaua babai ina kauei ma muriai ina pariv-aapoapoeni. ⁴⁰ Aiai ravana eġa ataq ġavia; lamna turata. ⁴¹ Tau a ririwana-kauemi. Mepa da aiai ravana, wairi i veremi tau au wawa; Aubaina taumi au Tauvotağotağ. Taui ai maia eġa ina vine-boai."

*Rauelara babanina
(Matthew 18:6-9; Luke 17:1-2)*

⁴² Aiai ravana i kaei da wei teverana ana tumaġana Tau awariu i viapoapeni da ġo'apoapoe i kaei. Lamna i ai da gaima ġaġaena ravana au uatabana ina duri ma au boga ina tawanei aubaina God, tauna ina kovoġa-guratei. ⁴³⁻⁴⁴ Mepa da nimam i kauem da ġo'apoapoe u kaei. Ma bori-tawanei! I aii da nimam tagogiava ma lawana mamae-nonoana ma vaia. Ma eġa ma kaei da nimam ruāga aiaii ma ma nae ai au menamenana; mepa ai eġa melanai ita bobo.[‡] ⁴⁵⁻⁴⁶ Mepa da aem i kauem da ġo'apoapoen u kaei. Ma bori-tawanei! I aii da sigesigem au lawana mamae-nonoana ma rui. Eġa me aem ruāga aiaii ma ai au menamenana ina tawanem.[§] ⁴⁷ Ma mepa da matam ina kauem da ġo'apoapoen u kaei. Ma vaitawanei! I aii da matam tagogi ma God ana vigulau ma rui. Eġa me matam ruāga ma ai au menamenana ina tawanem;[¶] dobuna motamatana eġa ita irairaġe ma ai eġa ita bobo.

⁴⁹ Au Tauvotaġoataġo anataputapui, ai araratanei ina bogai.

⁵⁰ “Nia i ai lam viaiainana aubaina. Ma mepa da i tomatoma, mena ma vidagjanei. Nia au orami ina mae ma ona viturana vivira!”

10

Iesu, tavine vilamonana i babaniei

¹ Ma Iesu, dobuna i netawanei ma i nae Judea ana paratana. Ma Waira Jordan i damani da au baba ġelauna. Patara ġaġaena i riana-melei. Ma Iesu i viararamana, me mara patapatana i kaukauei nanare.

² Ma Pharisi ġelau i ġoie da tauna ita waroi. Ma lamna aubaina i vitara-virevirei, “Tarawatu e mamae bo eġa da rava, awana maiteni ita vilamonei?”

³ Ma Iesu i paribelei, “Moses ana Tarawatu aiwai e ririwei?”

⁴ Ma tau i riwa, “Moses ana Tarawatu e ririwa da oroto *vilamona pepana ina girumi ma awana ina verei. Ma tau i ina vilamonei.*”

⁵ Iesu i paribelei, “Taumi orami i bada. Au baina Moses wei Tarawatuna i terei. ⁶ *Wate ona notai da au karenra, maranai God rava i kaei *ma tauna oroto ma wavine i kaei.* ⁷ *Ma lamna aubaina oroto amana ma alona ina netawanei ⁸ *ma awana maiteni ina vitagogi* da taui ega ruāga me au naona ma tupua tagogi. ⁹ God aiwai i vitagogie, eġa aiai ina vilamonei.”

¹⁰ Maranai tau i naeme au numa, ma tauvotaġoataġo, Iesu i vitara-virevirei wei kauai aubaii. ¹¹ Iesu i paribelei, “Mepa da oroto, awana i voterei. Ma wavine ġelauna i ravagi. Lamna tauna, awana awarina i rauviapaope. ¹² Ma nanarena mepa da wavine, awana i voterei ma oroto ġelauna i ravagi. Lamna awana, awarina i rauviapaope.”

Iesu, roaroa i viaiaini

¹³ Rava ġelau, roaroa i neiae Iesu awarina da urana au tepai ita terei. Ma ana tauvotagotago, rava i viġaei. ¹⁴ Maranai Iesu wei kauai i 'nanai. Ma ana tauvotagotago i eni ma i riwa, “Roaroa ona voterei da awarui ina nei. Ma eġa ona viġaei. Au baina God ana vigulau, lamna rava wenanare aubai me wei roaroai. ¹⁵ A ririwana-kauemi. Aiai, God ana vigulau eġa ina vaia me tevera aburuna nanare. Tauna, eġa God ana au vigulau ina rui.” ¹⁶ Ma roaroa i taravaini ma i rapai, urana au tepai i terei, i raupari ma i viaiaini.

Purapura ravana

(Matthew 19:16-30; Luke 18:18-30)

¹⁷ Ma maranai Iesu i vomairi da i nenei. Oroto i ruba ġeta ma au naona i raudune ma i riwa i pa, “Taugiū vinualaulaunam. Aiwai ana kaei da lawana maemae-nonoana ana vibuderiei?”

¹⁸ Ma Iesu i paribelei i pa, “Aiwai aubaina, tau u vikaza vinualaulaunue? God, tauna ava vinualaulaunana. ¹⁹ *Tam, God ana Tarawatu i aramanei, *Eġa ma viragħen! Eġa ma awadanene! Eġa ma danen! Eġa ma vivavu-mor! Eġa ma amkwalakwal! Amam ma Alom ma vivirei!*”

²⁰ Ma tauna i riwei, “Taugiū! Maranai tau aburue da amadodo, wei tarawatui anatapui a voletelelei.”

²¹ Iesu, tauna i 'nanai ma i vinuavainei ma i riwei, “Kaua tagogi e mamae eġa uta kaukauei. Ma nae ma am purapura anatapuna ma gimarei. Ma manena, rava molamolakai ma verei. Ma au mara God, tam ina vimaiem. Ma ma nei ma ma votaġotagoi!”

²² Ma maranai oroto wei riwana i nonori. Naona i peu ma ana nuabolana i nae; aubaina tauna, purapura ravana.

²³ Iesu i 'nana viravira ma ana tauvotaġoataġo awari i riwa, “I piripiri kaua da purapura ravana, God ana au vigulau ina rui.”

[‡] **9:43-44:** Wariġa nimaiei i giruma damanei taui riwana tagogina me vs 48. [§] **9:45-46:** Wariġa nimaiei i giruma damanei taui riwana tagogina me vs 48. ^{*} **10:6:** Gen 1:27 ^{*} **10:7:** Gen 2:24 ^{*} **10:19:** Exo 20:13; Exo 20:14; Exo 20:15; Exo 20:16; Exo 20:12

²⁴ Tauvotağotaño riwana i baiei maranai Iesu wenanare i babani. Ma Iesu i riwa me, “Natunatu! I piripiri kaua da purapura ravana,”^{*} God ana au vigulau ina rui.²⁵ I telatela kaua da gamogamo ġaeġaena wavana kamel, igoma au gavogavona ina rui. Ma i piripiri guratana da purapura ravana, ana lawana God ina verei. Ma God, tauna ina vibadei.”

²⁶ Taui i vinuanaina ma ai nota i kwa. Ma taui ava i babani vivira i pa, “Mepa da nanare; amapo aiai lawana mamae-nonoana ina vaia?”[†]

²⁷ Iesu awarii i ’nana ma i riwei, “Rava awarii wei kauai i piripiri. Wate eġa God awarina. God awarina aiwai anatapuna i telatela kaua.”

²⁸ Ma Peter i riwei, “Ma tauai menanare? Tauai ai purapura a voterei ma tam a votağoim.”[‡]

²⁹ Iesu i paribelana, “A ririwana-kauem. Aiai da ana numa bo varevareina bo novunovuna bo alona bo amana bo natunatuna bo ana wapu ina voterei ma tau ina votağotañoi; tau ma Riwana Aiaina aubaina. ³⁰ Tauna ana maia ina rata kaua wei au dobuna. Tauna ana maia ina viaitepepani da ana numa, varevareina, novunovuna, alona, natunatuna ma ana wapu, anatapui ina maġa. Rava ina rau-ivipaopoelem; aubaina tam, tau au Tauvotağotaño da mara au murina tauna lawana mamae-nonoana ina vaia. ³¹ Wate maġamaġaui marina e vivinu; taui ina vimuri. Ma maġamaġaui da e vivimuri; ina vinao.”

*Iesu ana iraġe babanina i vitonui
(Matthew 20:17-19; Luke 18:31-33)*

³² Iesu, ana tauvotağotaño maiteni i ġeġae au Jerusalem. Iesu, taui au naoi i nena. Tauvotağotaño i baiei. Ma rava ġelaui au muri i nenei i rovo kaua.[§] Ma taui 12 i rauġorei au ririva ma i raukarei da kaua amapo da awarina ina tupua; taui i vieġei³³ i pa, “Ona inana, tauta ta ġeġae au Jerusalem. Ma Rava Natuna ina verenei pirisi babadai; ma tarawatu babadai awarii. Ma taui ana iraġe ina vianinei. Ma Mai Jentail ina verei. ³⁴ Ma tauna ina vijibogi ma ina ovai ma ina kwapui ma ina viraġeni. Au pom vitonuina ina vomairi me.”

*James ma John ai vibaga
(Matthew 20:20-28)*

³⁵ - Zebedi natunatuna James ma John i nei Iesu awarina ma i vibagai i pa, “Tauviararaman! Tauai ai ġoana a vivibaġei uta kauet.”

³⁶ Iesu i riwa i pa, “Aiwai o ġoegoei ana kauet aubaimi?”

³⁷ Taui i paribelana, “Ma verelai da ana kiala, tagogi au oiem ma ġelauna au kelakelaum am au vigulau.”

³⁸ Iesu i paribelei, “Taumi eġa ota aramanei aiwai o vivibaġei! Iniviara kelakana ana umai. Taumi tagotagogina da ona umai bo? Tagotagogina ona babataito me tau ina babataitou?”^{*}

³⁹ I paribelei, “Tauai tagotagoginal!”

Iesu i riwei, “Iniviara kelakana anina ona umai ma ona iraġe me tau ana iraġe. ⁴⁰ Wate tau au rewapani eġa ita mamae da ana veremi da mepa ona kiala au oieu bo au kelakelau. God, rava i vinevinei; taui ai gabu i vokaukauei.”

⁴¹ Maranai Tauvotağotaño 10 ġelaui, wei riwana i nonori. Taui James ma John awarii i ġaiawa. ⁴² Ma Iesu, taui anatapui i ġorei da awarina ma i riwei, “O aramanei da jentail ai babada, dobu ġela ravai jentail awarii e mamae-ġaeġae ma e raraū-ivipaopoele. Wate taui ai babada ġaeġaei, ari rewapani i ġetelera da ai rava e vibabadei da ai ġoana e kaukauei. ⁴³ [◊] Wate au tauvotağotaño eġa nanare. Eġa da aiai i ġoie da ina ġetelara taumi au poumi; tauna anina da ina vitaunola. ⁴⁴ Aiai i ġoie da ita vinao. Tauna ina vitaunola rava anatapui aubai. ⁴⁵ Ma nanare Rava Natuna eġa ita nei da tauna, tana nolei. Wate ita vitaunola rava aubai. Ma ana lawana ita verenei da rava maġamaġaui ai lawana ita gimara-melei.”[†]

*Iesu, rava mata-potapotana Batimeus i vilawani
(Luke 18:35-43)*

* **10:24:** Wei riwana buka ġelaui awarii e mamae ma ġelaui eġa purapura ravana. [†] **10:26:** Mai Jew i notai da rava vipurupurai lamna BADA ana verena ana nuavaina matairana, taui e notai da BADA, rava vipurupurai eġa ina gagaloei, tauna ravai ġelaui maiteni eġa ina gagaloei. [‡] **10:28:** Peter i ġoie da ita aramanei da tauvotağotaño ai au iraġe maiana aiwai, ina vaia.

[§] **10:32:** Iesu i ġeġae au Jerusalem ma rava maġamaġaui i viġavie i ma lamna aubaina ana tauvotağotaño i baiei da tauna tepana i tora da weka i nena. Rava ġelaui i votağotaño, taui i rovo kaua da aiwai awarina ina tupua maranai i ġeta au Jerusalem.

* **10:38:** ...babataito me tau ina babataitou taui iniviara ma iraġe e bababanie, maranai Iesu au Gethsemani i raraupari muriai da ana iraġe tauna ana nuabolana kelaka i babanie (Mrk 14:36). Iesu, James ma John i riwei da nuabola ina nelägħi. [◊] **10:43:** Mrk 9:35 [†] **10:45:** Iesu i vinuapoapoe ma iraġe aubaita me Isaiah i girugurumia nanare au Isa 52:13-53:12.

⁴⁶ Ma taui i ġeta au Jeriko. Iesu, ana tauvotaġo, patara ġaeġaena maiteni dobuna i opopu-tawanei. Ma oroto mata-potapotana, wava Batimeias, Timaeus natuna au etanai i kiakiala ma i viamgimana. ⁴⁷ Maranai i nonori da fauna, Iesu Nasaretei; garara i raukarei pa, “Iesu, tam David natuna! Ma raunu’apoapoeleu!”[‡]

⁴⁸ Rava maġamaġaui, tauna i rai ma i riwei da ita genuana. Wate tauna, garara i voguratei, “David Natuna! Ma raunu’apoapoeleu!”

⁴⁹ Iesu i tumairi ma i pa, “Ona ġorei!”

Anina taui, mata-potapotana i ġorei i pa, “Tepam ina tora ma ma vomairi! E ġoregorem!”

⁵⁰ Tauna, ana puru i tawanei ma i vomairi laġilägħina ma i nei Iesu awarina.

⁵¹ Iesu i paridadana i pa, “Aiwai u ġoei ana kaeu aubaim?”

Mata-potapotana i paribelei, “Tauvīararamana! A ġoei da ana inana me.”

⁵² Iesu i riwa, “Ma nae! Am tumaġana i vilawanim.” Maratagogi tauna i’nana me ma Iesu au eta i votaġo.

11

Iesu i rui au Jerusalem

(Matthew 21:1-11; Luke 19:28-40; John 12:12-19)

¹ Ma maranai Jerusalem i tuġereġerei ma i rui au Betphagi ma Bethani* au ola Olives.

Ma ana tauvotaġo ruāga i paritawanei, ² ma i riwei i pa, “Ona nae au melagai au naomi. Maranai o rurui, kampa donki natuna gaubo, raġiraġitan ona nelägħi. Tauna ega aiai ita gerudadanei. Ona rupeni ma ona neiae.[†] ³ Mepa da aiai ina paridadana, ‘Aiwai aubaina wei o kaukauei?’ Ona riwei, ‘BADA e ġoegħoġi ma maratagogi ina paritawana-melei.’

⁴ Ma i nae ma donki ġaubaona au doa au metaeta raġiraġitan i rupeni. ⁵ Rava ġelaui kampa i maimairi i paridadana i pa, “Aiwai o kaukauei donki ġaubaona o ruperupeni?”

⁶ Ma i paribelei me Iesu i ririweia nanare ma taui i voterei da i nae. ⁷ Taui donki i neiae Iesu awarina ma ai puru au uporana i tawana-epai ma au tepana Iesu i kiala. ⁸ Ma rava maġamaġaui, ai puru au eta i ebani ma ġelaui, ai rugurugu i tarataria i ebani. ⁹ Taui i vivinao ma taui au muri i nenei i garara:

“Hosanna!”[‡]

“Viviai inana tauna BADA au wava e nenei!”

¹⁰ “Viviai inana amata David ana vigulau e nenei!”

“Hosanna au aidamo telarana!”

¹¹ Iesu i ġeta au Jerusalem ma i rui au Tempol ma anatapuna i tuvirevirei ma au i biga aubaina, i opu me au Bethani, taui 12 maiteni.

Iesu, damala aina i parivai-iraġaġeni

(Matthew 21:18-19)

¹² Ma marana i tom, taui Bethani i opu-tawanei ma Iesu am-iraġe. ¹³ Au weia ma damala aina i ‘nanai ana ruguruguna. Ma i nae da ita inanai da i ua bo ega. Maranai kampa i ġeta, ega aiwai ita nelägħi. Anina ai ruguruguna ava, aubaina ega damala ana mara. ¹⁴ Iesu, damala aina i riwei i pa, “Ega aiai amadodo ma amapo anom ina am-melei!” Ma ana tauvotaġo i nonori aiwai i latoni.

Iesu, taugimara tempolei i viaġaġana-opunei

(Matthew 21:12-17; Luke 19:45-48; John 2:13-22)

¹⁵ Maranai taui i ġeta au Jerusalem, Iesu i rui Tempol garina au orana ma taugimara i viaġaġana-opunei, mane tauviraina[§] ai kepakepa ma gabubu taugimareina ai anikiala i vitauvirai. ¹⁶ Ma i viġaei da ega aiai ana gimara Tempol au orana ita avarai-naiei. ¹⁷* Ma rava i viararamani i pa, “I girugrumia nanare,

‘Au numa ina ġorei pari numana
dam anatapui au dobu aubaii.’

[‡] **10:47:** Maranai oroto mata-potapotana Iesu i kwatuei David natuna ma mai Jew i aramanei Keriso - BADA ana vinevine i babaniei. Mai Jew i aramanei da Keriso ai wavalatona me David wariaġa nanare. Ma i nei da rava doridoria ita vilawani me. (Sal 89:3-37 Isa 29:18-19 & 35:5-6 Jer 23:5-6 Ezk 34:23-24) * **11:1:** Eng. Bethphage & Bethani. † **11:2:** Mai Jew awari, donki lamna nola aubaina ma ega gulau ana anigeru. Donki i gerui lamna e ririweta da tauna gulau ana nuaubana ma vilamolamonna i nei. ‡ **11:9:** Lamna pona Aram anona ma vilawaniai ma muriai lamna viegħalau ma vimeġ-ġaeġaena aubaina. § **11:15:** Mai Jew ai au nota da mai Rome ma mai Greek aruaj mane au tepana i terei, wei mai Jew awari lamna god morumoruna. Mane tauviraina au Tempol mane dobu ġelaui i virai da Tempol mane wei lamna Jew tarawatu i vianinei gimara au Tempol aubaina (Exo 30.13). * **11:17:** Isa 56:7

Wate taumi o vovirai da kwalakwalai ai guba.”*

¹⁸ Pirisi Babadai ma tarawatu Babadai i nonori ma i ogei da ita viraġeni. Taui, Iesu i rovoei aubaina patara ana viararamana i baiei.

¹⁹ Ma au bigai Iesu ana rava, Jerusalem i opu-tawanei.

*Damala aina i poi
(Matthew 21:20-22)*

²⁰ Ma ubaubanai taui i nenaē ma damala aina i 'nanai anatapuna i poi. ²¹ Peter i notai ma i riwa "Tauviararamana ma inana! Damala aina u parivai-irairaġenia i poi."

²² Iesu i paribelei, "God ona vitumaġanei! ²³ A ririwana-kauemi. Rava wei olana ita riwei, 'Ma vomairi ma au boga ma tawanem!' Ma nuuanua ega ina raġaraġa ma ina vitumaġana da aiwai e ririweia, ina tupua. ²⁴ Lamna aubaina a ririwemi. Aiwai ami au pari o vibagħi, ona vitumaġana da taumi boibogħi o vaia ma ina viġarimie. ²⁵ Ma maranai e raraupari, au naona rava anatapui ai ġo'apoapoe awarim ma nota-tawanei. Ma nanare amam au mara am ġo'apoapoe ina nota-tawanei."†

*Jew babadai, Iesu ana vibadana i vitarapiriei
(Matthew 21:23-27; Luke 20:1-8)*

²⁷ Taui i nememei au Jerusalem ma Tempol au orana i bababara. Ma Pirisi Babadai, Tarawatu Babadai ma dogadogara i nei Iesu awarina. ²⁸ Ma i paridadanei i pa, "Aiwai vibadanei wei kauai e kaukuei? Aiai vibadana i verem da wei kauai uta kauie?"

²⁹ Iesu i paribelei i pa, "Au vitaraviravira tagogi ana terei ma ona paribelex. Ma ana riwemi; aiwai vibadanei wei kauai a kaukuei. ³⁰ Aiai, John taubabataito vibadana i verei da rava ita babataito, God bo rava? Ona riweu!"

³¹ Taui i vitarapiri vivira, "Mepa da tana riwa, 'Godei.' Tauna ina riwa, 'Ma aiwai aubaina ega ota vitumaġanei?' ³² Wate ega tana riwa da, 'Ravei.' Taui rava i rovoei, aubaina rava anatapui, ai nota da John anina peroveta. ³³ Ma i paribelei, "Tauai ega ata aramanei." Iesu i riwa, "Tau nanare ega ana riwemi aiwai vibadanei wei kauai a kaukuei."

12

*Tauipi ai awanaina
(Matthew 21:33-46; Luke 20:9-19)*

¹*Iesu i vikarei ma awanainei awari i babani i pa, "Mara tagogi oroto, ana wapu i kauie ma grape i paewi* ma i gari ma grape anigudana ma violaġa numana i voai. Ma tauipi ġelaui i verei da ita nolei taui anatapui aubai. Ma i vaġai au dobu ġela. ² Tuaruta ana mara i ġetaj ma taniwaga, ana taunola i paritawanei tauipi awarii da ana ġuta ita vaia. ³ Wate tauipi, tauna i vojjini ma i kwapi ma kwakwawina i paritawanei. ⁴ Ma taniwaga, taunola ġelauna i paritawanei. Ma taui, kolana i viaibauni ma i vitepaubaubai. ⁵ Ma taunola ġelauna i paritawanei ma tauna i viraġeni ma i magħa ġelaui i paritawanei, ġelaui i kwapi ma ġelaui i virażeni. ⁶ Ma tagogi ava e mamae da ina paritawanei. Lamna natuna orotona tagotago ana nuvaainana. Ma tauna au murioina i paritawanei ma i pa, 'Taui, natu ina vivirei.' ⁷ Wate taui, tauna i 'nanai ma i riwa vivira i pa, 'Wei taniwaga natuna. Ona nei, tana viraġeni ma ana buderi ina viġaritiaeil!' ⁸ Ma i vunui ma i viraġeni ma tupuana wapuei i tawanagan-opunei.

⁹ —Wapu taniwagana marina aiwai ina kauie taui awarii? Tauna ina nei ma tauipi ina viraġeni ma grape wapuna ina veredamei tauipi ġelaui awari. ¹⁰ Wei girumana o iavi bo ega?

*'Wei ġaimana, tauvoa i geduaiei,
wate muriai i nelagħi da tauna ġaima kaua.*

¹¹ *Wei lamna, BADA ana kaua
ma inanana i vinu lau lau."* (Psalm 118:22-23)

¹² *Jew babadai i aramanei da awanaina lamna taui i bababaniei ma i ġoei da ita pani. Wate taui patara i rovoei, lamna aubaina Iesu i voterei ma i nae.*

*Caesar awarina tax tana terei bo ega?
(Matthew 22:15-22; Luke 20:20-26)*

* **11:17:** Iesu dobuġela manena tauviraina ma gimara ravai i viwau i da taui pari numana i vovirai da amkwalakwalai ai guba, taui rava ai arua nolana e viviapoapoeni Jer 7:11-15. † **11:25:** Riwa wadubo nonoana uraiei i girugurimia vs 26 weka ega ita mamae, Mepa da rava ai apoapoei ega ma nota-tawanei, amam au mara nanare am apoapoei ega ina nota-tawanei. * **12:1:** Isa 5:1-2 * **12:1:** Parivainota wadubona, God au anatapuna Israel e bababaniei me tauna ana grape wapuna, me Isa 5:1-2.

¹³ Ma Pharisi ġelaui ma Herod ana rava ġelaui i nae Iesu awarina da riwei ita waroi. ¹⁴ Taui i nei ma i riwa, "Tauviararamana, tauai aramanei da tam rava jijimanim. Ma rava wawai naenaei ma rava labalababa ega uta vibainaenaei ma anatapui e vaivaia da tagogi. Wate tam God ana babani riwa kaeui e viararamani. Ma riwelai tax tana terei Rome gulauna wavana Caesar[†] awarina, i aii bo ega?"

¹⁵ Wate Iesu, ai moru i 'nana-bauni ma i riwei, "Aiwai aubaina o raudadaniu? Mani tagogi ona neiai da ana inanai!"

¹⁶ Denarius tagogi i neiai Iesu awarina ma taui i vitara-virevirei, "Wei aiai aruana ma wavana?"

I paribelei, "Caesar."

¹⁷ Iesu i riwa, "Aiwai Caesar garinei, Caesar ona verei. Ma aiwai God garinei, God ona verei!" Ma taui i baiei.

Sadusi ġelaui, Iesu i vitara-virevirei irairagħelei vomairina aubaina

(Matthew 22:23-33; Luke 20:27-40)

¹⁸ *Mai Sadusi ai vitumaġana da rava ega ita vovomairi-me maranai e irairagħe.[‡] Anina ma ġelaui i nei Iesu awarina ma i paridadanei, ¹⁹ "Tauviararamana! God ana tarawatu, Moses wenanare i girumi: Mepa da oroto i'rāġe ma kaiababana i netawanei ma ega natunatui. Orotu vareina kaiababana ina ravaġi ma roaroa ina ġuni vareina aubaina. ²⁰ Mara tagogi varevarei seven i mae. Ma natuevou i tavine ma ega natunatuna ma oroto i'rāġe. ²¹ Vareina viruaina kaiababba i ravaġi ma tauna maiteni ega natuna ma i'rāġe. Ma nanare vareina vitonuina. ²² Ma nanare anatapui seven, wavinena i ravaġi ma ega natunatui. Au muriai wavine i'rāġe. ²³ Anatapui seven, wavinena i ravaġi. Vomairi me au marana, lamna aiai awana?"

²⁴ Iesu, taui i riwei, "Aiwai Moses i girumi ma God ana rewapani ega ota aramanei. ²⁵ Maranai taui iraġelei ina vomairi, taui ega ina tavine bo ina vitavinei. Wate ina mae me anela au mara. ²⁶ *Ma rava iraġelei ai vomairi babanina, Moses ana tarawatu ega ota iavi bo? Mepa ai i ararat lana, kampa God Moses i riwei: *Tau Abraham ana God ma Isaac ana God ma Jacob ana God.* ²⁷ Tauna ega rava irairagħei ai God, wate rava lawalawai ai God. Taumi o moru kaua!§"

Tarawatu ġeġġetelarana

(Matthew 22:34-40; Luke 10:25-28)

²⁸ Ma tarawatu badana tagogi i nae ma ai vitarapiri i nonori. Ma i nonori da Iesu i babani kaua, lamna aubaina tauna i vitara-viravira, "God ana tarawatu metauna i ġetelara?"

²⁹ *Iesu i paribelei, "Geġġetelarana tagogi lamna wei: *Ona rautaniġana Israel!* BADA ata God, tauna ava BADA. ³⁰ BADA ami God nuanuami ina vaia orami anatapunei ma aruami anatapunei ma ami nota anatapunei ma ami rewapani anatapunei! ³¹ *Ma viruaina lamna wei: *Rava ġelaui nuanuam ina vaia me tam nuanuam e vaivai-melei!* Wei tarawatui ruaga i ġetelara, ega me pulo apuapunana bo pulo ġelaui."

³² Tarawatu badana i riwa, "Tauviararamana u babani kaua! Riwa kaua u babaniei, BADA Tauna ava God ma ega mepa ġelauna. ³³ Ma nuanuami ina vaia orami anatapunei ma ami nota anatapunei ma ami rewapani anatapunei. Ma, Rava turam nuanuam ina vaia me tam nuanuam e vaivai-melei. Wei tarawatui ruaga lamna i ġetelara, ega me pulo apuapunana bo pulo ġelaui."

³⁴ Iesu i 'nanai da tauna i paribelana kaua ma i riwei, "Tam, God ana vigulau au ġereġerena e ġegeta." Ma ega aiai tepana ita tora da Iesu ita vitara-viravirana-melei.

Keriso tauna aiai?

(Matthew 22:41-46; Luke 20:41-44)

³⁵ Maranai Iesu au Tempol i viararamana ma i vitara-viravira i pa, "Aiwai aubaina Tarawatu Babadai e ririwa da Keriso tauna David natuna? ³⁶ * Arua Vivivireina, David nota i verei ma tauna i riwa:

'MAMAE-NONOANA au gulau i riwei,

Au oieu ma kiala

da am ġavia

† 12:14: Sisa. * 12:18: Act 23:8 ‡ 12:18: Sadusi taui gulagulau ma rava gaegħei mai Jew ai giu babadai taui maiteni ega ita vitumaġana da anela bo arua ġelaui e mamae ma buka 5 i vinao, Moses i girugirumia, taui lamna ava e vivitumaġanei (Karena, Exodus, Leviticus, Numbers, Deuteronomy). Ma ega buka ġelaui. Wate Moses ma BADA riwaiei taui i viatataie da lawana e mamae iraġe au murina. * 12:26: Exo 3:6 § 12:27: ...wate rava lawalawai ai God. Mepa da BADA i riwa da tauna Abraham ma Isaac ma Jacob ai God, taui lawalawai maranai BADA, Moses awarina i babani.

* 12:29: Deu 6:4-5 * 12:31: Lev 19:18 * 12:36: Psa 110:1

*au ae karem da ma tuvaidoedoei.**

(*Psalm 110:1*)

³⁷ —David, tauoina wei gulauna i ġorei *bada*. Ma menanare da badana lamna, David natuna?” Patara ġaegħena riwana i nonori ma i vinuiai.

*Iesu, Tarawatu Babadai ai kaua i babaniei
(Matthew 23:1-36; Luke 20:45-47)*

³⁸ Ma Iesu, taui i viararamani i pa, “Tarawatu babadai ona rovoei. Ai gara manamanai ma e bababara nae au deba da rava taui e vivivirei. ³⁹Taui anikiala vinevinei pari au numana ma au torela, gabu aiai e vaivaia. ⁴⁰Taui, kaikaibaba e morumorui ma ai numa e kwalekwalei, e morumorui ma e raraupari-vai-manamanawa. Taui ai kovoġa ina apoapoe guratana.”

*Kaiababa ana pulo
(Luke 21:1-4)*

⁴¹ Ma Iesu, pulo aniterenana au baba ġelauna i kiala ma rava i ’nananai mane i tereterei. Rava maġamaġau vivimanei, mane maġamaġau i terei. ⁴² Wate kaiababa molamolakana i nei ma mane muomuoi ruāga i terei, ruvana i aburu kaua. ⁴³ Ana tauvotagħotaġo i ġorei ma i riwei, “Anina a ririwemi, wei kaiababa molamolakana i tere-guratei, eġa me taui ġelau. ⁴⁴Taui ġelau i maurei i verena, wate wei kaiababa molaka ma ġarinei anatapuna i terei, ana anilawana anatapuna.”

13

*Iesu i riwa da rava God ana Tempol ina rikai
(Matthew 24:1-2; Luke 21:5-6)*

¹Iesu, Tempol i nene-tawanei ma ana tauvotagħotaġo tagog i riwa, “Tauviararamana! Numa i viġulau ġaġa ma numa ġaimai i rata ġaġa.”

²Iesu i paribelei, “Wei numai ġaegħei u inanai, eġa ġaimai tagog, turana au tepana ina mae. Gaima anatapui ina rikai.”

*Rava ina vinuapoapoe kaua. Iesu ana tauvotagħotaġo ina vipatutu
(Matthew 24:3-14; Luke 21:7-19)*

³Iesu i kiakiala au ola *Olives*, Tempol au navanavaġela ma Peter, James, John ma Andrew i nei ma i vitaraviravirana govaġei ⁴ i pa, “Ma riwelai mara aiwai wei kauai ina tupua? Ma aiwai ina vimataira da wei kauai anatapui ina tupua?”

⁵ Iesu, taui i riwei, “Ona inana kaua da eġa aiai ina terevaidegħaimi! ⁶ Rava maġamaġau, wawaei ina nei ma ina riwa, ‘Tau Keriso tauvilawana!’ Ma rava maġamaġau ina terevaidegħai. ⁷ Ma maranai viġavia ona nonori ma viġavia aueia riwana ona nonori; eġa ona rovo! Wei kauai anina da ina tupua, wate wei eġa damona. ⁸Dam, damai ina viġavia vivira ma dobu, dobui ina viġavia vivira. Ma lolo ma gomara dobu au anatapuna. Wei kauai, lamna me wavine ana inivjara e vivikarei maranai e vivinatuna.

⁹ —Ona inana kaua! Taumi ina panimi ma ina etaremi ma pari numana au orana ina kwapiumi. Ma gavena ma gugulau au naoi ona mairi, aubaina taumi o votagħotago. Ma taui awarii, Riwa Aiaina ona raugugulei. ¹⁰Riwana Aiaina ona raugugulei rava anatapui awari ma muriaeżi damona ina nei. ¹¹ Ma maranai i panimi ma i etaremi. Eġa ona vinubola da aiwai ona latoni. Aiwai riwana God i verem, lamna ona latoni. Aiwai o latoni lamna eġa taumi ota babani, wate Arua Vivivireina. ¹²Rava, vareina ina verenei da ina virażeni. Ma roaroa, amamai ma aloloi ina viġavie da ina iraġe. ¹³Rava anatapui ina geduajiem tau aubaiu. Wate aiai da e maimairi-jjjina da au damona, tauna ina lawana.”

*Iniviara ġaegħena ana mara
(Matthew 24:15-28; Luke 21:20-24)*

¹⁴ “Maranai ‘Kaua apoapoe kaukauana’* e maimairi mepa avena ita mairi. (Buka tauvavna wei ina aramanei anona aiwai). Taui aiavoi au Judea ina ruba laġiġina au ola. ¹⁵Aiai numa au tepana eġa ina ġaira bo ina rui au numa da aiwai ina vaia. ¹⁶Aiai au wapu eġa ina naem āt numu da ana gara ina vaia. ¹⁷ Ma iniviara ġaegħena, waivine duaduamai ma taui da e viviġu awari nai au marana! ¹⁸God awarina ona raupari da wei kauai eġa au bodu ina tupua. ¹⁹*Ma nai au marana amapo iniviara ġaegħena. Ma maranai God dobu i kaei, iniviara ġaegħena eġa nanare ita tupua ma amapo eġa nanare ina tupua me. ²⁰Wate BADA nai marana ina vitupoi. Mepa da eġa ina vitupoi, rava anatapui ina iraġe. Wate rava, tauna ana vinevine ina vilawani lamna aubaina mara ina vitupoi.

* ^{13:14:} Eng. *Abomination of Desolation* Dan 9:27 11:31 & 12:11 [◊] ^{13:19:} Da 12:1

21-22 —Muriai keriso tauvilawana morumorui ma peroveta morumorui ina nei ma mataira ma kaua babai ina kaei ma ina kauana dadanei da God ana vinevine maiteni ita terevaidegai. Lamna aubaina mepa da aiai ina riwemi, ‘Ma inanai, Tauvilawana noi!’ bo ‘Tauna noi!’ Nai babanina ega ona vitumaganei! ²³ Ona inana kaua; anatapuna a riwanonooemil’

Rava Natuna ana nei

(Matthew 24:29-31; Luke 21:25-28)

24 Iesu wenanare i riwa, “Ma iniviara gaeäena au murina.

Madega ega ina rarana

ma nawaravi ega ina lalai.

(Isaiah 13:10)

25 *Ma ubona maret ina peu*

ma rewapanana gelau au aidamo ina gui.

(Isaiah 34:4)

26 ^{*}Nai maranaina, *Rava Natuna ana rewapanana ma ana borumana apauei ina nei.*

27 Ma Tauna, ana anela ina paritawanei dobu au anatapuna da rava tauna ana vinevine ina tuarui dobu au damona da dobu gela au damona.”

Damala ana awanaina

(Matthew 24:32-35; Luke 21:29-33)

28 “Damala aina ana awanaina ona aramanei. Maranai ai e numonumoi, lamna ona aramanei da maura e tuturiai. ²⁹ Ma nanare, maranai wei kauai anatapui ina tuputupua, ona aramanei da Rava Natuna i turiai; au metaeta i getai. ³⁰ Anina a ririwemi da wei kauai au naona ina tupua ma muriai da rava marina lawalawai ina irage. ³¹ Mara ma dobu ina amo. Wate riwau ega ina amo.”

Bada ainelana ana nei i aramanei

(Matthew 24:36-44)

32 “Ma ega aiai ita aramanei nai marana bo madega aiwai ina nei. Anela au mara ega ita aramanei ma Natuna ega ita aramanei. Amana, tauna ava i aramanei. ³³ Ona vineneäana ma matami ina kala!† Ega ota aramanei mara aiwai, wei kauai ina tupua. ³⁴ Wei me rava ana numa i netawanei ma i vagai. Ma ana taunola nununai i terei da ita vipaipai ma tagotagogi ava ai nola i verei da ita kaei. Ma tauvineneäana i riwei da ita vineneäana. ³⁵ Ona vineneäana! Ega ota aramanei mara aiwai, numa taniwigana e nenei; mepa da au bigai bo au nubauteva bo maratomtomai bo ubaubanai. ³⁶ Ma ega matamatavem ina nelaäaimi. ³⁷ Aiwai riwana a ririwemi, riwana tagogina rava anatapui a riwei, ona vineneäana!”

14

Jew ai babada, Iesu i ogei da ita virägeni

(Matthew 26:1-5; Luke 22:1-2; John 11:45-53)

1 ^{*}Au pom ruaga muriai da Raäona ma Palawa Bagibagina torelai, * Pirisi babadai ma Tarawatu Babadai eta i baibaiei da menanare govagovaäganei Iesu ita vunui. ² Ma i riwa, “Au torela wei kauai ega tana kaei, mepa da viägaäiawa gaeäena ina tupua.”

Wavine, daji gabugabuna Iesu au kolana i waägi

(Matthew 26:6-13; John 12:1-8)

3 Maranai Iesu au Bethani, Simon i goëgorei lepeleperana ana au numa i kiala ma i amam. Wavine, wagi wavana alabaster i voai ma i geta ma wagi uana i vogai ma daji gabugabuna, maiana gaeäena e goëgorei nard, Iesu au kolana i waägi. ⁴Rava gelau kampa i mamae i gäiawa ma i riwa, “Aiwai aubaina daji u vikalokaloei? ⁵Wei dajina ita gimarei 300 denarii † ruvana ma manena molamolakai ita verei.” Ma taui, wavine i vienenei.

6 Wate Iesu i riwa, “Ona voterei! Aiwai aubaina o vinuabolai? Tauna, kaua aiaina awariu i kaei. ⁷ Molamolakai awarimi e mamae-nonoa ma ona goei ma taui ona voagui. Wate tau awarimi ega ata mamae-nonoa. ⁸Wavine ana nola i kaei. Tauna, dajieitupuau i vokaukauanonoei vikokooga aubaina.‡ ⁹A ririwana-kauemi, mepa Riwana Aiaina i raugugulei dobu au anatapui, wei wavinena aiwai i kaukauei ina babaniei, ma ega nuanuai ina vuru.”

^{*} 13:26: Da 7:13 [†] 13:33: Wedau Evangelia i girumi, ma i raupari, wate buka wadubo nonoana wei ega ita mamae, Luk 21:16 kampa ona inanai da e mamae. ^{*} 14:1: Exo 12:1-27 ^{*} 14:1: Räona (passover) Exo 12:1 Palawa ega yist maiteni (Unleavened-Bread) Exo 12:17 & 23:15 [†] 14:5: Wei lamna me taubagibagi ana maia madega tagogi aubaina.

‡ 14:8: Mai Jew ai kaua da taubeu dajieitbulobuloi muriai au kokooga e terererei.

¹⁰ Judas Iskariotei tauna Apasol tagogi, Pirisi Babadai awari i ġeta da Iesu ita vibenabenamei. ¹¹ Taui i vinuiai kaua maranai wei i nonori ma Judas i parivainuagani da mane ita verei. Ma Judas i 'nana da mepa gavogavo ita inanai da Iesu ita amverenei.

Iesu ma Apasol, Raġona torelana i ani.

(Matthew 26:17-25; Luke 22:7-14, 21-23; John 13:21-30)

¹² Ma Palawa Bagibagina torela ina vikarei. Maranai sipu orotoi ġauboi e vunuvunu Raġona torelana Aubaina. Tauvotaġo, Iesu i paridadanei, "Mepa u ġoegħoei Raġona torelana ana vokaukauei aubaim?"

¹³ Iesu, taui ruāga i riwei ma i paritawanei, "Ona nae au Jerusalem ma oroto, waira wagina e avavarai ona inanai ma ona votaġoġi. ¹⁴ Au numana e ruriuana, numa taniwagana ona riwei, 'Ai tauviararamana i riwa, "Numa vokaukauna mepa ma au Tauvotaġo maiteni Raġona torelana ana ani?" ¹⁵ "Ma tauna, numa vatavatara ina viatataiem i vokaukauna nonoei ma kampa aubaita ona vokaukaua."

¹⁶ Tauvotaġo i nae au Jerusalem ma i ririweia nanare i nelāgai ma Raġona torelana i vokaukauei.

¹⁷ Au i biga ma Iesu i nei Apasol maiteni. ¹⁸ Taui au kepakepa i amam ma Iesu i riwa, "Anina a ririwemi. Taumi tagogi ina vibenabenameu; tagogi weka maiteni amam."

¹⁹ Tauvotaġo i vinuabola ma tagotagogi ava i pa, "Eġa tau tapa?"

²⁰ Iesu i paribelei, "Taumi tagogi weka palawa e vivigaloj au aboma tau maiteni. ²¹ Wariaga i girugirumia nanare, Rava Natuna ina iraġe. Wate aiai da Rava Natuna i vibenabenamei; tauna, kovoġa ġaegħa ina vaia! I aii da alona avena ita vinatunei."

²² Maranai i amam ma Iesu palawa i vaia ma i viegħualau, i vogħimagħimai ma Tauvotaġo i verei ma i riwa, "Ona vaia; wei tupuau."

²³ Anina ma *wine* kelakana i vaia ma i viegħualau ma i verei da anatapui i umei, ²⁴* "Wei tau tarau i to i rava maġġamagħi aubai ma parivainuagħana bagibagina ina vovai-virewpani. ²⁵ Anina a ririwemi, *wine* ega ana uma-melei da maranai God ana rava aubaii ana vigulau."

²⁶ Ma taui voepaepa welana i ravi ma i ġa in Ola Olives.

Peter, Iesu ina boviei

(Matthew 26:31-35; Luke 22:31-34; John 13:36-38)

²⁷ Iesu, taui i riwei "I girumi nanare,

God i riwa, *Tauviġamogħo ana virażeni ma sipu ina vilamonei.*"

(Zekariah 13:7)

Ma nanare anatapumi ona ruba-tawaneu. ²⁸ Wate au vomairi au murina ana aivināu Galil."

²⁹ Peter i riwa, "Mepa da anatapui ina rubatawanem, wate eġa tau!"

³⁰ Iesu, Peter i riwei, "A ririwana-kauem da amadodo wagħuvarai muriai da kokorereko ina tou mara ruāga; tam mara tonuġa ma bovieu."

³¹ Wate Peter, ponana i bagħbiġi ma i riwa, "Avena mepa da tau, tam maiteni ana iraġe. Eġa melanai ana bovien!" Ma taui ġelau riwana tagogina i latoni.

Iesu au Gethsemani i raraupari

(Matthew 26:36-46; Luke 22:39-46)

³² Ma au Gethsemani i ġeta ma Iesu, ana tauvotaġo i riwei, "Weka ona kiala ma ana raupari." ³³ Ma Peter, James ma John i taravaini ma nuanuana i'rāġe ma nuanuana i bokkauei. ³⁴ Ma taui i riwei, "Au nuabola i rata kaua au orau da e vunuvunu. Weka ona mae ma ona vineneġħana."

³⁵ Ma aburuna i verau-nae ma au doa i peu ma i raupari da mepa da tagotagogina, lamna wei maran apoapena tauna ita netawanei. ³⁶ I riwa i pa, "Abba Amau! Aiwal anatapuna tagotagogina tam awarim. Wei kovoġa kelakana ma vaitawanei. Wate eġa tau au ġoana, wate tam am ġoana."

³⁷ Ma Iesu i nememei ma taui tonuġa rarau-nuavurui i nelāgai. Ma Peter i riwei, "Simon! tam aiwal matavene? Mara aburuna uta vineneġħana bo eġa?" ³⁸ Ma Iesu, taui i riwei, "Ona vineneġħana ma ona raupari da eġa au raelara ona peu! Arua e ġoegħoei, wate tupua i ġokkokara."

³⁹ Ma i naeme ma parina tagogina i raupariei. ⁴⁰ Maranai i nememei ma i nelāgai, i matamatave; taui, matai i vitai. Ma taui eġa ita aramanie aiwal ita riwei.

⁴¹ Mara vitonuina i nene-memēi ma taui i riwei, "Taumi amapo ona matamatave ma laumi ina tautau? Aninal! Mara i ġetai, ona inanai. Rava Natuna ina vibenabenamei ġo'apoapoe ravai au urai. ⁴² Ona vomairi; tana nae; ona inana! Tauvibenabenameu e nenei!"

* **14:24:** Exo 24:8; Jer 31:31-34 § **14:37:** Au Mrk 3:16 Simon wavana i virai da Peter.

Iesu i pani

(Matthew 26:47-56; Luke 22:47-53; John 18:3-12)

⁴³ Iesu i bababani ma Judas, tauna ana Tauvotaōtago tagogi i ġetai. Tauna, patara ana apiai maiteni i nei. Pirisi Babadai ma Tarawatu Babadai ma dogadogara, wei ravai i paritawanei. ⁴⁴ Muriai da Iesu awarina ita ġeta; Judas, patara ai mataira i verei, “Orotona ana vigia laġolaġonei; nai tauna. Ona pani ma ona naiei ma ona inana-kaei!”

⁴⁵ Maranai Judas i ġeta ma i nae Iesu awarina ma i riwei, “Tauviararamana!” Ma i vigia-laġolaġonei. ⁴⁶ Ma taui, Iesu i vojjini ma i pani. ⁴⁷ Ma tagogi kampa i maimairi, ana sword i taina-lavui ma Pirisi ġeġetelarana ana taunola tanigana i borituuni. ⁴⁸ Ma Iesu, taui i riwei, “Taumi ana apiami o nei da ota paniu bo, apamina tau amkwalakwalau? ⁴⁹ Marana patapatai taumi maiteni ta mamae au Tempol ma a viararamana ma ega ota paniu. Ma i girugirumia nanare, ina tupua.”

⁵⁰ Ma Tauvotaōtago anatapui, Iesu i voterei ma i ruba-tawanei.

⁵¹ Ma laraga tagogi, i vikareko ma Iesu i votaōtago. Taui i ġoei da ita vojjini, ⁵² wate ana kareko i vojjini ma tauna ana kovakovana i ruba.

Taui, Iesu i etarei.

(Matthew 26:57-68; Luke 22:54-55, 63-71; John 18:13-14, 19-24)

⁵³ Ma taui, Iesu i naiei Pirisi ġeġetelarana. Pirisi Babadai, dogadogara ma Tarawatu Babadai mepa i vitagogieana. ⁵⁴ Ma Peter i votaōtago da Pirisi ġeġetelarana ana numa. Ma ana au debadeba, purusimani maiteni i kiala ma i viviairara. ⁵⁵ Pirisi Babadai ma mai Jew ai boru ġeġetelarana,* Iesu ana apoapoe i baiei da ita viraġeni; ma i baiana-avei. ⁵⁶ Matamata maġgamagħau, Iesu i viwavu-morumoruei, wate ai viwavu taputapunei ava.

⁵⁷ Ma ġelau i vomairi ma wei wavuna morumoruna i kaei Iesu awarina, ⁵⁸ “Tauai a nonori tauna i riwa, ‘Wei tempolna i voavaoia. Tau ana rikai ma au pom tonuġa au murina, Tempol ġelauna ana voai ma lamna ega rava ita voai.’” ⁵⁹ Wate nanare ai viwavu taputapunei ava.

⁶⁰ Pirisi ġeġetelarana i mairi taui naoi ma Iesu i vitara-virevirei, “Wei ravai e vivivavuim ma ega aiwai ma paribelei bo?”

⁶¹ Ma Iesu i genuana ma ega ita paribelei.† Ma Pirisi ġeġetelarana i vitaraviravirana-melei, “Tam Keriso tauvilawna bo? Viviaiainana Natuna bo?”

⁶² *Iesu i paribela, “Tau tauna! Ma Rava Natuna ona inanai, Vivirewapanana au oienā ina kiala ma mara ladanei ina nei.

⁶³ Pirisi ġeġetelarana, amlona i ġaġi ma ana gara i sikai ma i riwa, “Aiwai aubaina mata-mata ġelau tana ġoei? ⁶⁴ Taumi, vijiboġa o nonori ma ami nota aiwai?”

Taui anatapui i riwa, “Tauna ana go’apoapoe aubaina anina da ina iraġe!”

⁶⁵ Ma ġelau i raukarei ma Iesu i ovai ma naona i purui; i raunavanavai ma i riwei, “Ma pariverelai, aiai i ravim!” Ma tauvipaipai, Iesu i vaia ma i vunui.

Peter, Iesu i boviei

(Matthew 26:69-75; Luke 22:56-62; John 18:15-18, 25-27)

⁶⁶ Ma Peter au gabaura i mamae ma Pirisi ġeġetelarana ana taunola guguini i ġetai.

⁶⁷ Maranai tauna, Peter i ‘nanai i viviairara; ma i ‘nana-tunutunui ma i riwa, “Tam maiteni Iesu Nasaretei, ana tauvotaōtago!”

⁶⁸ Wate tauna i bovi ma i riwa, “Ega ata aramanei aiwai e bababaniei, a vinuuanainei!” Ma i tuopu au metaeta ma [kokorerek i tou‡].

⁶⁹ Taunola guguini, Peter i ‘nanai ma i raukarena-melei ma rava au ġereġere i maimairi i riwei, “Wei ravana, taui tagogi!” ⁷⁰ Wate Peter i bovi me.

Mara aburuna muriai, taui au ġereġere i maimairi, Peter i riwana-melei, “Tam anina, taui tagogi; aubaina tam, Galilieil!” ⁷¹ Ma Peter i riwa, “God au matana, tau a ririwa kaua, ravana o ririweia a viviuuanainei!”

⁷² Maratagogi kokorerek i tou mara viruaina ma Peter, Iesu riwana i notai - Muriai da kokorerek i tou mara ruāga, tam mara tonuġa ma bovieu. Ma Peter i vinuabola kaua ma i tou.

15*Iesu i taravaina-naiei Pilate au naona*

(Matthew 27:1-2, 11-19; Luke 23:1-5; John 18:28-38)

* **14:55:** Mai Jew e ġoreġorei Sanhedrin. † **14:61:** Isaiah i parivereta da Keriso ana au iraġe ega ina gagaloana-melei.

(Isa 53:7). * **14:62:** Da 7:13 ‡ **14:68:** Wei riwana buka au wadubo nonoana ega ita mamae.

¹ Ubaubanai boibogi, pirisi babadai ma dogadogara ma tarawatu babadai anatapui i viboru^{*} ma i vianina da Iesu i pani ma i veredamanei Pilate au urana. ² Pilate, Iesu i vitaravirevirei i pa, “Tam mai Jew ai gulau bo?” Iesu i paribelei i pa, “Anina e ririwa nanare.” ³ Pirisi Babadai e viviwavuim kaua mağamağau i aubai. ⁴ Ma nanare Pilate, Iesu i vitaraviravirana-melei i pa, “Tam ma paribelana bo ega? Ma nonori e viviwavuim kaua mağamağau i aubai!” ⁵ Wate Iesu i genuua ma ega ita paribelei. Ma Pilate i ba kaua.[†]

Iesu ana irage i vianinei

(Matthew 27:15-38; Luke 23:13-25; John 18:39-19:16)

⁶ Taui ai kaua maemaena da Rağona Torelana au marana, Pilate, panipani tagogi, rava ai ġoanei e ruperupeni ma e vototerei da e nenea. ⁷ Oroto tagogi wavana Barabas; tauna Rome gabemani i viġavie i pani da panipani au numana i mamae. Ana rava maiteni tauvirāgena. ⁸ Ma patara i geta da Pilate ita vibaġai da panipani tagogi ita rupeni Rağona Torelana au marana. ⁹⁻¹⁰ Pilate i paribelei, “Taumi o ġoegoei da mai Jew ai gulau ana rupeni aubaimi bo?” Pilate i aramanei da Pirisi Babadai, Iesu i unurei ma lamna aubaina Iesu i veredamanei tauna awarina. ¹¹ Wate Pirisi Babadai, patara i egari da Pilate, Barabas ita rupeni ma ega Iesu. ¹² Pilate, patara i paridadana-melei i pa, “Tauna o ġoegoreia mai Jew ai gulau mena ana kauanei?” ¹³ Taui i garara, “Ma tuparatui!” ¹⁴ Pilate i riwa, “Aiwai apoapoena i kauei?” Ma taui i garara guratana, “Ma tuparatui!” ¹⁵ Pilate i goei da patara ita vinuubai ma Barabas i rupeni ma sorodia i egari da Iesu i kwapiu da i vitaratarai ma i naei da ita tuparatui.

Sorodia, Iesu i vinamei

(Matthew 27:27-31; John 19:2-3)

¹⁶ Sorodia, Iesu i taravaina-ruiei Pilate ana au numa ma ai rava ġelaui i ġoreiai. ¹⁷ Ma gara lebalebarina[‡] [*me gulau ana gara*] Iesu i vioteni ma kunuteia ai donadonanei i viri da au kolana i terei. ¹⁸ Ma vinamana i raukarei ma i garara, “Equalau mai Jew ai gulau!” ¹⁹ Ma kolana gonuei i raviravi ma i ovaovai. Ma ae-tutuiei i mae-ġaira au doa ma i rauduneli ma i vivinamei. ²⁰ Ma i vijiboga vorovei ma gara lebalebarina i voġiġi-tawanei ma ana gara i vioteni. Ma i taravaina-opunei da ita tuparatui.

Iesu i tuparatui

(Matthew 27:32-44; Luke 23:26-43; John 19:17-37)

²¹ Taui i nenea ma Simon i nelagai, rava Sairinieji[§] (tauna Rufus ma Alexander amai). Simon wapuei i nenei. Ma sorodia, tauna i egari da Iesu ana korosiei avarai. ²² Taui, Iesu i naiei da gabu i ġoegorei Golgotha, lamna anona unu gabuna. ²³ Sorodia, wine bunama myrrh maiteni i virai ma Iesu i veredadani, wate tauna i geduaiei. ²⁴ Ma Iesu i tuparatui ma ana gara, taui ava au orai i ġutai.*

²⁵ Ubaubanai 9 kilok nanare, Iesu i tuparatui. ²⁶ Aniviwavuna i girumi ma i tutui, “Mai Jew ai gulau.” ²⁷⁻²⁸ [◊]Danedanenei ruāga, Iesu au ririvana i tuparatui; tagogi au oieni ma ġelauna au kelakelauna.[†]

²⁹ [◊]Taubabara, kolai i kwajikwajie i ma Iesu i vivinamei, “Na! Tam Tempol taurikaina ma au pom tonuġa ma voa-melei. ³⁰ Ma vilawana-melem ma korosiei ma ġairai!”

³¹ Ma nanare Pirisi Babadai ma Tarawatu Babadai maiteni, Iesu i vivinamei, “Rava ġelaui i vilawani, wate ainelana ita vilawana-melana-avei. ³² Keriso Tauvilawana, Israel ana gulau; marina korosiei ma ġairai ma tana inanai da tana vitumaġanei!” Danedanenei i tupatuparatui maitenai, Iesu i vinamei.

Iesu ana irage

(Matthew 27:45-56; Luke 23:44-49; John 19:28-30)

³³ Ma au benai dobu anatapuna i waguvarei da 3 kilok au bigai. ³⁴ Lamna maranaina Iesu ponana i rata ma i kwatu, “Eloi, Eloi, lama sabachthani?” Lamna anona, “Au God, au God aiwai aubaina u netawaneu?” ³⁵ Ma rava ġelaui au ġereġere i maimairi i nonori ma i riwa, “Ona rautaniġanei, Elijah e kwatukwatuei!” ³⁶ Ma rava tagogi i ruba da gara ai au damona i pani ma au wine tomatomana i vigaloj ma i voepai Iesu au ipirina ma i riwa,[‡] “Ona vipaipai ma

* **15:1:** Mrk 14:55 Sanhedrin † **15:5:** Mai Rome ai tarawatu e mamae da maranai i viwavuim ma tauetara ega uta paribelei lamna tam anina wawu ma varai. ‡ **15:17:** Eng. purple. § **15:21:** Eng. Cyrenian. * **15:24:** Taui ġaima i tawanei me dice da aiā aiwai garana ita vaia. [◊] **15:27-28:** Isa 53:12 † **15:27-28:** Giruma ġelaui waduboi vs 28 e mamae Ma aiwai i kaukaueia lamna peroveta i ririweia i tupua, Taui i ‘nanai me taui go’apoapoe taukauei. Isa 53:12

* **15:29:** Mrk 14:58 ‡ **15:36:** Psa 69:21 peroveta i girumi da Keriso ita verei.

tana inanai mepa da Elijah ina nei da ina teregārei.”³⁷ Ma Iesu ponana i rata ma i kwatu ma i lavutu tawanana.³⁸ Ma Tempol au orana aniteregāgara au pouna i wanasikai au tepana da i gāira au doa.³⁹ Ma sorodia ai bada, Iesu au naona i maimari; i 'nanai da i lavutu tawanana ma i riwa, “Wei anina God Natuna.”⁴⁰ Waivine ġelaui aueia i mae ma i raraubiga: Mary Magdalene ma Mary (James keikeina ma Joses[§] aloi) ma Salome.⁴¹ Taui, Iesu i votaġoġoi ma i vovoagui maranai au Galili i mamae ma waivine ġelaui maġamaġau, tauna maiteni i ġeġae au Jerusalem, anatapui kampa.

*Iesu i vikoġoġei
(Matthew 27:57-61; Luke 23:50-56; John 19:38-42)*

⁴²⁻⁴³ Ma au biga i tuturiaei Joseph Arimatheaei* tauna rava ġaġġena tagogi boru ġetelarana au orana. Tauna God ana vigulau ana nei i vipaipai. Ma vokaukauua marana (Lamna Sabat au naona)[†] ja Joseph ana tepeatorana, Pilate awarina i rui ma Iesu taubeuna i vibagi. ⁴⁴ Pilate i baiei da Iesu boibog i'rāge. Tauna, sorodia ai bada i kwatuei ma i vitara-virevirei da Iesu i'rāge bo ega? ⁴⁵ Maranai sorodia ai bada i pariverei da anina riwa kaua. Ma Pilate, Joseph i riwei da Iesu tupuana i vaia.

⁴⁶ Joseph, gara maiana ġaġġena i gimarai ma Iesu tupuana i tere-ġairei. Garei i umai ma au guba tupuana i vimataveni ma ġaima ġaġġena i kaipeuri da kokoaga metaetana i vaitomeni.
⁴⁷ Mary Magdalene ma Mary - Joses alona i 'nanai mepa Iesu taubeuna i vimataveni.

16

Iesu i vomairi

¹ Ma Sabat au murina, Mary Magdalene ma Mary - James keikeina alona ma Salome, bunama ġabuġabui i gimarai da i naiei da Iesu tupuana ita buloi.* ² Ma Sunday ubaubanai boibog i maranai madeġa i gogogo, taui i nae au kokoaga.³ Ma i nena ma i bababani, “Aiai aubaita ġaima kokoaga au metaetana ina kaipeura-tawanei?”⁴ Maranai taui i taepai, i 'nanai da boibog i ġaima i kaipeura-tawanei - ġaima ġaġġae kaukauana.⁵ Maranai i rui au guba ma oroto laragana ana gara ararapoirina i 'nanai au oienā.[†] Ma taui orai i auepai.⁶ Orotol aragana i riwa, “Eġa orami ina auepai, taumi, Iesu Nasaretei o baibaiei bo? I tupatuparatuia; tauna i vomairi! Ona inana, tauna eġa weka! Taui weka taubeuna i vimataveni.⁷ *Marina ona næma ana tauvotaġoġa ona riwei, ma Peter eġa nuanuami ina vuru da Iesu e vivinao au Galili. Kampa ona inanai i ririwemi nanare.”⁸ Taui i opu ma kokoagei i viruberubei ana ini sisisi ma ana rovoi. Taui i rovo kaua, lamna aubaina eġa rava ita riwei.

Mark 16:9-20

Mark Riwana Aiaina damona lamna wariaġa i vine-boai. Ma rava ġelauna aiwai i notanotai nanare au vs 9 da 20 i girumi. Wei damonana weka i vikarei.

Iesu, Mary Magdalene awarina i eġa

⁹ Iesu iraġelei i vomairi me au Sunday ubaubanai boibog i ma i ainae da Mary Magdalene awarina i eġa. Maraotai Iesu, Mary awarina arua-apoapoei seven i viopuni.¹⁰ Iesu, ana tauvotaġoġa i vivinuabola ma i toutou ma Mary i ġeta da i pariverei.¹¹ Ma Mary i pariverei da Iesu i lawana me tauna matanei Iesu i 'nanai. Wate taui eġa ita vitumaġanei.

Iesu, tauvotaġoġa ruāġa awari i eġa

¹² Wei au murina Iesu inanana tapuna ma ana tauvotaġoġa ruāġa awari i eġa; maranai taui i nena au melagai.¹³ Taui i naeme ma tauvotaġoġa ġelaui i vieġei. Wate taui nanare eġa ita vitumaġanei.

Iesu, Taui 11 awari i eġa

¹⁴ Muriai taui 11 i aman ma Iesu awarri i eġa. Ma i eni aubaina taui orai i bado ma eġa ita vitumaġana maranai rava, i riwei da Tauna i vomairi me.¹⁵ *Iesu ana Apasol i riwei, “Ona nae dobu au anatapuna. Ma God Riwana Aiaina ona jimei rava anatapui awarri. ¹⁶ Aiai da i vitumaġana ma i babatai; tauna ina lawana. Ma aiai da eġa ita vitumaġana

^{§ 15:40:} Au Mat 27:56, Matthew i girumijoseph ma ega Joses. ^{*} 15:42-43: Eng. Arimathea. ^{† 15:42-43:} Mai Jew ai Sabate, madeġa e neneulai au Friday e vivikarei da madeġa e neneulai au Saturday e kwakwa. Mai Jew ai Tarawatu e ririwa da rava i'rāge lamna marana tagogina ina doboi. Sabate amadodo madeġa e neneulai ina vikarei lamna aubaina Joseph i volaġiġina da Iesu taubeuna ita doboi. ^{* 16:1:} Mai Jew ai kaua maemaena da taubeu monamonei ina buloi ma muriai ina doboi ma waivine i ġoei da wei kauai ita votaġoġoi. ^{† 16:5:} Tupua i vimataveni au oienā i kiakiala, ana gara ararapoirina. ^{* 16:7:} Mrk 14:28 ^{* 16:15:} Act 1:8

ina kovōgi. ¹⁷ Ma taui aiavoi da i vitumāgana, rewapana ina verei da kaua babai ina kaei. Ma arua-apoapoei ina viopuni ma pona tapunei ina babani. ¹⁸ Taui, mota uraiei ina vaia ma waiawa ina umai ma ega ina rauputei. Ma urai doridoriai au kolai ina terei ma ina lawana.”

God, Iesu i ġaiei au Mara

¹⁹ *BADA Iesu, awari i babani vorovei. Ma tauna i ġaiei au mara ma God au oienā i kiala. ²⁰ Tauvotaġotaġo i opu ma dobu au anatapuna i raraugugula. Ma BADA, taui i voagui ma kaua babai i kaukauei da tauvotaġotaġo aiwai i babanviei i vovai-virewapani.

Apasol ai kaua Pariverena

Luke ana buka i giruma vorovei ma muriai Apasol ai kaua bukana i girumi. Tauna ana ano ̄gaēgaena lamna i ̄goei da rava ita viēgei da menanare Arua Vivivireina Iesu ana tauvotagotago i rau-etaraveni da Riwana Aiaina ita vituai,

Au Jerusalem ma au Judea au anatapuna ma au Samaria ma dobu au gia dewadewana.
(1:8)

Kerisiana ai babara ma ai nola i babaniei. Mai Jew awarii i vikarei ma i nae da dobu anatapui i vitumāgana. TAUAMGIRUMA ANA NOTA ̄GAĒGAENA DA WEI BUKANA TAUIAVANA ITA PARIVEREI DA KERISIANA AVENA ROME GABEMANINA ITA VIVIGAVIEI. Kerisiana vitumāganana lamna mai Jew ai vitumāgana e kaukauana-paei. Wei bukana i ̄gutai da rāgaragāgana tonūga, ma e viviatataieta da dobu au anatapuna Iesu Riwana Aiaina i jimei ma ekalesia i vitupui:

Iesu ana ̄gaae au murina Ekalesia au Jerusalem ai nola i vikarei;

Palestine taun ̄gelaui awari i tua-nae;

Ma i tua-nae au Mediteranean da i nae au Rome paratana. Wei bukana ana kaua ̄gaēgaena lana Arua Vivivireina i nolanola, ma rewapanana tauvitumāgana au Jerusalem i verei au Pentecost. Ma wei au bukana i viēgeta da Arua vivivireina mara nonoa agu ma rewapanana ekalesia ma ai babada i verei ai au aminola au anatapuna. Wariaga kerisiana ai pariverena i tere-tagogiei raugugula au māgamagaui, ma kaua ma ai nola i kaukauei anatapui. Wei au bukana i girumi da wei parivai-nuāganana ana rewapanana tauvitumāgana ai au lawana ma kerisiana ai au voepaea i viatataieta.

Buka reregana 1.

Vokaukaua tauvimatamata aubai (1:1-26)

Iesu ana tarawatu ma ana parivainuāgana damona (1:1-11)

Judas Epaiana (1:12-26)

Tauvimatamata au Jerusalem (2:1—8:3)

Tauvimatamata au Judea ma Samaria (8:4—12:25)

Paul ana nola (13:1—28:31)

Paul ana vāgai tagogi (13:1—14:28)

Boru au Jerusalem (15:1-35)

Paul ana vāgai viruaina (15:36—18:23)

Paul ana vāgai vitonuina (18:24—21:16)

Paul i vianipani au Jerusalem, Caesarea, ma Rome (21:17—28:31)

Iesu ana Apasol i parivainuāgani

¹ Egualau Theophilus, buka au naona a girugirumia* lamna Iesu ana tupua ma ana nola i vikarei da i kaukauei ma i viviararamana a pariverem ² i nae da ana ̄gaae au marana. Muriai da Iesu i ̄gaiet au mara, Tauna Arua Vivivireinei ana apasol vinevinei riwa bagibaginei i pariveret. ³Iesu ana irāge au murina i viēgana-melei ana apasol awarii. Ma kaua māgamagaui i kauet da apasol i vitumāgana kaua da Tauna anina i lawana me. Taui awarii i ēga au pom 40 au orana ma God ana vigilau i babaniei. ⁴ Maranai ana apasol maiteni i vitagogiei ma i riwana-guratei i pa, “Ēga Jerusalem ona oputawaneti, wate pulona amau i paripari-vainuāganimi ona paini, maraotai a ririwemi nanare. ⁵*John wairei i babataito, wate mara aburuna ava Amau, Arua Vivivireinei taumi ina babataitomi.”

God Iesu i ̄gaiet au Mara

⁶ Muriai maranai Iesu ma Apasol i vitagogiei ma taui Iesu i vitara-virevirei i pa, “Bada! Marina, Israel ana† vigilau ma vere-melei bo?”

⁷ Ma Iesu i paribelei, “Amau ainelana ana rewapanai mara ma iri e vivibadei, aubaina da taumi ēga ona aramanei. ⁸*Wate maranaina Arua Vivivireina au orami ina rui, maranaina taumi rewapanai ona vaia. Ma aubaiu ona vitaunola au Jerusalem, Judea, au Samaria ma dobu au anatapuna.” ⁹*I babani vorovei ma au matai God Iesu i ̄gaiet au mara. Ma apau i nei da i purui ma taui ēga ita inana-melei.

* **1:1:** Bukana au naona i girugirumi lamna Luke ana Gospel * **1:5:** Mrk 1:8 † **1:6:** Rome gabemanina Juda i vibadei wei au marana, Mai Jew wei ēga ita ̄goei, ma i ̄goei da ita virai. * **1:8:** Mrk 16:15 * **1:9:** Mrk 16:19

¹⁰ Ma taui i ġogouta au mara ma nelara ruāga ai gara ararapoiri au ririvai i raumairiei.
¹¹ Ma i riwa, “Mai Galili, aiwai weka o maimairiei ma o ġogoutatei? Wei ravana menanarena o inanai i ġaenei, amapo nanare ina nememei.”

Judas epaiana i vinei

¹² Anina ma Apasol Ola Olive, i voterei ma i ġaira me au Jerusalem lamna eġa uama ma au ġereġere. ¹³* Ma au Jerusalem i ġeta ma i ġae numana i mamae lana au tepana au vatavatara. Taui ai wava, Peter, John, James ma Andrew, Philip ma Thomas, Batolomeo ma Matthew, James - Apius natuna, ma Simon tauna au naona Zealot† ma Judas - James natuna. ¹⁴ Ma wei ravai mara patapatana i vivitagogie i raraupari gogona, waivine ġelaui ma Iesu ana roaroa ma aloi Mary maiteni kampa.

¹⁵ Wei au marana, tauvitumaġana 120 i vitagogie i Peter i vomairi ma wenanare awari i babani, ¹⁶⁻¹⁷ “Varevareiu, Judas Iskariot lamna turata tagogi ma maiteni ta nola gogona, wate muriai i voagu da Iesu i pani. Arua Vivivireina wei riwana wariaġa gulau David i riwei da ina tupua; ma aiwai i ririwei anina nanare i tupua.” ¹⁸ Judas Iesu i amverenei mané vainana aubaina, ma wei manenei doa i gimarai. Ma nai au doana tauna kolanei i peu ma manawana i wanawamai da amoamona i opu. ¹⁹ Ma rava anatapui au Jerusalem wei iraġena riwana i nonori, lamna aubaina taui nai dobuna ai ponei i viwawai Hakeldama, wei anona Tara Doana.

²⁰ “Wariaġa Gulau David i girugirumia, nanare i tupua,
Ana animae ina kwakwawa,
ma eġa aiai au orana ina mae.

(Psalm 69:25)

Ma

rava ġelauna ana nola ina vaia.

(Psalm 109:8)

²¹* Lamna aubaina marina awarita, rava ġelauna tana vinei da ina raviepaiai. Tauna ravanana Iesu maiteni ta bababara-nae madęga tonuġa au orana, ²² John rava i babataitoi au marana ma i nae da Iesu i ġaiei au mara. Ma maiteni tana nola ma rava tana riwei menanarena God Iesu iraġelei i vovaimairini.”

²³ Ma taui rava ruāga i vinei, Joseph-Barsabas (ana wava ġelauna Justus) ma Matthias. ²⁴⁻²⁵ Anina ma taui i raupari, “BADA tam rava anatapui orai u aramanei. Ma vieġelai da wei ravai ruāga, ma metauna u vinei da Judas ana gabu ina vaia da ina viApasol, aubaina Judas i voterelai da i nae ana au gabu.” ²⁶ Anina ma taui i vine, ma vinevine Matthias awarina i peu, ma tauna i vi-Apasol, ma Apasol 11 au orai i rui. §

2

Arua Vivivireina i ġairai

¹ Pentecost torelana i ġetai ma tauvitumaġana anatapui numa tagogi au orana i vitagogie.

*

² Maratagogi gugura ġaġġena, nonorana me ive vivirewapanana marei i ġairai ma tauvitumaġana i mamae numana i vioai. ³ Taui purapura inanana me ai menamenana i 'nainai, i ġairai ma rava tagotagogi ava au kolai i kiala. ⁴ Ma Arua Vivivireina anatapui i vioai ma pona taputapunei ava i bababani Arua ana aguei.

⁵ Nai maranaina mai Jew patputatutui dobu au anatapuna i vitaomana au Jerusalem da Pentecost torelana ita apui. ⁶ Ma patarai kampa i viruberubei, ma i nonori da gugurana lamna tauvitumaġana taui tagotagigija ai ponei i bababani ma taui ai nota i kwa. ⁷ Taui anatapui i baei ma taui ava i babani vivira i pa, “Wei mai Galili bo? ⁸ Ma menanarena da anatapua awarita ata ponei e bababani! ⁹⁻¹⁰ Tauta ġelauta mai Parthia, Mede ma Elam, ma mai Mesopotamia, Judea, Capadosia, Pontus ma Eisia, Pirijja, Pamphilia, Egypt ma Libya navanavana, au Sairini au ġereġerena, ma ġelauta mai Rome, ¹¹ ġelaui mai Jew ma ġelaui Jentail wate inibori i vaia da i vimai Jew. Ma ġelauta mai Crete ma mai Arabia. Wate God kaua ġaġġena i kaukaueia, ata ponei i bababaniei ma ta nononor!” ¹² Taui anatapui i vinuanaina, nuanuai i raġaraġa ma i bababani vivira, “Wei aiwai kauana e tuputupua?”

* 1:13: Mrk 3:16-19 † 1:13: Rava ununurana. Wei ravai mai Rome ai gabemani e vivigavie. * 1:21: Mrk 1:9; Mrk 16:19 § 1:26: Wei kalona wenanare: mai Jew wava ġaima muomuoī awari i girugirumi ma e tavatawanei, ma aiai ana namba i eġa lamna tauna ina vaia. Taui i vitumaġana da wei kauana awarinei God taui ina viatataie i aiai ita vinei. (Pro 16:33) * 2:1: Mai Jew ai Raġona torelana au murina au pom 50 ma Pentecost torelana e vivikarei. Wei riwana anona amapo wei bukana au damona ona iavi ma ona aramanei.

¹³ Wate ġelau i tau i vinamei i pa, “Wei ravai i uma bua!”

Peter rava awarii i raugugula

¹⁴ Anina ma Peter i vomairi Apasol 11 maiteni, ma ponana ġeġġanei patara awarii i babani, Au rava mai Jew ma anatapumi au Jerusalem maemaemi, babani ana tere-kauei da ona aramanei. Ona rautanigāna kaua. ¹⁵ Wei marinaota, 9 kilok ubaubanai! † Wei ravai ega ita uma bua me taumi o notanotai nanare,

¹⁶ Wei lamna wariaġa peroveta Joel i ririweia e tuputupua:

¹⁷ *Mara au damona,*

Aruau rava anatapui awari ana iwaġi.

*Ma natunatumi nelarai ma waivinei riwau ina jimei,
ma nelara vroui mataiei kaua ina inanai,
ma babada magumaguri raubonie i kaua ina inanai.*

¹⁸ *Wate nanare, Aruau ana iwaġi au taunola nelarai ma waivinei awarii,
ma ina vitaubabani.*

¹⁹ *Ma kaua babai au mara ana kuae,
ma au dobu mataira ana viegħi
ai ararata, tara ma bau potopotona.*

²⁰ *Ma madeġa ina waguvarei
ma nawarav i ina ravitaratarai,
muriad da BADA ana mara ġaegħena ma boruborumanina ina nei.*

²¹ *Nai au marana aiavo i da BADA awarina e vivigore agu aubaina BADA taui ina vilawani. (Joel 2:28-32)*

²² *Ma Peter i babani me:*

Mai Israel ona rautanigāna: God Iesu Nasaretei i vovai-virewapani da kaua babai, ma mataira ġaegħei i kaei da ita viatataiemi da tauna anina Godei i nei. ²³ *Wate God wariaġa i viogej ma ana ġoana nanare da Iesu au urami i terei, ma taumi ġo'apoapoe ravai ai aguei, Tauna au korosi o tuparatui da o virägeni. ²⁴ *Wate God, Iesu iraġelei i vovaimairini, ma iraġe iniviarana i vaitawanei ma iraġe ega tagotagogina da tauna ita vojjini. ²⁵ Wariaġa David Iesu i babbanie maranai i riwa:

Tau a inanai BADA God au naou mara au anatapuna.

Tauna au oieu lamna aubaina ega ana rovo.

²⁶ *Lamna aubaina nuaiai orau i oai ma menau i morelana,
ana iraġe ma a aramanei da tupuau ma paina-kauei.*

²⁷ *Ma aruau ega rava irairagei ai au dobu ma voterei,
ma tam ega am taunola vivivireina tupuana ma voterei da ina buda.*

²⁸ *Tam lawana etanaina u viatataeu,
ma Tam maiteni a mamae ma a vinuiai kaua. (Psalm 16:8-11)*

²⁹ Au rava, A riwana-kauemi da amata gulau David iraġe da i doboi, ma ana kokoaga weka e mamae. ³⁰ *Wate David lamna peroveta, ma i aramanei da God i parivainuagħġani da ana damei gulau ina opu, me tauna nanare. ³¹ Ma David i 'nanai God muriai aiwai ina kaei ma i riwa,

Keriso ina vomairi me,

ma tupuana ega rava irairagei ai au dobu ina voterei da ina buda. (Psalm 16:10)

³² Ma God Iesu-na tagogina iraġelei i vovaimairini, ma tauai anatapuiai a vimatamata. ³³ Ma God i ġaieji ma au oieni i vikilai. Ma Arua vivivireina i verei me i parivainuagħġana nanare, ma nai Aruua tagogina Iesu awariai i waġi, lamna marina o nononori ma o inainanai. ³⁴ *David ega ita ġaeu mara, ma wate i riwa, BADA au Bada i riwei, “Au oieu ma kiala ³⁵ ma am ġavja au ae karem ana terei. (Psalm 110:1)

³⁶ Lamna aubaina mai Israel anatapumi ona aramana-kauei da wei ravana Iesu o tupatparatu, God i terei da BADA ma Tauvilawana.

³⁷ Ma maranai rava wei riwana i nononori, taui orai i rautonai da Peter ma Apasol ġelau i riwei, “Varevarei, tauai aiwai ana kaei da ana lawana?”

³⁸ Ma Peter i paribelei, “Taumi tagotagogi ava Iesu Keriso wavanei ona rupena ma ona babataito ma ami ġo'apoapoei ina nota-tawanei, ma God ana pulo Arua Vivivireina ona vaia. ³⁹ Wei parivai-nuaganana lamna taumi natunatumi maiteni aubaimi. Ma wate nanare mai jentail - aiavoi da e kwatukwatuei ina nei Tauna awarina.”

† **2:15:** Mai Jew taui au bigai sia e aniani ma wain e umaumai. * **2:23:** Mrk 15:24 * **2:24:** Mrk 16:6 * **2:30:**

2Sa 7:12-13 * **2:34:** Psa 110:1

⁴⁰ Ma Peter riwa ġelau maiteni rava i vinua-terenei, ma i egari, “God ona vianinei da ina vilawanimi, ma ega kovoġa ona vaia.” ⁴¹ Ma rava maġamaġaui Peter ana babani i vitumaġanei ma i babataito ma nai au marana rava 3,000 ai au boru i rui.

Tauvitumaġana i mae gogona

⁴² Ma tauvitumaġana Apasol ai viararamana i nononori, ma i viboruboru, i amam ma i raraupari gogona. ⁴³ Apasol kaua babai ma mataira ġeġġae maġamaġaui i kaukauei ma anatapui i rovo ma God i vivirana-kuae. ⁴⁴* Ma tauvitumaġana anatapui gabu tagogi i vivitagogie i aiwai ġariei ai rava maiteni i ġutaġutai. ⁴⁵ Taui ai doa, ai numa, ai wapu ma ai purapura i gimajimarei ma manena ai rava ġelau maiteni i ġutaġutai. ⁴⁶ Taui mara patapatai au tempol i vivitagogie, ma ai au numa ana nuaiai ma ana morelanai i amam gogona. ⁴⁷ Ma taui God i vovoepaepai ma rava anatapui i vivinuaiaini. Ma marana patapatai rava voui i neneiae Iesu awarina ma tauvitumaġana ai boru i viviratai.

3

Peter, oroto aena gwaġagwaġana i vilawani

¹ Mara tagogi au bigai 3 oklok, Peter ma John pari aubaina i ġeġġae au Tempol. ² Ma oroto tagogi aena gwaġagwaġana i tupuei, ma mara au anatapuna ana rava i avavara neiae da Tempol metaetana, e ġoregorei, metaeta aiaina, kampa i vivikialai ma rava i ruirui tempol au orana i vivigimanei mane aubaina. ³ Maranai i 'nanai da Peter ma John aburuna ava da au metaeta ita rui, ma i vibaġai mane aubaina. ⁴ Peter ma John orotona i 'nana-tunutunui ma Peter i riwa, “Ma inanaiai!” ⁵ Ma orotona taui i 'nanai ma i notanotai da aiwai awarri ita vaia. ⁶ Ma Peter, orotona i riwei, “Awariu silva ma gold ega wate aiwai awariu lamna ana verem. Iesu Keriso Nasaretei, wavanei ma vomairi, ma babara!”

⁷ Ma Peter oroto nimana au oieina i vojjini ma i voaqui da i vomairi. Ma maratagogi oroto aena ma ae kwarukwaruna i ai ma i virewapano, ⁸ ma aenei i viauepa ma babara i vikarei. Anina ma taui maiteni i rui au tempol ma tauna tempol oraninei i babbara, i viauepa ma God i vovoepaepai. ⁹ Ma rava anatapui orotona i 'nanai i babbara ma God i vovoepaepai, ¹⁰ ma i aramanei da tauna ravana tagogina tempol metaetana e ġoregorei *inanana aiaina* ua naona, i kiakiala ma i vivigimana. Ma rava anatapui i 'nanai aiwai i tupua wei orotona awarina ma i ba-guratana.

Peter patara awarri i babani

¹¹ Ma orotona Peter ma John i vovojjini ma rava anatapui i bana-kuae, ma i viruberubei taui awari au lovelove e ġoregorei, Solomon ana lovelove. * ¹² Ma maranai Peter patarai i 'nanai ma i riwei:

Au rava mai Israel, aiwai aubaina o vivinuanaina? Ma aiwai aubaina o inainantuñunui, apamina tauai ai rewapani bo ai vipatutuei, wei ravana a kuae da i babara? ¹³* Wei lamna amamata Abraham, Isaac ma Jacob ai God, ana taunola Iesu i viborumei, ma taumi Tauna o verenei da ita viraġeni, ma Pilate au matana o geduaiei. Pilate i ġoei da ita rupeni wate taumi ega ota vianinei. ¹⁴* Iesu lamna rava vivivireina ma jijimanina, wate o geduaiei. Ma Pilate i ġoei da Iesu ita rupeni, wate taumi o ġoei da tauviraġena i rupeni aubaimi. ¹⁵ Ma taumi lawana maemae-nonoana tauvereina o viraġeni, wate God i vilawana-melei, tauai wei a vimatematei. ¹⁶ Wei ravana aena gwaġagwaġana Iesu au wawana i vitumagħana ma lamna aubaina i lawana. Taumi o aramanei ana doria menanare, Wate ana tumagħana Iesu awarina i vilawani.

¹⁷ Ma au rava marina a aramanei da taumi ami babada maiteni Iesu o viraġeni, aubaina taumi ega ota aramanei da tauna tauvilawana. ¹⁸ Wate wei lamna wariaġa God ana peroveta anatapui i ririweia i tupua, God i riwa da ana tauvilawana ina vinuapoapoe. ¹⁹ Ami ġoġa apoapoe Ona voterei ma ona mae-taviremi God awarina da tauna ami ġoġapoapoe ina nota-tawanei. ²⁰ Ma lamna maranaina God aruami nuallawawana ina verei, God Iesu i vinei da ami Tauvilawana ma ina paritawanei. ²¹ Iesu au Mara ina mae da God kaua anatapui ina ravivouni, me God ana peroveta vivivirei wariaġa i ririweia nanare. ²²* Moses i riwa, “BADA ami God peroveta, me tau nanare, ina terei ma tauna ami dam oinei ina nei. Ma aiwai anatapuna e ririwemi ona rautaniġanana-kuae. † ²³* Ma aiai da wei perovetana ega ina rautaniġanei lamna God ana rava awariei ina vilamonei.”

* ^{2:44:} Act 4:32-35 * ^{3:11:} Solomon ana lovelove tagogi tempol au orana e mamae. Wei lamna gari au ririvana ma ana tuuata maġamaġauna. * ^{3:13:} Exo 3:15 * ^{3:14:} Mrk 15:6-14 * ^{3:22:} Deu 18:15, 18 † ^{3:22:} Mai Jew e ririwa da Moses lamna ai peroveta ġaġeġa. * ^{3:23:} Deu 18:19

²⁴ Peroveta Samuel ma muriai Peroveta mağamağau, kaua i ririweia marina e tuputupua. ²⁵ *Taumi nai perovetai natunatu ma taumi maiteni parivainuağana bagibagina au orana. Au baina God Abraham i riwei, “Am epaepaia awariei dam anatapui au dobu ana viaiaini.” ²⁶ Ma maranai God ana taunola i vinei, ma au naona i paritawaneiai awarimi da ita viaiainimi, ma lamnei taumi tagotagogi ava ami ġo'apoapoe ota opu-tawanei ma ota nei Tauna awarina.

4

Jew babadai Peter ma John i etarei

¹ Peter ma John rava awari i bababani ma pirisi pulo tauapuina ma tempol taupainii* ai bada ma Sadusi ġelaui † i ġetai. ² Tauui amloi i ġaġġai kaua Peter ma John awari aubaina taui i viviararamana da God, Jesu iraġelei i vovaimairini ma wei i viatataiana da God rava anatapui iraġelei ina vovaimairini. ³ Taui Peter ma John i pani ma au i pom aubaina panipani au numana i terei da i mae mara. ⁴ Wate rava mağamağau riwa i nonori ma i vitumaġana, ma ai maġa nelara 5,000 waivine eġa ita iavi.

⁵ Ma mara i tom ma Jew babadai, dogadogara ma tarawatu babadai au Jerusalem i vitagogie. ⁶ Ma pirisi ġegetelarana Annas kampa ma Caiaphas, John, Alexander ma pirisi ġegetelarana ana rava maiteni. [‡] ⁷ Ma taui Peter ma John i neiei da au naoi i vimairini ma i riwei, “Aiwai rewapananei, ma aiai wavanei wei o kauei?”

⁸ Arua Vivivireina Peter orana i vioai ma taui i riwei, “Rava ai babada ma dogadogara; ⁹ tauai kaua aiaina a kauei gwaġagwaġana awarina ma amadodo taumi o vitara-virevirelai, da menanare tauna i lawananei. ¹⁰ Ma wei ona aramana-kauei, da taumi ma mai Israel anatapui, da Iesu Keriso Nasaretei o tuparatui, Wate God tauna iraġelei i vovaimairini ma tauna wavanei wei orotona au naomi lawalawaina e maimairi. ¹¹ Taumi tauvoa nai ġaimana o geduiae, wate wei gaimana lamna numa ogona, numa ana tapuna e vovojjini. §

¹² —Lamna aubaina Iesu ainelana ina vilawanita. Ma God eġa aiai ġelauna au dobu rewapanana ita verei da ina vilawana.”

¹³ Ma taui Peter ma John ai teptatora inanai ma maranai i aramanei da taui eġa girugirumai, ma i baei. Ma i aramanei da taui Iesu ana tauvotagħotago. ¹⁴ Ma wate i ’nanai oroto i vivilawania Peter ma John maiteni i maimairi, lamna maranai taui gamoi i pota. ¹⁵ Anina ma Peter ma John i riwei da boru gabuna i opu-tawanei, ma taui ava i vitarairavira vivira. ¹⁶ Taui i vitarairavira-viravira i pa, “Aiwai tana kauei wei nelarai awari? Rava anatapui au Jerusalem i aramanei da taui kaua babai i kaukauei, lamna eġa tana boviei. ¹⁷ Wate tana viġaei da wei kauai eġa ina tua rava ġelaui awari, ma riwa bagibaginei tana viġaei da eġa aiai awarina Iesu wavanei ina raugugula.”

¹⁸ Anina ma taui i ġorei da i rui me, ma riwa bagibaginei i viġaei da eġa aiai awarina Iesu wavanei ina raugugula bo ina viararamana. ¹⁹ Wate Peter ma John taui i paribelei, “Taumi ami nota aiwai. Tauai God ana voteletelei bo taumi? ²⁰ Tauai aiwai a inainanaia ma a nononoria babanina eġa ana voterei.”

²¹⁻²² Wei Orotuna i vivilawani lamna gwaġagwaġana ma ana madeġa 40. Lamna aubaina rava anatapui God i vovoepaepai, ma babada eġa ita aramanei menanare Peter ma John ina kovoganei. Ma i parivairovorovo-melei ma i paritawanei da i nae.

Tauvitumaġana God i vibagħi agu aubaina.

²³ Peter ma John i nae me ai rava awari ma pirisi ġaġġaei ma dogadogara aiwai i ririweia taui i vieġei. ²⁴ *Maranai tauvitumaġana wei riwana i nonori, taui anatapui i raupari gogona God awarina:

BADA tam ai gulau, Tam mara, dobu, boga ma anatapuna au orana maemaei taukaueina. ²⁵ Tam Arua Vivivireinei am taunola, amaiai David gamonei u babani ma u riwa,

Aiwi aubaina rava awariai e mejimej,

ma aiwai aubaina ai oga e taratara labalabai?

* 3:25: Gen 22:18 * 4:1: Tempol tau-painina lamna anatapuna au tempol e inainana-vaitetei (purusimani). Taui pirisi ġegetelarana ana taunola. † 4:1: Sadusi taui iraġelei vomairime eġa ita vitumaġanei ‡ 4:6: Mai Rome Caiaphas i vinei da Pirisi ġegetelarana, poiana Annas epaiana. Wate mai Jew ai au giu da aiai pirisi ġegetelarana vaivaina i vaia, tauna anina ina mae da au iraġe. Luke e ririwa da Annas tauna pirisi ġegetelarana. § 4:11: Mai Jew ai numa ġaimei i voavoai. Iesu tauna anina God ana Tempol vouna oġona. (Eph 2:19-21, Isa 28:16). * 4:24: Exo 20:11

²⁶ Ma dobu ai gulagulau i yokaukaua ma babada ġaeġaei ġelau i maiteni i vitagogie i da

BADA ma ana tauvilawana* maiteni i viġavie. (Psalm 2:1)

²⁷ *Anina riwa kaua. Wei kauai weka au Jerusalem i tupua, Herod ma Pontius Pilate, Jentail ma mai Israel maiteni i vitagogie, da am taunola vivivireina Iesu u bulobuloia i viġavie. ²⁸ Ma tam am rewapanie ma am ġoanei am oga menanare u tarataranei marina nanare i tupua. ²⁹ BADA, nai ravai ai parivai-rovorovo au uram ma am taunola ma vovavirewapani da ana teptatorai riwam ina raugugulei. ³⁰ Uram ma viloloi da ma vilawana ma kaua babai ma mataira ġaeġaei ma kaei, am taunola Vivivireina Iesu wavanei.

³¹ Ma pari au murina, taui mepa i vivitagogie gabuna i vigu. Ma Arua Vivivireina anatapui orai i vioai. Ma ana teptatorai God riwana i raugugulei.

Tauvitumaġana ġarie i ġutajgħtai

³² *Tauvitumaġana anatapui ai nota ma orai tagogi. Ma ai purapura tagogi ma eġa aiwai ita nuanei. ³³ Ma Apasol ana teptatorai ma rewapanai BADA Iesu ana irage, ma ana vovairi me i raugugulei. Ma God ana viajaina ġaeġaena taui anatapui awari i peu. ³⁴⁻³⁵ Ma taui au orai eġa ajaï aiwai ita voladagei aubaina, ai rava ġelau ai doa bo ai numa i għimġimarei ma manena i nenejha Apasol awari i tererei, ma ajaid da aiwai i vovcladagei nanare i vovoagu.

³⁶ Me Joseph, tauna Levi ana damei, au Saipras i tupua, ma Apasol tauna i ġoġegorei Barnabas, wei wava na anona lamna taudugu. ³⁷ Tauna ana doa i gimarei, ma manena i nejha da Apasol awari i terei.

5

Ananias ma Saphaira

¹ Anina ma Ananias awana Saphaira maiteni ai doa navanavana i gimarei. ² Ma airuaga vianina tagogi da mane navanavana i nuanei, ma Ananias mane navanavana i nejha da Apasol awari i terei.

³ Anina ma Peter tauna i vitaravirevirei, "Ananias aiwai aubaina Satan u vianinei da au oram i rui ma Arua Vivivireina u morui, ma doa u għimġimarei manena navanavana u nunej? ⁴ Doa lamna tam ġarime da uta għimarei bo eġa. Ma maranai u għimarei lamna manena tam ġarime da uta verenei, aiwai aubaina nota apoapoeña au oram i rui? Tam ega rava awarina uta moru, wate God awarina u moru." ⁵⁻⁶ Maranaina Ananias wei riwana i nononori, tauna i peu da i'rāġe. Anina ma nelara i rui da tupuana i umai ma i nejha da i doboi. Ma aiavoi da wei riwana i nonori i rovo kaua.

⁷ Taui eġa ita mae guratana, ora tonuġa nanare ma awana i nei, aiwai i tupua eġa ita aramanei. ⁸ Ma Peter wavine i paridadanei, "Abe uta riweu, tam awam Ananias maiteni doa o għimġimarei maiana anina wei bo?" Ma tauna i paribelei, "Ee, doa maiana anina nai."

⁹ Ma Peter i riwa, "Aiwai aubaina taumi o vianina da BADA Aruana ota raudadani? Nelarai awam i dobobobo i ma inanai au metaeta da tam maiteni ina avara-opunem."

¹⁰ Maratagogi wavine Peter au ae karea i peu da i'rāġe. Maranai nelara i rui au numa ma i'n-nanai da wavine i'rāġe, anina ma i avara-opunei da awana au ririvana i doboi. ¹¹ Lamna maranaina ekalesia anatapui, ma rava aiavoi da wei riwana i nonori i rovo kaua.

Apasol rava maġamaġau i vilawani

¹² Ma Apasol mataira ma aniba kauai maġamaġau i kaukauei rava awari. Ma tauvitumaġana Solomon ana au lovelove i vivitagogie. ¹³ Wate rava ġelau ai au boru ruina i rovoei, wate rava taui i vivirana-kaeue. ¹⁴ Wate nelara ma waivine maġamaġau Iesu awarina i vitumaġana ma tauvitumaġana ai au boru i rurui. ¹⁵ Ma lamna aubaina rava ai rava doridoria i avvara-opunei au eta ma ai u animatave i vimataveni, da Peter inu i vododani bo eġa da ġouma taui ita ġounei da ita lawana. ¹⁶ Ma melagħi ġelau i Jerusalem au ririvana ravai maġamaġau ai rava doridoria, ġelau i arua-apoapoei i ruruiu i nejha ma anatapui i vilawani.

¹⁷ Anina ma pirisi ġeġetelarana ma ana rava mai Sadusi anatapui orai unura i oai. ¹⁸ Ma Apasol i pani, ma panipani au numana i terei. ¹⁹ Wate wagħvarai BADA ana anela i nei da panipani numana metaetana i votawanei, ma taui i taravaina-opunei ma i riwei, ²⁰ "Ona rui tempol au orana, ona mairi ma lawana vouna riwana anatapuna rava ona pariverei."

²¹ Anela i riwei nanare, taui au tempol i rui ma rava viararamanai i vikarei. Nai maranai pirisi ġeġetelarana ana rava maiteni i ġetai ma boru ġaeġaena e ġoġegorei Sanhedrin i terei. Ma rava i paritawanei au panipani numana da Apasol ita nejha awari. ²² Taui panipani au numana i ġeta ma i baina-avei, ma i naeme da i vieġa. ²³ I pa, "Panipani numana anina i għuduk, ma tauvipaipai au metaeta i maimairi; wate maranai tauai metaeta a votawanei lamna

eğa aiai kampa.”²⁴ Maranai tempol taupainina ai bada ma pirisi babadai wei riwana i nonori, taui i vinuanaina da aiwai i tupua.

²⁵ Ma rava tagogi i nei ma i riwa, “Ona rautaniğanal Nelara panipani au numana o teretereia, taui au tempol e maimairi ma rava e viviararamani.”²⁶ Anina ma tempol taupainina ai bada, ma babada ġelaui maiteni i nae ma Apasol i neiai. Taui i rovo ma ega ita egari mepa da rava ġamei ita ravi.

²⁷ Ma Apasol i neiai boru ġegetelarana au naoi, ma pirisi ġegetelarana taui i vitara-virevirei. ²⁸ I pa, “A riwana-guratem da wei ravana au wavana avena ota viararamana, wate ami viararamana i tua da Jerusalem i oai. Ma wei ravana tarana wavuna tauai o vereverelai.”

²⁹ Ma Peter Apasol ġelaui aubai i vitauvibabani i pa, “Tauai God ana voteletelei ma ega rava.”³⁰ Taumi Iesu au korosi o tuparatui ma o viraġeni, wate amamata ai God Tauna i vovaimairini.³¹ Ma marina Tauna God au oieno e kiakiala, Tauna BADA ma Tauvilawana, Da mai Israel ai ġo-apoapoe ina rupeni, ma ai ġo-apoapoe ina nota-tawanei.³² Ma tauai Arua Vivivireina maiteni wei kauai anatapui mataielai a inanai. Ma nanare God Arua Vivivireina i paritawanei rava votelatelai awari.”

³³ Taui wei babanina i nonori ma amloj i ġaigai kaua, ma i ġoei da Apasol ita viraġeni.³⁴ Wate Pharisi ma tarawatu badana wavana Gamaliel, rava anatapui wei ravana e vivivirei. Tauna Sanhedrin boruna au orana i mairi, ma rava i riwei da Apasol i opunei au doa mara aburuna ava.³⁵ Anina ma ana rava i riwei, “Mai Israel, ona inana kaua ma muriae da aiwai wei ravai awari ona kaei.”³⁶ Mara tagogi oroto wavana Theudas viġavia i vikarei ma i kauana-melei da tauna rava ġaegħena, ma rava ai maġa 400 nanare tauna i votaġoġaġi. Ma maranaina tauna i viraġeni ana tauvotaġoġa i vilamonei ma aiwai anatapuna kampa i kwa.³⁷ Wate tauna au murina oroto Galiliei wavana Judas i ġeta, census au marana ma rava maġamaġau tauna i votaġoġaġi, ma tauna maiteni i viraġeni, ma ana tauvotaġoġa i vilamonei.³⁸ Lamna Aubaina a ririwemi da wei ravai ona voteretawanei! Mepa da taui ai nola ravei, amapo ina peu.³⁹ Wate mepa da Godei, taumi ega tagotagogina da wei ravai ona viġġei, taumi mepa da God o viġġavie.”

⁴⁰ Taui Gamaliel ana babani i votelatelei. Ma Apasol i riwei da i rui, ma i wipiei i kwapui ma i viġġei da Iesu wavanei ina jima, ma i paritawanei da i nae.

⁴¹ Aubaina i aramanei da God taui i vinei da Iesu wavana Aubaina ina vinuapoapoe. Anina ma Apasol ana nuaiai Sanhedrin i opu-tawanei,⁴² Taui mara patapatana tempol au orana ma au numa God riwana aiaina i raraugugulei ma i viviararamana da Iesu tauna Keriso.

6

Stephen i vinei tauvoaġu

¹ Tauvitumaġana ai boru i rarata, ma au orai mai Jew Greek taubabanieina, mai Jew kampa maemaei i viamparipariei. Taui i beubeura da ai kaikaababa ai ġuta ega ita tereterei.

² Anina ma Apasol 12 tauvitumaġana ai boru i raukhatuei. Ma i riwei, “Tauai Apasol ma ai nola lamna God riwana ata jimejimei ma avena mane nolana maiteni ata kaukauei.”³ Lamna Aubaina au rava, awarimi rava 7 ona vinei, taui orai Arua Vivivireina i oai ma nuaulaulai da wei nolana ina kaei,⁴ Ma tauai ai nola da pari ma God riwana ava ana jimei.”

⁵ Rava anatapui wei ogatarana i vianinei, ma Stephen i vinei, Arua Vivivireina orana i oai, ma ana tumaġana God awarina i rata kaua. Ma nanare Philip, Prokoras, Nikano, Timon, Pamenas ma Nicolas tauna Jentail, Antiokei ma ini bori i vaia ma i vikeresiana.⁶ Ma wei ravai i neiai ma Apasol nimai taui au tepai i terei ma i raupariei.

⁷ Anina ma God riwana i vituai ma au Jerusalem rava maġamaġau Iesu i vitumaġanei, ma nanare pirisi maġamaġau i vitumaġana.

Stephen i pani

⁸ Anina ma God Stephen i viaiaini ma i vovai-virewapani da mataira ma kaua babai i kaukauei rava awari.⁹ Wate mai Jew ġelaui provins nununai i nei mai au Sairini, mai Alexandria, ma Silisia ma Eisia ai parinumana e ġoreġorei panipani *waduboi, Stephen ana ġavia i vomairi.¹⁰ Wate Arua Vivivireina, Stephen nuaulaula ma riwa i verei ma i bababani da taui i vigamopotai.¹¹ Lamna Aubaina taui rava ġelaui i għwalix da moruei Stephen ita vibenabenomei, ma ita riwa, “Tauai a nonori Stephen, Moses ma God i viviġibogħi.”¹² Ma lamnei patara i viamlo-ġaigħi, dogadogħara ma tarawatu babadai maiteni. Anina ma taui Stephen i vojjini

* 6:9: Wei ravai lamna slave waduboi, marina i voterei da ana goanei e mamae.

ma i naiei mai Jew ai Boru Ĝegetelarana[†] awarina. ¹³ Ma taui rava ġelau i neiai da moruei Stephen i vibenabenamei, ma i riwa, “Wei ravana mara patapatana Tempol vivivireina ma Moses ana tarawatu i vivijibogi. ¹⁴ Tauai a nonori i riwa da Iesu Nasaretei tempol ina rikai ma tarawatu Moses i verevereta anatapui maiteni ina virai.”

¹⁵ Ma rava anatapui nai au boruna i kiakiala, Stephen i 'nana-tunutunui, ma i 'nanai da tauna naona i lalalai me anela.

7

Stephen ana babani.

¹ Anina ma Pirisi ĝegetelarana Stephen i paridadanei, “Wei viwavuna, riwa kaua bo?”

² *Stephen i paribelei:

Varevareiui ma amamau, au babani ona rautaniganei. God boruborumana noita Abraham awarina i ega au Mesopotamia, muriae da ita nae au Haran. ³ Ma God tauna i riwei, Am dobu ma am dam ma netawanei da ma nae dobu ana viatataiem lana. ⁴ *Anina ma Abraham Mesopotamia i netawanei ma i nae da au Haran i mae. Amana i'rāge ma au murina God Abraham i paritawanei da marina dobuna o mamae lana kampa ita mae, ⁵ *Nai maranaina God ega Abraham doa ita verei, ega aburu dadadana! Wate i parivainuagāni, da ina verei tauna ma ana epaepaia aubai. Nai au marana Abraham ega natunatuna, ⁶ *Ma God wenanare Abraham i riwei, Am epaepaia au dobu gelā ina mae ma ina vitaunola, nai dobuna ravai taui ina rau-iviapoapoelei da madega 400 ina kwa. ⁷ *Wate raval, avarii e vitaunola ana kovogī, ma muriae mai Israel ina opui ma wei au dobuna ina voepaepaiu. ⁸ *Anina ma God inibori parivai-nuaġanana bagibagina Abraham maiteni i kaei, ma maranai Isaac i tupua ma au pom vi-8-na Abraham natuna inina i bori. Muriae Isaac natuna Jacob inina i bori, ma nanare Jacob natunatuna 12 anatapui inii i bori. Wei babadai lamna tauta noinoita.

⁹ *Jacob natunatuna varei Joseph i unurei ma i gimarei da ita vitaunola au Egypt, wate God tauna awarina i mae. ¹⁰ *Ma ana au nuabola i gagaloei. Ma God nuaulaula i verei ma i kaei da Egypt ai gulau nuuanua i vaia, anina ma i terei da Egypt i vibadei ma ana numa orana i vibadei. ¹¹ *Ma gomara ġaegħena i ġeta au Egypt ma au Canaan, ma vinuapoapoe ġaegħena i tupua. Ma noinoita ega ai lam. ¹² Ma maranai Jacob i nonori da au Egypt lam, ma noinoita i paritawanei au Egypt, wei ai babara naona. ¹³ Ma muriae i nae me ma wei maranai Joseph i viegħana-melei varevareina awarii, ma kampa mai Egypt ai gulau Pharaoh, Joseph ana numa ravai i aramanei. ¹⁴ *Anina ma Joseph riwa i paritawanei amana Jacob awarina ma i riwei da ana numa ravai anatapui, ai maġa 75, ita nei au Egypt. ¹⁵ *Anina ma Jacob i nae au Egypt. Tauna kampa i'rāge ma nanare natunatuna anatapui. ¹⁶ Taubuei i naiana-melei au Shekem ma Abraham Hamor natunatuna awarii kokoaga i għimximara, kampa i vimataveni.

¹⁷ *Maranai mara i tuġereġerei da God Abraham i paripari-vainuagħania ita kaei, ata patara i maġa guratana au Egypt. ¹⁸ Ma Pharaoh vouna au Egypt i vibada ma tauna noita Joseph ega ita aramanei. ¹⁹ *Tauna amamata i morui ma i rau-iviapoapoelei, i egari da natunati melamelai numei i viopuni da ita irāge. ²⁰ *Wei au marana Moses i tupua, tevera inanana aiaina. Amana ma alona natui i ġamoi da nawaravi tonuġa i kwa. ²¹ *Ma maranai tevera numei i tere-opunei, gulau natuna guguinina tevera i vaia ma i ġamoi da natuna. ²² Ma mai Egypt ai nuaulaula Moses i viararamani ma i virewapano, babani ma nola awarina.

²³ *Moses ana madega 40 ma i nota da ita nae ana dam ravai ita raugenari. ²⁴ Ma i 'nanai da Egypte, Moses ana rava oina i raviravi, ma tauna turana bainei Egyptei i vunui da i virāgeni. ²⁵ Moses i notai da ana rava ita aramanei da God tauna i paritawanei da ita agui da Egypt ita oputawanei. Wate taui wei ega ita aramanei. ²⁶ Ma maratommha Moses i nae me ma ana rava ruāga i viġiġaiawa i 'nanai, ma i riwei, “Taumi ava ma aiwai aubaina o viġiġaiawa?” ²⁷ Wate ġaiawa tauvikareina Moses i vokaririei ma i riwei, “Tam aiai i terem

[†] 6:12: Sanhedrin. * 7:2: Gen 12:1 * 7:4: Gen 12:4 * 7:5: Gen 12:7; 13:15; 17:8 * 7:6: Gen 15:13-14
 * 7:7: Exo 3:12 * 7:8: Gen 17:10-14; Gen 21:2-4; Gen 25:26; Gen 29:31-35:18 * 7:9: Gen 37:28; Gen 39:2-21
 * 7:10: Gen 41:39-41 * 7:11: Gen 42:1-2 * 7:14: Gen 45:9-10, 17-18 * 7:15: Gen 46:1-7; Gen 49:33 * 7:17:
 Exo 1:7-8 * 7:19: Exo 1:10-11; Exo 1:22 * 7:20: Exo 2:2 * 7:21: Exo 2:3-10 * 7:23: Exo 2:11-15

da ma vibadelai bo tauai ai taurauetara? ²⁸ Tam ma virāgeniu me pom Egyptei u virāgeni nanare bo?" ²⁹ Maranai Moses wei i nonori tauna Egypt i ruba-tawanei ma i nae au Midian, wei ega ana dobu wate kampa i mae. Muriai dobuna wavinena i ravaagi ma natunatuna nelarai ruaga i tupua.

³⁰ *Ma kampa i mae madega 40 i kwa ma BADA ana anela au mutulua ola Sinai au gereggerena tauna awarina i ega, inanana me ai menamenana ai aburuna rugurugui au orana i gegeae. ³¹ Wei i 'nanai ma i baei ma i nae au geregere da ai arata ita tuvireirei ma i nonori BADA i riwa i pa, ³² "Tau amamam ai God, Abraham ma Isaac ma Jacob ai God." Maranai Moses wei i nononori i rovo kaukaua ma naona i tere-govaagi. ³³ Ma BADA i riwa, "Am ae uma ma votawanei! Wei gabuna au tepana e maimairi, lamna doa vivivireina ma Viaiainana. ³⁴ A inanai menanare mai Egypt, natunatu e rarau-iviapoapoelei. Ai ora-tou a nonori ma a gairai da taui ata vai-tawanei. Ma marina ma nei, Tau ana paritawanem au Egypt."

³⁵ *Stephen i riwa:

Wei Moses na tagogina, mai Israel i parivireirei i pa, "Aiai i terem da tauai ma vibadelai ma ma rauetarelai?" Moses i paritawaneiae da ita vibademi ma ita tereopunemi, anela i egaega ai menamenana au poui, ana aguei. ³⁶ *Ma Moses taui Egyptei i ravena-opunenei ma mataira babai ma vivirewapanai i kaukauei au Egypt, Boga lebalebarina ma ai au vagai madega 40 au mutulua. ³⁷ *Wei Moses-na tagogina, mai Israel i riwei, "God muriai peroveta ami damei ina paritawaneiae me tau." ³⁸ *Moses Israel patarana maiteni Egypt i oputawanei i vitagogie au ola Sinai ma anela Moses awarina i bababani, taua kampa noinoita maiteni. Ma riwa mamae-nonoana i nonori ma wei lamna i veredamanei tauta awarita. ³⁹ Wate noinoita Moses i parivireirei ma au orai i goei da ita nae me au Egypt. ⁴⁰ *Ma taui Aaron i riwei, "Nai ravana Moses, Egyptei i taravai-opunelai, tauai ega ata arameai aiwai awarina i tupua. Ma tauai ai god kokoitau ma kaei da ina rauetaraveniai." ⁴¹ *Anina ma bulumakau gaubona kokoitauna i kaei, ma pulo i apui awarina ma i amei ma i umei, da aiwai uraiei i kaukauei i vimae-gegaenai. ⁴² Wate God taui i mae-puputei ma i voterei da ubona ma nawaravi ma madega au mara i vimae-gegaenai. Wei lamna peroveta nununai i ririweia i tupua:

Rava mai Israel! Maranai madega 40 au mutulua.

Taumi ega Tau awariu gamogamo ota vunu ma ota apui tapa?

⁴³ Taumi ami god Molek ana numa gara ma ami ubona god kokoitauna Rephan o avarai.

Kokoitau o kaei da ota vimae-gegaenai.

Lamna aubaina rava borui ami au dobu ina vainimi ma ina naiemis aueia,

Babilon ina netawanei da dobu au gelauna.

(Amos 5:25-27)

⁴⁴ *Noinoita, God ana numagara, i avarai maranai au mutulua i mamae. Moses wei i voai, me God i viataataie nanare. ⁴⁵ Muriai Joshua noinoita i rau-ataraveni ma God ana numagara i avarai ma ana aguei i rui ma nai dobuna ravai i viopuni ma ai dobu ta vaia. Ma numagara kampa i mae da gulau David ana au mara.

⁴⁶ *God, David nuuanua i vai-kauei ma David i vibaaga da tauna God ana numa ita voai.

⁴⁷ *Wate David ega numa ita voai ma natuna Solomon numa i voai. ⁴⁸ Wate God gegetelerana ega rava uranei numa ita voavoai au orana ita mamae, me peroveta wariaaga i riwa i pa:

⁴⁹⁻⁵⁰ Aubaina Tau aiwai anatapuna au mara ma au dobu a kaei. Tapa?

BADA i riwa, "Mara* au anikiala

ma dobu aeu kareu aniterenana.

Wate numa aiwaina ona voai tau aubaiu? Egaateni!

Tau au animae-kaua mepa? Ega mepa!

(Isaiah 66:1-2)

⁵¹ Ma Stephen i riwa:

Taumi orami badobadoi. Ma ega ota goegoei da God ona voteletelei ma taniigami o vopotai da ana riwa ega ota nononori. Taumi Arua Vivivireina o vivigavie i me noinoimi i kaukauei nanare. ⁵² Noinoimi metaui perovetai ega ita rau-iviapoapoelei. Wariaaga perovetai, God ana tauvilawana, ana nei i vinolenolei; Wate noinoimi wei perovetai maiteni i viraageni.

* **7:30:** Exo 3:1-10 * **7:35:** Exo 2:14 * **7:36:** Exo 14:21; Num 14:33 * **7:37:** Deu 18:15, 18 * **7:38:** Exo 19:1-20:17 * **7:40:** Exo 32:1 * **7:41:** Exo 32:2-6 * **7:44:** Exo 25:9, 40 * **7:46:** 2Sa 7:1-16 * **7:47:** 1Ki 6:1-38 * **7:49-50:** Wei anona lamna Bada wenanare natuna i riwei, "Tam au oieu ma kiala ma am gavia au ae kareu ana tuvaidoedoei"

Ma marina Tauna i nei ma o vibenabenamei ma o viraġeni.⁵³ God ana anela i paritawaneiae da ana tarawatu noinota i verei, wate taumi tarawatuna ega ota voteletelei.

Stephen gaime i viraġeni

⁵⁴ Maranai babada wei riwana i nonori ma i meji guratana ma ivoi i uta-ġiriġiriei Stephen awarina.⁵⁵ Wate Arua Vivivireina Stephen orana i oai, i taepai au mara ma God ana boruma i 'nanai, ma Iesu God au oieni i maimairi.⁵⁶ Ma i riwa, "Ona inana! Mara metaetana i wanatawanei ma Rava Natuna a inainanai God au oieni e maimairi."⁵⁷ Marina taui anatapui tanigai i vopotai, i vigaragarei ma Stephen aubaina i ruba,⁵⁸ ma i taina-opunei au doa, taon i opu-tawanei da au ririva ma gaimei ravina i vikarei. Ma tauiviwavu ai kwama i votawanei ma tevera laragana wavana Saul au aena i vidamni.⁵⁹ Taui i viraurauei ma tauna i raupari i pa, "BADA Iesu, aruau ma vaia!⁶⁰ Ma ae-tutunei i peu ma i garara, "BADA ai go-apoapoe ma nota-tawanei." Wenanare i riwa ma i'räge.

8

1-2 Ma Saul kampa da Stephen ana iraġe i 'nanai ma i vianinei. Rava patupatutui ġelaui ana toutoui ma ana tarakwatui i nei ma Stephen taubeuna i naiei ma au kokoaga i terei.

Saul Ekalesia i rau-iviapoapoei

Nai maranaina rau-iviapoapoe ġaġġaena i vikarei ekalesia awarii au Jerusalem, Ma anatapui i viruba-tomana au Judea provins ma Samaria provins. Apasol ava au Jerusalem i mae.^{3*} Wate Saul i vikarei da ekalesia ai boru ita viamoai. Numa anatapui i ruini ma nelara ma waivine i taina-opunei ma i paritawanei au panipani-numana.

Philip au Samaria

⁴ Wate tauvitumaġana Jerusalem i rubaruba-tawanei taon ma dobu anatapuna i naeni ma Riwana Aiaina i raugugulei.⁵ Ma Philip i nae au taon tagogi au Samaria ma kampa BADA ana Vinevine Keriso i raugugulei.⁶ Maranai patarana, Philip i raraugugula i nonori, ma i 'nanai kaua babai ma mataira ġaġġae i kaukauei taui anatapui orai taputapunei i rautaniġana.⁷ Tauna arua-apoapoei rava maġamāġau i orai i egari da ana garagararai i viopuopuana, ma nanare rava maġamāġau i għaqqaġġi ma sigsejgi i vilawani.⁸ Ma nuaiai ġaġġaena i mae nai au taona.

Simon tauna barabaravuna

⁹ Wenanare, nai au taona oroto tagogi i mae wavana Simon, ma tauna wariaġa ava ana baravu i kaukauei ma mai Samaria i baibaei. Ma i voepaepana-melei da tauna rava ġaġġaena.¹⁰ Rava labalababa, ma wavaj naenaei anatapui ana babani i rarautiġana-kauei ma i ririwa, "Tauna, God ana rewapani e ġoreġorei, Rewapani Gaġġaena."¹¹ Taui i vineneġġanana-kauei aubaina mara nonoa taui Simon ana baravu i baebaei.¹² Wate taui Philip i vitumāġanei maranai, God ana vigulau Riwana Aiaina ma Iesu Keriso rava awarii raugugulei. Ma lammna aubaina nelara da waivine i nei da i babataito.¹³ Simon maiteni i vitumāġana ma i babataito. Ma Philip mepa i nena tauna kampa aubaina kaua babai ma mataira vivirewapanai i kaukauei. Tauna wei pulona i bana-kauei.

¹⁴ Maranai Apasol au Jerusalem i nonori da mai Samaria, God Riwana i vitumāġanei, taui Peter ma John i paritawanei awari.¹⁵⁻¹⁶ Ma auSamaria i ġeta ma taui i raupariei da Arua Vivivireina ita rui au orai. Aubaina taui Iesu wavanei ava i babataito. Ma arua vivivireina ega ita rui.¹⁷ Peter ma John urai taui au tepai i terei ma i raupari da Arua Vivivireina au orai i rui.¹⁸ Maranai Simon i 'nanai da mai Samaria Arua Vivivireina i vaia, maranai Apasol urai akolai i terei, ma Simon mane i vilololo,¹⁹ ma i vibagħi i pa, "Tau maiteni nai rewapanana ma vereu da rava au kolai urau ana terei ma taui Arua Vivivireina ina vaia."²⁰ Wate Peter i paribelei i pa, "Anina da God tam am mane maiteni ina tawanem ai au menamenana, aubaina tam e notanotai da God ana pulo manelei ma gimarai!²¹ Tam wei nolana au orana am gabu ega ita mamae, aubaina oram ega ita ai God au matana.²² Am nota apoapoe ma votere-tawanei. Ma mae-tavirem BADA awarina ma ma vibagħi da am nota apoapoe ina nota-tawanei.²³ Aubaina a inanaim da unura oram i oai tauai awariai ma wei notai apoapoei e panipanim."²⁴ Simon marina Peter ma John i riwei, "Aubaiu BADA awarina ona raupari da aiwai o ririwei ega ina tupua awariu!"

²⁵ Ma Peter ma John ai lawana ma BADA Riwana Aiaina ekalesia voui awari i raugugulei. Ma i raugugula nae Mai Samaria ai au taon nununai da i ġeta au Jerusalem.

Philip ma Ethiopie

²⁶ Mara tagogi BADA ana anela, Philip i riwei, “Ma vokaukaua ma ma nae au rauanaägei, etanai au Jerusalem da e ġaiğaira au Gaza.” (Wei etanaina lamna au mutulua). ²⁷ Anina ma Philip i vokaukaua ma i nae. Ma wei au etanaina oroto Ethiopiei 'nanai. Tauna mai Ethiopia ai kwin Kandake, ana mane taupainina. Wei orotona i nae au Jerusalem God viborumanu aubaina, ²⁸ ma i nena-me ana au dobu. Ma ana au chariot i kiala ma wariağga peroveta Isaiah buka i girugirumua i 'aiavi. ²⁹ Ma Arua Vivivireina Philip i riwei, “Ma nae ma chariot au ririvana ma babara-nae.” ³⁰ Anina ma Philip i ruba chariot au ririvana ma i nonori badana peroveta Isaiah ana buka i 'aiavi. Ma Philip i paridadana, “Aiwai e iaiaavia e araramanei bo eğä?” ³¹ Orotona i paribelei, “Menanare ana 'ramananei mepa da rava eğä ita parivairaramaniu!” Ma Philip i vibağai da i ġeta da au ririvana i kiala. ³² Buka au orana, wei riwana i 'aiavi,

*Tauna i taravaina-naiei me sipu virağenana aubaina
me sipu natuna e genugenuana maranai aparana e boribori,
tauna eğä aiwai ita latoni.*

³³ *Tauna i vijibog'i ma i vinimalamalai ma eğä ita kauana-kauei awarina.
Aiai ana epaepaia ina babaniei.*

Aubaina ana mara au dobu i vaitawanei. (Isaiah 53:7-8)

³⁴ Ma orotona, Philip i paridadanei, “Isaiah e babaniana-melei bo rava ġelauna e babaniei?” ³⁵ Ma Philip, wei riwana awarina i vikrei ma riwa ġelaui maiteni ma Iesu Riwana Aiaina i viararamani. ³⁶ Ma i nena da waira i 'nanai ma Ethiopie i riwa, “Ma inana waira noi, aiwai aubaina da eğä ana babataito?” ³⁷ * ³⁸ Badana, chariot taurubeina i riwei, “Chariot ma vojjini” Ma tauna ma Philip i ġaira waira au orana ma Philip, badana i babataitoi. ³⁹ Maranai wairei i ġeta, BADA Aruana maratagogi Philip i vai-tawanei ma turana eğä ita inana-melei, ma ana morelanana i nae ana au dobu. ⁴⁰ Wate Philip au Asotus i raeğä ma dobuna i naeni ma Riwana Aiaina i raugugulei da au Caesarea taon i ġeta.

9

Saul i vitumağana

¹ Wate Saul amapo da i mejimeji ma i ġoēgoei da BADA ana tauvitumağana ita virağeni. Ma i nae Pirisi Ġetelarana awarina, ² ma i vibağai da pepa ita girumi boru-numai babadai awarii au Damaskas da rewapania ita verei da Iesu ana etanai tauvitumağanai, nelara ma waivine ita pani ma ita neiae au Jerusalem. ³ Ma Saul, Damaskas i tugereğerei, nanare ma lalalaina marei i ġairai da tauna i ravilalai. ⁴ Tauna i peu au doa ma pona i nonori awarina i babani i pa, “Saul, Saul! Aiwai aubaina e raraū-iviapoapoeleu?”

⁵ Saul i paridadana, “Tam aiai bada?”

Ma pona i paribelei, “Tau Iesu, tauna e raraū-iviapoapoele! ⁶ Marina ma vomairi ma ma rui au Damaskas, ma kampa aiwai ina riwem ma kauel.”

⁷ Nelara Saul maiteni i nena i mairi kwakwa, ana gamopotai, taui pona i nonori wate eğä aiai ita inanai. ⁸ Ma Saul au doa i matamatave i vomairi ma matana i kala, wate eğä aiwai ita inanai. Ma ana rava i raunimavoai ma i taravaina-naiei au Damaskas. ⁹ Ma au pom tonuğä eğä ita inana, eğä ita am bo ita uma.

¹⁰ Au Damaskas tauvitumağana i mae wavana Ananias. BADA ana au inana i viatataiei i pa, “Ananias!”

Ma i paribelei, “Bada, tau weka!”

¹¹ BADA tauna i riwei, “Etanai wavana Etanai Jijimanina ma viai da Judas ana au numa, kampa oroto Tarsusei wavana Saul ma baiei. Tauna marina e raraupari awarii. ¹² Ma ana au inana i 'nanai oroto wavana Ananias i nei awarina ma urana au inina i terei da ita inaname.”

¹³ Wate Ananias i paribelei, “Bada, rava mağamağau i riweu da wei ravana ana kaua i apoapoe kaua tauvitumağana awarii au Jerusalem! ¹⁴ Ma weka i nei pirisi ġaegäei ai rewapanie da aiai wavam e viviborumie ina pani.”

¹⁵ Wate BADA, Ananias i riwei, “Ma nae! Tau a vinei da aubaiu ina vitaunola ma wavau ina jimei, Jentail ma ai gulagulau awarii ma nanare mai Israel awarii. ¹⁶ Tau ana viatataiei da aubaiu ina jima ma rau-iviapoapoe ġaegäena ina nei awarina.”

* 8:37: Buka wadubo nonoana vs 37 eğä ita mamae.

¹⁷ Anina ma Ananias i ġeta au numa ma i rui. Ma urana Saul au tepana i terei ma i riwei, “Vareiu Saul, BADA Iesu, Tauna au etanai awarim i ega maranai weka u nenei, i paritawaneu awarim da ma inana me ma Arua Vivivireina oram ina vioai.” ¹⁸ Maratagogi purapura inanana me iana wenavina au matana i peu, ma tauna, inana me. Ma i vomairi ma i babataito.

¹⁹ Ma i am ma ana rewapania i vai-melei.

Saul au Damaskas i raugugula

²⁰ Ma tauna maratagogi i nae ma pari au numai i raraugugula da Iesu anina God natuna. ²¹ Tauciai aia voi da Saul i nonori i ba kaua ma taui ava i babani vivira i pa, “Wei ravana tagogina, rau-ivipaopoe ġaegħena Iesu ana tauvitumaġħanai awarri i kaukauei au Jerusalem bo? Tauna i nei weka nolana tagogina Aubaina da tauvitumaġħanita pani ma ita naiei Pirisi babadui awarri bo.” ²² Wate Saul ana raugugula i virewapania kaua ma lamnei mai Jew au Damaskas i aramanie da Iesu anina Keriso, Vinevinena, ma lamna Aubaina ana babani ega ita parivirevirei.

²³ Ma au pom biäga au murina Jew babadui i viogatara da Saul ita viragħeni. ²⁴ Mai Jew marai wa waguvarai taon garina au metaetana i vipaipai da Saul ita viragħeni. Wate Saul ai ogatara riwana i nonori. ²⁵ Ma waguvarai tauvitumaġħanai ġelau i boda Saul i taravaini ma iriga ġaegħena au orana i poai ma gavogavo aburuna taon au garina, kampa ġuravei i tereġairei au doa ma i ruba.

²⁶ Saul i ġeta au Jerusalem ma maranai i ġoie da tauvitumaġħanai ai au boru ita rui. Wate taui i rovoei ma ega ita vitumāgħnej da tauna Iesu ana tauvotaqoġa. ²⁷ Wate Barnabas tauna i taravaini ma i naiei Apasol awarri, ma i riwei menanare au etanai Saul, BADA i'nanai ma aiwai awarina i babaniei. Ma menanare au Damaskas ana teptorana i raugugula Iesu wavanei. ²⁸ Anina ma taui Saul i taravaini ma maiteni i mae ma Jerusalem i naenī ma ana teptorai i raugugula BADA wavanei. ²⁹ Ma nanare Saul mai Jew pona Greek taubabanieina maiteni i babani ma i vipariparigħi, ma taui i viogatara da tauna ita viragħeni. ³⁰ Maranai tauvitumaġħanai ġelau wei i nonori, ma Saul i taravaina-naiei au Caesarea da i paritawanei au Tarsus.

³¹ Anina ma ekalesia au Judea, Galili ma Samaria ana nuaubai i mae. Ma Arua Vivivireina ana aguei ekalesia ai tumaġħana i vovai-virewapani, Ma ai boru i rarata, ma taui BADA i vivirana-kauei.

Aeneas ma Dorkas

³² Nai maranaina Peter dobu maġħamaġħau i naenī, ma God ana tauvitumaġħanai awarri i ġeta au Lidda. ³³ Kampa oroto wavana Aeneas i nelagħi, tauna gwaġġaqwaġħana madegħ 8 ana au aravi i matave. ³⁴ Peter i riwa, “Aeneas, Iesu Keriso i vilawanim! Ma vomairi ma am aravi ma noui!” Ma maratagogi i lawana. ³⁵ Anina ma rava maġħamaġħau au Lidda ma Sharon wapuna melagħaina, i mae-tavirei BADA awarina.

³⁶ Au Joppa tauvitumaġħana tagoghi wavana Tabitha (Greek ponanei lamna Dorkas) tauna marana patpatatana kaua maġħamaġħati aiaji kaukauei molamokai Aubai. ³⁷ Wei marana tauna i doria ma i'rāġe ma tupuana i oġgi ma numa vatavatara au aidamo, i vimatav. ³⁸ Lidda, lamna Joppa au ġeregerenha ma maranai tauvitumaġħanai i nonori da Peter au Lidda, taui ari rava ruagħi i paritawanei da Peter i egari i pa, “Laġilagħina ma nei!”

³⁹ Ma Peter taui maiteni i nae da i ġeta ma i taravaina-ruie i au numa vatavatara. Kaika iababa maġħamaġħau ana toutou i Peter i mairi kwaviviroi. Maranai Dorkas lawalawaina ma kwama da gara i popopoa Peter i viatataiei.

⁴⁰ Wate Peter anatapui i vibagħi da i opu au doa, ma ae-tutunei i mae-ġħira ma i raupari, ma taubeu i riwei, “Tabitha, ma vomairi!” Tabitha matana i kala ma maranai Peter i'nanai, i vomairi da i kiala. ⁴¹ Peter urana ma i voquġi da i vomairi. Ma tauvitumaġħanā anatapui ma kaikaiabba maiteni i kwatuei, ma wawine lawalawaina taui i verei. ⁴² Ma wei riwana dobu Joppa i naenī ma rava maġħamaġħau Iesu i vitumāgħanei. ⁴³ Peter au Joppa i mae au pom biäga nanare Simon ġamogħam opina taurauġgaroġaroeina ana au numa.

10

Peter ma Cornelius

¹ Au Caesarea oroto * wavana Cornelius, tauna mai Italy sorodha boruna ai boda. ² Tauna rava jijimanina ma patputatuna, ma ana numa ravai maiteni God taurauduneleina. Ma molamolakai i paipaina-kauei ma marana patpatata i raraupari God awarina. ³ Au bigħi tagħi

* **10:1:** Wei ravana jentail.

3 oklok nanare i raraupari ma ana au inana, God ana anela au aiaina i 'nanai, i nei awarina ma i riwa, "Cornelius!"

⁴ Cornelius ana rovona anela i 'nana-tunutunui ma i riwa, "Au bada, menanare!"

Ma anela i paribelei, "Am pari ma am verena molamolakai awarii, i ġeta God awarina me pulo apuapunana ġabuna. ⁵ Ma marina nelara ġelaui ma paritawanei au Joppa ma ravana wavana Simon wavana ġelauna Peter ina taravainiai. ⁶ Tauna rava wavana Simon, ġamoġamo opina taurauġaroġaroeina awarina e mamae gera au ririvana."

⁷ Maranai anela i nae, Cornelius ana taunola ruāga i gorei, ma ġelauna lamna sorodia, tauna ana tauvípaipai, tauna God tauvitumaġaneiana. ⁸ Tauna aiwai anatapuna taui i riwei ma i paritawanei au Joppa.

Peter Cornelius i raugenari

⁹ Maratomna au benai nanare maranai nelarai Joppa i tugeregerei, Peter i ġeta numa au tepana da ita raupari. ¹⁰ Ma am i 'raġe ma i ġoie da aiwai ita ani, maranai taui lam i vovokaukauei, ma Peter matanei rauboni i 'nanai. ¹¹ I 'nanai mara i wanatawanei ma purapura inanana me puru ġaġaena au adana 4 i vojjini ma marei i tere-ġairei au dobu. ¹² Au orana lamna sia tapuna ma tapuna, tetetei me mota ma kiu au aidamo lavelavei. ¹³ Ma pona i riwa, "Peter ma vomairi, ma virāgena ma ma am!"

¹⁴ Wate Peter i paribelei, "Eġal Lamna eġa melanai ana kaei. Eġa melanai lam viviġana at am-dadanī."

¹⁵ Wate pona i babani me, "Aiwai God i viviaiinia, eġa ma riwa da i apoapoe."

¹⁶ Mara tonuġa wenanare i tupua ma me marana puruna i ġaiana-melei au mara.

¹⁷ Ma Peter aiwai i 'nainanai anona i vinu-notenotei, nanare ma Cornelius nelara i paripari-tawanei, taui Simon ana numa i nelagħi ma i ġeta ana au metaeta. ¹⁸ Taui i paridadana, "Weka rava wavana Simon-Peter e mamae bo eġa?"

¹⁹ Peter amapo da wei i vivinu-notenotei maranai Arua vivivireina i riwa, "Simon, nelara tonuġa e baibajem! ²⁰ Lamna aubaina ma vomairi ma ma ġaira au gabaura, eġa ma geduai, aubaina tau a paritawanei awarim."

²¹ Peter i ġaira ma awarri i riwa, "Taumi tau o baibaieu bo, Ami ġoana aiwai?"

²² Ma nelarai i paribelei, "Tauai Cornelius mai Rome ai sorodia ai bada i paritawanelai, tauna rava jijimanina ma God tauvoepaepana, ma mai Jew maġamagaui tauna e vivivrei. Anela vivivireina i riwei da uta nei ana au numa da aiwai u araramanei uta riwei." ²³ Ma Peter nelarai i ġorei da i rui au numa ma kampa i matave.

Peter Cornelius ana au numa

Ma maratomna anatapui i nae, Tauvitumaġana ġelaui au Joppa maiteni i vomairi. ²⁴ Ma au pom ġelauna taui au Caesarea i ġeta. Cornelius taui i paipaini, ma ana numa ravai ma ana rava i ġorei da i nei. ²⁵ Ma maranai Peter i ruirui au numa, Cornelius Peter i 'nanai ma i mae-ġaira au ae karenha ma ana vivirana i raudune. ²⁶ Wate Peter tauna i voepai ma i riwa, "Ma vomairi, Tau rava ota me tam."

²⁷ Peter ma Cornelius i bababani ma i ruirui au numa. Ma i 'nanai da patara tauna i paipaini. ²⁸ Peter taui i riwei, "Taumi o aramana-kauei da tauta mai Jew ata tarawatu e viviġeta da Jentail maiteni tana mae-gogona bo tana raugenari. Wate God i viatataieu da eġa rava ana ġorei rava apoapoeni bo miramirana. ²⁹ Lamna aubaina maranai u vibagħi da ata nei, Tau au nota aiainei a nei. Tau ata pari-dadanem, Marina ma riweu aiwai aubaina au riwa u paritawanei?"

³⁰ Cornelius i paribelei, "Au benai wenanare au pom 4 marina i kwa, au numa a raraupari, nanare ma rava ana gara ararapoirina ma namanamarina au naoiu i raumairie! ³¹ Ma i riwa, 'Cornelius! God am pari i nonori ma am verena molamolakai awarri i vinuajie! ³² Ma nelara ma paritawanei au Joppa da Simon e ġoegħorei Peter awarina. Tauna Simon, ġamoġamo opina taurauġaroġaroea ana au numa e mamae.' ³³ Lamna aubaina da am riwa laġilägħina ava a paritawanei, ma i i da tam u nei. Tauai anatapuiai marina weka God au matana a vivipaipai da BADA aiwai i riwem ana nonori."

Peter ana babani

³⁴ Ma Peter babani i raukarei, "Marina a inana-kauei da God rava anatapui e vaivaia da tagogħina. ³⁵ Wate dobu dobua i rauvai God e vivivrei ma kaua aiai e kaukauei, Tauna wei ravai e ġoegħoei, ³⁶ Taumi o aramanei God Riwana Aiaina i paritawanei mai Israel awarri da rava ina mae-kaua God maiteni, maranai Iesu Keriso ina vitumaġħanei ma tauna ai lawana ina vibadei. ³⁷ Taumi o aramanei Iesu aiwai i kauei Judea au anatapuna, au Galili i vikarei maranai John babataito ai kaua i raugugulei. ³⁸ God Arua Vivivireina ma rewapani Iesu

Nasaretei i verei da dobu mağamağau i naeni ma kaua aiaii i kaukauei, ma rava au orai arua apoapoe i ruiruini, i vilawani.

³⁹ —Aiwai anatapuna au Judah provins ma au Jerusalem i kaukauei tauai anatapuiai a vimateatei ma bababaniei. Tauna au korosi i tutui da i'rāge. ⁴⁰ Wate God tauna iraägelei i voepa-melei aupom au vitonuina ma i kauei da ġelauai awariai i ega. ⁴¹ Ega rava mağamağau tauna ita inanai, anina tauvimatamata i vinevinei awari ava i ġeta. Lamna tauai maiteni a uma ma am ana vomairi au murina. ⁴² Ma i egariai da dobu au anatapuna ana raugugula ma ana jima da God Jesu i vinei da rava anatapui lawalawaii ma irairāgei ina rauetarei. ⁴³ Peroveta anatapui i jimej da maranai rava Iesu i vitumağanei, Tauna wavinei God taui ai go'apoapoe ina vaitawanei."

⁴⁴ Maranai Peter i bababani ma Arua Vivivireina i ġairai ma rava i raurautaniğana i vioai. ⁴⁵ Ma mai Jew Joppei i nenei Peter maiteni, i ba kaua maranai God Arua Vivivireina i paritawana ġairei Jentail awarii. ⁴⁶ Au baina mai Jew i nonori taui pona tapunei i bababani ma God i vivimae-ġaegäni. Anina ma Peter i riwa, ⁴⁷ "Taui Arua Vivivireina i vaia me tauta. Wei lamna Aubaina ega aiai ina viġeta da wei ravai tana babataitoi." ⁴⁸ Ma taui Cornelius ana numa ravai maiteni ma ana rava ġelau Iesu Keriso wavanei i babataitoi, ma taui Peter i vibagħi da maiteni ita mae mara aburuna.

11

Peter ana babani

¹ Apasol ma tauvitumağana au Judea provins i nonori da Jentail maiteni God riwana i nonori ma i vitumağana. ² Ma maranai Peter i ġeta me au Jerusalem tauvitumağana mai Jew ġelau tauna i eni i pa, ³ "Tam Jentail ai au numa u rui, ma maiteni u ami!"

⁴ Anina ma kaua menanare i tuputupuanei anatapuna Peter taui i pariverei: ⁵ I riwa i pa:

Maranai a raraupari au Joppa ma matauei kaua i inanai, ma purapura inanana me puru ġaegäena adana ⁴ i vojjini ma marei i tere-ġaireiaw awariu. ⁶ Au orana a inana lamna ġamoġamo maramaraġamai ma moduei, tetetei me mota ma kiu au aidamo lavelavei. ⁷ Ma pona a nonori i pa, "Peter ma vomairi, ma virägena ma ma ami!"

⁸ Tau a paribelei, "Ega! Lamna ega melanai ana kauei. Ega melanai lam viviğana ata am-dadani."

⁹ Wate pona marei mara viruaina i babani, "Aiwai purapurana God i riwa da i ai, tam ega ma riwa da i apoapoe." ¹⁰ Mara tonuga wenanare i tupua, ma puruna i ġaiana-melei au mara.

¹¹ Nai maranaina mai Caesarea ai rava tonuġa i paripari-tawanei, au metaeta i raumairie. ¹² Ma Arua Vivivireina i riweu da ega aiwai ana notai ma orau taputapunei ana nae. Mai Joppa tauvitumağana ⁶ maiteni a nae ma ravana ana au numa a rui. ¹³ Cornelius i riwelai da anela awarina i ega, ma i riwei, "Rava ma paritawanei au Joppa da rava wavana Simon Peter ina neiai." ¹⁴ Tauna wei riwana ina neiai ma lamnei tam ma am numa ravai maiteni ina vilawanimi.

¹⁵ Ma babani a raukarei ma Arua Vivivireina i ġairai da taui i vioai me au naona awarita i tupua nanare. ¹⁶ *Anina ma Iesu aiwai i ririwei a notai, "John wairei i babataito, wate taumi Arua Vivivireinei ina babataitoi." ¹⁷ Inanana au aiaina da God Jentail pulona tagogina i verei, me tauta i verevereta maranai Iesu Keriso ta vitumağanei, ma tau aiai da God ata viġiae?

¹⁸ Taui i vigamopotai maranai wei i nonori, ma God i viborumei i pa, "Riwa kaua da God Jentail maiteni i vianinei da ina rupena ma ina lawana."

Ekalesia au Antiock

¹⁹ *Ekalesia ġelau rau-iviaapoapoe i rovoei maranai Stephen i virägeni ma i vilamonei au uama. Gelau i ruba nae au Phonisja, au Saipras ma Antiok, ma kampa Iesu Riwana Aiaina i raugugulei mai Jew ava awarii. ²⁰ Wate ekalesia ġelau mai Saipras ma mai Sairini i nae au Antiok Jentail awarii ma Iesu Riwana Aiaina i raugugulei. ²¹ BADA ana rewapani taui au orai i mae ma Jentail mağamağau i vitumağana ma i mae-tavrei BADA awarina.

²² Wei riwana i ġeta ekalesia awarii au Jerusalem, ma taui Barnabas i paritawanei au Antiok. ²³⁻²⁴ Maranai i ġeta ma i 'nanai da God ravai i viaiaina-kauei, tauna i vinuiai ma i egari da BADA awarina ina vipatutu orai taputapunei. Barnabas tauna rava aiaina, Arua

Vivivireina orana i oai ma ana tumaġana i rata, ma God ana aguiei, i rauguga ma rava maġamaġaui i taini BADA awarina.

²⁵ Ma Barnabas i nae au Tarsus da Saul ita baiei. ²⁶ Ma i nelāgai ma i neiai au Antiok, ma kampa tauvitumaġana maiteni i mae madeġa tagogi i kwa, ma patara ġaegħena awarii i viararamana. (Weka au Antiok lamna i vikarei da tauvitumaġana i viġorei Kerisiana)

²⁷ Wei au marana peroveta ġelau Jerusalem ei i ġairai. ²⁸ *Peroveta tagogi wawana Agabas i vomairi ma God ana rewapanei i vieġa da gomara e nenei au naoii dobu au anata-puna (Caesar Claudius ana vibada au marana gomarana i nei). ²⁹ Tauvotaġotago au Antiok i vianina da taui ava ita kauana-gurtei da mane vounaina ita kaei da ai rava ekalesia au Judea ita voagui. ³⁰ Taui nanare i kaei ma manena Barnabas ma Saul au urai i terei ma taui ekalesia ai babada au Jerusalem i verei.

12

James i viraġeni ma Peter i pani

¹ Lamna maranai, gulau Herod Agrippa* i raukarei da ekalesia ġelau i rau-iviapoapoelei.

² James, John tuana uana sodei i bori-tuini. ³ Ma maranai Herod i 'nanai da mai Jew wei kauana i vinuajiae, ma ana sorodia i egari da Peter maiteni ita pani da au pani numana ita terei. Wei kauana Palawa Bagibagina ana au torela i tupua. ⁴*Ma Peter i pani ma au pani numana i terei ma sorodia 16 tauna i paini. [Sorodia 16 i terei da borui 4 ma i vipaipai.] Herod i ġoei da Peter ita vojijini da raġona torelana au murina ma au deba ita rauetarei. ⁵ Ma lamna aubaina Peter au pani numana i vojijini mara aburuna. Wate ekalesia i raraupari guratana God awarina Peter aubaina.

Peter pani numanei i tere-opunei

⁶ Ma nai waguvvaraina, ma maratomna da Peter ita rauetarei, Peter sorodia ruāga au poui i matamatavie. Urana seinei i raġini sorodia ruāga au urai, ma sorodia ġelau au metaeta i vipaipai.

⁷ Maratagogi BADA ana anela i eġa ma pani numana i ravilalai. Ma Peter i vogugui da matana i kala ma i riwei, "Laġilägħina ma vomairi!" Ma sein au urana i dabbarara. ⁸ Ma Peter i riwei, "Ma vigara ma ae uma ma oteni." Ma nanare i kaei. Ma i egari, "Am kwama potopotona ma oteni ma ma votaġotagoi."

⁹ Peter anela i votaġotagoi da pani numana i opu-tawanei, wate eġa ita aramanei anela aiwai i kaukauei, tauna i notai i rarauboni. ¹⁰ Taui, sorodia boruna ruāga au doa i netawanei, da i opu au metaeta iramei, wei e opopu au taon. Metaeta ainelana i wanatawanei aubaii ma i opu. Taui etanai tagogi i ġairani ma maratagogi anela tauna i voterei.

¹¹ Peter ana nota i nememei ma i riwa, "Wei anina riwa kaua! BADA ana anela i paritawanei da Herod au urana i vaitawaneu, da mai Jew aiwai i notanotai da ita tupua lamna eġa ita tupua." ¹² Maranai ana nota i nememei tauna i nae Mary ana au numa. (Mary lamna John alona. John wawana ġelauna Mark). Kampa rava maġaġaui i vitagogiei ma i raraupari.

¹³ Peter au metaeta i raupewapewa ma taunola wawana Rouda i nei da metaeta ita votawanei.

¹⁴ Ma Peter ponana i nonor i ariġi da tauna, ma i vinuajai guratana da eġa metaeta ita votawanei ma i ruba-rui da i vinolanolha i pa, "Peter au metaeta e maimairi!"

¹⁵ Wate taui eġa ita vitumagaġnej i riwei, "Tam ma bubua!" Wate tauna i riwa bagibagi. Ma taui i riwa, "Nai Peter ana anela."

¹⁶ Wate Peter i raraupewapewa ma maranai taui metaeta i votawanei ma i 'nanai da tauna, taui orai i auepai.

¹⁷ Peter urana i voepai da rava i genuana ma i riwei menanare BADA pani numanei i tere-opunei. Ma i riwei, "James† ma ekalesia ġelau wei ona pariverei." Ma Peter i nae au dobuġela.

¹⁸ Maranai mara i tom kampa au pani numana nuabola ma vinu anaina ġaegħena i peu sorodia awarii da aiwai i tupua Peter awarina ¹⁹ Herod, ana sorodia i egari da Peter i baiei wate eġa ita nelāgai. Lamna aubaina sorodia 16 i etarei ma i viraġeni. Muriai Herod Judea i netawanei ma i nae au Caesarea da ita mae mara aburuna.

Herod irraġe

²⁰ Marina Herod amlona i ġaigħi kaua Taia ma Sidon ravai awarii, lamna aubaina taui ana borui i nei da Herod maiteni wei i babaniei. Taui Herod ana taunola ġaegħena Blastus, i taravaini da ita voagui. Taui rom i vibaġgi Herod maiteni. Aubaina ai lam Herod

* 11:28: Act 21:10 * 12:1: Tauna gulau Herod 1 ġogħana. † 12:4: Exo 12:1-27 † 12:17: Iesu ana tevera

ana dobuei i nenei. ²¹ Ma marana i ġetai da Herod maiteni ita viboru ma tauna ana vigulau garana i vigarei ma ana au anikiala i kiala ma awarii i babani. ²² Ma patara ana babani i nonori ma i logoi i pa, “Wei lamna god e bababani ma ega rava!”

²³ Maratagogi BADA ana anela Herod i vipeuni au doa ma motamota orana i ani da i'rāge, aubaina tauna rava ai voepaepa i vinuaiae ma ega rava ita riwei da BADA ita voepaepai.

²⁴ Ma ekalesia BADA riwana i raraugugulei ma rava maġamaġau i nenei BADA awarina ma ekalesia i rarata. ²⁵ Maranai Barnabas ma Saul ai nola au Jerusalem i vikwai, taui John-Mark i taravaini da maiteni i nei au Jerusalem.

13

Barnabas ma Saul i viaiaini ma i paritawanei

¹ Kerisiana au Antiok au orai peroveta ma taugi wawai wenanare, Barnabas, Simeon (e ġoreġorei Gawara), Lusias Sairinie, Manaen (Tauna gulau Herod Antipas maiteni i rata tagogi), ma Saul. ² Mara tagogi maranai taui i ujiuji ma BADA i vovoepaepai ma Arua Vivivireina i riwa i pa, “Tau, Barnabas ma Saul a vinei, ona tereriei au nola aubaina.” ³ Anina ma uji ma pari au murina taui urai Barnabas ma Saul au tepeai i terei ma God ruagħai i viaiaini ma i paritawanei.

Au Saipras

⁴ Ma Arua Vivivireina Barnabas ma Saul i paritawanei da i ġaira au Selusia ma kampa i amuka damana au bonabona Saipras. ⁵ Ma au Salamis i ġota ma i nae mai Jew ai au boru numana ma God riwana i raugugulei. John-Mark taui maiteni i nae da ai tauagu.

⁶⁻⁷ Taui bonabonana i kwaviviroi da au Paphos taon i ġeta. Weka Jew ei barabaravuna ma peroveta morumoruna i nebelei wavana Bariesu. Tauna bonabonana ana gavena Segius Paulus i vituranei, Segius Paulus rava nualaulaunana ma i ġoie da God ana babani ita nonori ma lamna aubaina Barnabas ma Saul i raugħorei. ⁸ Wate barabaravuna Bariesu (Greek ponanei lamna Elimas) Saul ma Barnabas i viġaviee da gavena ana tumaġana ita viapaojeni. ⁹ Saul wavana ġelauna Paul, Arua Vivivireina orana i oai ma barabaravuna matana i nana-tunutunui. ¹⁰ Ma i pa “Tam Satan natuna ma kaua aiaiħi ma jijimani tauviapoapoenina! Tam morumoru kaukauam ma gwalagwalamerum. Ma amapo da BADA ana kaua ma voviravirai da moru. ¹¹ Ma marina BADA urana ina kovoġim da matam ina apoapoe Mara aburuna ma ega madeġa lalalaina ma inanai.” Maratagogi matana i vinawanawa ma i gimtona ma nare da were i voladaġ-aħnej da rava au urana ita vojjina.

¹² Maranai gavena i nħanai aiwai i tupua ma i vitumägħana, aubaina tauna BADA ana viararamana i bana-kaei.

Paul God Riwana Aħħajja i jimejimi au Antiok taon au Pisidia

¹³ Paul ana rava maiteni Paphos i voterei ma i amuka damana au Perga taon au Pamphilia provins, Ma weka John-Mark taui i voterei ma i naeme au Jerusalem. ¹⁴ Perga i voterei ma i rui da au Antiok taon au Pisidia provins. Ma au Sabate i rui au boru-numana ma i kiala. ¹⁵ Ma rava ġelaui, Moses ana tarawatu bukanha ma peroveta ġelaui ai buka i avu, ma babada riwa i paritawanei Paul ma Barnabas awari i pa, “Varevarei! Mepa da awarimi nota aiwai da oħra voaquija lamna marina ona ġei da ona babaniei.”

¹⁶ Paul i vomairi ma urana i voepai da rava i genuana ma babani i vikrei i pa:

Mai Israel ma taumi ega mai Jew ai God tauviborumēina, ona rautaniġaneu! ¹⁷ *Mai Israel ai God noinoita i vinei, ma i vimaurai ai au mae au Egypt, ma ana rewapani għaġġaġi dobnei i taravaina-opunei. ¹⁸ *Madeġa 40 au mutulua ami kaua apoapoei ami beura ma ami gunura anatapui am-iauei. ¹⁹ *Dam għaġġaei 7 i vipupi u Canaan ma dobuna mai Israel i verei da i viġġariana-nonoei. ²⁰*Wei anatapuna madeġa 450 au orana i tupua. Wei au murina God taurauetara[†] i terei da taui i vibadei da peroveta Samuel ana mara. ²¹ ‡Anina ma rava God i vibagħi da gulau ita verei. Ma God Saul, Kish natuna Benjamin ana damei i terei; ai gulau da madeġa 40 i kwa. ²² §Ma God Saul i tere-opunei ma David i terei ai gulau. Ma wenanare i riwa i pa, “Tau a aramanei da David, Jesse natuna orau ana rauoġara, ma au ġoġa anatapuna ina kaei.”

²³ Muriai me God i parivainuġġani nanare, Mai Israel ai Tauvilawana, Iesu David ana damei i nei. ²⁴ *Muriai da Iesu ita nei, John mai Israel anatapui awari i jima da ai

* 13:17: Exo 1:7 † 13:18: Num 14:34 † 13:19: Deu 7:1 * 13:20: (a) Jdg 2:16; (b) 1Sa 3:20 † 13:20: Wei ravai lamna ai għażiex babdadai ma i tauravena ma taurauetara Judge. ‡ 13:21: (a) 1Sa 8:5; (b) 1Sa 10:21 § 13:22: (a) 1Sa 13:14; (b) 1Sa 16:12 † 13:24: Mrk 1:4

gó'apoapoe ina voterei ma ina mae-tavirei God awarina ma ina babataito. ²⁵*Ma John ana nola au damona i riwa, "Taumi o notanotai da tau Tauvilawana bo? Ega! Tau ega tauna. Wate ona rautaničana, rava au muriu e nenei tauna i getelara, tau ega tagotagogina da ana ae uma guravana ana rupeni."

²⁶ Varevareu - Abraham natunatuna ma taumi Jentail God tauviviborumineina, God tauta awarita, kwakokwakoi vilawanai riwana i paritawanei! ²⁷ Mai Jerusalem ai babada maiteni God ana Tauvilawana i vinua-nainei, ma lamnei Iesu i kovoči, Peroveta wei lamna i jimejimei au Sabate marana patapatana. ²⁸*Taui ega ana apoapoeniai waiwita nelagai da Iesu ita viračen, wate Pilate i vibagai da ita viračen.

²⁹*Maranai rava ai babada maiteni, ai nuabola Iesu awarina i kauana-paiei me peroveta i ririwei nanare, ma tupuana au korosi i tere-čairei ma au guba i vimataveni. ³⁰ Wate God Iesu iragelei i vovaimairini. ³¹*Ma au pom mačamagau Iesu taui maiteni au Galili da i gečgæe au Jerusalem awari i ega. Wei ravaí marina e vivimatamatava awarii.

³² Marina tauai Riwana Aiaina a paripariveremi. Wei parivainuačanana wariača noinointa awari i kaei. ³³ Ma God nanare i kaei tauta eda muri aubaita, da Iesu iragelei i vovaimairini, au Psalm viruaina wenanare I girumi,

Tam natu.

Amadodo Tau a viamanem.

(*Psalm 2:7*)

³⁴ God Iesu iragelei i vovaimairini da ega tupuana ina buda. Me i girugirumi nanare i pa, *Au viaiaina vivivireina David a parivainuačani tam ana verem.* (*Isaiah 55:3*)

³⁵ Psalm ġelauna wenanare i girumi,

A 'ramanei da Tam am Messiah-Tauvilawana tupuana ega au kokoča ma voterei da ina buda. (*Psalm 16:10*)

³⁶ Maranai David i mamae ma God ana nola i kaei ma i'rāge, ma amamana maiteni i doboi ma tupuana i buda. ³⁷ Wate God Iesu iragelei i vovaimairini ma tupuana ega ita buda.

³⁸⁻³⁹ Lamna aubaina au rava, ona aramanei da Iesu awarinei God ami gó'apoapoe ina nota-tawanei. Rava anatapui da Iesu e vivitumačanei, ai gó'apoapoe e notanota-tawanei ma ai viturana e viviaiaini. Wei Moses ana tarawatu ega ita kaukauei. ⁴⁰ Ona paina-melemi da peroveta awai i ririwei ega awarimi ina tupua. Aubaina i riwa;

⁴¹ *Ona rautaničana vivijibogami,*

kaua čačena ana kaei da Ona baei ma ona irač!

Aubaina ami au lawana kaua čačena ana kaei da taumi ona vitumačana-avei.

⁴² Paul ma Barnabas i opuopu ma rava i nei ma i vibag-a-guratei da ita nememei au Sabate ġelauna da Tauvilawana ana kaua ita babanana-kauei. ⁴³ Boru i kwa da rava i vilamonei, mai Jew borui ma ġelaui marina ina bori i vaia da i vimai-jew, taui Paul ma Barnabas i votagoi, ma i riwana-guratei da Iesu ana aguei ina mae jijina.

⁴⁴ Au Sabate ġelauna taon ravai anatapui i geta da Iesu riwana aiaina ita nonori. ⁴⁵ Maranai mai Jew wei patarana i 'nanai ma orai unura i oai ma Paul i vikaua-morumoruei ma i vitempaubaubai.

⁴⁶ Ma Paul ma Barnabas ana tepratorai i babani, "God riwana a jimei awarimi au naona, wate taumi wei riwana o geduaie. Wei e viviatataiana da taumi lawana mamae-nonoana ega ota gočgoe. Lamna aubaina ana voteremi ma God riwana ana jimei Jentail awarii. ⁴⁷ BADA wenanare riwa bagibaginei i riwelai,

Tau a vinemi da lalalaina Jentail awarii,

da rava anatapui au dobu ona riwei menanare ai gó'apoapoe a nota-tawanei ma a vilawani. (*Isaiah 49:6*)

⁴⁸ Maranai Jentail wei riwana i nonori, taui i vinuaiai kaua ma BADA Riwana Aiaina i voepaepai, ma taui da God i vinei lawana mamae-nonoana ita vaia, i vitumačana.

⁴⁹ Ma BADA Riwana Aiaina i vituai nai au paratana. ⁵⁰ Wate mai Jew Jentail waivinei manemanei ma mai Jew ġelaui i egari da Paul ma Barnabas ai čavia i vomairi ma dobunei i viaččana-opunei. ⁵¹*Anina ma taui aei pokauna i rauabuabui da ita viatataiei da BADA ega ita vinuaiai awarii ma i nae au Ikoniām taon. ⁵² Wate Arua Vivivireina kerisiana voui au Antiok orai i oai ma i vinuaiai kaua.

14

Paul ma Barnabas i jima au Ikoniām.

¹ Kauana tagogina i tupua au Ikoniam. Paul ma Barnabas i nae mai Jew ai au boru numana ma menanare i babaninei da mai Jew ma Jentail mağamağau i vitumağana. ² Wate mai Jew ġelau i ega vivitumağanai Jentail i kelari ma ai nota i barai da Paul ma Barnabas i geduei. ³ Avena ma Paul ma Barnabas kampa i mae guratana ma ana tepatorai BADA ana aguei i jimajima. Ma kaua babaii ma vivirewapanai mağamağau i kaei. Wei i vimataira da ai jima lamna riwa kaua.

⁴ Taon i kai ġelau mai Jew aubaii i mairi ma ġelau Aposol aubaii i mairi. ⁵ Ma mai Jew ma Jentail ġelau i vioga da Paul ma Barnabas ġaime i vitumağana. ⁶ Wate taui riwana i vaia ma dobuna i ruba-tawanei ma i nae au taon ġaegaei Listara ma Derbi au Laikonia provins ma taon au ririvai. ⁷ Ma weka Riwana Aiaina i jimana-naiei.

Rava i notai da Paul ma Barnabas god

⁸ Au Listara oroto aena gokokorarana, alona manawanei gwağagwağana i vinatunei ma ega ita babara dadana. ⁹ Kampa i kiala ma Paul i bababani i rarautaniġanei. Paul matana i tawanei ma i 'nanai da tauna i vitumağana da ita lawana ¹⁰ ma i garara awarina, "Aemei ma mairil!" Ma orotona aenei i mairi ma babara i vikarei. ¹¹ Maranai patara i 'nanai Paul aiwai i kaei taui ava ai ponei i babani vivira, "god ruağ i ġairai awarita me *rava." ¹² Taui i riwa da Barnabas lamna mai Greek ai god Zeus[†] ma Paul i vitauvibabani aubaina i riwa da tauna Hermes. ¹³ Zeus ana pulo gabuna, taon au giana, Zeus ana pirisi patara maiteni bull ma berana ulaulai i neiai taon au metaetana da Apasol ita puloi.

¹⁴ Wate maranai Paul ma Barnabas wei riwana i nonori, taui ai gara i sikai ma i ruba-opu patara awarri ma i garara, ¹⁵ **"Aiwal aubaina wei kauana o kaukauei? Tauai rava ota me taumi nanare! Tauai Riwa Aiaina a neneiae i da nai kauai kwakwavi ona voterei ma ona nae BADA lawalawaina ona viborumei. Tauna mara ma dobu ma boga ma aiwai anatapuna au orai i kaei. ¹⁶ Wariaġa tauna rava i voterei da ai ġoanei i mae. ¹⁷ Wate marana patapatai e viviatataiem i da tauna e mamae ma ana nuavaina e verevereta, garewa marei ma maura ma lam e vereverem i ma au orami nuaiai e oaoi." ¹⁸ Apasol i bababani ma i kauana-guratei da ravai ita viġaei da taui avena ita puloi.

Mai Listara Paul ġaime i vitumağana

¹⁹ Mai Jew ġelau Antio ei ma Ikoniam i nei ma patarana i egari da Paul ġaime i vitumağana ma taonei i taina-opunei, i notai da tauna iraġe. ²⁰ Wate maranai vivitumağanai i ġeta da i mae-kwaviviroi, tauna i vomairi ma i naeme au taon.

Aupom ġelauna tauna ma Barnabas i nae au Derbi.

²¹ Paul ma Barnabas Riwana Aiaina i jimeu ai Derbi ma ekalesia voui mağamağau i rui. Ma i nae me au Listara, Ikoniam ma Antio. ²² Metauna au dobuna i jimajima kampa tauvitumağana i ririwana-guratei ma i vovai-virewapani da ina mairi-jijina ai au tumağana i pa, "Piripiri mağamagaui au orana ona rui wate au murina God ana au vibadana ona rui." ²³ Paul ma Barnabas ekalesia nununai ai babada i vinei ma i raupari ma i uji BADA awarina, da ai ekalesia ma ai babada ina paini. ²⁴ Anina ma au Pisidia provins i verautua da i nae me au Pamphilia provins. ²⁵ Au Perga BADA riwana i jimeu ma i ġaira au Atalia. ²⁶ Ma kampa i amkuka ma i nae me au Antio au Syria provins, weka ai nola i vikarei, maranai ekalesia kampa God i vibaġai da taui ita viaiaini ai au nola ma i paritawanei ma marina ai nola e vivikwai.

²⁷ Ma kampa i ġeta ma ekalesia i vitagogie, ma aiwai anatapuna God ana aguei i kaukauei rava i vieġei, ma menanare Iesu metaeta i votawanei da Jentail maiteni Tauna i vitumağanei.

²⁸ Ma kampa tauvitumağana maiteni i mae guratana.

15

Boru au Jerusalem

¹ Wate nelara ġelaui Judeaei i ġairai au Antio ma ekalesia i viaramani i pa, "Mepa da ega inibori ona vaia Moses ana tarawatu e ririwei nanare, God taumi ega ina vilawanimi." ² Ma karuwägawäga ġaegaena i bauni Paul ma Barnabas maiteni. Ma taui Paul, Barnabas ma rava ġelaui i vinei da i ġae au Jerusalem da Apasol ma babada ita inanai wei babanina aubaina.

³ Ma i paritawanei au Jerusalem, Ma ai au vaġai ekalesia au Phonisja ma Samaria provins

* **14:11:** Paul ma Barnabas Greek ponanei i bababani † **14:12:** Zeus lamna mai Greek ai god ġaegaena. Rava ai vitumağana da godna e vivilawani. Hermes lamna Zeus natuna ma tauna lana Tau-vinolanolana. Zeus ma god ġelau i aubaii. Rava i notai da Hermes lana e kauwei da rava e babana-kauwa ma ai babara e aiaii. Wate nanarena e notanotai da tauna kauwa aiaina e vivitupi ma e kauwei da rava e vivinatuna kauwa. ** **14:15:** Exo 20:11

i pariverei menanare Jentail i mae-tavirei God awarina. Ma taui i vinuaiaii kaua maraina wei i nonori. ⁴ Maranai i ġeta au Jerusalem, ekalesia ma Apasol i nei da i nebelei. Taui i pariverei menanare kaua anatapui God ana aguei i tupua. ⁵ Wate ekalesia ġelaui mai Pharisi, i vomairi ma i babani guratana i pa, "Jentail anina da inibori ina vaia ma ona egari da Moses ana tarawatu ina voletelelei."

⁶ Apasol ma babada i viboru da wei babanina i okei. ⁷ *Ma i vitarapiri guratana ma Peter i vomairi ma taui i riwei i pa, "Au rava! O aramanie da au orata God i vineu da Riwana Aiāina ana jimei Jentail awarii da taui ina nonori ma ina vitumāgħana. ⁸ *God rava anatapui ai nota e araramanei, ma Jentail Aruana Vivivireina i verei me tauta nanare. Wei matairana i viatataieta da God i vianina. ⁹ Tauna Jentail ma tauta e vaivainita da tagogina, ma ata vitumāgħanei orata i viaiaiani. ¹⁰ Marina aiwai aubaina God o viviamlo-ġaigħaini? Tauta amamata maiteni eġa tata virewpana da tarawatu tata vojjina-kauei. Wate marina wei vitana Jentail ta verevere-damanei. ¹¹ Eġateni! Tauta anataputa ta vivitumāgħana da BADA Iesu ana aguei tana lawana, ma nanare Jentail maiteni."

¹² Rava anatapui i genuana ma Barnabas ma Paul i rautaniġanei, taui i bababani menanare ana au vaġai God ana aguei kaua aniba ma vivirewpanai i kauei Jentail awarii.

¹³ Maranai i babani vorovei, James* babani i vikarei, "Au rava ona rautaniġaneu.

¹⁴ —Peter †au naona i pariveremi menanare God Jentail i raugenari ma ġelaui i vinei da tauna garinei. ¹⁵ Ma Peroveta nununai wei kauai i bababaniei marina nanare e tuputupua:

¹⁶ *Wei au murina ana nememei,*

ma David ana numa gara ana voa-melei.

Ana vituramairini

ma ana kaei da ina virewpana me.‡

¹⁷ *Da rava mamae-terenai*

BADA ina baiei,

Wate Jentail a raugorei da ġariuei, BADAi riwa.

(Amos 9:11-12)

¹⁸ *Wariaga da marina wei ta aramanei.*

¹⁹⁻²¹ —*Lamna au baina eġa tana kaei da ina piripiri Jentail aubaii, taui e mamae-tavirei God awarina. Wate pepa tana girumi ma tana egari da lam e pulopuloei god morumorui awarii eġa ina ani, eġa ina viawawana labalababa, ġamoġamo uai e kikiġi eġa ina ani ma sia ana tarana eġa ina ani. Aubaina wariaga da marina Moses ana tarawatu e rauguglei boru au numai Sabatena patapatana."

Pepa i girumi Jentail awarii

²² Ma Apasol, babada ma ekalesia anatapui rava ġelaui i vinei ma i paritawanei au Antio au Syria provins Paul ma Barnabas maiteni. Taui ai babada ruaga i vinei wavai Judas wavana ġelauna Barsabas ma Sailas. ²³ Ma wei pepana au urai i terei, Apoſol, ekalesia babadai, varevareimi.

Jentail ekalesia au Antio, Syria provins ma Silisia provins. Varevarei, egualau!

²⁴ Tauai riwana a vaia da rava ġelaui ai au boru i ġairai ma ai viararamani i vinuabolaimi ma i visina-viraviraimi, wate tauai nai ravai eġa ata paritawanei. ²⁵ Lamna aubaina tauai a viboru ma a vianina da taupariverena ata paritawanei, ata rava Paul ma Barnabas maiteni, ²⁶ taui i verena-melei ma ai lawana eġa ita vinuabolei BADA Iesu Keriso wavana aubaina. ²⁷ Judas ma Sailas a pariparitawanei da taui gamoie ina riwemi aiwai tauai a girumi.

²⁸ Arua Vivivireina ma tauai ai ġoana da eġa vita ġaegħaena ana veremi, anina wei tarawatuna ava.

²⁹ Lam god morumorui i puloi eġa ona ani,

Eġa tara ona umai, Eġa ġamōġamo uana kikikina vioana ana tarana ona ani.

Eġa ona viawawana labalababa, §

Mepa da wei tarawatui ona vojjina-kauei, taumi kaua aiaina o kaukauei.

* **15:7:** Act 10:1-43 * **15:8:** Act 10:44; 2:4 * **15:13:** Iesu ana tevera † **15:14:** Peter wvana ġelauna Simon.

‡ **15:16:** Maranai God David ana numagara e bababaniei lamna David ana vibadana vouna e ririwei ma eġa ana epaepaia. * **15:19-21:** Lev 18:6-23; Lev 17:10-16 § **15:29:** Viawawana labalababa ġelaui wei: Rava ġelaui awawai maiteni e viawawana. (Exo 20:14, Deu 5:18) Mane aubaina e viawawana (Lev 19:19, 1 Cor 6:15) Am femili ravai o viviawawanei (Lev 18:22, Rom 1:26-27) Ġamōġamo e viviawawanei (Lev 18:23) Rava eġa uta ravaġi ma e viviawawanei (Eph 5:3) Rava u egari da u viawawanei. (Gen 34:7, Deu 22:25-28)

Egualau kaua.*

³⁰ Ma nelarai i paritawanei da i ġaira au Antiok, ma ekalesia i rieiai da pepa i verei. ³¹ Ma taui i avī ma i vinuaiai kaua pariverena aiaina aubaina. ³² Judas ma Sailas taui God ana peroveta ma i babani guratana awarii ma wei taui i vinuaiaeī ma ai tumaġana i vovai-virewapani. ³³ Ma kampa i mae mara aburuna ma ekalesia ana nuaubai i paritawana-melei au Jerusalem. ³⁴ † ³⁵ Wate Paul ma Barnabas au Antiok i mae, ma taui maiteni BADA Riwana Aiaina i viaramanī ma i raugulei.

Paul ma Barnabas i vilamonei

³⁶ Ma muriaeī Paul, Barnabas i riwei, “Tana nae dobu au anatapuna mepa BADA Riwana Aiaina ta raugulei ma ekalesia tana raugenari, ma tana inanai taui anīna bo ega.” ³⁷ Barnabas i ġoei da John-Mark ita taravaini. ³⁸ °Wate Paul wei notana ega ita ġoei aubaina au naona John taui au Pamphilia i ruba-tawanei ma ega ita mae da maiteni ita nola. ³⁹ Ai vipariparinigai i apoapoe guratana da taui i vilamonei. Barnabas, Mark i taravaini ma kukei i damana au sa Saipras. ⁴⁰ Paul, Sailas i vinei. Ma ekalesia, BADA i vibaġai da ana aguei taui ai au nola ina paini. ⁴¹ Taui Syria da Silisia i naeni ma ekalesia i raugenari ma i vinua-terenei.

16

Timothy Paul ma Barnabas maiteni i nae

¹ Paul i nae au Derbi da au Listara, kampa tauvotaġoġo i mae wvana Timothy. Tauna alona Jew ei ma kerisiana, Wate amana Jentail. ² Ekalesia au Listara ma Ikoniam Timothy i voepaepana-kauei. ³ Paul i ġoei da tauna ita taravaini ana au vaġai, lamna aubaina ini borī i verei aubaina mai Jew kampa i aramanī da tauna amana Jentail. ⁴ Maranai taon nununai i nenaeni, ma ekalesia kampa i paripari-verei Apasol ma babada au Jerusalem ai nota, ma i riwei da tarawatu i ririwei ina votaġoġoi. ⁵ Ma ekalesia ai vitumaġana i vovai-virewapani ma tauvitumaġana vroui i ruirui marana patapatai.

Paul ana rauboni

⁶ Arua Vivivireina Paul ana rava maiteni i vigaei da ega BADA riwana ita jimei au Eisia provins, ma Pirijja ma Galatia paratana i naeni. ⁷ Maranai i nei Maisia ana au provins ma i ġoei da ita damana au Bithinia provins. Wate Iesu Aruana ega ita vianinei. ⁸ Ma Maisia i verautuuni da i nae au Troas. ⁹ Waguvvaraina Paul ana au inana i 'nana oroto Macedonie i maimairi ma i vivibaġai i pa, “Ma damanai au Masedonia da ma voaguijal!” ¹⁰ Paul ana rauboni au murina tauai a vioga da laġilägħina ana vomairi Masedonia provins aubaina. Tauai a vitumagħana da God i ġorelai da Riwana Aiaina kampa ana jimei.

Paul i nae au Philipai.

¹¹ Au Troas tauai amku, a viaruana damana au Samotreis bonabonana a ġeta ma au pom ġela a kuka-nae au Neapolis. ¹² Ma kampa da a babara nae au Philipai taon au Masedonia provins, weka mai Rome ai sorodia ai bareki ġaegħena i mae, kampa a veraumae. ¹³ Ma au Sabate taon a opu-tawanei ma a nae au waira, a notanotai da kampa boru gabuna wate ega. A kiala ma waivine ruāġa ota kampa i rauriei awari a babani. ¹⁴ Taurautaniġħana tagogħi lamna Jentail wavinenha wvana Lidia ma ana dobu Thaiataira. Tauna gara lebalebarina maiana ġaegħena taugimareina ma God i vitumaġħanei, ma God orana i votawanei da aiwai Paul i bababanie i rautaniġħana kauei. ¹⁵ Maranai wawine ana numa ravai i babataito ma i rauġorei l-i pa, “Ona nei au numa mepa da o notanotai da tau kerisiana ririwa kauana.” Ma i egariajda ana au numa a mae.

Paul ma Sailas au panipani numana au Philipai

¹⁶ Mara tagogħi a nenaie boru au gabuna ma taunola guguini a nebelei, Tauna au orana arua apoapoena i mae ma lamnei aiwai amapo da ina tupua i vivieġai. Ma mane ġaegħena i kaukauei ana taniwaga aubaina. ¹⁷ Tauna Paul ma tauai i votaġoġo īma i garagarara “Wei nelarai God ġeġetelarana ana taunola! E vivinolana menanare God e vivilawananei.” ¹⁸ Wei kauana i kauei au pom biaġa da Paul i viamlo-ġaġaini da i mae-tavirei ma arua apoapoena i riwei, “Iesu Keriso wawanei a egaegarim da wawine ma opu-tawanei!” Maratagħogħi arua apoapoena wawine i opu-tawanei.

¹⁹ Maranai taunola guguini ana taniwaga i aramanī da ai mane etanaina i vine-boai, taui Paul ma Sailas i vojjini ma i taina naei au deba Gabemani awarii. ²⁰ Taui i nei ai taurauetara

* ^{15:29:} Kaua ġaegħena lamna ega ini borī ma Iesu ana aguei, u korosi i take aubaita. † ^{15:34:} Buka waduwaduboi au orai vs 34 ega ita mamae “Wate Sailas i ġoei da kampa ita mae.” ✳ ^{15:38:} Act 13:13

awarina ma i riwa, "Wei nelarai mai Jew wei dobuna ravai e vivinuarağarağai. ²¹ Taui ata rava kaua ġelaui e viviararamani ma wei ata giu e teretereğairei."

²² Ma patara i rui Paul ma Sailas vunuai aubaina. Ma gabemani Paul ma Sailas, ai gara i sikai ma wipiei i kwapui. ²³ I vunu-kauei ma i tawana-ruiei au panipani numana. Ma numana badana i egari da ita paina-kauei da eġa ita ruba. ²⁴ Anina ma Panipani badana taui i tawana-ruiei, panipani numana au orana ma aei, ai vivitainei au orana i raġita-jijini.

²⁵ Nubaутuvai Paul ma Sailas i raraupari ma i welawela God awarina ma panipani ġelaui i raurataniġana. ²⁶ Nanare ma lolo ġaġaётana dobuna i gui. Ma maratagogi pani numana metaetan i wana-tawatawanei ma panipani anatapui ai sein i dabarara. ²⁷ Pani numana badana i vomairi ma ita inanai da metaeta wanatawanana ma i notai da panipani i ruba ma lamna aubaina ana sod i lavui da ita viraġena-melei. ²⁸ Wate Paul i garara, "Eġa ma vunu-melem! Tauai anatapuai weka!"

²⁹ Pani numana badana ana taunola i ġorei da lalalaina ita neiae ma i ruba-rui ma ana sisisisina i mae-peu Paul ma Sailas au naoi. ³⁰ Ma i opunei au doa ma i paridadanei, "Babada aiwai ana kauei da ana lawana?"

³¹ Taui i paribelei, "BADA Iesu Keriso ma vitumaġanei ma ma lawana, am numa ravai maiteni." ³² Ma God riwana i raugugulei tauna ma ana numa ravai awari. ³³ Nai maranaina avena da waguvarai, pani numana badana Paul ma Sailas i naiei ma kerio i ogai, Ma maratagogi tauna, ana numa ravai maiteni i babataito. ³⁴ Paul ma Sailas i ġaie i ana au numa da i viambagibagi. Tauna ana numa ravai maiteni i vinuajai kaua da marina God i vitumaġanei.

³⁵ Ma marana i tom ma tauetara ana taunola * i paritawanei pani numana badana awarina ma i egari i pa, "Nelara ma voterei da ina nae."

³⁶ Pani numana badana Paul i riwei, "Taurauetara i egariu da ana voteremi da ona nae. Marina ana nuaubami ona nae."

³⁷ Wate Paul, taurauetara i riwei, "Tauai eġa ita rauetarelai ma i vunu-kauelai patara au matai. Ma avena da tauai mai †Rome, wate marina i ġoed i govagovagħanei ina paritawanelai bo? Egħateni kaua! Ona voterei da taurauetara ina nei weka da ina nielai."

³⁸ Taui wei babanina i naiana-melei da babada i riwei ma taui i rovo kaukaua maranai riwana i nonori da Paul ma Sailas lamna mai Rome. ³⁹ Ma i nei au pani numana ma i riwa, "Tauai a kauana-boai, ai ġo' apoapoe ona nota-tawanei." Ma i tere-opunei ma i vibaq-gurtei da dobuna ita oputawanei. ⁴⁰ Ma Paul ma Sailas pani numana i opu-tawanei ma i nae Lidia ana au numa ma kampa kerisiana maiteni i vibruborū ma i vovai-virewapani. Anina ma taui dobuna i netawanei.

17

Au Thesalonika

¹ Paul ma Sailas Amphipolis taon ma Apolonia taon i voterei da i nae au Thesalonika taon. Weka mai Jew ai boru numana i mamae. ² Ma i rui au boru numana au Sabate me mara patapatai i kaukauei nanare, kampa Sabate tonuġa rava awari God riwana i viararamani. ³ Ma God riwanei i viararamana da Keriso ina vinuapoapoe ma iraġelei ina vomairi me, "Wei ravana a babanariei awarimi, tauna Iesu Keriso." ⁴ Mai Jew ġelaui orai i taini ma taui i votaġotagoi. Ma nanare Jentail nelara maġamaġagħau God taurauduneleina ma waivine wawai naenaei maġamaġau.

⁵ Wate mai Jew i unura ma rava ora-potapotai maġamaġau au etanai i tam i ma au taon vikaruwaġawaġa i vikarei. Ma oroto wavana Jason ana numa i ruini Paul ma Sailas i baibaiei da ita opunei patara awari. ⁶ Wate maranai eġa ita nelagħi taui Jason ma kerisiana ġelaui i taina-naei taqon babadai awari, ma i garara, "Wei ravai dobu au anatapuna apoapoe maġamaġau i kauēi, marina i ġetai ata au dobu." ⁷ Ma Jason, Paul ma Sailas i taravaini ana au numa. Taui Caesar ana tarawatu e viajigai ma e ririwa da gulau ġelauna e mamae wawana Iesu.

⁸ Maranai patara ma taon babadai wei babanina i nonori taui amlo i ġaġgai kaua, ⁹ ma Jason i egari da mane ġaġaena i vimaiei da eġa mae boaboa ġelauna ina vitupui. Ma taui Jason i voterei da i nae.

Au Berea

¹⁰ Ma waguvarai tauvitumaġana Paul ma Sailas i paritawanei au Berea. Maranai kampa i ġeta, ma i rui au boru numana. ¹¹ Mai Berea i viajiai, eġa me mai Thesalonika. Taui i rautaniġana ma i votelatela ma marana patapatana God ana buka i 'aiav i da ita aramanei da

* **16:35:** vs. 20 ma inana. † **16:37:** Mai Rome ai tarawatu lamna, "Eġa rava Romei ma kwapu labalababai bo ma pani da au naona ma rauetarei." Rome Israel i vibadei Iesu ana au mara.

Paul aiwai i bababaniei lamna riwa kaua. ¹² Ma lamnei mai Jew maǵamaǵau i vitumaǵana, ma nanare mai Greek waivinei wavai naenaei ma nelara.

¹³ Maranai mai Jew au Thesalonika paratana i nonori da Paul God riwana i raraugugulei au Berea, taui maiteni i nae kampa, ma rava i raeugari da ǵavia ita vikarei. ¹⁴ Maratagogi kerisiana Paul i paritawanei au gera wate Sailas ma Timothy au Berea provins i mae. ¹⁵ Ma nelara Paul i tauwigwanigwanei da au Athens, ma Paul nelarai i riwei ma i paritawanei au Berea da Sailas ma Timothy ita riwei da laǵilagina ita nei awarina.

Paul au Athens i raugugula

¹⁶ Ma Paul au Athens ana rava i paipaini, ma i 'nai da kampa kokoitau i maǵa kaua ma i vinuabola kaua. ¹⁷ Mai Jew ma mai Greek God tauviborumeina awari i jima guratana au pari numana ma nanare au deba, aiai da i ǵeta ma i rautaniǵana. ¹⁸ Ma rava ǵelaui nuaulaulai i ǵetai ma maiteni i vitarapiri, taui e ǵoreǵorei mai Epicure ma mai Stoic*, taui lawana ai kaua tauviaramanai. Ma ai rava ǵelaui i paridadan, "Wei ravana aiwai e vogavoganei?" ǵelaui i riwa, "Mepa da tauna dobu ǵelaui ai god e bababaniei." Taui wenanare i babani aubaina Paul Iesu Riwana Aiaina ma ana iraǵe ma ana vomairi me, i raugugulei.

¹⁹ Ma i taravaini ma i naiei ai au boru e ǵoreǵorei Areopagus ma i riwei, "Ma nei ma a ǵoei da am viararamanana vouna e bababaniei, ata aramanei. ²⁰ Kaua ǵelaui e babaniei tauai a vivinuanainei, ma a ǵoei da ana aramanei anona aiwai?" ²¹ (Taumana ma mai Athens marana patapatai ari nola eǵa aiwai, da kaua voui ina virarautuei ma ina nononor.)

²² Ma Paul babadai au naoi i mairi ma i riwa:

Dogadogara mai Athens! A inana da taumi vipatupatutumi ami god awarii, ²³ A bababara ma ami pulo aniapunana a inainanai, ma tagogi a inanai au tepana i giruma, "Wei God eǵa ata araramanei aubaina." Wei Godna o viviborumei wate eǵa ota aramanei. Tau ana riwemi nai Godna aiai. ²⁴* Tauna God mara ma dobu ma aiwai anatapuna au orana i kaei. Ma tauna mara ma dobu badana, ma numa rava uranei e voavoai au orana eǵa ita mamae. ²⁵ Ma eǵa rava ai agu ita paipaini, tauna agu eǵa ita ǵoreǵorei. Aubaina tauna rava lawana ma lavutu ma anatapuna e vereverei. ²⁶ Au karenra rava tagogi i kaei ma nai ravanei dam patrai i vitupua ma dobu i maeni. Tauna ainelana rava ai mara i terei da ina mae ma ina iraǵe ma animae paratana i aiterei. ²⁷ God wenanare i kaei da rava tauna ina baiei da mepa ina nelaga. Wate tauna au ǵereǵereta, eǵa au uama. ²⁸ Taugiruma ǵelauna Greekei i riwai pa, "Taunei ta mamae ma ta bababara ma anatapuna ta kaukauei."† Ma wate ami taugiruma ǵelauna i girumi i pa, "Tauai nanare tauna natunatuna."‡

²⁹ Ma tauta God natunatuna, eǵa tana notai da God lamna me kokoitau, goldei bo silvei i kaei. Rava uraie i ana nuaulaulaei i kaei. ³⁰ Wariaǵa rava God eǵa ita aramanei wate God taui i 'nana-tawanei, wate marina anataputa egaegarita da tana rupena ma tana mae-tavireta awarina. ³¹ Aubaina mara i vinei maranai rava anatapui aiainei ma jijimaninei ina kovoǵi. Rava i vinei da taunei ina kovoǵa. God wei ravana iraǵelei i vovaimairini lamna ina vimataira raya awari da ravana anina tauna.

³² Maranai Paul iraǵelei vomairina i babaniei, rava i nonori ma ǵelaui tauna i vinamei wate ǵelaui i riwa, "Tauai a ǵoei da muriae wei babanina ma babaniana-melei." ³³ Ma Paul ai boru i opu-tawanei ma boru i gudu. ³⁴ Wate ǵelaui i vitumaǵana ma Paul i votaǵotaǵoi. Tagogi lamna Dionisius, Areopagus boruna au orana, ma wavine wavana Damaris, ma rava ǵelaui.

18

Paul i nae au Corinth da rava awari Iesu ita jimei

¹ Paul Athens i netawanei ma i nae au Corinth. ² Kampa Akwila tauna Jew au Pontus i tupua, marinaota au Italy* da i nei awana Prisila maiteni. Aubaina Rome ai gulau Claudius mai Jew anatapui i viáǵagei da Rome i opu-tawanei. Paul i nae da taui ita inanai. ³ Paul taui maiteni i mae, taui tauampopo, (ǵamoǵamo opina ma gara i popopoi numa aubaina ma

* ^{17:18:} Mai Epicurus ana viararamana i votaǵotaǵoi. I viararamana da lawana ana ano lamna nauaii. Da taui aiwai da tupuai ma matai ana rauogara, e vivinuaiae. Ma aiwai da e virovoro bo iniviara e vereverei. Taui wei lamna e gedgeduaie. Taui e ririwa da God rava eǵa ita vivuavainei Stoic rava wavana Zeno ana viararamana e votaǵotaǵoi. I viararamana da rava ma ai maiteni au ririvata ta mamae (nature) ita vivrei, Taui ai goana ma ai erawa ita terawanei ma ita vivuanoanota kaua ma avena rava ǵelaui ai agu ita raunenelei. Taui e ririwa, "Nuaiai lamna kaua e vovoterei da mena ina tupua nei nanare ina tupua." * ^{17:24:} 1Ki 8:27; Act 7:48 * ^{17:28:} Epimenides Ciritei au 6 century BC. † ^{17:28:} Aratus Silisie 3 century BC. * ^{18:2:} Rome taon lamna taon gaǵeaena au Italy ma ai kapital AD. 49 au orana kampa viǵaiǵiawa ǵaǵeaena da wavalatona Claudius mai Jew i riwei da dobuna i netawanei.

i gimagimarei) me Paul ai nola tagogina. ⁴ Sabate patapatana au pari numana tauna mai Jew ma Jentail awari i jima guratana da orai ita sinavirai.

⁵ Maranai Sailas ma Timothy au Masedonia da i ġetai, Marina Paul BADA riwana ava i raugugulei mai Jew awarii da Iesu tauna anina God ana Vinevine Keriso. ⁶ Wate mai Jew Paul i viġavie i ma riwa apoapoelei ririwei. Ma tauna ana gara i rauabuabui ma awari i riwa, "Mepa da o kwako, lamna ona viwatu-melemi, eġa tau ona viwavui! Marina da e nena, ana nae Jentail awari."

⁷ Ma taui i voterei ma i nae Jentail wavana Titus Justus ana au numa i mae, tauna God tauriborumeina ma ana numa pari numana au ġereġerena. ⁸ Crispus, pari numana ai bada, BADA i vitumaġanei ana numa ravai maiteni, ma mai Corinth maġamaġau Paul i rautaniġanei, i vitumaġana ma i babataito.

⁹ Waguvvara tagogi BADA Paul ana au inana i babani i pa, "Eġa ma rovo, ma babani ma eġa ma genuana." ¹⁰ Aubaina Tau tam maiteni. Ma rava eġa ina rau-iviapoapolem aubaina au tauvotagaġo i maġa wei au dobuna. ¹¹ Ma Paul kampa i mae madeġa tagogi ma nawaravi six, ma God riwana i jimej.

¹² Wate maranai Galio i vi-Gavena au Akaia provins, mai Jew kampa i vitagogiei ma Paul i vojjini ma i nae Gavena awarina da ita rauetarei. ¹³ Ma taui i viwavui 'pa, "Wei orotona ana moruei rava orai e taitaini da God e viviborumei ma ata tarawatu e viviaigai."†

¹⁴ Ma Paul gamona i laġi da ita babani ma Galio i babani mai Jew awari i pa, "Mepa da taumi wei ravana o viviwavui da kaua gaġġei bo kaua apoapoe aubaina, lamna tau au nola da ata rau-taniġanemi. ¹⁵ Wate wei taumi ami babani ami wawa ma ami tarawatu, ana voterei au urami. Tau eġa wei kauai ana rauetarei." ¹⁶ Ma etara numanei i viägħaż-za opunei. ¹⁷ Taui anatapui pari numana ai bada Sothenis i vojjini ma i vunui etara numana au naona wate Galio taui i nana-tawanei.

Paul i nae me au Antiok au Syria

¹⁸ Paul i mae mara aburuna tauvitumaġana maiteni au Corinth ma wagei i nae au ġereġere au Cenkirei waga ai au animae. Prisila ma Akwila maiteni. Ma kampa Paul ana parivainuġana aubaina aparana i ġari, ma anatapui i nae au Syria ¹⁹ Taui au Ephesus i ġeta ma Paul, Prisila ma Akwila i voterei. Ma i nae au boru numana Mai Jew awari i jima. ²⁰ Rava i vibagħi da ita mae mara aburuna wate tauna eġa ita vianina. ²¹ Wate maranai i opu da ita nae ma taui i riwei, "Ana nememei mepa da God ana ġoana, ma Ephesus i netawanei ma wagei i damana." ²² Maranai i ġeta au Caesarea ma i nae au Jerusalem da kerisiana i raugenari ma i nae au Antiok. ²³ Au Antiok i mae mara aburuna ma Galatia provins ma Pirijja provins i naeni ma kerisiana i vovai-virewapani.

Apolos mai Ephesus awari i raugugula

²⁴ Wei marana Apolos tauna Jew, au Alexandria da Egypt da i nei au Ephesus. Tauna BADA riwana ma ana giruma i aramana-kauei ma rava bababanina. ²⁵ Rava ġelau, Apolos BADA ana etanai babanina, i viararamani, ma ana teptatorana i jima ma Iesu ana kaua ma ana lawana i viararamana-kauei. Wate tauna John Taubabataito ana babataito babani ava i aramanei. ²⁶ Ma i vikrei da ana teptatorana i raugugula au boru-numana. Wate maranai Prisila ma Akwila tauna ana babani i nonori. Ma i ġorei da maiteni i nae ai au numa ma BADA ana etanai ana babani i viararamana-kauei.

²⁷ Maranai Apolos i nena au Akaia, kerisiana Apolos i vovai-virewapani. Ma kerisiana au Akaia ai pepa i giruma da ita pariverei da tauna ita nebelei. Maranai au Akaia i ġeta ma taui God ana aguei i vivitumaġana, agu ġaġġena i verei. ²⁸ Tauna ana babaniei au deba mai Jew i vovaiubai. Ma God riwana i vaia ma lamnei rava i viararamani da Iesu anina Keriso.

19

Paul au Ephesus

¹ Apolos au Corinth taon Akaia provins i mae, ma Paul ola i taġoni da au Ephesus i ġeta. Kerisiana ġelau kampa ² ma i paridadanei i pa, "Arua vivivireina o vaia bo eġa maranai o babataito?"

† **18:13:** Mai Jew e ririwa da Paul eġa taui ai vitumaġana oina ita viararamani ma wei Rome ai tarawatu i vianinei, wate e ririwa da Paul rava taparoro vouna e viararamani ma wei Rome ana tarawatu e viviaigai, lamna aubaina taui i ġoie da Rome ai bada Paul ina kovoġi. Ma inanai Act 16:20-21 ma 17:7.

Tau i paribelei i pa, "Eğä, Tauai eğä ata aramanei da Arua vivivireina e mamae."

³ Ma Paul i paridadana, "Aiwai babaitona o vaia?"

Tau i paribelana, "John ana babataito a vaia."

⁴ *Paul i riwa, "John ana babataito lamna mataira da taui ai góapoapoelei i mae-tavirei; ma mai Israel i riwei da Tauna au muriu e nenei ona vitumağanei lamna Jesu." ⁵ Maranai wei i nonori ma i aramanei taui i babataito BADA Iesu wavanei. ⁶ Ma Paul urana au kolai i terei ma Arua vivivireina au orai i rui. Ma i vikarei da pona tapunei i bababani ma God riwana i raugugulei. ⁷ Taui nelara iavana twelve.

⁸ Paul i nae au boru-numana ma kampa nawaravi tonuğä au orana ana tepatorana mai Jew awarii i bababani. Da rava orai ita sinavirai da BADA ana vigulau ita vitumağanei. ⁹ Wate ġelau i kampa orai i bagibagi ma eğä ita góe da ita vitumağana, ma patara au matai Iesu ana etanai i vijibogi. Ma Paul taui i voterei ma kerisiana i taravaini ma i nae Tairanus ana au numa, ma kampa i viararamana ma i giugiu pompom. ¹⁰ Ma nanare i mae madeğä ruağä i kwa, da mai Jew ma Jentail ravai mağamağau i Eisia provins maemaei BADA riwana i nonori.

Scëva natunatuna

¹¹ Ma God ana rewapani Paul kaua gaeğaei ma aniba i kaukauei, ¹² lamna avena wate rava ai agesi da ai nola garai i naiei Paul awarina da i vodadani ma i naei da rava doridoriai i vodadani, ma arua apoapoei i opu-tawanei ma i lawana.

¹³ Mai Jew ġelau i dobuna i naeni ma arua apoapoei i viviğana-opunei ma i raudadana Iesu wavanei da arua apoapoei i viviğägei. Taui arua apoapoei i riwei i pa, "Iesu wavanei, taunei Paul e raraugugula, Tau a egarim da ma opu." ¹⁴ Skeva, pirisi ai bada natunatuna nelarai seven wei kauana i kaukauei. ¹⁵ Wate mara tagogi arua apoapoeni i paribelei, "Iesu a aramanei ma Paul a aramanei ma taumi aiavoi?" ¹⁶ Ma rava au orana arua apoapoeni maemaeña i uepaei ma taui i vunu i değä ita vikalokaloei. Ai gara i sika-naei ma ana kovakovai ma tararatai numei i viopuopuana ma i viruberubei.

¹⁷ Mai Jew ma Jentail ravai au Ephesus maemaei wei riwana i nonori ma rovo orai i gaenii ma Iesu wavana i vivirana-kaei.

¹⁸ Mağamağau i vitumağana ma i nae kerisiana awarii ma ai góapoapoe i rupeni. ¹⁹ Tauvitumağana voui mağamağau i paraparaumai,* ai buka i vidamni au deba ma i apui. Maranai bukai ai maia i 'avi da silver 50,000†. ²⁰ Kaua babai me wei, Iesu riwana i vibabarai nai au dobuna ma rava mağamağau i vitumağana.

²¹ Wei anatapuna au murina Paul au orana i vinua-notanota da au Masedonia da Akaia ita verautuini da ita damana au Jerusalem ma i riwa, "Ana nae au Jerusalem ma muriai ana nae da Rome ana inanai." ²² Ma Paul ana tauagu ruağä Timothy ma Erastus i aiparitawanei au Masedonia provins, ma tauna kampa i mae Mara aburuna au Eisia provins.

Vığaigaia au Ephesus

²³ Iesu ana babani ma ana kaua vouna aubaina, ma vığaigaiaawa gaeğäena i tupua au Ephesus. ²⁴ Silver taunoleina wavana Demetrius, mai Greek ai god wavinena ana numa taparoro kokoitaui i raraū-ğaroğaroei da i gimagimarei, ma wei nolana mane gaeğäena e neinei silver taunoleina nai au dobuna aubaii. ²⁵ Ma taui anatapui ai rava nolana tagogina e kaukauei maiteni i rauğoreiai ma i riwa, "Au rava, o aramanei da ata maura wei nolanei ta vaivaia. ²⁶ Ma o inanai ma o nonori menanare wei ravana Paul e kaukauei, Rava ai nota i sinavirai da mağamağau god Artemis raudunena i voterei au Ephesus ma dobu Eisia paratana anatapuna. Ma e ririwa da 'rava god i rauğaroğaroei, lamna eğä god.' ²⁷ Tauta tana inana kaua da wavata ma ata mane ani kauana eğä ina apoapoe. Ma ata god ȝetelarana Artemis ana numa taparoro ma wavana eğä ina vijibogi, eğä au Eisia provins ava ma dobu au anatapuna."

²⁸ Maranai patara wei babanina i nonori taui i meji kaua ma i vigaragarei, "Artemis mai Ephesus ai god i ȝetelera!" ²⁹ Ma taui i garagarara rava nai au dobuna i nonori ma taui maiteni i garara labalababa. Anina ma patara Gaius ma Aristakas i vojjini taui ruağai mai Masedonia Paul ana tauvıgwanıgwaniana, ma i rubana-naei nai dobuna ana boru gabuna. ³⁰ Paul i goei da patara au naoi ita rui da ita babani wate kerisiana eğä ita vianinei. ³¹ Wate nanare Paul ana rava ġelau i gabemani tauna i vığaei da eğä ina nae au boru.

* 19:4: Mrk 1:4, 7-8 * 19:19: Au Deu 18:10-14 God ana rava e vîvîgæi da eğä ina parauma. † 19:19: Dracma coin tagogi lamna tau-vobagibagi ana maia au pom tagogi aubaina. Marina lamna million biağä. † 19:29: Dobuna ana boru gabuna lamna numa gaeğäna. Eğä poewana, ma inanana me nawaravi gebona. Rava mağamağau 26,000, nanare ina kiala meeting place. Rava e nenea kampa da kalo tapuna ma e raraubigä.

³² Patara i vinuanaina, i logologoi ma i garagarara labalababa ma ega ita aramanei aiwai aubaina weka i nei. ³³ Mai Jew oroto tagogi i dudu-opunei au naoi wavana Alexander ma patara gelau i garara awarina da ita babani. Alexander urana i voepai da taui ita genuana ma tauna ana rava aubai ita babani. ³⁴ Wate maranai i aramanei da tauna Jew. Taui anatapui pona tagoginei wenanare i garagarara, “Tauta mai Ephesus ata god Artemis i getelera!” da hour ruauga i kwa.

³⁵ Ma taon badana patara i riwei da i genuana ma i riwa, “Au rava mai Ephesus, rava anatapui au dobu i aramanei da tauta tauvipaipai mai Ephesus ai god gegetelaran Artemis ana numa taparoro ma ana gaima vivireina mareii peuai aubaina. ³⁶ Ega aiai wei ina vikauamoruei. Lamna aubaina orami ina rauei ma ega aiwai apoapoena ona kaei. ³⁷ Wei ravai o neiae weka wate taui ega au numa taparoro aiwai ita danenei bo ata god ita riwana-boei. ³⁸ Mepa da Demetrius ana rava maiteni e viviwau taui ina nae ina rauetara ma ami viwauvona nae kampa taurauetara awarina. ³⁹ Ma mepa da ami nuabola gelau i mamae lamna taon babadai ai au boru ona babaniei ma ona tere jijimani. ⁴⁰ Ma amadodo aiwai i tupua, tau a rovo da ina viwauvita mae-boaboa aubaina. Wei vikaruwauga gana anona ega, ma mepa da Rome ina paridadana ma tauta menanare tana paribelanei. ⁴¹ Anina ma boru i gudui ma rava i vilamonei.”

20

Paul i nae au Masedonia ma Greece

¹ Vikaruwaaga au Ephesus taon i kwa ma au murina Paul kerisiana i raukwatueiai da i vinua-terenei, i viegualaei ma i netawanei da i nae au Masedonia provins. ² Ma dobuna gaeaganana i naeni ma kaua magamaagaui kerisiana i vinua-terenei. Anina ma au Akaiaketa* i geta. ³ Kampa nawaravi tonuga i mae. Tauna i vokaukaua da ita nae au Syria ma wate i nelagai da mai Jew gelau viragenana i viviogatarei lamna aubaina da i nae me au Masedonia. ⁴ Nelara gelau i votagotago taui lamna Piras natuna Sopater ana dobu Berea; Aristakas ma Sekundus, mai Thesalonika, ma Gaius tauna ana dobu Derbi; ma Tijikus ma Trophimus ai dobu Eisia provins; ma Timothy. ⁵ Taui wagei i ainae au Troas ma kampa i painiai. ⁶ Ma palawa bagibagina torelana au murina, wagei Philipai taon au Masedonia provins a netawanei. Ma aupom 5 au murina au Troas a geta ai rava awari, kampa aupom 7 a mae.

Au Troas, Paul Eutikus iragelei i vovaimairini

⁷ Wiki au karena - Sunday tauai a vitagogielai voepaepa ma BADA ana amgogona aubaina, ma kampa Paul i jima da nubautuva, aubaina maratomna da ita nae. ⁸ Numa vatavatara au tepana a vitagogielai, ma kampa rampa magamaagaui i ararata. ⁹ Orotolragana wvana Eutikus au windo i kiakiala ma Paul i raraugugula, ma tauna matana i pota kaua da i raunuavuru, ma kampa au tepa dedewiana i peu-gaira da au doa i rauei. Maranai taui i gaira da ita voepai, tauna irairagena. ¹⁰ Paul i gaira, i matave-tepani ma i rapai ma rava i riwei i pa, “Ega ona vinuabola, tauna lawalawaina!” ¹¹ Anina ma Paul i gae me au numa ma kerisiana maiteni BADA ana amgogona amna i ani ma awari i babani maratom. Ma Paul nai dobuna i netawanei. ¹² Taui laragana lawalawaina i naiei au numa ma rava orai i rauei.

Paul i amkuka au Miletus

¹³ Paul aenei i nae au Assos ma tauai i riwelai da wagei ana nae au Assos da tauna kampa ana vigerui. ¹⁴ Ma au Assos a vigerui ma a nae au Miletus ¹⁵ Maratomna bonabona Kios au gereggerena a nae. Ma marana i tom au Samos a geta, ma maratom gelau Miletus a gota. ¹⁶ Paul i goei da jijimanina ina nae ma avena ita rui au Ephesus, ega ita goei da au Eisia provins ina mae-guratana. Tauna i vipaparana ma mepa da tagotagogina au Jerusalem ina geta muriai da Pentecost torelana.

Paul kerisiana au Ephesus i netawanei

¹⁷ Au Miletus Paul riwa i paritawanei au Ephesus taon kerisiana babadai awari da ita nebelei. ¹⁸ Maranai au Ephesus taon i getai ma taui i riwei i pa:

O aramanei au lawana menanare maranai vovounai weka au Eisia provins a getai.

¹⁹ Mai Jew i goei da ita rau-iviapoapoele wate tau a vilalomamona ma ana toutou BADA awarina a vivitaunola. ²⁰ O aramanei da maranai God Riwana Aiaina awarimi a raugugulei, riwa aiaina aniguimi ega atajijini. Au deba a raraugugula rava magamaagaui au naoi, ma

* 20:2: Marina e goregorei Greek.

ami au numa a viararamanimi ²¹ Riwa bagibagina mai Jew ma Jentail a verei, A riwei da ita rupena ma ita mae-tavirei God awarina ma Iesu ita vitumağanei.

²² Ma marina Arua Vivivireina i riweu da ana nae au Jerusalem. Ega ata aramanei kampa aiwai awariu ina tupua. ²³ Wate taon nununai awari a nena ma Arua Vivivireina e viviegeu da amapo ina paniu ma au deri ina tereu ma ina rau-iviapoapoeleu. ²⁴ Ma mepa da ina virägeniu, wei lamna ega kaua ġaegaena tau awariu. Wate kaua ġaegaena lamna BADA Iesu nola i verevereu da ana vikwai. Wei nolana lamna, God ana iviaiai maemaena, riwana ana raugugulei.

²⁵ Mağamağäumi awarimi a nei ma God ana vigulau a raugugulei wate marina a aramanei da amadodo da ina nena, naou ega ona inana-melei. ²⁶⁻²⁷ God ana vilawana ogatarana rava aubaii ega ata govağı awarimi lamna aubaina riwa bagibaginei a ririwemi da mepa da rava au babani ega ina vitumağanei ma ana lawana maemae-nonoana ina vine-boai, lamna ega tau au wawu. ²⁸ Taumi babada ma ona paina-melemi, nanare tauvitumağana taui aiavoi da Arua vivivireina au urami i teretereria. Ona inana-vaitetei me sipu taupainana ana sipu e paipaini. Taui lamna God ana vinevine taranei i gimarai. ²⁹ A aramanei da ana nae ma au muriu tauraugugula morumorui ina nei awarimi ma rava ai tumağana ina viapoapoeni, me auou moduei sipu au boruna virägena aubaina. ³⁰ Ma rava ġelauui ami au dam oina ina vomairi ma ina viararamana ma moruei rava orai ina taini da taui ina votagatägoi. ³¹ Lamna aubaina matami ina kala ma ona aramanei da madäge tonuğa marai ma waguvarai a notanotaimi ma ana toutou a viviararamanimi.

³² Ma marina God au urana a tereteremi. Ana agu e verevereoimi ona vivitumağanei. Wei aguina e vovaivirewpanimi, ma ami pulo ina veremi, aubaina taumi God natunatuna viaiainai. ³³ Ma tau ega rava ana mane bo ana purapura ata rauoğarei ³⁴ Taumi o aramanakauei da tau nimauei a nola da mane a vaia da tau au taubagibagi turau aubaiia. ³⁵ Nanare, a viatataiemi da ona nola guratana da mane ona vaia ma molaka ona voagui. Iesu ana babani ega nuanuami ina vuru, Tauna i riwa i pa, "Verena i ai kaua ega me vainana."

³⁶ Paul i babani vorovei ma anatapui i mae-ġaira au doa ma i raupari. ³⁷⁻³⁸ I vinolanola i pa, "Amapo ega naou ona inana-melei." Wei riwana i vinuabolai da i vitouana, Paul i taragwabai ma i vigia-lağolağonei. Ma i naiei da au waga i vigeruei.

21

Paul ana vağai au Jerusalem

¹ Ephesus kerisiana babadai a viegualaei ma wagei jijimanina a nae au Cous bonabonana ma ubaubañai a nae au Roudes bonabonana, kampa da a damana au Patara taon. ² Weka waga ġelauna i nena au Phonisla a gerui, ³ da au Saipras bonabonana a rubatawanei, au kelakelauai da a nae au Taia au Syria provins a ġota, da purapura ita viopuni. ⁴ Kampa tauvitumağana a baiei ma aupom ⁷ maiteni a mae. Arua Vivivireina kerisiana i riwei da Paul awarina aiwai ina tupua, ma lamna aubaina Paul i viğaei da ega ina nae au Jerusalem. ⁵ Ma mara i ġetai da ata vomairi, kerisiana awawai maiteni da natunatui taon i voterei ma anatapui a ġaira au gera, a raupari gogona. ⁶ A viegualau da tauai au waga a geru ma taui i nae-me ai au numa.

⁷ Au Taia ma a nae au Tolemais taon a ġeta. Tauvitumağana kampa a nebelei ma aupom tagogi maiteni a mae. ⁸ *Ma marana i tom ma dobuna a voterei ma a nae au Caesarea, kampa God riwana taujimeina Philip ana au numa a mae, tauna oroto vi-7-na au Jerusalem i vinevinei da lam taupainina. ⁹ Tauna natunatuna waivinei 4 ega tavitavinei, taui God ana riwa i vivieġai rava awari.

¹⁰*Aupom vomägäui i kwa, kerisiana wavana Agabas, tauna nanare God riwana i vivieġai, Judeaei i ġairai au Caesarea. ¹¹ Ma i nei awariai da Paul ana tairoro i vaia ma tauna urana ma aena i raġina-melei ma i riwa i pa, "Arua Vivivireina e ririwa, da Jew babadai wei tairorona taniwigana wenanare ina raġini, ma Jentail au urai ina terei."

¹² Maranai wei riwana a nonori, tauai kerisiana ġelaui maiteni Paul a vibagħana-guratei, da avena ita nae au Jerusalem. ¹³ Wate i pa, "Aiwai aubaina o vivitouana ma orau o viviapoapoeni! Tau a vokaukaua nonoa da ina raġiniu, wate ega lamna ava ma ina virägeniu au Jerusalem, BADA Iesu a vovotagatägoi aubaina." ¹⁴ Tauai a viviğaei ma ega tagotagogina da nuanuana ata sinavirai lamna aubaina riwanana a voterei ma a riwa a pa, "BADA ana ġoanei nanare ina tupua."

¹⁵ Wei au murina a vokaukaua ma a vomairi au Jerusalem. ¹⁶ Kerisiana ġelau mai Caesarea I naelai Nason ana au numa ma kampa a mae. Tauna oroto Saiprasiei, ma Iesu votaġoṇa i vikareni maranaina rava vovounai i vikarei da Iesu Riwana Aiainā i raraugugulei.

Paul, James i raugenari

¹⁷ Maranai au Jerusalem a ġeta kerisiana ana nuaiaii i nebelelai. ¹⁸ Maratom ġela Paul maiteni a nae da* James a raugenari,† dogadogara anatapui kampa. ¹⁹ Paul taui i viegualuei ma ana au vägai God aiwai i kaukauei Jentail awari anatapuna taui i pariverei.

²⁰ Maranaina wei riwai i nonori, taui God i voepaepai ma Paul i riwa i pa, “Turajai u aramanei mai Jew ai maġa tausen nanare weka Iesu e vivitumäganei, ma God ana tarawatu e vovotägo-kauei. ²¹ Wate rava Jew kerisiana weka au Jerusalem am kaua i vibenabenaei, da tam Jew Jentail maiteni e mamae e viararamani da Moses ana tarawatu ina gedugueduaiei. Ma u riwei da natnatui ini ega ina bori ma ai kaua ġelau ega ina votaġotägoi. ²² Taui i aramanei da tam u ġetai, Marina aiwai tana kaei? ²³ Aiwai a ririwemi ona kaei. Au nelara 4, taui parivainuägana bagibagina God awarina i kaei. ²⁴ Ma taravaini ma ona nae au Tempol ma ona viaiaina-melemi ma mai vimaia da taui ai viaiaina pulona ina kaei. Anina ma taui kolai ina ġari ma rava anatapui ina aramanei da tam Moses ana tarawatu anina e vovotägoi, ma babani au naona lamna anatapuna moru kaua. ²⁵ *Ma Jentail marina i vivitumägana Aubaii pepa a girumi ma wenanare a riwei, sia e pulopuloei kokoitau awarii ega ina ani, Tara ega ina umai, Rava ġamoġamo uai e kikiki tarai ega ita to-i-tawana, ega ona ani. Ega ona viawawana labalababa.”‡

²⁶ Anina ma marana i tom Paul nai nelarai 4 maiteni i viaina-melei God au matana. Muriae Paul i rui Tempol au orana ma i vinolola pirisi awarii da mara aiwai taui ai viaiaina ina voterei. Ma maranaina polo ita terei taui tagotagogi ava aubai.

Paul i pani.

²⁷⁻²⁹ *Ma aupom 7 aburuna ava da ita kwa ma Jew ġelau au Eisia provins maemae taui Paul i 'nanai Tempol au orana. Au naonei taui Paul i 'nanai oroto Ephesusei wavana Trophimus maiteni, au taon i babbara ma i notai da tauna Trophimus i ruie Tempol au orana. Taui Paul i vojjini ma i garara i pa, “Nelara mai Israel ona nei, ona voaguiai! Wei orotona dobu anatapuna e nenaen ma rava anatapui e viviararamani da mai Jew ma ata tarawatu ma Tempol i parivirevirei. Tauna Jentail i neiai gabuna au vivivireina ma i tuvaidoedoi God au matana!”

³⁰ Ma rava anatapui i nonori da au Tempol viġaġiaawa i tupua ma anatapui kampa i ruba. Ma Paul i vojjini ma i taina-opunei au doa ma Tempol metaetana i gudui. ³¹ Maranai taui Paul viraġenana i kaukauei, Mai Rome sorodia ai bada ġaġegaena i nonori da viġaġiaawa ġaġegaena i tupua au Tempol. ³² Tauna laġilägħina ana sorodia ma ai babada i vaini ma i ruba kampa, maranai rava taui i 'nanai, Taui Paul vunuuna i voterei.

³³ Sorodia ai bada i nei Paul awarina da i vojjini ma ana sorodia ruāġa i riwei da seinei Paul urana au urai i pani jijini. Anina ma tauna patara i vitara-virevirei i pa, “Wei aiai orotona? Aiwai i kaei?” ³⁴ Patara au orana rava ġelau babani tagogi i gararei, ma rava ġelau babani tapuna i gararei. Rava were da nare i garagarara da sorodia ai bada menanare ita nelaġai ġaċċawa karenna aiwai, lamna Aubaina ana sorodia egari da Paul ita naiei, ai au bareki. ³⁵ Maranai Paul bareki tetena i tutuġereġerei, patara i ġaċċawa guratana Aubaina sorodia Paul i voepai da i avarai da ita gagaloei. ³⁶ Patara amapo da taui i vovotägoi ma i garagarara i pa, “Ona viraġeni, ona viraġeni!”

Paul patara awarii i babani.

³⁷ Maranai taui aburuna ava da au bareki ita rui, Paul Greekei sorodia ai bada i riwei i pa, “Anina bo ega da awarim ata babani?”

* **21:18:** Wei lamna Iesu ana tevera. Act 12:17; 15:13 ma Mrk 6:3 † **21:18:** Mane anatapui ai u vägai i tam i bo rava i puloi i verei damanai mane taupainina i verei * **21:25:** Act 15:29 ‡ **21:25:** Viawawana labalababa wei anatapuna e vaivaiap: Rava ġela awana oroto bo wawine maiteni e viawawana (Exo 20:14, Deu 5:18); Rava ġela maiteni e viawawana mane bo purapura Aubaina (Lev 19:29, 1 Cor 6:15); Natuoim maiteni e viawawana, me oroto natuna wawinenha maiteni bo wawine natuna orotona maiteni (Lev 18:6); Oroti ma oroto bo wawine ma wawine e viawawana (Lev 18:22, Rom 1:26-27); Rava ma ġamoġamo e viviawawana (Lev 18:23); Rava ġela, ega awaoim maiteni e viawawana (Eph 5:3); Rava ġelau e gaegari da maiteni ma viawawana. (Gen 34:7, Deu 22:25-28). * **21:27-29:** Act 20:4

Ma tauna i aeupai ma i riwa i pa, "Tam Greek u aramanei bo? ³⁸Tau a notai da tam Egyptei, rorova ai babada u vīgaviei, Ma rava 4,000 orai potapotai u opunei au mutulua, Tam nai ravana bo?"

³⁹ Paul i paribelana i pa, "Ega! Tau Jew ei, au taon Tarsus a tupua, au Silisia provins, a vivibagaim da rava awari ana babani."

⁴⁰ Tauna i vianina ma Paul au tete i mairi. Tauna urana i voepai da patara garara i voterei. Maranai taui i genuana, Paul taui awarii ai ponanei i babani i pa.

22

¹ "Amamau ma varevareiu, ona rautanīganue ma ana viatataiemi da tau ega aiwai ata kauana-boai."

² Maranai patarana Paul i nonori da taui ai ponei i bababani, taui i genuana ma i rautanīgan. ³I riwa:

Tau Jew ei, Tarsus au Silisia provins a tupua wate weka au Jerusalem a rata ma a giruma.

Amamata ai tarawatu a girumei ma au tauviararamana Gamaliel.^{*} A goana-guratei da God ata voepaepa-kauei me taumi anatapumi nanare. ⁴*Tau Iesu ana etanai tauvotāgoainga a rau-iviapoapoelei da gelau i rāge. Nelara ma waivine a pani ma au numa panipani a tawana-ruiei. ⁵Pirisi gegetelarana ana boru gegetelarana[†] maiteni i aramanei da tau a ririwa kaua. Taui ai vianina pepana i vereu da ai rava au Damaskas ata verei ma a nae au Damaskas da kerisiana ata pani ma a neiai da kovōga ita vaia weka au Jerusalem.

⁶ Aubenai Damaskas a tūgeregerei ma maratagogi lalaina gamrina gaegaeña marei i gāirai da i tunuiai. ⁷A peu au doa ma pona a nonori i pa, "Saul! Saul! Aiwai aubaina e rarau-iviapoapoeleu?"

⁸Tau a paribelei, "Bada tam aiai?"

Tauna i paribelei, "Iesu Nasaretei e rarau-iviapoapoelei."

⁹Rava maiteini a nena lalalaina i 'nanai wate babani ega ita nonori.

¹⁰ A paridadana a pa, "Bada Aiwai ana kauei?" Ma Tauna i riwa i pa, "Ma vomairi ma nae au Damaskas, Kampa rava am nola ina pariverem."

¹¹ Lalalaina gamrina i rata guratana ma matau i kamoi da ega ata inainana. Ma tauviganigwaniana au urai i voa ma i naieu au Damaskas.

¹² Oroto wavana Ananias kampa i mae tauna God i voepaepai ma ana tarawatu i vovojijina-nonoei. Mai Jew tauna i vivirana-kauei. ¹³I nei da au ririvau i mairi ma i riwa, "Vareiu Saul ma inana me!" Nai marana a inana me.

¹⁴ Anina ma i riwa, "Amamata ai God i rautanim, da ana goana ma aramanei, ana Taunola Jijimanina[‡] - matamei ma inanai, ma riwana tanigamei ma nonori. ¹⁵Aiwal u inainanai ma u nonori ma vimatematei rava anatapui awarii. ¹⁶Marina aiwai e paipaini! Tauai ana babataitoim ma BADA awarina ma raupari da am gōapoapoei ina oga-tawanei."

¹⁷ Anina ma a nae au Jerusalem. Au Tempol a raraupari ma matauei kaua a inanai.

¹⁸ A inanai BADA awarii i bababani i pa, "Rava weka am jima tau aubaiu ega nonorana ita gōegoei. Lāglagina Jerusalem ma opu-tawanai."

¹⁹ Wate tau a paribelei, "BADA wei ravai i aramanei da pari numai a nepai da kerisiana a vunu ma a pani-naie. ²⁰*Ma maranai am peroveta Stephen tarana itoi, tau kampa a maimairi ma ana irāge a vianinei ma gāima tautawanai ai gara a paipaini."

²¹ Ma BADA i riweu, "Ma nae a paripari-tawanem aueia Jentail awarii."

Paul e ririwa da tauna Romei

²² Patarana Paul i rarautanīganai ma maranai wei babanina i kauei taui i meji guratana ma i vigaragararei i pa, "Ona viragena-tawanei, ega ina mae!"

²³ Taui i vigaragararei, ai kwama i kwajikwajie ma pokau i tawatawanei awarina. ²⁴ Ma sorodia ai bada sorodia i egari da Paul i naiei ai au bareki. Ma i riwei da Paul ita wipi da ita viega aiwai aubaina ana rava amlo i gāigai ma awarina i garagarara. ²⁵ Ma urana ruaga i terepai au aidamo ma i rāgiragini da ita wipi ma Paul sorodia ai bada i riwei i pa, "Tau Romei, Ega ota etareu ma o vunuvinu-labalababaiu. Lamna menanare?"

²⁶ Maranai sorodia ai bada wei i nonori ma i nae da ai bada gaegaeña i pariverei. Ma tauna i vitara-vireirei i pa, "Aiwai e kaukauei? Wei ravana Rome-ei!"

* 22:3: Act 5:34-39 * 22:3: Gamaliel tauna tauviararamana ma rava aiaina Paul ana au mara. Tauna Pharsi ma boru gegetelarana (Sanhedrin) au orana. * 22:4: Act 8:3; 26:9-11 † 22:5: Sanhedrin ‡ 22:14: Rava Jijimanina bo bulobulona, lamna Iesu wavana. Paul ega Iesu wavana ita latoni mepa da taurautanīganai mai Jew ita viamlōgaigaini.

* 22:20: Act 7:58

²⁷ Sorodia ai bada i nae Paul awarina ma i paridadanei, “Ma riweu! Riwa kaua da tam Rome ei bo?”

Ma Paul i paribelei, “Ee, lamna riwa kaua!”

²⁸ Sorodia ai bada Paul i riwei, “Tau mane ġaēgaena Rome gabemanina a verei da a vimai Rome.”

Paul tauna i riwei, “Tau a tupua da Rome-ei.”

²⁹ Sorodia i ġoie da Paul ita etarei wate maratagogi ita ġori-melei. Ai bada ita ġori ma i rovo-kauau maranai i aramanei da i kauana-boai da Paul, Rome-ei seinei i pani.

Paul Jew ai boru ġetelarana § au naoi i mairi.

³⁰ Au maratomna sorodia ai bada i ġoie da ita aramana-kauei mai Jew ai viwatu aiwai Paul awarina. Ma lamna aubaina Paul ana seini i votawatawanei ma i opunei boru ġetelarana au naona i vimairini.

23

¹ Paul boru ġeġetelarana i 'nana-jijini ma i riwa, “Varevareiu tau au nola God awarina i jijimana ma orau aiaina da wei paratana.” ² Ma Pirisi ġeġetelarana Ananias rava ġelauna Paul au ririvana i maimairi i egari da Paul i raunavanaval. ³ Ma Paul Ananias i riwei, “God ina raunavanavaim, tam morumorum! Moses ana tarawatuei e rarauetareu wate maranai am rava u riwei da i raunavanavai tam tarawatu u viaigai.”

⁴ Taui Paul au ġeregerena i maimairi Paul i riwei, “Aiwai aubaina God ana Pirisi Ġetelarana e vivijibog?”

⁵ Paul i paribelei, “Varevareiu ega ata aramanei da tauna God ana Pirisi ġeġetelarana. Au buka i terei da *Ega God ana taunola ma parvai-apoapoeni.*” (Exodus 22:27)

⁶ °Anina ma Paul i 'nanai da Sadusi ma Pharisi ġelaui kampa ma ponana i rata ma i riwa, “Varevareiu tau Pharisi, amau maiteni Pharisi. A vivitumaġana da God rava iraġelei ina vovaimairi wei lamna aubaina taumi o etaetareul!” ⁷ Maranai wei i latoni Pharisi ma Sadusi viparipariniġai i raukarei ma boru i kai da ruaga. ⁸ °Aubaina Sadusi e ririwa da rava e irairāġe lamna ega ita vovomairi me, ma anela da aruarua ega ita vivitumaġanei, wate Pharisi wei anatapui e vivitumaġanei.

⁹ Ĝaiawa ġaēgaena i tupua ma tarawatu babadai ġelaui taui Pharisi, i vomairi ma i babani guratana i pa, “Tauai ega aiwai apoapoeni ata inanai wei ravana awarina! Mepa da anela bo Bada Aruana tauna awarina i babani?” ¹⁰ Vigaġiġaiawa ġaēgaena i tupua ma sorodia ai bada i rovo mepa da rava Paul ina viaiskasikai ma sorodia i egari da i rui ma Paul i taravaina-opunei ma ina naieia bareki.

¹¹ Ma waguvvarai ġelauna, BADA Paul au ririvana i mairi ma i riwei, “Tepam ina tora! Me aubaiu jima au Jerusalem nanare aubaiu au Rome ma jima.”

Mai Jew i vioga da Paul ina virägeni

¹² Ubaubanai mai Jew ġelaui i vitagoei ma i viogatara ma i parivainuāġana da ega ina am bo ina uma da Paul ina virägeni. ¹³ Nelara 40 nanare i vianina da Paul ina virägeni. ¹⁴ Taui i nae pirisi babadai ma dogadogara awarri ma i riwei, “Tauai parivainuāġana bagibagina a kauei da ega ana am da Paul ana virägeni.” ¹⁵ Taumi Boru ġeġetelarana maiteni ona moru ma riwa ona pari-tawanei sorodia badana awarina da Paul ina neiae ma ona vitara-virevirei da riwa kaua ona vaia. Tauai ana vipaipai da ana virägeni muriai da weka ina ġetai.

¹⁶ Wate maranai Paul avuna wei ogatarana i nonori ma i nae sorodia ai au bareki ma Paul i pariverei.

¹⁷ Ma Paul sorodia badana i ġoreiae ma i riwei, “Wei laragana laġilagħina ma niaeji ami bda awarina da ana riwa ina riwei.” ¹⁸ Ma i niaeji bda ġaēgaena awarina ma i riwei, “Panipani wawana Paul riwa i paritawanei awarriu ma i riwei da wei laragana ata neiae awarim aubaina am riwa awarina.”

¹⁹ Sorodia ai bada ġaēgaena laraga i vinimavoai ma i maeria ma i paridadanei, “Am riwa aiwai ma riweu?”

²⁰ I riwa, “Mai Jew i riwa da ita vibagħim da au maratom Paul uta niaeji ai au Boru ġeġetelarana, Wei anatapuna moru. ²¹ Wate ega ma rautaniġanei aubaina rava 40 nanare pota e paipaini da ina virägeni. Taui i vioga da ega ina am da Paul ina virägeni. Taui i vokaukaua ma am vianina ava e paipaini.”

²² Ma bada laraga i riwei da ega aiai ina riwei ma i paritawanei.

Taui Paul i paritawanei Gavena Felix awarina.

²³ Anina ma sorodia ai bada ġaġġena babada ruaga ī ġoreiā ma i riwei, i pa, “Sorodia sod ravai 200, aiera ravai 200 ma hos ravai 70 ma vaia ma ona vokaukau da waguvvarai 9 oklok ona vomairi. ²⁴ Hos biäga ona vaia Paul aubaina da aiaina ona naiei gavena Felix awarina au Caesarea.”

²⁵ Ma sorodia ai bada pepa wenanare i girumi:

²⁶ Tau Claudius Lisiás, a girugiruma awarim au bada vinualaulaunam, Gavena Felix.
Egualau.

²⁷ Mai Jew wei orotona i vojjini ma ita virägeni, wate maranai a nonori da tauna Rome-ei ma lamna aubaina au sorodia maiteni a opu da au urai a vaitawanei. ²⁸ A ġoēi da ata aramanei ana apoapoe aiwai, da ata naiei ai Boru ġegetelerana awarina. ²⁹ Ma a nelagai da viwavuna lamna tauiava ai tumaġana kauai ma Rome ana tarawatuei lamna tauna ega aiwai apoapoena ita kauei da ata virägeni bo at apani. ³⁰ Maranai riwana a vaia da mai Jew i ġoēi da govagovaġanei tauna ita vunu. Lamna maratagogi a paritawanei awarim, ma nanare tauviwawu a riwana-guratei da kampa ina ġetai da ai viwawu ina kauei.

³¹ Ma sorodia ai babada i ririweia nanare i kauei ma waguvvarai Paul i taravaini ma i naiei da au taon Antipatris i ġeta. ³² Au maratomna aiera ma sod sorodiae i naeme au Jerusalem ma hosi sorodia Paul i naei au Caesarea. ³³ Maranai hosi sorodiae au Caesarea i ġeta pepana ma Paul gavena i veredamanei au urana. ³⁴ Gavena pepa i ‘avi ma Paul i paridadanei metauna provins-na u tupua ma i riwa, “Silisia.” ³⁵ Gavena i riwa i pa, “Am etara ana nonori maranai am tauviwawu ina ġetai.” Ma sorodia i naiei Herod numa i voavoiana da ita inana-vaitetei.

24

Paul Gavena Felix au naona i mairi

¹ Aupom 5 au murina Pirisi ġegetelarana Ananias ma dogadogara i ġaira au Caesarea ai taurauetara wavana Tertelus maiteni. ² Ma Paul i ġoreiā gabemani au naona. Ma Tertelus i vomairi ma viwavuna i vikarei:

Au bada Felix* vinualaulaunam, Am vibadanei ta mae ubauba ma ata nota ega aiwai. Ma kaua vouii ma aiaii u kaukauei ata dobu voana aubaina i voagu-kaueta. ³ Anatapuiā mepamepā a mamae a vinuiai kaua tam awarim. ⁴ Wate ega ata ġoēi da ana visinaviraviraim. Ma lamna aubaina a ġoēgoei da uta rautaniġaneu mara aburuna ava.

⁵ Tauai a nelagai da wei ravana lamna orana potapotana ma viġaġaiawa tauvikareina mai Jew awarii dobu au anatapuna. Tauna boru vouna e ġoreġorei mai Nasaret† ai bada.

⁶ Tau i ġoēi da Tempol maiteni ita tuvaidoedoi ma lamna aubaina a pani. ⁷ ⁸ Ma rauetarei ma ma nelagai da ai viwawu lamna anatapui riwa kaua.

⁹ Ma mai Jew Tertelus au murina i mairi ma i riwa, “Wei babani anatapui riwa kaua!”

¹⁰ Anina ma Gavena Felix Paul i raumotemotei da ita babani. Paul babani i vikarei i pa:

Au bada vinualaulaunam, a aramanei da tam madeġa biäga wei dobuna ait taurauetara lamna aubaina tau ana nuaubau ana babani aubau. ¹¹ Am rava ina riwem da tau pom ota aupom 12 nanare a ġeta memei au Jerusalem da BADA ata voepaepai. ¹² Au tauviwawu ega ita nelagaiata viġaġaiawa au Tempol bo au boru-numana bo mepa nanare au Jerusalem.

¹³ Ma ai viwawu tau awariu menanare tana aramanei da lamna riwa kaua? ¹⁴ Wate riwa kaua da tau amamata ai God a voepaepai ma BADA Iesu ana etanai, a votaġotagoi ma taui e riwi da wei lamna taparoro morumoruna. Wate nanare Moses tarawatu i girugirumi ma God ana peroveta nununai i girugirumi anatapua vivitumaġanei. ¹⁵ Tau God awarina a vitumaġana guratana me ravai nanare, da tauna muriai rava anatapui iraġelei ina vilawana-melei, ravai aiaii ma rava apoapoei. ¹⁶ Lamna aubaina a kaukauana guratei da orau ina ai rava ma BADA awarii.

¹⁷ *Jerusalem a netawanei madeġa biäga i kwa ma pom ota a nememei da molamolakai ata puloi ma pulo ata kauei God awarina. § ¹⁸ Tau aiaiu, maranaina i nelagai au Tempol

* ^{24:2:} Felix ana au vibadana lamna ega ita ai. Tertelus lamna Felixi gwalgħalameru da Paul ita viwawu ma ita pani. Felix rava vita ġaġġei i verei da madeġa ruaga i kwa Sisaei Nero wei ravana i viopuni. Gavia ġaġġena i tupua ma Jew Rome i viġaviei ma taui Jerusalem irikai da ega aiwaina ita mae.

† ^{24:5:} Wava Nazaren ħamra Iesu ana tauvotagħoġi ebabniei aubaina tauna Nasareti. Maranai Tertelus taui e ġorei Nazaren ħamra Krisiana e viviġibgi. Jew Jerusalem ei ma Judea Provins anatapuna mai Galili provins ravai e inainana gairei, (John 1:46 ma iav). Tauna wate e riwi da menanare Paul e tapatparoro nei lamna mai Rome ai tarawatu e viviġaqi.

‡ ^{24:7:} Verse 7 lamna buka waduwaduboi biäga au orana e mamae, wate buka Greek ponanei i girugirumi maġgamagħau wei ves-na au orana ega. ^{§ 24:17:} Act 21:17-28 ^{§ 24:17:} Madeġa 5 i kwa ma Paul i nememei au Jerusalem da ita mae mara aburuna da tauvitumaġana ita vovavirewpani ma ana barbara ma nolana aiaina ita virautuei. (Act 18.22)

viaina pulona a kaukauei. Ega patara maiteni ma ega visinaviravira. ¹⁹ Wate mai Jew gelau Eisia provinsei i nei kampa. Taui mepa marina! Ita nei au naom da ai viwatu ita terei. ²⁰ Bo babada weka ita riweta au apoapoe aiwai maranai boru gegetelarana au naona a mairi. ²¹ *Wate mepa da maratagogi awarii a garara a pa, "A vitumagana da God rava anatapui iragelei ina vovaimairini! Lamna aubaina tau weka a maimairi."

²² Felix tauna BADA Jesu ana Etanai riwana i aramana-kauei, boru i gudu ma i riwa, "Maranai sorodia ai bada Claudius Lisiias ina nei, ma ina paribelem." ²³ Ma sorodia ai bada i egari da Paul ita iniana-vitetei ma ita voterei da ita bababara ma ana rava ita nei da ita raraugenari.

Paul Felix i viararamani

²⁴ Aupom biaغا au murina Felix awana Drusila maiteni i nei. Drusila lamna wavine Jew ei. Ma riwa i paritawanei da Paul i neiai, ma rava ai tumagana Iesu Keriso awarina i babaniei ma Felix i rautaniгana. *

²⁵ Wate maranai Paul babani i vikarei da God ana goana, da rava lawana aiaina ma jijimanina ina maen, ma erawa kauai ma go'apoapoe ina geduaiei, aubaina mara e nenei maranai rava anatapui ina etarei. Felix wei babanina i nonori tauna i rovo ma Paul i riwei, "Ma nae! Ma maranai ana goem lamna ana kwatuem." ²⁶ Ma Felix i goegoei da Paul tauna manelei ita gwalai ma lamna aubaina mara i maga i raukwatuei ma awarina i babani.

²⁷ Madega ruaga au murina Felix i rautom ma ana gabu Posias Festus i vaia. Felix i goei da wavana ita ai mai Jew awarii lamna aubaina Paul au numa panipani i votere-tawanei.

25

Paul i vibaga da Sisa au naona ita mairi

¹ Festus i geta au Caesarea da ana nola ita vikarei ma aupom vitonuina i gae au Jerusalem.

² Weka pirisi gegetelarana ma dogadogara Festus i nebelei ma ai viwatu Paul awarina tauna i verei. ³ Ma Festus i vibagai da ita voagui da Paul ita paritawanei au Jerusalem. Taui ava i vioga da Paul au etanai ita virageni. ⁴ Wate Festus i paribelei i pa, "Paul au deri au Caesarea ma tau a gaiгairai me kampa aupom ruaga au murina. ⁵ Mepa da Paul aiwai i kauana-boai lamna ami Babada maiteni ana gaira da kampa ami viwatu ina terei."

⁶ Aupom 8 da 10 nanare au murina Festus i gaira me au Caesarea ma maratomna au numaaetara i kiala ma ana sorodia i egara da Paul ita ruieiai au naona. ⁷ Maranai Paul i ruieiai, ma Jew babadai Jerusalem ei i gairai i nei awari ma ina viwau, kaua magamaгai apoapoei aubaii. Wate taui ai viwatu anatapui anona ega.

⁸ Paul wei *viwau i vinua-naini ma i pa, "Tau ega aiwai apoapoenata kaei mai Jew ai tarawatu awarina bo ai Tempol awarina bo Caesar awarina."

⁹ Wate Festus i goei da mai Jew ita vinuaian lamna aubaina Paul i paridadanei i pa, "E goegoei bo ega da tana gae au Jerusalem ma etara?"

¹⁰ Paul i riwa, "Tau marina Caesar ana au etara gabuna a maimairi, weka ina etareu. Tam u aramana-kauei da tau ega aiwai apoapoenata kaei mai Jew awarii. ¹¹ Wate mepa da aiwai apoapoenata kaei lamna ma virageni. Tau ega irage ata rovoei. Wate mepa da wei lamna viwatu moru lamna ega aiai ana rewapania ita mamae da ina veredamanu. Tau a viviba^ga Caesar awarinal!"

¹² Festus Caesar ana dogadogara ai nota i vaia ma i paribelana i pa, "Tam u vibaga Caesar awarina, Anina Caesar awarina ma nae."

Festus Paul ana babani gulau Agrippa i pariverei

¹³ Aupom biaغا au murina gulau Agrippa[†] novuna Benisi maiteni i nei au Caesarea da gavena vouna Festus i raugegeni da ita viegualaei. ¹⁴ Ma i mae aupom vomagauna ma Festus Paul i rarauetara gulau i pariverei i pa, "Felix panipani tagogi weka i voterei. ¹⁵ Ma maranai a nae au Jerusalem mai Jew ai pirisi babadai ma dogadogara ai viwatu i neiai awariu ma i vibagai da Paul ata virageni.

* 24:21: Act 23:6 * 24:24: Mepa da Drusila Jew wavinena awarinei Felix wei ravai e goregorei tauvitumaгana i aramanei. Drusila lamna Herod Agrippa natuna guguinina umauna ana madega 20. Tauna wavalatona Siriei i ravagi wate i voterei maranai ana madega 16 da Felix i ravagi. Wei lamna ana tavine viruainina ma Felix ana tavine vitonuina.

* 25:8: Paul au Tarsus i tupua wate tauna wavana Rome gabemanina awarina. Lamna aubaina tauna ana rewapania e mamae da ana nuabola ina naiei au Rome da Caesar ina rauetarei. † 25:13: Wei lamna Herod Agrippa 11, Herod Agrippa 1 natuna.

¹⁶—Ma a riwei da tauai mai Rome ai tarawatu e ririwa da ega rava ana kovoغا labalababai da au naona ana rauetarei. Tau ina ̄getai da ai viwawu taurauetara au naona ina mairi da ina gagaloana-melei. ¹⁷ Maranai tauviwawu maiteni weka a ̄getai. Tau ega ata vipaipai ma maratomna a egara da ravana i neiai da ita etara. ¹⁸ Tauviwawu i vomairi ma a notai da aiwai apoapoenia aubaina ita viwawu wate ega. ¹⁹ Anina kaua biaga ava ai taparoro kauaii, ma rava tagogi irairagena wawana Iesu i vitarapiriei. Wate Paul e ririwa da Iesu lawalawaina. ²⁰Tau nuanau i raagara menanare riwa kaua ana vinei ma Paul a paridadanei da i vianina da maiteni ata gae au Jerusalem da kampa at a etarei. ²¹ Wate Paul i vibaga da Caesar ana viwawu ina rautaniгanei. Ma sorodia a egari da au numa panipani ina paini da ana paritawanai Caesar awarina.”

²² Ma Agrippa Festus i riwei, “A ̄goei da ravana ana babani ana rautaniгanei.”

Ma Festus i paribelei, “Anina, au maratom ma rautaniгanei.”

Gulau Agrippa Paul i rautaniгanei

²³ Au maratomna gulau Agrippa ma Benisi gulau garai i oteni ma ana gabemani babadai ̄gægæma maiteni, i arana-ruiei au boru numana. Festus ana sorodia i egari da Paul i ruieiai.

²⁴ Festus i riwa, “Gulau Agrippa ma anatapumi o rieiai weka, wei ravana o inainanai! Tauna mai Jew au Jerusalem ma weka au Caesarea e ̄goegei da ina iraѓe. ²⁵ Wate tau a nelagai da tauna ega aiwai ita kauana-boai da ina iraѓe. Wate i vibaga da Caesar tauna ina rauetarei. Lamna aubaina a pariparitawanai Caesar awarina. ²⁶ Wate Caesar aiwai ana riwei, ega at a ramanei aiwai ana girumi? Lamna aubaina a neiai awarimi ma tam gulau Agrippa maiteni da tana babaniei da nota ona vereu da aiwai ana girumi. ²⁷ Aubaina ega ita ai da panipani ana paritawanai Caesar awarina ma ana viwawuna ega!”

26

Paul ana gudu i tarai

¹ Ma Agrippa Paul i riwei, “A vianinem da ma babani.” Ma Paul urana i voepai ma ana gudu tarana i vikarei² i pa:

I ai kaua gulau Agrippa da amadodo tam au etara e rautaniгanei da Jew babadai ai viwawu awariu ana tere-vajijimani. ³Tau aramanei da tam mai Jew ai giu ma ai pariparigai u aramanana-kuae. Lamna aubaina a vivibaѓaim da au paribelana ma rautaniгanana-kuae.

⁴ Mai Jew anatapui au lawana i aramanei, aburu da marina, au dobu oina da au Jerusalem. ⁵*Tau rorova ava i aramaneu ma ina riwem da tau ai boru bagibagina ma piripirina, Pharisi au orana a rui ma tarawatu anatapuna a vojjina-kuae. ⁶ Ma marina a vivitumaѓana da God aiwai noinoita i parivainuаgani ina kuae. Ma lamna aubaina tau weka a maimairi. ⁷Wei parivai-nuaѓanana ata dam 12 e vipaipaieid ina nei lamna aubaina ata rava i vippatutu ma marai ma waguvarei God e viviborumei. Au gulau wei vitumaganana aubaina mai Jew e viviwavuu. ⁸ Aiwai aubaina o notanotai da God ega tagotagogina da rava iraѓelei ina vovaimairini?

⁹*Tau au naona a notai da aiwai anatapuna ata kuae da Iesu Nasaretei ata viгavie.

¹⁰ Ma anina lamna a kuae au Jerusalem. Pirisi ̄gegetelerana babadai pepa i verei ma lamna i vovai-virewapaniu ma kerisiana vivivireii maѓamaѓau au numa panipani a terei, ma nanare ai iraѓe a vianinei. ¹¹ Mara maѓamaѓau boru numai a naeni da kerisiana a vununaei da ai tumaѓana ita boviei. Amlou i ̄gaѓai kaua da dobu ̄gelau a naeni kerisiana a baibaei.

¹² Mara tagogi pirisi babadai au Jerusalem pepa i vereu da rewapani i vereu ma a nae au Damaskas. ¹³ Ma aubenai nanare, tau au etanai a nenae ma a inanai, lalalaina marei i ̄gairai ma i lalaiai, gamrina madeѓa i ̄getawanai! Au rava maiteni a bababara i lalaiai. ¹⁴ Anatapuiai a vipeuna au doa ma pona Hebrewei awariu i bababani. I riwa, “Saul, Saul aiwai aubaina e viгavie? Tam e ̄goegei da Tau ma viapoapoeniu wate ega da tam e viviapoapoenia-melem!”

¹⁵ Ma a paridadana, “Bada tam aiai?”

Ma BADA i paribelei, “Tau Iesu, ravana tauna e viгavie. ¹⁶ Wate ma vomairi. Tau a nei awarim da vaivai at a verem da ma vitaunola Tau aubaiu, ma amadodo aiwai u inanai ma aiwai ana viatai, ma vimatamatei rava awarii. ¹⁷ Tau ana gagaloem am rava mai Israel awarii ma nanare Jentail ravai awari, ma ana paritawanem Jentail awarii, ¹⁸ da matai ma vikalai, da ai lawana apoapoe ina voterei ma ina nei au lalalaina, ma Satan

ana rewapana ina votere-tawanei ma ina nei God awarina. Tauna ai gó'apoapoe ina nota-tawanei, ma ina taravaini natunatuna rarauntanii, ai tumagana awariu aubaina."

¹⁹ Lamna aubaina Gulau Agrippa, tau riwa marei au inana a inanai a voteletelei. ²⁰* Au naona a jima mai Jew awarii au Damaskas ma nanare au Jerusalem ma Judea anatapuna ma muriai Jentail maiteni awarii. A jima da ai gó'apoapoe ina votere-tawanei ma ina mae-tavirei God awarina, ma ai lawana ina vimataira da ai kaua apoapoe i votere-tawanei.

²¹ Wei babanii aubaina mai Jew au Tempol i vojjinuu ma i góei da ita virağeniu. ²² Wate God i vilawaniu da marina, ma weka a maimairi da a vimatamatu rava muomuoi ma nanare rava gaegeai awarii. Aiwai a bababaniei lamna peroveta nununai ma Moses i ririweta ina tupua. ²³* Taui i riwa da tauvilawana Keriso ina vinuapoapoe. Ma tauna ina irage ma ina vinao da ina vomairi me ma wei matairana ina vinolanola da tauna God lalalaina mai Jew ma Jentail aubaini.

²⁴ Weka Festus i vionağı ma i garara Paul awarina, "Tam u bu! Am aramana i vibuaim!"

²⁵ Wate Paul i paribelei, "Au bada Festus tau ega ata bua. Tau aiwai a bababaniei lamna riwa kaua ma babani anona. ²⁶ Wei kaua ega govagovağana ma aramanei da Gulau Agrippa anatapuna i aramanei, ma lamna aubaina ana teptatorau wei kauai ana babaniei awarina." ²⁷ Paul Gulau Agrippa i riwei i pa, "Peroveta e vivitumağanei bo ega? A aramanei da nanare!"

²⁸ Ma Agrippa i paribelei, "U notai da tau lağılägina ma sinaviraiu da ana vikerisiana!"

²⁹ Paul i paribelei, "Lağılägina bo amapo, a raraupari God awarina da tam ma rava anatapui wei au boruna ina tupua-vira me tau nanare wate ega sein maiteni."

³⁰ Anina ma gulau ma gavena ma Benisi i vomairi ma i nae. ³¹ Ma anatapui i nena ma i babani vivira ma i vianina i pa, "Wei ravana ega aiwai apoapoena ita kuei da tana virağeni bo tana pani."

³² Ma Agrippa Festus i riwei, "Mepa da ega ita vibaga gae Caesar awarina, lamna marina tata rupeni."

27

Paul wagei i vağai nae au Rome

¹ Festus mara i tereteri i getai da tauai ata nae au Rome. Paul ma tau ma panipani gelau mai teni au waga a geru ma a vağai Rome aubaina. Rome ai sorodia badana wavana Julius au urana i terelai. Tauna Caesar ana sorodia vinevinena. ² Waga Adaramitei i nei da a geru ma wagana i gota-nae au Eisia provins gerana. Orotu wavana Aristakas ana dobu Thesalonika au Masedonia provins tauna maiteni i geru.

³ Au maratomma au Sidon taon a gota, Julius ivina i ai Paul awarina ma i voterei da i opu au gera da ana rava ita raugenari ma ana góana aiwai ita vibägei. ⁴ Muriai wagei a opu da a nena ma ive i verau-matamataniai ma lamna aubaina bonabona au Saipras ma dobu gaegeena au pouna au mulağina ambori. ⁵ Ma boga gaegeena a bori da Silisia provins da Pamphilia provins geraii a voterei da au Maira taon a rui au Lisia provins ⁶ Au Maira taon kampa sorodia badana mai Egypt ai waga Alexandriei i nena au Italy kampa i vigeruai. ⁷ Ma aupom mağamağau nuatauai a ruba ma a voia guratana da Cinidus taon a tuğereğerei wate ive i verau-matamataniai da kampa waga a virai da Crete bonabonana ma mutu Samone au poui au mulağina a nae. ⁸ Ma kampa nuatauai bonabona Crete gerana a naeni aubaina mara i apoapoe ma a geta dobu e góregorei U Aiaina, Lasea taon au góregeregena.

⁹ Mara gaegeena a vine-boai au vağai* ma Rupena Ujina marana boibogi i kwa,† marina lamna ive ma rabama ai mara ma boga babarana i vinirovoro. ¹⁰ Ma Paul i riwa, "Nelara, malana a vaivai da ata vağai ina apoapoe kaua ma waga ma purapura tana vine-boa-pai. Ata lawana maiteni tana vineboai." ¹¹ Wate sorodia ai bada, kapena ana babani i rautaniğanei ma ega Paul da kampa at a mae ma ega ata nae. ¹² Wei gabuna ega ita ai wei ivena au marana ma rava mağamağau i goei da waganei at a nae da Phinix una, Crete au bonabonana da kampa at a mae da bodu ita kwa. Wei u gaegeena ma mutuui lavarata ma rauanağı e vinao-vererei, da au mulağina e mamae.

Kojikojira Gaegeena

¹³ Maranai rauanağı i vikarei ma waga ravai i notai da marina mara aiaina da ita nae au Phinix una. Ma anika i taini ma Crete bonabona geraei i nae. ¹⁴ Ma ega barana ita uama

* 26:20: Act 9:20, 28-29 * 26:23: Isa 42:6; 49:6 * 27:9: Iri i parei da kojikojira ana mara ma i vağai. † 27:9: Eng. Atonement bo Yom Kippur marana wei lamna September bo October rabama ma ive ai mara

ma kojikojira[†] olei iveiai.¹⁵ Ive wagana i verau-matamatani ma waga ega tagotagogina da ita vobelei ma i voterei da ive waga i avara-opunei.¹⁶ Bonabona aburuna Kauda gerana au mulafigina a ruba ma kampa a voia guratana da dingy a terepai au waga da a ragita-jijini.¹⁷ Wei i kauana vorovei ma guravei waga au gabaurina da waga adana i rafigita-kwaviviroi. Taui i rovo mepa da au maratete ina amgaena au Syrtis,[§] Libya au gerana. Lamna aubaina guravei ai da kuka, i rafigita-tagogie ma au boga i viorereni da waga ita bibi. Ma i voterei da kojikojira waga i avara-naiei.¹⁸ Maratomna kojikojirana i rarauguratanelei da purapura gelauai au boga a viorereni.¹⁹ Aupom vitonuina taui waga purapurai i viorereni au boga.²⁰ Kojikojira i ruba da aupom biaga da madega ma ubona i puru. Ravai ai nota i kwa.

²¹ Wei au marana rava au waga am i kauana-avei, anina ma Paul i vomairi ma taui i riwei, "Nelara ota rautaniganu ma Crete ega tata oputawanai, amapo waga ega tata viapoapoeni ma ataa purapura ega tata vineboai.²² Wate a ririwana-guratemi da ega orami ina peul! Aubaina avena da waga ina monu wate ega ina irage.²³ God lamna tau au BADA ma ana taunola tau. Waguvvarai God ana anela i paritawaneiai awariu.²⁴ Ma i riwa, 'Ega ma rovo! Tam anina da Caesar au naona ma etara! Ma gelaua lamna God ana nuavaina maemaena rava anatapui maiteni ve vagavaagai ina lawana.'²⁵ Lamna aubaina tepami ina tora! Aubaina tau God a vivitumaganai ma menanare i ririweia nanarena ina tupua.²⁶ Wate tauta au maratete tana amgaena."

²⁷ Kojikojira i avara-naielai au Mediteranean Bogana da aupom 14 i kwa ma nubautuva waga ravai malana i vaia da taui gera i tufigeregerei.²⁸ Ma barawa au giana gaima i rafigini ma au boga i tawanana-gabei da topa ana gabinou ita aramanei. Ma i aramanei da 40 meter ma i mae aburuna ma i raudadana-melei lamna marina 30 meter.²⁹ Ma taui i rovo mepa da rabama waga au kira ina vairikarikai lamna aubaina waga au ipuna anika 4 i tawana gairei ma i vipaipai da mara ina tom tawanana.³⁰ Ma waga ravai ai kaua i kaukauei da ita rubagovaga. Ma i vioga da dingieit a opu waga au naona da anika ita dubara-naiei, ma lamna aubaina dingy i teretere-gairei au boga,³¹ Wate Paul sorodia ai boda maiteni i riwei, "Mepa da waga ravai ina rubatawanem lamna anatapumi ona irage."³² Ma sorodia dingy guravana i borituii ma dingy kwakwavina i peu au boga ma i avara-naiei.

³³ Ma maratomtomai Paul rava anatapui i egari da ita am, i pa, "Taumi marina aupom 14 rovo i kauemi ma ega ota am."³⁴ "Tau a vivibaga-guratemi da ona am da ona virewapania, ega aiai tagogi ina irage."³⁵ Paul i babani vorovei ma au matai palawa i vaia, BADA i viégualaei ma i vogimai ma i ani.³⁶ Ma rava anatapui inanai ma orai i bagibagi ma am i vikarei.³⁷ Tauai anatapui 276 au waga.³⁸ Ma rava anatapui i am da i am-iua. Ma witi baikei au boga i viorereni da waga ita votelateli da au gera ita gota da avena ita amgaina.

Waga au maratete i amgaena

³⁹ Maranai mara i tom tawanana taui dobu i 'nanai wate gerana ega ita aramanei, wate U inanai da gerana aiaina ma i notai da gerana aiaina da waga kampa ita viagaeni.⁴⁰ Anina ma anika gurawai i viaituituini, ma labilabi i tere-gairei, ma waga au naona kuka voaburunei i votawatawanai ma gera aubaina i ruba.⁴¹ Wate waga au maratete i amgaena da i tapaiei, ma rabama waga ipuna i vairikarikai.

⁴² Sorodia i goei da panipani ita viraageni, da avena ita toa-gaira au gera ma ita viruberubei.⁴³ Wate sorodia ai boda i goei da Paul ita vilawani ma i viagai, anina ma ai viogatara ega ita kaei. Ma tauai aiavoitoa i aramanei i egari da i viauepa au boga ma i toa-gaira au gera.⁴⁴ Ma gelauai aiwai da i tenatenam i vidauei. Ma nanare anatapui lawalawaii au gera i gota.

28

Paul au Malta bonabonana

¹ Maranai a gota au gera ma a aramanei da tauai au Malta bonabonana.² Dobuna ravai i nebelai ma ivii i ai kaua awariai. Garewa atuna i vikarei ma i ubauba, ma taui au gera ai i viviri.³ Ma Paul ai ragorago i guna da ai au tepana i tereterei ma mota gaigaiawana ai bolana malana i vaia da i opu ma Paul nimana i ani.⁴ Dobuna ravai i 'nanai da motana Paul au nimana i dawedawe ma i pari-ararava, "Wei ravana lamna tauvirafigena ma ega ita monu wate ata god"^{*} e ririwa da tauna ega ina lawana.⁵ Wate Paul motana i viaikwajie da ai au menamenana i raeui ma tauna ega ita kero.⁶ Rava i vipaipai da Paul nimana ita dodo bo ita peu da ita irage. Wate maranai i vipaipai guratana ma i 'nanai da tauna anina, tauai ai nota i virai ma i riwa da tauna god gelauna.

⁷ Au gerana a gotagota - lana au gereggerena lamna dobuna badana Publius ana wapu gaegena. Tauna i taravainiai ma i paina-kuelai da aupom tonuaga⁸ Publius amana i doria

[†] 27:14: Kariwabu gaegaena [§] 27:17: Wei lamna maratete. ^{*} 28:4: God wavinena wavana kaua aiaina bo kaua jijimanina (Justice).

manawa ruba ma iniğugura i vaia da i matamatave, Paul i rui inanana aubaina ma urana au tepana i terei ma i raupariei ma i vilawani.⁹ Anina ma rava anatapui doridoriai au bonabona i nei ma i vilawani.

Paul au bonabona Malta da i nae au Rome

¹⁰⁻¹¹ Kampa mai Malta maiteni a mae nawaravi tonuğā. Ma ravai i voagu-kuelai ma maranai ata vomairi, ai ġoana vağai aubaina anatapuna i verelai. Ma waga ġelauna a gerui lamna mai Alexandria ai waga bodu aubaina kampa i mae. Waga au naona lamna ai god ruağā kokoitaui i tai†. ¹² Kampa ma a amkuka-nae da au Sairakius a ġota ma a mae aupom tonuğā ¹³ Kampa da ambori damana au Regium ma maratomna rauanağā i wanabauni ma amkuka ma geraei a ruba da maratom ġela au Puteoli a ġota. ¹⁴ Kerisiana kampa a nelagai ma i riwelai da maiteni a mae wiki tagogi. Anina ma a babara-nae da au Rome taon a geta. ¹⁵ Kerisiana au Rome riwaiai i vaia da a nenei ma i ġei da ita nebelai, ġelaui i ġei au taon e ġoreġorei Vaġavāġai Tonuğā ai Numa ma ġelaui i ġae Apius ana au maket. Maranai Paul wei ravai i 'nanai, ma i vinuaiai kaua ma God i viegualaeui. ¹⁶ Maranai au Rome taon a ġeta taui Paul numia i verei da ainelana i mae ma sorodia i terei da i 'nana-vaitetei.

Paul au Rome i rauġugula

¹⁷ Ma aupom tonuğā au murina Jew babadai kampa maemaei i rauġoreiāi ma awarii i babani, "Varevareiū tau ega aiwai ata kauana-boai ata rava awarii bo amamata ai tarawatu ata viaigai. Wate au Jerusalem i paniu ma i veredamaneu Rome gavena awarina. ¹⁸ Mai Rome i etareiu ma i ġoei da ita rupeniu aubaina ega aiwai apoapoenā ata kauēi da ina virāgeniu. ¹⁹*Wate Jew babadai wei ega ita ġoei ma lamna aubaina Rome babadai a riwei da tau ega ana mae wate ana ġae au ġaġġaena Caesar awarina da ita rauetareiu. Wate lamna ega au rava ata viviġavie, ega. ²⁰ Lamna aubaina a ġoremi weka da tata babani gogona, ma ata riwemi da tau a vīpanipani aubaina a vitumağana da mai Israel ai tauvilawana wariağā i ririwei boibogi i nei."

²¹ Taui i paribelei, "Tauai ega pepa Judeaei ata vaia bo ai rava riwa ita neiai. ²² Tauai aramanei da ravai anatapui kerisiana boruna e paripari-virevirei. Wate tauai a ġoei da am nota ana vaia."

²³ Ma taui mara i terei da Paul maiteni ita viboru, ma patara i ġetai mepa Paul i mamaelana. Ma ubaubanai Paul God ana vigulau jimana i vikarei da waguvvarai i vorovei. Moses ana tarawatu ma peroveta nununaii ai au buka i mairi ma i jima. I ġoei da orai ita taini da Iesu ita vitumağanei. ²⁴ Ana babaniei ġelaui orai i taini ma ġelaui ega ita vitumağana. ²⁵ Ma taui ava babanina i vīpariparinigiae ma muriae da ita vilamonei Paul wei riwana tagogi i latoni i pa, "Arua Vivivireina riwa kaua Peroveta Isaiah ponanei amamami i riwei i pa:

²⁶ *Ma nae am rava mai Israel awari da ma riwei,
ona nononora wate ega ona araramanei*

ona inanai wate ega anona ona aramanei.

²⁷ *Aubaina wei ravai orai i bado.*

Taniğai i gudui,

Taui matai i vopotai.

Mepa da taui mataiei ita inainana,

taniğiaeit ita nononora

oraiet ita araramanei,

ma ita mae-tavirei awariu ma ata vilawani.

(Isaiah 6:9-10)

²⁸⁻²⁹ —Lamna aubaina ona aramanei da God Riwana Aiaina vai-melana aubaina i paritawanei Jentail awarii. Taui ina rautaniğana."

³⁰ Paul kampa numa i vivimiae ma i mae madeğā ruağā taputapuna. Ma rava mağamağau i nenei da i raraugenari ma wei i vinuaiae. ³¹ Ana teptatorana God ana vigulau ma Iesu Keriso riwana Aiaina i jimei. Ma ega aiai ita viğaei.

† **28:10-11:** Wei lamna mai Rome ai god rağarağā wawai *Castor* ma *Pollux* ruağā ġoreġore *Dioscuri* bo rağarağā marei, Taui lamna god *Zeus* ma *Leda* natunatui. ☀ **28:19:** Act 25:11